




Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.15/1







Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.15/1



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.15/1



Early European Books, Copyright © 2010 ProQuest LLC.
Images reproduced by courtesy of the Biblioteca Nazionale Centrale di
Firenze.
Ald.2.2.15/1



11
PETRI BIZZARI

VARIA OPVSCVLA,

QVORVM INDICEM

SEQVENS PAGINA

DEMONSTRABIT.



VENETIIS, M D LXV.

PETRI BIZZARI

VARIA OPUSCULA

QUORVM INDICEM

SEQUENS PAGINA

DEMONSTRAT.

De Optimo Principe .

De bello & pace .

Pro Philosophia & eloquentia .

Aemilij accusatio & defensio .

Pro L. Virginio contra Ap. Claudium.

Poemata uaria .



VENETIIS, M D LXXV.



AD ELISABETHAM
SERENISSIMAM
ANGLIAE REGINAM.



SVNT, & fuerunt perplures, qui non minus erudite, quàm luculenter atque ornate de his quæ ad Principis regimen spectant, disseruerunt. Nec enim ullis temporibus quicquam utilius est magisq; necessarium, quàm eos qui reliquis præficiuntur, sæpe admonere, ut agant quæ agenda sunt, uitentq; contraria. Siquidem hoc illis maximum incitamentum esse solet ad considerationem earum rerum, quæ per eos fieri debeant. Quod quidem si euenerit, quàm felices erunt hi populi quibus huiusmodi Principes contigerunt? Tibi uero (Serenissima Regina) superuacanea est huiusmodi exhortatio, cum nihil unquam prætermittas quod ad ueram ac legiti-

A 2 mam

nam gubernationem pertinere animadu-
ertas, adeo ut potius cæteris Regibus ac Prin-
cipibus bene regendi quædam (ut ita dixe-
rim) forma ideaq; sis, quàm ut aliorum præ-
ceptis & cohortatione indigeas. Narrarem
hic præclarissimas corporis, & animi tui do-
tes, nisi hæ omnibus iamdudum innotuissent.
Dicerem quàm felix modo Britannia, nisi res
ipsa pro me loqueretur. Quid ergo (inquiet
aliquis) nouus hic de Principe libellus ad
Reginam sapientissimam? Quid sibi uolunt
tot præcepta? Fateor hæc tibi minime opus
esse. Cæterum patere obsecro, ut uel hoc sal-
tem testimonio aliqua ex parte declarem,
quanta sit mea in te obseruantia quamq; tibi
actuo Regno læta & fausta omnia ex animo
cupiam. Bene interim ac feliciter ualeat tua
Regia Maiestas. Venetiis, Kalendis Iunij
M D LX V.

Tuæ Regiæ Maiestatis

humillimus famulus

Petrus Bizzarus.

Bernard.

Bernard. Thomitanus.

*Legerat attritas Britanno è littore conchas
 Tityrus, ut canas luderet inter oues.
 Inde cruor subito est formosa in veller a lapsus;
 Enituit nullo lana cruore magis.
 Hac te magna Pales, hac donat filia Nerei.
 Iura dabis terris, æquor Elisa reges.*

Benedictus Varchius.

*Dum patrio in folio Dys æqua virago locatur,
 Londinum hos leto protulit ore sonos.
 Fortunam puduit tandem, voluitq; tot amplis
 Nature, atque animi dotibus esse comes.
 At Tamesis: longum viuat Regina per æuum;
 Quæ superat magnas Elysaetha Deas.*

Cornelius Amalthæus.

*Quæ sese arbitrio Phrygiæ pastoris in Ida
 Auratum ob malum supposuere Deæ;
 Nunc Regiam opibus, formâ & virtute decorant
 Prestare aspiciunt lucida ab arce sibi.
 Ipsa tamen cælo magnorum gloria Divum
 Fulget, & inuictæ numine restat honos.
 At si connubio digno se Regia virgo
 Iungetur, vincet terra Britanna Polum.*

A 3 Vulpinus a

Vulpianus Veronensis.

*Vix certo signabat humum pede, venit ad aras,
Liliaq; imposuit, punica mala, rosas.
Ore pio, & puro venerata est pectore Divos
Infans, cui requies nomina sancta dedit.
Moxq; datum sapere, & fari praeclara puella:
Labra rubent acinis; floribus ora nitent.
Lumen apex pomi fulvum mutatus in aurum
Incipit e pulchris fundere temporibus.
Et ne dissideat nomen cum mente, Britannus
Hac duce diuitijs ocia plenus aget.*

*Εἰς Ἐλισάβετ Δ' σεβαστήν βρεταννίας
βασιλίδα: Πέτρῳ τῷ βιζάντινῳ.*

*Πλείσα μὲν ἄλλ' ἔλαχεν καυχήματα νῆσος ἀγαυή
Ἡ δ' ἐ, τάκ' ἀνδρώπων οὔτις ἅπαντα λέγοι.
Πῶ γὰρ ἄλυσε φέεσι ἐν νήσοισι βρεταννίς
Ἰμερτὶ νῆσος φρῶτα φέρειν ἐθέλει.
Ἀλλὰ τόγ' ἐκ πάντων αὐτὴν βαθύδοξον ἔθηκεν,
Ὅτ' ἦ σε τοιαύτην νυῖ βασιλείαν ἔχε.
Αἰδοῖν χαρίεσαν, εὐθρονον, δ' πατέρα,ν,
Εὖ μάλα πάσεσι περιδέεσι φίλην
Ὡς μάκαρ δ' δαίμων θ' ὅστις σέθεν ἀγλαόμητι
Εὐχετ' ἀνὴρ μίτσην θνητὸς ὑπενδίαειν.*

Petri



DE OPTIMO PRINCIPE,
LIBER.

AD ELISABETHAM SERENISSIMAM
ANGLIAE REGINAM.



MULTI de Optimo Principe differen-
tes, ostenderunt, quam sit optima
via & ratio gubernandi. Omnium
autem communis hac sententia est, ut
ametur a suis, & apud eos auctoritate prae-
polleat. Hoc vero nulla re facilius comparari posse existi-
mant, quam si veram Dei religionem ex animo
complectatur. Nec enim (inquiunt) poterit non,
quouis honore dignus censeretur, feliciterque imperare,
quisquis Deum esse credens, diuina pie ac reueren-
ter colit, certoque sibi persuadet, quicquid huma-
num genus prouidi, acuti, praeclari ac excelsi ha-
bet, non sua ipsius industria & solertia, sed gra-
tuita caelestis bonitate ac beneficentia consecutum
esse. Et sane si quis recte consideret, maxime con-
sentaneum videbit, ut quò quisque in sublimiori di-

A 4 gnitate

De Optimo Principe,

gnitate positus est, atque amplioribus donis & beneficij affectus, eò magis illum colat & veneretur. Terrestris itaque potentie sceptrum idcirco sibi traditum est, ut diuini numinis exemplo, terrestris fieret populorum custos. Fit praterea, ut homines eum Principem, qui sit amator pietatis & bonarum actionum studiosus, maximo semper amore ac reuerentia prosequantur. Illum enim existimant diuinitus amari, miraꝝ ac singulari providentia defendi. At quem Dei contemptorem & vitij deditum animaduertunt, acerrimis odijs execrantur, nec dubitant, eum tandem sue impietatis pœnas daturum esse.

Decet quoque, ut reliquis etiam uirtutibus adornetur, et voluptates ut rem pestiferam bonorumq; morum corruptricem à se & à suo Regno propellat. Sicut enim prudens ac peritus Nauclerus perpetuo inuigilat, ut naus à tempestate præseruetur, sic & illi semper inuigilandum est, temoꝝ iustitiæ & equitatis manu tenendus, ac iniquitatis procelle forti animo repellende, ne sue Reipublicæ naus iniustitiæ turbimibus huc illuc agitata & concussa intereat. Iugiter quoque & assidua prudentum virorum consuetudine fruatur, ac eorum præcipue, qui in rerum diuinarum & humanarum cognitione quàm maxime excellent, nihilq; sibi agendum statuatur citra sapiens illorum consilium. Nec duntaxat cogitet, quantus sibi, bonos impendatur, sed
multo

multo magis, quantum oneris & cura immineat.
Tributa quoque & vectigalia non ut prædam ad
se peruenisse, sed ut administrationem quæ sibi sum-
ma cum integritate dispensanda sit, neminemq;
rite ac legitime imperare, nisi eum cui Deus impe-
rium destinavit. Quoniam vero uniuersi sub eius
nutu ac imperio constituuntur, existimandum est,
ac etiam sine ulla hæsitacione credendum, bonos
Principes dari à Deo non secus ac singulare ali-
quod beneficium. Et si autem ipse uniuersorum est
Pater, eos tamen potissimum sibi in filios adoptat,
quibus dat potestatem cæteros gubernandi. Qui-
cunque igitur alijs præest, summa ope nitatur, ut
non solum crimine, sed etiam suspitione criminis
vacet, omniq; virtutum genere studeat reliquis
mortalibus antecellere. Mentis etiam cogitatio-
nes atque consilia perpetuò sibi examinanda sunt,
& cogitandum quàm turpe sit, imprudentes & vi-
tiosos prudentibus ac honestis imperare. Hac e-
nim cogitatione fiet, ut maxima diligentia utatur
in his quæ ad sui muneris partes pertinere cogno-
uerit.

Prima itaque ipsius cura et cogitatio de Repu-
blica esse debet, ac eorum qui sibi subduntur inco-
lunitate atque salute, hisq; nihil antiquius habe-
re; seq; ita gerat, ut omnibus carus & gratus exi-
stat; & certo norit, illud Regnum fore stabile ac
diuturnum, in quo publico & communi beneficio

con-

De Optimo Principe,
consulatur. Nec enim Princeps aliud fermè est,
quàm populi moderator atque corrector. Qui ve-
ro ab huiusmodi cura & meditatione animum se-
nuocat, vel ista se prestare posse diffidit, satius om-
nino foret, ut priuatam vitam eligeret. Ceterum
si voluerit quæ suarum sunt partium agere, hoc
in primis curabit, ne cuiquam fiat iniuria, nec ci-
uem cui molestum esse patietur, dabitq; operam ut
quisque iuxta meritum honoribus ac præmijs affi-
ciatur. Curas autem rerum gerendarum his po-
tissimum committat, qui eas probe norint, nullo ha-
bito personarum discrimine an sint nobiles vel igno-
biles, inopes vel opulenti, haud ignarus omnia er-
rata quæ ab alijs fiant, sibi ascribi; & si quid eo-
rum quæ agenda sunt, sua negligentia prætermis-
sum fuerit, omnes indicabunt eum ignorare quæ-
nam sit recta ratio gubernandi. Quocirca in dan-
dis dignitatibus vel muneribus, eos præcipue pro-
moueat, in quibus virtus & probitas elucebit. Nec
enim quicquam imperanti perniciosius est, quàm
si hoc neglexerit. Ad hæc si qua fuerit in sua di-
tione consuetudo non admodum recta, nec utilis ac
honestæ pro ciuibus, eam omni diligentia ut aufera-
tur vel immutetur, procuret, præsertim si ea nimis
onerosa sit. Eas vero leges ubique ac sedulo inuesti-
gari ac promulgari faciat, quæ iustæ sint, ac ce-
dant in commodum Reipublicæ. In ciuilibus au-
tem controuersis ita iudicis officio fungatur, ut
nun-

nunquam sententiam ferat, iuxta ullius libidinem,
nec à priori discrepantem, at semper in eis equa-
bili ratione procedat. Præterea erga pauperem
& diuitem eodem modo se gerat. Aequum est e-
nim ut quemadmodum leges citra ullius discrimen
proponuntur, sic & Principum sententiæ rata im-
mutabilesq; permaneant. Opus est etiam ut in
omnibus negotiis vitæq; perpetuitate sibi constet,
cum subinde immutari, levis & inconstantis ani-
mi sit indicium. Ab improborum congressu & con-
suetudine prorsus abhorreat, firmaq; constantia il-
lorum familiaritati adhareat, quorum prudenti
consilio & præclara eruditione possit esse pruden-
tior. In rebus prosperis & ad eius voluntatem flu-
entibus, fastidium, superbiam, arrogantiam sum-
mopere fugiat. In aduersis non frangatur animo,
sed instar solide basis in medio ædificij firmum &
constantem animum retineat, nulla spe, odio, reli-
quisq; mentis perturbationibus agitatam. Pro-
inde illud semper meminerit.

Sperat infestis, metuit secundis

Alteram sortem bene præparatum pectus.

Itemq;

Æquam memento rebus in arduis

Seruare mentem, non secus in bonis

Ab insolenti temperatam.

*Latitia &c. Studeat igitur in omni vita equabi-
litem seruare, seq; Deo, (quoad eius fieri po-
test*

De Optimo Principe .

test) in suis actionibus assimilari, sciatq; tanto se meliorem futurum, quanto magis eius naturam imitabitur. Proinde sibi omni cupiditate atque iracundia vacandum, & quatenus etiam ipse mori obnoxius est, de se quàm minimum sentire debet. Et si enim diuina colitur effigie, tamen adhuc fragili ac terrena mole circumsepitur. Quare sibi persuadeat, eam quæ ex facilitate ac mansuetudine venit securitatem, longe tutiorem ac certiorē esse, quàm quæ ex nimia seueritate proficiscitur, talisq; sit in suos ciues, qualem cupit in se Deum esse. Hoc etiam secum animo perpendat, Deum esse placabilem, nec statim hominum delicta corrigere, & castigare pro meritis. Hac enim consideratione fiet, ut ipse quoque Deum imitatus, multo mitiori animo sit futurus in delinquentes, ac secum cogitabit, quod ut mundi aspectus gravior est oculisq; formosior puro ac sereno celo quàm quàm omnia crebris fulgoribus, tonitruis, fulminibus & procellis concutiuntur, ita & ipsius regimen, quum quiete, iuste ac moderate imperat. Nec enim alia est tranquille & moderate administrationis facies quàm quæ sit lucidi ac sereni etheris. Contra vero, crudelis ac saui Principis administratio turbida est ac obscura inter trementes, qui ad repentinum sonitum perterresunt, nec etiam sine maximo timore ac periculo gubernantis. Mitis autem & pacifici, semper quietum, sineq; ullo terrore ac metu

metu existit. Quocirca si comis & placidus esse,
ac de plurimis benemereri studuerit, tutissimam
sui corporis custodiam sibi parabit. Nec enim
Principi ulla tutior custodia, quam firma suorum
civium & ceterorum quibus praeest, benevolentia.
Id uero nulla re facilius assequetur, quam benefi-
centia in eos qui eius ope ac patrocinio indigebunt.
Nam quae laudes ac honores metu dantur & fiunt,
sunt fucata & simulata quaedam assentatio ficti ho-
noris dum dignitatum insignibus eos adornant, qui
illas maxime ambiunt & affectant. Tutissimum
quoque illi erit, si ciues habuerit studiosos, probos,
sui amantes, & mutua inter se caritate atque a-
more coniunctos. Et si etiam ipse in primis mode-
ste ac prudenter se gesserit. Nam si secus egerit,
non multa diuturnitate ac felicitate se ipsum ac
suum Regnum stabiliet, quin potius breui una cum
illo interibit. Procuret etiam ut natura sit facili
& quam sapissime de his quae ad suam ipsius admi-
nistrationem spectant, cum doctis ac prudentibus
viris communicet. Cura quoque rerum privato-
rum hominum sibi habenda est, ac putandum
quodammodo sibi ex suis bonis decedere, quum illi
suas fortunas inutiliter consumunt, & quorum au-
gentur industria, publicum quoque aerarium ali-
qua ex parte per illos augeri. Quicquid enim ci-
ues possident, proprie & fere Principis uidetur es-
se, cum libere ac sine ulla exceptione (si ita res po-
stulet)

De Optimo Principe

stulet illorum bonis uti possit.

Studendum est etiam ut in omni uita sic uirtutem ac integritatem colat, ut maior fides illius uerbis, quam uel aliorum iuramentis adhibeatur. Ut omni cura & metu Ciues liberet, nec se innocentibus ac probis formidabilem praebeat, nihilq; unquam extra ius & equum sibi usurpet. ut enim speculum talia reddit vultuum simulacra qualia inuenit, leta eorum qui lati sunt, & tristia qui tristes: ita iustum Dei iudicium persaepe nostris actionibus comparatur, & qualia sunt quae a nobis fiunt, talia uicissim nobis reddit.

Nec sibi mediocris cura & meditatio adhibenda in amicorum delectu atque discrimine. Nam hi solummodo eligendi sunt, quos uirtute uiderit esse ornatos, & quorum prudentia & consilio inuari queat.

Nec ulli se admodum familiarem praebeat. Vulgatum est illud. Familiaritas parit contemptum, & omnia praeclara rara. Eos itaque in primis eligat quos propter aliquam insignem ac excellentem uirtutem haud penitus indignos Principis amicitia fore iudicabit. Nec illos qui sibi ob sales facetumq; ac festiuum sermonem grati sint, negotijs rebusq; praeficiat, sed praecipue quorum opera & rerum cognitione facilius quae sunt agenda perficiat. Et qui concentus gratior est proborum aurbus, quae familiaritas incundior, quae denique utilior

lior exercitatio, quàm illa quæ cum doctis & honestis viris habetur? Ex horum quippe colloquio & familiari consuetudine quivis eruditior ac melior evadet. Quam ob rem sapienti Principi omni ratione in primis curandum, ut semper in suis rebus homines prudentes ac eruditos in consilium adhibeat, certoque sciat sibi soli tribuendum, si quid minus prospere ac ex animi sententia successerit. Ut enim oculus in humano corpore datus est homini à natura pro cura & tuitione singulorum membrorum, ita Princeps ordinatur à Deo, ut legitime imperet, & communi utilitati prospiciat. Et sanè (ut est apud Xenophontem) bonus Princeps nihil à bono patre differt. Singulorum itaque cura veluti suorum membrorum, illi habenda est, ut honeste vivatur, nec boni à malis opprimantur. Illos autem sibi fideles vereque, amicos censeat, qui eum (si ita res exigat) commonefaciunt ac errantem placide modestèque corrigunt, ac errores ostendunt, & minime illos qui more adulatorum semper quicquid agit & loquitur, laudibus efferant, & perinde ac si diivinitus ea fierent, suspiciunt & admirantur.

Prudentibus quoque liberam loquendi facultatem concedat, ut si quid nocetur in controuersiam, consultorem habeat qui sciat se apud eum libere omniq; metu deposito quæ sentiat, loqui posse.

Diligenter in primis caueat, ne assentatoribus
ullo

De Optimo Principe,

ullo modo aures patefaciat. Hi enim rectas mentis cogitationes peruertunt, nec sinunt uerum a falso discerni, ut plurimum laudantes quæ iure culpanda sunt, & uitio dantes quæ laudanda. His itaque uitatis, proborum ac eruditorum uirorum sermonibus & commercijs adiungatur. Nec enim aliunde melius quam ex his, quo pacto se gerere debeat, cognoscet. Nam reliqui tantummodo assentari student, atque umbram corporis imitati, singulis eius cum dictis tum factis applaudunt, quo eius gratiam & beneuolentiam sibi concilient. Ab his ergo se rite coli & amari intelligat, qui omnia recte agunt & cum iudicio, quique tunc solummodo ei gratulantur, quum aliquid præclare & laudabiliter egerit, dolentque ac eum modeste incusant, si ab officio rectaque ratione discesserit.

Sciat insuper, se plus illis debere, qui pro eius incolumi statu & salute apud Deum preces effundunt, quam qui valde munifici ac liberales in eum uideri student. His enim pari & ampliori quoque beneficentia potest gratias referre, at illi se apud Deum uadem constituunt, qui testimonium reddit eos maximopere sibi obligatos esse, & idcirco sit semper erga illos animo benigno & liberali. Ut enim solis est, orbem radijs illustrare, ita Principem decet undiquaque respicere, misereri oppressorum, eorumque incommodis mederi, quò ipsius uirtus illustrior sit magisque conspicua. Sol enim cedit
suc-

succedenti nocti, at sibi malorum improbitati nunquam cedendum, nec conniuendum prauis operibus, at potius ea punienda, ut omnes videant, eum iuste ac legitime imperare. Sedulo itaque procuret, ut suarum actionum splendor & optima cogitationes in suorum animis perpetuo micent ac instillentur.

Crebro etiam & accurate secum consideret, quomodo res apud se gerantur, & num recte vel iniuste administrentur. Id vero perquam optime intelliget, si viderit eos quorum habet gubernationem, sua cura & studio subinde meliores ac temperatiores fieri. Huius autem rei haud leue argumentum erit, si curauerint potius honorificum nomen & famam suis liberis relinquere, quam opes atque diuitias, cum haec sint fragiles & caduca, illud autem aeternum ac immortale, cumque nominis integritate opes multo facilius comparentur, quam per eas honos habeatur. Id autem a se percommode fiet, si semper cum in dictis tum in factis cauerit, ne in aliquem errorem ipse delabatur. Adhuc si qua necessitate in aliquod periculum et discrimen adigatur, malit mori pro suis, quam turpiter ac ignominiose viuere.

In singulis quoque actionibus ius imperij teneat, & diligentissime caueat, ne quicquam re aut verbis indignum se suaque persona & dignitate committat. Caterum (ut breuiter dicatur) studeat caeleste po-

B tuis

De Optimo Principe,

tius ac diuinū animal videri, Deoq³ similis quā
homini, ornatum omni genere virtutum, omnibusq³
numeris absolutum, qui ad cōmune beneficium na-
tus appareat, quin etiam cœlitus emissum ad sub-
leuandas hominum curas eisq³ prospiciendum: Cui
nihil Republica sit carius atque iucundius, cui sit
erga omnes animus magis quā paternus, cui de-
nique singulorum vita non secus ac sua, sit cordi.
Quicumque igitur sedet ad gubernacula, semper
meminerit sui muneris, & sic facile videbit, sibi
aliorum incommodis prouidendum, semperq³ inui-
gilandum, ut sui tranquille degant, summaq³ mo-
rum seueritate sibi viuendum, licet in alijs vel me-
diocri vitæ innocentia satis videri queat, animum
omnibus priuatis affectibus exuendum, & vix de
re alia quā de communi omnium salute ac bene-
ficio, cogitandum. Hæc autem omnia perfacile as-
sequetur, si qualis videri vult, talis esse allabora-
rit. Nec enim vera laus censenda est quæ metu ha-
betur, vel quæ à parasitis datur.

Nouerit autem duo esse potissima, quibus Regna
& Imperia facillime subuertantur, & à quibus
maximopere sibi, atque assidue cauendum est; O-
dium & Contemptum. Priori, beneuolentia obijci-
tur, alteri auctoritas. Quocirca diligenter obser-
uet, qua ratione utrumque à se vitari queat. O-
dium sanè contrahitur seuitia & immanitate, ut
Nero, & Phalaris; ebrietate, ut Alexander co-
gnomento

gnomento Magnus; superbia, ut Tarquinius; rigore ac rapacitate, ut Dionysius, violentia in mulieribus, ut innunera exempla ostendunt cum veterum tum recentium tyrannorum, ex quibus plerique interfecti sunt. Id autem huiusmodi est, ut facilius excitetur, quam ut semel excitatum placeatur. Quare maxima sibi cura semper adhibenda ut à suis diligatur. Maximo nanque praesidio destituitur, quisquis à gratia & benevolentia suorum exciderit. Contra vero firmissimam sibi custodiam & praesidium preparat, quisquis populi civiumque animos caritate sibi deuincit. Hanc autem obtinebit, si ab omni tyrannide animum alienum gereans, fuerit clemens, comis & mansuetus, & si in stitiam in primis coluerit. Contemptus potissimum prouenit, si voluptati, luxui, ac intemperantiae datur, ex quo etiam fit, ut nascatur odium si quid crudele interseratur, si frequentioribus conuiuijs & lusibus oblectetur, si stultis ac histrionibus faueat, si stupidi sint & amentes, si etiam sint molles ac effeminati, ut olim Sardanapalus, qui ob id Regnum amisit. Auctoritas vero integritate, prudentia, continentia, sobrietate, & diligentia comparatur. His itaque virtutibus praeditum esse decet quicumque à suis aestimari, & auctoritate cupit praecellere. Stulte autem opinabitur, id fieri magno ac splendido equitatu, tectis marmoreis ebo- re & auro fulgentibus, signis, tabulis, calato au-

De Optimo Principe,

ro & argento; corinthijs operibus, reliquoq; apparatur rerum pretiosarum. Et quis unquam nisi satius, atque amens, putabit eum propterea laudandum ac suspiciendum, quoniam his abundet? At si potius talis extiterit, ut prudentia & virtus probitate reliquis omnibus prae luceat. Porro ad tuendam conseruandamq; auctoritatem plurimum valebit, si nunquam nisi publicae utilitatis gratia, prodeat. Quae sit autem ipsius mens, & qua sit prudentia, multo facilius ex eius oratione quam ex opiparis conuiujs & purpurco habitu dignoscetur. Mox enim vulgatur omnibusq; in propatulo est quicquid ex eius ore, ioco, vel serio emanauerit. Quare summa illum ope nititur decet, ut omnia eius dicta sint plena grauitate atque optimis documentis adeo ut ab ipso diuino consilio in eius pectus infusa, & alta quadam ac regia mente digna videantur. Ecquis prudentior esse debet quam qui maior est ceteris? Quis temperatior, quam cui omnia liceant? Quis fortior quam cuius causa sunt omnia conseruanda? Quem magis omnia genera virtutum deceant, quam qui omnes homines inspectores, animiq; sui testes habet, ita ut singula eius cum dicta, tum facta, in claro & illustri hominum conspectu tanquam in apertissima luce sint posita? Notum est illud
Omne animi vitium tanto conspectius in se
Crimen habet, quanto maior qui peccat, habetur.

Cum

Cum vero tria sint Bonorum genera, idest Animi, Corporis, Fortune, curandum est, ut sui tranquille & commode in illis degant. Hoc nimirum eueniet, si in primis fuerint amatores iustitiae, ac temperantiae, si nec cupidi, nec feroces, & si ab omni seditione abhorreant; licet hoc postremum nonnulli expedire arbitrentur, putantes utile esse ut alantur discordiae inter homines non approbatæ vitæ, quo his inuicem dissidentibus, boni quietius uiuant. Sed mea sententia præstat eos vel ex urbe pellere, vel procurare ut ad meliorem frugem redeant, cum & bonos tueri, & improbos corrigere ac emendare sit proprie sui muneris.

Nunquam etiam existimet illum sibi amicum esse qui semper novos modos excogitat accumulandi opes per noua tributa & vectigalia, quibus populus opprimatur. Nam huiusmodi homines potius occultissimi & nocentissimi hostes iudicandi sunt. Qui vero libenter his aures præbent, putant quod sibi eos bene velle, sciant se longe decipi, & a probi Principis officio procul abesse. Huc enim potius omnes nerui intendendi, ut suis quam minimum oneris imponatur.

Reditus autem atque opes ampliandi ratio hac erit præcipua, si superflui sumptus, ociosa munia, & inutiles famuli amoueantur, bellorumque occasiones vitentur, & ministrorum auaritia diraque cupiditas frenetur, & si potius quod sibi obigit Re-

De Optimo Principe,

gnum bene regere, quàm illud per fas et nefas dilatare studuerit. Cupiditas enim & ambitio plerunque causa & origo existunt grauissimi alicuius damni atque periculi, & saepius euersionis, quàm maioris incrementi. Quocirca multo prudentius ager, si, quod Regnum habet à suis maioribus relictum, vel suo Marte comparatum, cum laude administret, quàm ut eius propagationem quaerat. Nec enim id fieri potest absque maximis impensis, multaq; clade & sanguinis effusione, quae sanè pluris constant, quàm non valet quicquid acquiritur etiam cum insigni & gloriosa victoria: cum contra quiete & pacifice viuere, ac Regnum adeptum conseruare multo sit prestabilius. Verissimum est enim quod dicitur,

Nō minor est virtus, quàm querere, parta tueri.

Casus inest illic, hic erit artis opus.

Ad hac si noua subinde onera suorum humeris imponat, expiletq; plebem pecuniarum extorsione, haud mediocre odium in se concitabit, mentemq; omnino peruersam ac inexplebilem praeseferet. Sciat etiam detestandas esse illas diuitias, quae veniant ex collectione eorum quae exiguntur ab hominibus gementibus. Sordidum enim illud aurum censendum est quod gemitu & lacrymis extorqueatur. Hinc olim Theophanes Condioni de regnandi ratione consultanti, admodum utile ac fructuosum sibi fore dixit, si saltem singulis hebdomadis

domadis diem unum constituisset, qua omnibus faceret audientiam, omnesq; ad suum colloquium admitteret, cuiuscunque status et conditionis forent, qui eum de rebus ad se pertinentibus alloqui vel-
lent; ut pote de praefectorum erratis, de ministro-
rum auaritia, de aulicorum moribus, de poten-
tum iniurijs illatis, de illorum extorsionibus, vel
de periculis, quae sibi suoq; Regno impendeant.
Nec etiam ab re fuerit, si praemia his proponan-
tur, qui eum de re aliqua vel publica vel priuata
commonefecerint.

Procurabit quoque, ut qua virtute ac probi-
tate principem antecellere oportet, eadem vel sal-
tem proxima sint eius familiares, & qui sibi sunt
à consilijs, nec patiatur quempiam eorum aliunde
quàm a se, dona sumere, & praesertim in his quae
ad Regni administrationem spectant, ut ab his
qui officia & magistratus ambiunt vel alia eius-
dem generis. Nam huiusmodi homines nunquam
utilia consulent, at quae potius in gratiam elar-
gentis & illius qui plus donauerit. Largitiones
vero persape in causa sunt, ut inter amicos Prin-
cipis, qui dona oblata susceperint, nascatur dissen-
sio, aliudq; ordinanti & consulenti opponatur,
altero alterius ordini & legi contradicente: nec
illis curae est, quid Principi sit magis conducibile
vel noxium, nec si etiam uniuersum Regnum in-
teriret.

Quare pro virili studeat eos habere

De Optimo Principe,

incorruptos, & ab omni genere largitionum abstinentes. Etsi autem eos pro fidelissimis habet, nihil tamen omnino sibi agendum statuat, nisi prius omniratione rite animaduversa ipsemet cognouerit, quid potissimum fieri expediat.

Nec putet satis esse Magistratus per singulas Prouincias & loca constituisse, nisi eorum qui praesunt, conditionem probe norit, potissimaque ipsius cura sit, ut praependantur homines integra uita ac publici commodi studiosi. Nam Princeps datur Reipublicae ut ei sit qualis medicus agroto. Sicut autem non omnes animae partes eiusdem sunt uirtutis & officij, (quaedam enim iubent, quaedam obtemperant, & ex his quae iubent, sunt nobiliores atque optima) sic et ipse summa populi pars eaque optima & praestantissima esse debet. At cum sibi reliquis partibus inferioribus imperandum sit, singula omnino priusquam eucnerint, prauidenda sunt, ut ea rite geri, & ad prosperum atque optatum exitum perducantur.

Quoniam uero nihil huc usque dictum est de Principis praesidio atque custodia circa sui corporis defensionem, nolim ob id existimet, sibi haud opus esse ordinaria militia cum equitatus tum peditatus contra hostiles insidias & arma externa, unde sibi uis aliqua immineret. Etsi enim semper paci consulendum est, eaque bello preferenda, tamen interdum fit, ut ipse uliro petatur bello vel à vicinis,

nis, vel à remotioribus Regibus, & ob id paranda
sint necessaria praesidia, quibus illata contumelia
propellatur. Nouerit autem in primis, victoriam
non in multitudine militum, sed in recta dimican-
di ratione rei^q bellica disciplina consistere. Pro
tranquilla igitur & pacifica sui Regni conserva-
tione perpetuo admonendus est, ut milites habeat
peritos, maximeq³ in re militari exercitados. Nam
si diligenter inspexerimus, proculdubio apparebit,
Romanos nulla re alia vniuersum terrarum or-
bem sibi subiecisse, quam continua quadam exerci-
tatione armorumq³ peritia. Nec mihi sanè ad hoc
probandum innumera tum nostrae aetatis, tum
superiorum temporum exempla deessent, quibus fa-
cile colligitur, multos Principes parua & exigua
manu innumerabiles copias fudisse. Quid? Non-
ne paruae illae (si cum ceteris conferas) Romano-
rum Legiones Gallorum ingentem exercitum, bre-
uiq³ statura corporis, Germanorum proceritatem
prostrarunt ac deuicerunt? Quis autem nescit,
Hispanos haud numero duntaxat, sed etiam cor-
poris viribus eis fuisse superiores? Hi tamen Ro-
manorum uirtute ac peritia superati sunt, & in
eorum potestatem redacti. Dolis & opulentia
Carthaginensibus Romani semper cedebant,
& Graecis astu atque vafrutiae: sed contra haec
omnia illis profuit milites fortes ac strenuos lon-
goq³ rerum usu exercitados in promptu habuisse.

Hoc

De Optimo Principe,

Hoc itaque sibi sedulo agendum est, ut milites norint quae arma gerenda sint, qua arte hostis inuadendus, & quicquid in bellis accidat, prospiciendum, nec tempus dimicandi expectandum. Nam bellandi peritia gignit audaciam, nec ullus timet agere quae antea se probe didicisse confidit. Proinde multo melius ac felicius dimicat parua et exercitata manus, quam magna, rudis, mortique semper proxima, multitudo. Sciat etiam et pro comperto habeat, prouidi ac experti Ducis virtutem semper supplere defectibus militum, si eos (ut dictum est) diligenter exercuerit. Hinc illud vetus adagium, quo dici solet, magis formidolosum esse Ceruorum exercitum Duce Leone, quam Leonum, Ceruo Duce. Nec sane mirum. Siquidem totus belli successus & fortuna ex Ducis virtute ac prudentia pendet. Id autem verissimum esse, Numanini facile demonstrarunt. Quum enim eorum Dux militibus obiceret ignauiam et metum illorum, quos antea saepius in fugam adegerant, quidam eorum inquit, sunt quidem eadem pecora, sed sub alio pastore, innuens non militum virtutem, at Scipionem Imperatorem in causa extitisse, ut belli fortuna mutaretur, tamen si forent iidem qui antea, milites.

Quod vero superius de Principe ut Principe dictum est, idem etiam de belli Duce intelligatur, id est, ut sciat initium sapientia omnisque prosperi euentus ex Dei timore tanquam ex fonte proficisci

ficisci ac emanare. Nec enim dubium est quin ab illo victoria pendeat. Nec frustra dicitur, Per me Reges regnant, & Principes dominantur. Plena sunt sacrorum vatum Oracula, pleni Psalmi Davidici, prosperos pugnae successus divinitus dari. Quàm præclarus ille Psalmus, cuius initium, Benedictus Dominus Deus meus, qui docet manus meas ad prælium, & digitos meos ad bellum? Quàm itidem alterius, Dominus illuminatio mea & Salus mea, quem timebo? &c. Nimis certe mea excresceret oratio, si sacre Scripturæ verbis hoc velim confirmare. Sunt etiam non vulgaria testimonia in Ethnicorū scriptis, ex quibus est videre, quàm errauerint qui secus opinati sint, & quàm semper miserabiles extiterint. Est apud Sophoclem de Aiace, illum propterea punitum esse furore, quia cum pater Telamon abeunti dixisset, ut pugnaret quidem strenue, sed à Deo victoriam peteret, Ajax respondit, etiam ignavos adiutore Deo posse vincere, se vero vel sine Deo. Qua quidem voce quid horribilius, & quid magis impium excogitari potest? Sciat igitur etiā si omnibus humanis presidys muniatur, tamen victoriam à Deo petendam & expectandam. Interim haud negligat ea summo studio procurare, quæ sibi ad bellum gerendum necessaria fore cognoverit. Quòd vero ad se attinet, omni ope nitatur ita se gerere, ut à suis atque etiam ab hoste meri-

De Optimo Principe,

to existimetur. Sic enim fiet, ut eius virtute cognita & perspecta, qui sibi sunt infensi, amici reddantur, & plurimi de eius clementia & morum facilitate confisi, ultro nulliusq; impulsu armis positis illum ut victorem agnoscent. Porro maxima causa victoriae Scipionis quam ex Hispania & Africa retulit, ex vita sanctimonia provenit, eaq; communi de ipso persuasionem, qua putabatur ob inculpatos mores maximamq; & incredibilem in Iovem observantiam illi quam maxime acceptus. Hac enim fama permoti exteri Populi & Reges illius amicitiam expetentes facile & se & sua omnia eius fidei committebant. Deum itaque in primis (ut dictum est) omni reuerentia & amore prosequatur, eiusq; gloriam rebus omnibus anteponat. Deinde sedulo studeat intelligere quae sibi agenda sunt, sciatq; vecordia & inertia nihil esse in bello perniciosius.

Ceterum priusquam de bello inferendo quicquam cogitet, secum animo diligenter voluat, num illud honestum rectumq; sit nec ne, num iustum atque legitimum. Nihil enim sibi perinde utile ac necessarium, quam id antea peroptime cognovisse. Hinc enim fiet, ut ab iniusto & illegitimo bello sibi prorsus abstinendum putet, nihilq; nisi iustum & honestum sequetur. Traiani quidem vox omnino praeclarissima fuit, & quae in omnium Principum animis perpetuo insculpta & impressa esse debeat.

beat. Hic enim equitum Magistro gladium tradens, inquit. Hoc gladio pro me utere, si iusta imperaui, si vero iniusta, contra me utaris. Has duas itaque virtutes in primis colat, iustitiam & continentiam, quarum prior in hoc precipue sita est, ut suum cuique reddatur. Altera, ne ferat extorsiones atque rapinas in eos qui sunt imbecilliori potentia. Ubi enim plus valet vis, ibi ius magis urgendum.

Præterea diligenter sibi prospiciendum, ne militum virtuti negentur præmia, ne'ue impune delinquatur. Cauendum etiam ne (ut dictum est) ab ullo largitionibus quantumvis amplissimis & maximis, corrumpatur, etiam si largitores nihil tum petierint. He nanque sæpenumero vim mentibus inferunt, obcæcantq; mortaliū animos. Nec minus allaborandum est, ut qui sibi militia honore ac dignitate sunt proximi, ab illis manus cōtineant, si vel ab amicis vel ab hostibus offerantur, seuerèq; puniat qui parere noluerint.

Iustitia quoq; in hostes certa quadam animi celsitudine obseruanda, ut hi facilius dedantur. Quanti autem id referat, Camilli exemplo facile conspicuum apparet. Hic enim cum Phaliscos arctissima obsidione premeret, & Ludi Magister nobiliores quosdam ex eorum liberis extra urbis mœnia tanquam animi relaxandi gratia secum eductos, illi offerret, ac inde maximum beneficium
spera-

De Optimo Principe,

speraret, Camillus non modo illius perfidiam complexus est, at etiam brachijs illum deninciri, moxq³ verberibus cadi iussit, filiosq³ ad parentes illico remittendos curauit. Qua sanè clementia & humanitate pelliecti hostes, utrò ac sponte se illi dediderunt, & quam ipse astu & fraude noluerat, hoc insigni facinore victoriam est adeptus. Cyri quoque clementia in Crasum ab omnibus commendatur, eaq³ non minus victori, quam uicto utilis fuit. Nam illi fuisset ex vniuersa Græcia ingens bellum conflatum, si quid in Crasum crudelius consulisset. Nec aliud Pyrrhum ex Italia recedere fecit, quam singularis illa humanitas Fabritij, detecta prodicione medici, qui eum veneno interimere cogitabat. Et Scipio Africanus maior cum in Hispania quamdam venustissimam feminam sibi oblatam, statim suo viro illesam remisisset, effecit, ut vniuersa Hispania sibi amica & beneuola redderetur. Multa his consimilia recenseri possent. At quid opus est pluribus exemplis in re tam clara & manifesta? Et cui dubium est, quin plus valeat in bello humanitas, quam seuitià? continentia, quam libido? beneficentia, quam cupiditas, denique (ut vno verbo dicam) virtutes, quam vitia?

Meminerit etiam promissi, fidemq³ semel datam non modo suis militibus, at etiam hosti conseruandam putet. Hac enim amissa, perinde est, ac si omne decus militiæ neruumq³ amitteret.

Exemplo

Exemplo est Marcus Attilius, de cuius constantia & animi magnitudine nulla unquam ætas conticescet. Exemplo est etiam cuius paulo ante facta est mentio, is qui ab Africa denicta conomen obtinuit. Hic enim plus laudis & gloriæ, plus etiam victoriarum adeptus est fidei conseruatione, quam Hannibal sua calliditate atque perfidia. Quin potius hunc omnes ut fœdisfragum execrantur, & illud ut vere generosum atque magnanimum summis laudibus in cœlum efferunt.

Caueat etiam ne sit nimius in colloquio præsertim de rebus inanibus. Ne conuiujs, lusibus, mimis, voluptati, libidini, leuibusq; ac ridiculis & inanibus rebus dedatur. Hæc enim omnia suam illi amplitudinem & maiestatem diminuunt, ac etiam persæpe labefactant. Et sanè ut omnes curæ & cogitationes prouidi ac solertis agricolæ sitæ sunt in agricultura, boniq; ac periti naucleri in regenda navi, sic optimi Principis in iugi assiduâq; sui muneris ac impendentis oneris meditatione consistunt,

Nec mediocri cura illi allaborandum est, ut exercitus conseruetur sanus atque incolumis. Ex hac enim incuria & negligentia nonnunquam accidit, ut integri & maximi exercitus interierint. Quid uero aliud his superioribus annis florentissimas illas Gallorum copias, & uniuersum exercitum iam ferme victorem prope Neapolim deleuit?

Quocirca

De Optimo Principe,

Quocirca diligentissime procurabit, ut castra ponantur in salubribus locis, & ubi sit copia bonarum aquarum, coeliq; temperies, ubi non sint paludes, campi, collesq; aridi & ab omni arborum umbra semoti.

Dabit etiam operam, ut tam peditatus, quam equitatus aestate habeat tentoria, vel aliqua tegumenta, quibus ab aestu solis defendantur, ne illinc egressi, partim eius ardore, partim etiam itineris difficultate & labore aliqua lue atque contagio inficiantur.

Prouidebit etiam, ut si aestate aliquò perueniendum est, id fiat summo diluculo, et priusquam solis calor impediat. Si vero hyeme niualiq; tempore ac etiam noctu id fieri oporteat, procuret in primis ne desint ligna: nec enim ulli rei gerendae aptus est miles qui frigore oppressus torpet.

Quicumque autem rei militaris praecepta tradiderunt, censent magis conducere ad robur corporis prosperamq; valetudinem, ut milites quoti die in aliquo exercitio contineantur, quam si apud se medicos habuerint: ideoq; uolebant, ut pedites pluuiarum & niuium tempore in tentorijs, corpus exercerent. At quum aura est mitior, nunc in agris, nunc in fictis certaminibus, nunc balista, nunc arcu, nunc tormentorum emissionem, nunc palaestra, nunc alterius generis militaribus instrumentis. Equites uero cum in planitie, tum etiam

in ripis locisq³, angustioribus, & modo lāceis concurrerent, modo natatu transmitterent, & modo armati in equum transilirent, ac si hostem inuaderent, ne quicquam horum belli tempore inopinatum eis accideret. Qua quidem ex re plurima & maxima utilitates oriuntur. Primum enim huiusmodi exercitijs, militum corpora redduntur firmiora, & magis valentia. Secundo si certamen ineundū erit, facilius victoriam sperabunt.

Verum si autumnali, vel aestivo tempore exercitus cum aquarum contagio, tum fœditatis graucolentia in aliquo periculo propter aeris putrefactionem constitutus videbitur, unde postea perniciosi ac letiferi morbi enascantur, statim inde ad alia loca transducatur, ubi aer sit salubrior.

Sedulò etiam incumbendum, ut militem sibi obsequentem habeat. Id autem assequetur, si eum habuerint milites pro strenuo valdeq³ perito rei militaris, & dignum qui ceteris imperet. Libenter enim illi obtemperant, quem & belli scientia vigere, & circa vniuersorum salutem cautum ac prouidum esse re ipsa didicerunt. At si nouerint se illius causa in manifesto aliquo & aperto discrimine futuros, nullis promissis, nullisq³ muneribus, licet amplissimis, ad parendum adduci possunt. Et quis unquam nisi insanæ mentis, ab eo munus accipiat, unde sibi aliquod damnum peruenturum suspicetur? Nec sanè quicquam est quo militum animi fa-

C cilius

De Optimo Principe,

cilius alliciantur, ut præsto sint & dicto audientes, quàm si Ducem (ut dictum est) reliquis præstantiorem cognouerint. Id autem ut obtineat, nulla via commodior est, quàm ut plenam & exactam earum rerum notitiam calleat, in quibus velit excellere. Si quis enim cupit haberi peritus medicus, eques, vel musicus, qui reuera nihil minus sit, multa sibi erunt excogitanda, ut talis uideatur, qualis uideri optat. At si talis re ipsa fuerit, facillime quod uult, persuadebit. Seipsum itaque perpetuo in usu militari exerceat, ut quæ ratione & peritia cognoscuntur, probe intelligat. Ea uero sunt huiusmodi, uidelicet,

Aciem ad bellum disponere, hostem adoriri, retrocedere saluo milite, urbem inimicam inuadere, illam obsidere, & (quum est opus) defendere. Hæc autem & alia eiusdem generis, experientia, multa sua industria comparata, homines militiæ periti, quibuscum familiariter differat, probati auctores qui de re bellica scripserunt, facilius magisq; speciatim ostendent, quàm ut ea nunc à me tam facile tamq; breui opusculo recenseri possint. Cæterum quæ neque militari prudentia, neque humano ingenio & solertia cognoscuntur, Deo ac singulari eius providentiæ relinquenda sunt.

Dictum est autem superius quanti momenti sit ut eum milites non modo metuant, sed etiam diligant. Hoc itaque sæpius inculcandum. Nec enim

illi

illi quicquam fructuosius. Ad hoc autem acquirendum non satis est (ut nonnulli opinantur) liberalitas. Nec enim fieri potest, ut tam multorum beneuolentia donis & muneribus comparetur. At (quod multo satius est, quam omne genus beneficentiae, quodq; illi nullum incommodum afferet) si aequali iustitia utatur in omnes, si saepe cum eis aderit, si eos aliqua re feliciter gesta, laudauerit, si eos rebus non ita ex animi sententia succedentibus, bono fortiq; animo esse iusserit, si quando aestate quidpiam agendum, solis aestum, labores, ceteraq; incommoda & molestias primus feret, si brumae tempore frigus ceteraq; huiusmodi, nec id clam & occulte, sed aperte, omnibusq; videntibus. Si denique de illorum salute non minus quam de sua se laborare ac sollicitum esse declarauerit. Hac igitur omnia maxime conducunt, ut militum animos haud mediocri amore sibi deuinciat. Hinc enim fit ut existiment, nulla quidem se ad parendum cogi necessitate, at potius quadam heroica virtute atque auctoritate impelli.

Poscit etiam ordo belli, ut maximo studio & vigilantia procuret, ne desit commeatus. Nam saepe fit, ut exercitus magis annonae caritate, quam hoste absumatur, magisq; fames noceat, quam ensis. Proinde in quouis bellico apparatu optime consultum erit commeatum providere, illoq; hostem intercludere. Hoc autem commode agetur, si ante su-

scriptum bellum prudenter atque opportune de his omnibus quæ ad illud conficiendum pertineant, consuluerit, præsertim de sumptibus faciendis, deq; rebus maxime necessarijs, ut fenum, frumentum, ligna in hyeme, & aliqua huius generis. De his itaque opportuna & debita fiat prouisio, & maior etiam quam oporteat, cum sæpe accadat, ut bellum opinione longius protrahatur.

Si vero per amicorum agros, ac eorum qui sibi fœdere iunguntur, transeundum erit, nihil suos diripere nihilq; prædari patiatur. Ad hæc si quando in hostium regione sibi ad tempus commorandum erit, non sinat milites omnia moliri & deuastare, sed ea solummodo accipere quæ sint parui momenti, quæq; sibi nulli vsui futura existimet, at quibus aliquando indigeret, ea omnia illæsa & intacta conseruari iubeat.

Videndum etiam atque etiam ut loca, situs & regiones in quibus bella gerenda sunt, percognitas habeat, plenèq; descriptas, ita ut eorum interval- la non modo sciat numero miliarium, sed etiam viarum qualitates, conualles, et traiectus montium, fluminum, paludum, stagnorum, & lacuum, quàm plenissime cognoscat.

Permagni quoque refert, vniuersa illa loca ubi prælium incundum est, habere depicta situsq; ac vias, & locorum distantias designatas, ut non consilio duntaxat & ratione, verum & oculorum sensu

sensu itineris etiam negotiorum ducem se reliquis
præbeat .

Præterea ex his qui sunt periti viarum, singula-
tim omnia exploranda sunt, & à pluribus ueritas
cognoscenda. In primis etiam cauendum ne miles
norit, quò, aut per quæ loca eundum sit. Tutissi-
mum est enim ut quum belli alea tentanda est, pror-
sus ignoret, quid agendum, sed tantummodo ad om-
nia sit paratus. Idcirco enim ueteres in legionibus
Minotaurum in insignibus circumferebant, ut quæ-
admodum ille in intimo ac secretissimo labyrintho
inclusus tenebatur, ita Ducis consilium semper ar-
canum & occultum esse debere cognoscerent. Hinc
Metellus cognomento Pius rogatus à militibus in
Hispania quid proximo die agendum esset, inquit,
si hoc mea uestis resciret, eam protinus combure-
rem. Et Claudius Nero cum Asdrubalem adori-
ri uellet, priusquam cum Hannibale coniungeretur,
tacitus & noctu discessit ex agmine cum decem mil-
libus eorum qui potiores erant, Legatis iubens eas-
dem stationes tuerentur ad suum usque reditum, &
ipse in Umbria coniunctus cum Livio Salinatore suo
collega, qui contra Asdrubalem dimicabat, rupit
atque occidit Asdrubalem, nec ab hoste uel à suis
hoc rescitum est antequam ad eos redisset ipsemet
quouis nuncio uelocior, & Hannibali caput sui fra-
tris ante pedes proijci curasset. Quàm itaque ua-
leant secreta consilia et occulta Principum consul-

De Optimo Principe,

tationes ex hoc tam insigni opere, ac etiam ex Metelli uiri clarissimi uerbis apertissime intelligitur. Sciendum est insuper, illum citra magnam bellicæ inscitie notam excusari nō posse, qui aliqua hostili calliditate circumuentus capitur: quin huiusmodi erroribus persæpe fit, ut uita ipsa & quicquid egregie ac præclare antea factum est, unius horæ spatio quàm facillime amittatur. Quocirca si quis locus ab eo expugnandus est, uel hostium consilia detegenda, uel uidendum, ubinam gentium sint, & qua parte sibi struantur insidie, præmittat illas legiones equitatus quas necessarias iudicabit, quem sequatur bonus numerus peditatus, & quem postea totum agmen passim comitetur, & ordinatim, ut si ad aliquem locum sibi commodum & opportunum oppugnandum iuerit, nihil eum remoretur quò minus expugnet, eoq; integre potiatur. At si forte in hostiles insidias inciderit, uel in aliquam partem inimici exercitus qui eodem quò & ipse, contendat, semper superior euadet. Nam hostem suo equitatu adoriens, deinde auctus peditatu etiam si ille non par foret ad integram uictoriam potiundā, tamen suis copijs hostium insidias inanes reddet, fietq; ut nunquā ex improviso innadatur. Quauis etiam tota hostilis manus ibi esset, nunquam tamen aperto Marte dimicabit, quin superior sit futurus. Si autem uniuersum exercitum habuerit in acie dispositum aptumq; ad prælium; & milites

ad

ad hoc armatos, quiq; iudicent pugnandum esse, proculdubio uictoriam obtinebit. Atqui hostibus longe secus eueniet. Hi nanque haud rati praelium tentandum, sed duntaxat cum paucis confligendum, non erunt animis, ordine armisq; parati ad bellum, putantes illos facile uinci posse.

Moturus castra, oras & locorum situs diligenter exploret, quo modo sibi hostibus aduentantibus, colles, montes, iuga, planities, fluij, lacus, & paludes usui uel nocumento sint, norit etiam fere unoquoque milliari mutari locorum naturam & conditionem, & proinde sedulo uidendum esse, ubi nam equites ac pedites commodius tueatur, & unde hosti maius damnum inferat, & suis grauius periculum impendeat, semperq; hostium consilia praei- pienda, ne quid accadat imparatum, cuiusq; merito poeniteat & dicat non putaram, quæ sanè uox indigna est homine sapienti, & qui suis rebus optime prospectum uelit.

Militum quoque ac equitum præfectos tentoria munire faciat uel fossis, uel aggeribus, uel alia ratione quæ aptior uidebitur, adeò ut ab hoste nihil omnino periculi metuendum sit. Id autem ob tria summopere conducet. Primum quia si repentino aliquo aduentu hostium nocturno tempore inuadantur, quàm minimo damno afficientur, ob loci uicinitatem, tutiq; ac securi erunt ab eius insidijs. Secundo quia multo melius cognoscent, quum quispiam

De Optimo Principe,

aliquò mittendus est, quibus armis muniatur. Postremo si ab hoste inuadantur, ipsiq; ita edocti & assueti fuerint, illius impetum per facile sustinebunt, donec succurratur, uentq; periculum.

Ut vero subita illa hostium excursiones, quae interdum accidunt exercitu progrediente, nihil ob sint, praemittendi sunt aliqui ex his quos habet fide liores magisq; peritos, cum equis leuioris armaturae qui singula loca per quae ueniendum sit, undique circumspectant. Hi vero noctu potius quam inter diu mittantur, ne forte videantur, vel capiantur ab hostilibus. Nec enim raro fit, ut cuius explorator ab aduersarijs capitur, eius etiam consilia detegantur & patefiant. Et si uiae angustae difficilesq; sint, sed tamen tutae & absq; periculo, praestat ire per illas, etiam cum labore, & longiore itinere, quam plano & commodo, sed tamen periculoso.

Cognoscenda est etiam inimicorum natura & consuetudo, num die, vel noctu, siue in lucis crepusculo, aut somni tempore hostem iam lassum, & defatigatum aggredi soleat, illudq; declinet quod iuxta morem illos facturos putet.

Cauendum quoque, ne hyeme implicetur exercitus locis palustribus, unde sibi egredi absque magna difficultate & periculo non detur, ne ue magno aliquo torrente, vel asperiori via, ubi prius circumfidatur miles quam ad loca destinata peruenerit, vel impar viribus cogatur etiam inuitus, confugeret

figere, bellig³ extrema experiri. *Quemad-*
modum ista euit are maximi erit commodi, sic etiā
si hostium imperitia & hoscitantia vincendi occa-
sionem dederit, diligenter videat ne sua culpa pra-
termittatur, quo minus eam arripuerit, quin po-
tius per diligenter inuestiget, amplisq³ promissis
transugas & qui hostilia consilia patefaciant, ad
se inuitet, eosq³ maximis muneribus donatos à se
dimittat, singulis etiam temporibus inducat mili-
tum animos ut sint vigilantes & prompti ad arma
capienda, semperq³ ad defensionem vel offensam pa-
rati. Hoc autem Istricis fabula festiuiter admo-
dum & vere innuitur. Aiunt enim Lupum forte
hoc animal inuentum adoriri voluisse, nec tamen
id ausum esse ob multas quas super dorsum gestabat
sagittas, ideoq³ illi suadere incœpisse, ne tantam
telorum multitudinem secum gereret, cum etiam
sagittarij solummodo belli tempore sagittis arma-
rentur. At illa, mihi semper (inquit) persuade-
re debeo instare belli tempus, quo mihi ab hoste ca-
ueam, sicq³ armis retentis, Lupi malitiam & cal-
liditatem elusit.

Nec sanè mediocris cura est adhibenda in tra-
iectu fluminum. Nam si quod uiolentum nimis
vel profundum occurrerit, periculum est, ne muni-
tiones, commeatum, currus, ipsosq³ itineris comi-
tes rapiat & submergat. Proinde vado prius
explorato aliquot equites leuioris militiae ordinentur
debito

72
De Optimo Principe,
debito quodam interuallo atque distantia, & separato ac distincto quodam ordine inter se, ut pedites, munitiones, & currus medium amnem traiciant. Si uero aquæ ita profunda sint, ut nec pedites nec equites citra periculum traiciant, amnisq; per planitiem decurrerit, in multas fossas deriuandus est, sicq; in varias partes diuisus facile traicietur. Consimili quoque ratione illæ urbes quæ ob sui profunditatem, videntur inexpugnabiles, à parte fluminis interioris capi ac expugnari poterunt. Et hoc pacto Cyrus olim Babyloniam expugnauit, cū Euphrate in multas partes dissecto, aditum sibi fecit in urbem. Caterum si quis amnis erit altior, nec huiusmodi deriuatio fieri poterit, tunc faciendi sunt pontes ex paruis nauiculis quæ tabulata constricta superius habeant: de cuius quidem magisterij scientia, quoniam nostris temporibus vel unicuique mediocriter perito cogita est, nihil à me in presentia dicetur.

Quum vero ambo exercitus paruo interuallo utrinque distant, videndum est an dimicandum sit nec ne. Fit enim aliquando, ut penitus à prælio abstinentum sit, aliquando dimicandum. Sed tamen omnia prius tentanda sunt, priusquam cum hoste manus conseratur, nisi aliqua certa & indubitata spes victoriæ affulgeat. Quicumque autem in re militari pollet, nunquam aperto Marte in certamen veniet, in quo insit commune aliquod ac euident

dens periculum, at semper Fabium Maximum imitatus cunctatione bellum differet, vel aget insidijs, aut parua aliqua conflictatione, ut (quoad eius fieri poterit) suos conseruet, hostibusq; vel occisis vel perterritis, fiat superior. In hoc autem varia & multa consideranda sunt, ut recte perficiantur. Prima vero ars ingeniumq; praefecti exercitus in hoc potissimum versatur, ut ex toto militum numero deligat quosdam ex peritioribus quos apud se habeat, et saepe cum his communicet de qualitate ac numero suarum copiarum, & hostium, idq; faciat omni suorum assentatione remota. Nam haec magis obest, quam centum armati hostes. Ex illis ergo intelligat uter eorum copijs praestet, & qui nam sint magis armati fortioresq; ad ferendum & constanter. Videndum est etiam uter eorum equitatu ac peditatu excellat. Situs praeterea locorum ubi certandum est, cognoscendi, num sibi vel hosti sint futuri aptiores, & quis eorum equitatu in planitie praelium inire tutius possit. Si peditatu, loca angusta eligenda sunt, & quae fossis, uallis, paludibus & interdum montibus implicentur. Mature quoque ac provide considerandum, an expediat cunctari certamenq; differre, uel protinus dimicare. Fit enim haud raro, ut belli prorogatione debilitetur exercitus, vel propter annonae penuriam, vel propter eorum qui praeficiuntur, auaritiam, quum magis priuati quam publici commodi ratio habetur.

De Optimo Principe,

tur. Nonnunquam etiam accidit, ut miles nihil præclari agens, desperatione illinc discedat, vel nimio labore defatigatus, aut pertæsus militiæ, castra deserat, quidam sunt proditores, vel transfuga.

Siquidem in rebus aduersis inanior est fides, & qui fuerat prius fortis ac strenuus, paulatim frangitur.

Magni quoque refert, cognoscere quali natura sint hostes, ministri, ac reliqui minoris auctoritatis, id est an temerarij sit vel cauti, an timidi uel animosi, an temere atque incōsiderate dimicēt usu magis quàm ratione adducti, uel militari peritia regantur, quod genus militum illis obijciatur, strenuum uel imbellē. Contra, quos ipse apud se milites habeat, qua fide sint, quoue robore, quomodo sint in hostes affecti, & utra pars feliciorē exitum non dubijs coniecturis queat sibi polliceri. Nam his rebus diligenti animaduersione circūspectis, omnia multo meliori ordine succedent.

Militibus, quos diutini belli iam cœpit satietas, animum viresq; adiunget cohortatione, ac exemplis eorum qui se præclare ac strenue gerentes, maximas aliquando uictorias reportarunt. Si ostenderit, se nihil prorsus metuere, & si qua occasione præcepta aliquid fortiter & cum laude gesserit. Si hostibus, fortuna immutata, quidpiam sinistri euenire incœperit, uel si minoribus præsidijs armentur.

Cauendum est etiam ne unquam exercitum diffiden-

fidem de uictoria, pugnamq; detrectantem in
aciem educat ad praelium. Ipsemet sepius tenta-
bit qua'nam arte ac bellandi peritia sui ualeant, quae
sint illorum uires, quomodo inuicem cohaereant.
Si tubarum clangore praesto sint, si obsequentes, si
signorum indicijs moueantur. Si quid uero minus
militariter egerint, admonendi sunt eorum in qui-
bus errauerint.

Quisquis ergo futurus est Imperator exercitus
diligentiissime procuret, ut sit summa uigilantia, sobrie-
tate, prudentia, utq; in militaribus controuersis
incorruptus iudex, ac utriusque partis rationes a-
quis auribus audiat, ut singula maturo consilio pon-
deret, atque (ut dictum est) suas & hostium uires
probe cognoscat, si longo interuallo se superiorem
viderit, strenue & animose illum adoriatur. Si au-
tem inferior sit, caueat, ne se in discrimen coniciat
imprudens, at commodiorem occasionem praestole-
tur. Nec enim raro compertum est, ut pauci nu-
mero & viribus impares hostem inopinato adorti,
uel interdum ex insidijs, maxima sint potiti victo-
ria. Sin autem euenerit, ut omnino dimicandum
sit, priusquam id fiat, sunt rogandi milites, ut li-
bere proferant quae sit eorum de bello ineundo sen-
tentia. Id autem facile apparebit ex illorum vul-
tu, uerbis & motibus. Nec si tirones ac rudes vi-
derit bellum cupere, sibi speret uictoriam; (No-
tum est enim dulce bellum inexpertis.) at si uete-
ranos

De Optimo Principe,

ranos & militia peritos bene animatos alacresq;
ad pugnam, latus ac intrepidus hostem aggredia-
tur. Contrà, si eos metuere, ac sibi de prospero
successu diffidere, sciat bellum prorogandum.

Maximi quoque momenti fuerit, ut militum ani-
mi gloria laude accendantur, eisq; proponatur,
quàm sit iusta & legitima causa suscepti certami-
nis, quàm sint abiecti ac imperiti hostes, quibus cū
dimicandum sit, quàm inglorij & impotentes, quàm
sepe vel à se, vel ab alijs deuicti, quàm iniuste ipsi di-
micent, ac prater omnem equitatem. Nec enim
frustra dicitur,

Frangit & attollit vires in milite causa,

Quæ nisi iusta subest, excutit arma pudor.
Quum vero acies disponēda est, tria sunt à se po-
tissimum considerata, Sol, Ventus, Pulvis,
Etenim si solares radij militum oculos ferierint,
haud dubie impediuntur quò minus hostem cer-
nant. Ventus autem perflans in faciem, valde ob-
est cum militibus, tum eorum armis. Fit enim ob
huiusmodi impedimentum, ut neque celeri atque au-
daci impetu hostem inuadant, neque armis ita
commode utantur. Pulvis autem solo excussus &
à fronte veniens, oculorum aciem hebetat. Proin-
de sit maxime sollicitus de his quæ accidere soleant,
diligenterq; caueat, ne quicquam horum sibi obsit,
aciemq; ita ordinet ac disponat, ut hæc omnia po-
tius à tergo sibi sint, quàm à fronte, hæc q; obstacu-
la

la hostibus relinquuntur .

Si autem cum prosperiori fortuna dimicauerit , hostemq³ fugæ intentum viderit , ne præcludat illi viam , unde nequeat egredi , nam sæpe fit , ut loco inclusis crescat audacia , omniq³ spe adempta , summat arma timor , & libenter ac intrepide cum hoste is mori paretur , qui sciat omnino sibi moriendum esse . Prudenter itaque Scipio dixerat non esse præcludendas vias per quas hosti fuga pateret . Nec enim raro euenit , ut inter fugiendum plurimi trucidentur . Caesar cum Germanos inclusos validius solito pugnare animaduverteret , viam fugæ aperuit , quos deinde infecutus , uicit & profligauit . Quid Themistocles ? Nonne is quum deuicto Xerse , milites pontem disicere uellent , id facere prohibuit , ostendens utilius fore , si e Græcia pelleretur , quam eum desperatione adigere ad pugnandum , adiciens , uel aureum pontem hosti faciendum , ut per eum aufugeret . In ipsa uero fuga quo maior est exercitus , eo facilius multitudo uincitur . At qui includuntur , & pauci sunt numero uiribusq³ imbecilles , tamen in hoc ipso sunt pares hostibus , quod penitus desperantes , norunt nihil aliud sibi reliquum esse , fiuntq³ audaciores magisq³ inuicti ac intrepidi ad pugnam . Nec enim temere dicitur .

Una salus uictis nullam sperare salutem .

Quando etiam necessitate id exigente , castra mutauerit , summa ope ac studio nitatur , ut id fiat
saluo

De Optimo Principe,

saluo milite. Nec enim aliunde maius periculum imminet. Siquidem is qui primus ante bellum inchoatum loci mutatione discessum parat, suis tollit fiduciam, & hostibus addit vires ac bellandi cupidinem. Quocirca necesse est ut sui primum norint, non propterea discedi, ut bellum detrectetur, sed ut potius arte quadam deducatur ad aliquem locum opportuniorem, unde hostis ad praelium inuitetur, quò facilior sit victoria, uel ut insequentibus aduersarijs, commodius res insidijs agatur. Nec enim fieri potest, quin fugæ sint proximi, qui Ducem de victoria diffidentem uideant.

Opus est insuper ut quàm diligentissime caueat, ne, ipso de loci mutatione cogitante, hosti sua consilia innotescant. Hinc enim sibi grauissimum periculum immineret. Multi ex veteribus qui militiæ præficiebantur, discessuri, equitatum præmittebant, ne vaga multitudo peditatus ab hostilibus insidijs obseruaretur, & pedite ad tuta perducto, equitem reuocabant, securioribus locis inuestigatis, noctuq; taciti cum exercitu abibant, ne hostibus aduentante luce ac eorum discessu cognito, facultas daretur eos qui præcesserant, retardandi, uel nocendi; aut equites leuioris armaturæ ad occupandos colles & loca tutiora præmittebant, à quibus euestigio totus reuocabatur exercitus. Hac multaq; alia huius generis faciebant discessuri. Nihil enim periculosius est, quàm copias temere loco dimouere.

Nimia

Nimia quoque sui confidentia secum ingens aliquid quando periculum trahit. Nam saepenumero fit, ut euntes pro commeatu, vel longo itinere defatigati, vel qui ociosi ac securi se in tabernaculis continent, aut qui circa equos occupantur, ex improviso inuadantur & necentur. Maxima igitur vigilantia semper cauendum est, atque etiam occasiones praevidendae, ne quid huiusmodi eueniat. Nisi enim hoc diligentissime prospiciatur, nihil omnino vel rei bellicae peritia, vel etiam validissima ac innumerabiles copiae iuuabunt. Fit praeterea ut qui succumbit in bello, etiam si ars & ingenium hic multum valeant, culpam possit reicere in fortunam aduersam. ceterum qui ab huiusmodi damno & insidijs non cauerit, neminem praeter seipsum incuset, sibiq; soli totum infortunium ascribat, cum illud praemissis exploratoribus, facile vitasset.

Solent etiam hostiles insidiae parari quum pauci equites praemittuntur in eos qui ex pugna recesserint, & ex altera parte maior numerus mittitur. Nec non cum equites ante hostem excurrentes, leuiter dimicant, cumq; ex illorum conspectu subducuntur ac si metuerent fugamq; simularent. Tunc enim se omnibus insidijs ac periculis ereptos putantes, pergunt qua inceperant, & statim uniuersa illa multitudo quae per loca occultiora tendebat, superueniens, maximo impetu eos inuadit opprimitq; incantos. Qui ergo praest militia, nunquam patia

D tur

De Optimo Principe,

tur quenquam eorum uel latum quidem unguem discedere à ceteris, etiam si nihil periculi ab hoste metueret, eiusq; insidias tunc vere contemnendas puet, quum uel omnia tuta timens, à nemine inopinatio circumueniri posse sua prouidentia et uirtute cognouerit.

Hac habui, Serenissima Regina, que mihi in presentia de Optimo Principe scribenda statuerem. Tu uero hac inspiciens, nihil nouum aut incognitum (scio) inuenies, at eximias tantum uereq; Regias tuas uirtutes, tanquam in lucidissimo speculo, contemplaberis. Hinc etiam fiet, ut singuli Principes ac Reges, ad quorum manus hac scripta peruenient, persacile intelligant, quem Ducem ac Regem in optima sperandi ratione potissimum sequi & imitari debeant.

Petri

PETRI BIZZARI


DE BELLO ET PACE,

LIBER.

AD MARIAM

SERENISSIMAM

Scotiæ Reginam.



VENETIIS, M D LXV.

PETRI BIZARI


DE BELLO ET PACE

LIBER

AD MARIAM

SENESSIMAM

Secundum Regimam



VENETIIS, M D L X V



AD MARIAM SERENISSIMAM
SCOTIAE REGINAM.



QUAM sit uetus res odium atq; dis-
fensio, uel ex Abelis interitu per-
facile cognosci potest. Nec enim
ille innocentissimus ab impio fra-
tre fuisset interemptus, nisi prius odium in-
tercessisset. Ex hoc itaque prima innocentis
sanguinis effusio secuta est, & inde postea tan-
quam ex principio ac seminario, reliqua ho-
micidia, bella, & strages in orbem ad hæc us-
que tempora deriuarunt. Quocirca ut anti-
quissima res odium est, ita etiam satis cogni-
tum, quot secum miseras & calamitates ad-
ducat. Vt uero ex hominum animis uel radi-
citus euelleretur, non defuere omnibus fere
ætatibus uiri sapientissimi, qui quot mala se-
cum afferat, ostendentes, cum priuatim, tum
publice, ac eos in primis qui reliquis præfici-
untur,

untur, ad mutuam pacem & beneuolentiã co-
hortarentur. Nec id solum coram efficere stu-
duerunt, sed etiam scriptis longe disertissi-
mis quæ illorum essent rationes, apertissime
declararunt. Quid igitur opus est (inquit
aliquis) nunc argumentum suscipere à pluri-
bus antea susceptum, & de quo tam multi,
multa dixerunt, ac literis mandarunt? Fateor
equidem, nihil prorsus à me hic dici, quod e-
tiam non ab aliis, & prudenter, & ornate ha-
ctenus dictum sit. At quid oberit hoc semper
(licet aliis uerbis aliãq; dicendi ratione) incul-
catum Christianis Principibus? Et quid illis
obsecro æque necessarium est atque assidua
harum rerum recordatio, ac mutuus animo-
rum consensus? Viderunt superiora sæcula,
& nostra etiam ætas, maximo suo malo expe-
ritur, quot malorum genera ex bellandi cupi-
dine prouenerint. Videt nunc eadem, & non
sine maximis incommodis sentit, quot bona
ex conciliata Principum concordia profici-
scantur. Vt uero hæc diuturnior sit, & in eo-
rum animis altius radices figat, haud abs re ui-
detur, idem argumentum subinde proponi,
ad quod Principes tanquam ad scopum, suas
cogitationes actionesq; dirigant & informet.
Hic itaque de Bello & Pace libellus etsi ni-
hil noui afferet, erit saltem loco Epitomes il-
lorum

lorum, quæ ab aliis diuersis in locis tradita,
fufius copiofiusq; differunt, ut à quouis En-
chiridij uice gestari, & in eo, tanquam in spe-
culo, utriusq; fructus animaduerti poffit.
Id uero (Sereniffima Regina) quicquid tan-
dem fit, iure tibi dicatum effe conuenit.
Nec enim decet, ut quem antea sub tuo no-
mine, à me tibi exhibitum, infpicere, & (quæ
tua fuit humanitas) perlegere dignata es, nunc
ille sub alterius titulo in lucem edatur. Nec
fanè citra infignem ingrati ac immemoris ani-
mi notam id à me fieret. Cæterum haud fum
tam beneficiorum immemor, ut fim oblitus
Regiam tuam in me beneficentiam, nec etiam
naturæ tam ingratæ, ut eam ullo unquam tem-
pore queam aut uelim difsimulare. Quin-
etiam non poffum non perpetuo recordari,
quàm humaniter ifthic me tua Regia Maieftas
exceperit, quàm mitibus uerbis allocuta fit,
quàm benigne denique ac peramanter dimi-
ferit. Eft adhuc apud me torques aureus, quo
me donauit tua Regalis munificentia, eritq;
femper inter res mihi cariores, inftar pretio-
fiffimi thefauri, quem quidem ut femper me-
cum circumfero, ita etiam femper admoneor
officij mei erga tuam Regiam Maieftatem,
eiusq; Sereniffimum fratrem Iacobum Stuar-
dum, de quo ut non poffum non femper quàm

D 4 hono-

88
honorificentissime loqui, sic eius humanita-
ti me plurimum debere ingenue fateor.

Nunc mihi aliquid de tuis præstantissimis
diuinissimisq; laudibus dicendū foret, si uel
præsentis operis breuitas pateretur, uel in me
huiusmodi esset dicēdi copia, ut eas pro digni-
tate uerbis consequerer. At cum utroque im-
pediar, eas prudens sciensq; dicere omittam.
Hoc unum tamen haud silentio inuoluam:
Cum tria sint bonorum genera uidelicet ani-
mi, corporis, & fortunæ, in illis duobus ita
mirabiliter excellis, ut ad eas celebrandas,
uix Demosthenis eloquentia sufficeret. In
postremis, passa es fortunæ haud exiguam
commutationem, quæ te uiro, Rege poten-
tissimo, eoq; in uiridi ac florenti ætate, or-
bavit. Quæ sanè iactura tibi fuit ut omnino
maxima ita & incredibilis. Hæc nihilominus,
ipsa tam forti ac excelso animo tulisti, ut ne-
mo sit qui tuam singularem constantiam &
animi sapientiam non sit maximopere admira-
tus. Reliquit tamen Deus auiti paternique
Regni possessionem, ut aliquod esset leuamen
acerbioris fati. Hoc autem sub tuis auspiciis
ac sapientissimo regimine tam feliciter admi-
nistratur, ut neque nostra, neque patrum me-
moria, fuerit unquam felicius gubernatum.
Hinc ergo fit, ut omnes isthic te meritò suspi-
cian-

ciant & uenerentur, teq; diuinitus ac e cœlo
 missam fateantur, & non secus ac cœleste nu-
 men & clarissimum iubar omnium uirtutum
 admirentur. Habes apud te prudentissimos
 & sapientissimos consiliarios, qui tibi quæ
 sunt optima, sine ullo metu ac simulatione
 proponunt. Tu uero ut eorum optima & fide-
 lissima consilia sequare, nulla cohortatione
 opus habes. Hi semper tibi adsunt, nihilq;
 his inconsultis, tibi agendum statuis. Cum
 autem & ipsa singulari iudicio & consilio pol-
 leas, facillime quæ agenda, & quæ nō agenda,
 uides. Verum inter omnes tuas excellentissi-
 mas uirtutes, quibus in tui Regni administra-
 tione meritò commendaris, hæc est una ex
 præcipuis, quòd nulla dissidia pateris, nul-
 lasq; discordias uel religionis causa uel poli-
 tica exoriri, quæ tui populi tranquillitatem
 impediunt. Externum, siue ciuile bellum,
 ut rem noxiam & perniciosissimam, execraris,
 nihilq; studiosius procuras, quàm ut finitima
 Regna & Regni tui primates, ciues, plebsq;
 uniuersa intelligant, te pacis longe amanti-
 simam esse. Hinc fit, ut cum illis mutuam
 caritatem conserues, & ab his omnibus,
 omni amore ac obseruantia colare, quæq;
 ipsa imperes, obedienter ac uoluntate pro-
 pensissima exequantur. Intelligis nimi-
 rum

rum quàm præstans bonum fit pax, quàm pre-
tiosum, gratum, dulce, iucundum, exopta-
bile. Per hanc uides omnia mala expelli, &
hominum uitam, quæ alioqui miserrima fo-
ret, quàm felicissimam reddi. Per hanc, se-
curitatem, rerumq; abundantiam afferri.
Per hanc, bonas artes, bonosq; mores redire.
Per hanc deniq; iustitiam, leges, libertatēq;
restitui. Hæc omnia nunc Dei benignitate
in tuo nobilissimo Regno sub tua guberna-
tione cernuntur. Faxit uero Deus pro sua bo-
nitate atque clementia, ut hic status quàm
diutissime incolumis permaneat, tibiq; ma-
gis magisq; gratuleris, quòd talibus uiris im-
perare, & illi sibi, quòd tali Reginæ obedire
ac obtemperare contigerit. *Ad Venetijs.*

Ad

Ad eandem.

VT maris nemo liquidas arenas,
 Nec potest unquam eloquio referre
 Quot videt Stellas radys micare

Nocte serena :

Sic tuas nemo celebrare laudes
 Parteꝝ ex ulla numerare, quanuis
 Aquet immensum veteres, eosꝝ

Vincat in arte.

Nanque si forma & niuei decora
 Gratia vultus tibi comparata
 Sit venus, Cypros tua iure maior
 Gloria dicet.

Si Iouis Sacro generata summi
 Vertice, & Clio ac reliquæ sorores,
 Ingeni palmam tibi quanuis harum
 Porriget ultro.

Si pudici pectoris atque casti
 Corporis laus, inferior Diana,
 Quæꝝ Romana speculum pudoris
 Extitit vrbi.

Si decus clarum generis vetusti
 Regiæ stirpis, monumenta Regum
 Unde descendis, memorare quis nam
 Possit ab ortu?

Bella quis gesta, & varios triumphos
 Quos

Quos domum insignes retulere quondam
Hoste denicto meminisse, ne dum ex-
tollere lingua?

Laudibus magnis meritisq³, Homere
Vix fores par, vel tua Mantuane
Musa, sic tantis micat hæc trophæis
Alma Propago.

Ergo cur tantum pelagus carina
Ipse tam parua ingrediar, sine ullis
Funibus, malo, socijs, nec ullo
Remige nixus?

Cur'ue Phætontis misera ruina,
Sive qui pennis nimium paternis
Fidit, oblitus, mihi postulem quod
Fata negarunt?

Præstat hæc ergo ut tacitus relinquam,
Quodq³ non possum calamo, nec ore,
Mente constanti venerer colamq³,
Pectore numen.

Interim ut viuas Pyli præcabor,
Hosq³ det claros tibi Phœbus annos,
Ac sine ulla nube, nihilq³ mesti
Afferat unquam.

Utq³ felici populum Britannum
Quem Dei summi pia cura per te
Vult regi, sceptro auspicioq³ semper
Lata gubernes.

Ut fidem, pacem, veteresq³ mores

Quæq³

*Quæq; Saturno dominante vidit
Orbis, hæc tuæ videant redire
Sacula gentes.*

*Deniq; ut nugas iterum fideli
Coningi, & digno meritis, tuoq;
Sanguine, ac fœcunda parens vocere
Omne fausto.*





P E T R I B I Z Z A R I
D E B E L L O E T P A C E ,
L I B E R .



I res à nostra memoria propter vetustatem remotas ex literarum monumentis repetamus, eaq³ tempora, quibus in agris homines bestiarum more vagabantur, & sibi victu ferino vitam propagabant, videbimus necessario euenisse, ut primum illud Regnum, siue Respublica inter eos constituta, initium vel à pluribus, vel ab uno solo habuerit: si ab uno, illum ualde insignem, summaq³, ac perspicaci quadam ratione præditum omnino extitisse putandum est, qui per se sapiens, ac prudens citra aliorum præcepta tam commode sciuerit uti iustitia, fortitudine, ac temperantia, ut reliqui omnes incredibili quadam eius præstantia, ac uirtutis reuerentia commoti, se ultro illius imperio sub-

submitteret. At si fortasse ad multos huius tã excellentis boni causa referenda est, verisimile est hos etiam fuisse sapientes homines, ac sublimi quodam ingenio, qui honestatis, & concordie semina in ciuium animos tanta cum dexteritate inseruerunt. Etenim si alicuius Reipublice vel Regni auctoribus prius de legibus inueniendis, quàm de mœnibus cogitandum erat, quomodo unquam sine unanimi ciuium consensu legum fundamenta iacere potuissent? & quĩ unquam est credibile, quòd infinita hominum multitudo rudis, & inculta, omnisq; ciuilitatis expers tam facile, tamq; etiam libenter auitatis iugum admisisset, nisi prius efficax illud rationis lumen, inscitie, & cupiditatis tenebras ex eorum oculis expulisset? Cum itaque publice utilitatis amatores cognoscerent pro amplificatione, & conseruatione cuiusuis Regni & Reipublice, nihil esse potentius, maiorisq; momenti, quàm mutuum animorum consensum, atque concordiam, semper omni cura, & diligentia studuerunt ciuiliū dissensionum radices euellere, inq; aliorum animis pacem atque amorem inserere, unde sciebant hominum quietem, salutem, ac felicitatem proficisci. Et Menenius Agrippa vir sagax, & prudens, qui cum videret plebem Romanam, in contemptum senatorum, Auentinum montem occupasse, argutissimo apologo conspirationis membrorum in corpus illi clarissime ostendit, vniuer-

sam

De Bello & Pace,

nam fortunam, quietem, & salutem urbis in sola concordia, & pace consistere. consimili ratione cum populus iterum in sacro monte seditionibus, ac tumultibus omnia repleret, senatus per Lucium Valerium, & Marcum Horatium decemuiros, qui erant causa dissensionis, praecepit, ut statim se magistratu abdicarent, sicq; animi conciliati, & dissidia composita fuere. Lacedaemones cum experientia didicissent, aurum esse fontem atque originem omnium dissensionum, illud ab urbe expellentes, in exilium relegarunt. Hanc exitialem pestem inter suos ciues renascentem, Aristides, cognomento Iustus, persaepe compescuit, ac extinxit. Cum Athenarum urbs eorum, qui nimio exactionum & vectigalium pondere opprimebantur culpa, tota odio, ac liuore arderet, Solon res omnes ad equalem proportionem reducens, protinus omnia pacata, & tranquilla restituit. Hinc factum est, ut Caius Cassius, censor prudentissimus, cui nihil unquam fuit antiquius Reipublicae salute, & qui eius commoda & quietem, rebus omnibus praeponebat, concordiae statuum erexerit in palatio, ipsumq; concordiae sacrum, & dicatum esse voluerit, quò singuli, qui eò ingrediebantur suam sententiam dicturi, aperte intelligerent, odia, inimicitias, dissidia, & iniurias ibi locum non habere, sed omnes amore patriae, coram sacra ianua deponendas, ut senatoribus concordiam sancte colentibus, palatii portis refferatis, inde

de foras erumperet odium, securitas, & libertas, unde postea communis omnium letitia, rerum copia, fausta coniugia, fructuosa merces, ac optimarum artium studia orirentur; quae quidem bona tam magna sunt tamq[ue] nobilia, & excellentia, ut aliorum animos in stuporem rapiant. In quouis Regno, siue Republica nullum venenum est virulentius, nec ulla pestis civili dissensione crudelior. Haec enim statim omnes bonos ritus euertit, leges dissipat, magistratus contemnit, compellit iudicia, omniaq[ue] replet furore, rabie, ac immanitate adeo, ut urbes fiant tanquam obscurae sylvae sceleratorum hominum, quin potius huiusmodi, ut eas nullus praeter seua, & horribilia monstra inhabitet, quorum effrenatam insolentiam nec pudor, nec metus, nec fides, nec foedus nec religio, nec denique ulla morum honestas, cohibere potest. Nemo est tam parui consilij, qui non norit, populi Romani imperium, totius orbis decus, & ornamentum, quo nihil sol vidit illustrius, nec immensius, nunquam ad tantum humanarum rerum fastigium, & auctoritatem peruenire potuisse, nisi ciues vnanimi consensu, & voluntate, se prudenter in suis actionibus gessissent, eademq[ue] omnia gubernassent. siquidem ecquid tandem illud imminuit, ac euertit, nisi discordia? quid itidem nobilissimas Graeciae Respublicas, quae sapientissimis viris florebant, labefactauit, atque deleuit, nisi discordia? Utinam Africa, Hungaria,

E Ger-

De Bello & Pace,

Germania, Italia, Gallia, Hispania, Britannia,
& innumerae aliae provinciae non mihi amplissi-
mam huius rei materiam suppeditarent. Sed haec
exempla omitto, partim ne nimia illorum enume-
ratione sim prolixior, quam statuerim, partim e-
tiam et multo magis, ne praeteritarum miserationum
memoria, tuae maiestatis animum, ad nimiam com-
miserationem, & dolorem commoveam. Nam om-
nino vero verius est, neque famem, neque hostes,
neque pestem, neque inundationem aquarum, ne-
que belluas, neque tonitrua, neque terramotus, plu-
ra oppida, & urbes olim absumpsisse, ac solo aquas-
se, quam discordia, & diuise civium voluntates,
quarum quidem rerum pleni sunt omnes libri, &
plena exemplorum antiquitas. Hinc sane evenit
ut Mycipsas Numidarum Rex, cum sibi iam fi-
nem vitae adesse videret, liberis ad se accersitis, eos
vehementissime rogauerit, proque paterna auctori-
tate iniunxerit, ut pacem, fraternumque amorem
inuicem colerent, si diu in prospero, ac felici sta-
tu conservari cuperent, addens, concordia paruas
res crescere, discordia quam maximas etiam bre-
uissimo spatio dilabi. Itemque non exercitus neque
Thesaurus, praesidia Regnorum esse, verum ami-
cos, eosque neque armis cogi, neque auro parari, sed
fide, ac officio. Eversa Numantia, quam Roma-
ni frustra tam diu obsederant, Scipioni cognomen-
to minori, à Tiresia Celtorum Principe, querenti
quid

quid nam ad illud usque tempus eam inuictam, ac
inexpugnabilem reddidisset, & quomodo postea in
tantam miseriam deuenisset, ilico responsum est,
Concordia semper eam urbem ab hostibus defen-
sam, discordia vero semper suam libertatem ami-
sisse, eaq³ tandem funditus euersam. Quod autem
de Numantia vere dictum est, idem etiam de om-
nibus Regnis, ac Imperijs uerissime dici potest.
Nam pace nobiscum commorante, omnibus bo-
nis, & commodis abundamus, omniaq³ nobis ex
animi sententia succedunt. At si dulcissima eius
consuetudine priuemur, eaq³ à nobis exulet, statim
omnibus malis, ac erumnis obnoxij, vitam longe
miserrimam ducimus. Et sanè si diligenter in-
spexerimus, non fuit Pandora, quæ in vase nobis at-
tulit omnia illa malorum genera, quibus morta-
lium vitam singulis penè momētis expositam cerni-
mus, at solum discordia. Hæc enim sola est cau-
sa, ut inter homines bella nascantur, ex quibus
quantam iliadem malorum totus orbis iam sense-
rit, & subinde sentiat, nulla hominis eloquentia
posset exprimere. Vellem equidem omnia mala
(si mihi liceret) imprecari primis illis veteribus,
qui prius arma inuenere, quiq³ primitus, ut ho-
minum quietē perturbarent, facilemq³ modū osten-
derent, quò alter alterum consumeret, ferrum in
eorum perniciem acuerunt. Ex hoc enim tot vulne-
ra, tot clades, tot miseriæ secutæ sunt, adeò ut quā-

De Bello & Pace,

uis natura hominem ad hominis usum genuerit, videatur postea, seuum & ferinum hunc morem potius ad eius damnum, atque interitum formasse. sic bonis natura seminibus deprauatis, praua hominum consuetudo nefandos, ac exitiales fructus producit. Hinc fit ut (sicut antea dictum est) plures homines aliorum hominum opera, & manu, quam ulla alia violenta, seu extraordinaria causa extinguantur. Si quis autem huius rei fontem, ac initium indagare velit, proculdubio inueniet nullum aliud esse præter humanam sitim, & ambitionem, qua quidem indies magis, magisque crescente, sic una creuere dissensiones, ut qui animi omni amore, & tranquillitate incensi esse debebant, ut plurimum omnis odij, & turbide tempestatis pleni extiterint. Et cum ipsi à Deo summo rerum omnium conditore creati, summi boni imaginem impressam in suo primordio habuerint, suam tamen harum inanum, & falsarum cupiditatum blanditijs, naturam obliti, quandam omnino extraneam seuitiam induerunt, & perinde ac si non amplius homines essent, omnemque humanitatem exuissent, quodammodo in belluas, brutaque animalia degenerarunt. Vinculum illud humane societatis, quo natura homines arctissimo quodam nexu conglutinauit, effecitque, ut alij inter se alijs prodesse possint, minime amplius intelligunt, nec minus amplius cognoscunt, quid naturæ hominis conueniat,

ueniat, id est, ut sua opera, & officio temperet, atque adiunget hanc mundi harmoniam & pulchritudinem, cum ipsi contra, modis omnibus, eam dissoluere, ac euertere nitantur. Nec vident in primis quantopere sapiens ac iustus Deus omnium scelerum vindex, hac belluina seuitia offendatur, & quàm multa, quæ rerum natura pulcherrima condidit, vel quæ hominum ars, atque industria excogitauit ac expoliuit, ipsi demoliantur, ac destruant. Postremo miseri non intelligunt, eos sibi ipsis quodammodo uim inferre, & proprias misérias procurare. Et quæ nam rerum confusio, quæ calamitas, quæ ruina, & perniciēs in orbe unquam fuit, quæ non semper ex dissidijs ac bellis originem habuerit? quid opus est recensere quot urbes, quot regna, quot prouinciæ et antiquitus, et nostra, nostrorūq; patrū memoria bellis non modo sint afflictæ, sed etiam penitus euersæ? quantoq; gemitu ac eiulatu populi lugentis, arma crudelia miseras gentes radicitus extirparint, nedum misere affecerint? Mihi quidem certe haud facile foret hoc tam altum pelagus ingredi, sed inde exire valde difficile. Verum omis- sis præteritis calamitatibus, quas uniuersus orbis propter hæc bellica certamina, summo suo malo, expertus est, si ea, quæ hoc nostro calamitosissimo sæculo acciderunt, paulo altius repetamus, nemo sane mentis non fatebitur, eum acerbissimis pœnis, ac supplicijs dignum extitisse, qui primus auctor

E 3 fuit

De Bello & Pace,

fuit violanda pacis, animosq; principum ad pugnas & praelia inflammavit. Et sanè qui est causa belli, idem etiam generis humani eversionis est causa. Quòd si (ut de reliquis orbis partibus taceam) in quam ærumnoso, ac miserabili statu, Europa tot annos iacuerit, idq; solum principum inter se dissidentium culpa, diligenti animadversione inspexerimus, liquido apparebit nullam fuisse partem siue foris in suis proris, siue intus in sinu, quam hæc rabida fera non momorderit aut lacerarit, adeò ut plena squalore, macie, morboq;, vix ullam amplius pristinae suae virtutis vim, & colorem in se retinuerit, quin potius eò miseriae deueniat, ut nec stare, nec iacere posset, sicq; in hanc, vel in illam partem cadebat, ut nisi Deus presenti ope succurrisset, parum illi iam superfuisset spiritus, & vigoris, parumq; virium, quibus ulterius animam in corpore sustineret. Ecquid autem nisi bellum, tot pagos, tot oppida, tot opulentas urbes hætenus expoliavit, ac evertit? Per quem, nisi per bellum, tam innumeri homines suis bonis & facultatibus exuti, suisq; penatibus expulsi, ac dulci, caraq; libertate privati, in maxima miseria, rerumq; omnium egestate vixerunt? unde nisi à bello tot strages, totq; innumera, & exquisita supplicia, quibus boni, ac innocentes varie affecti sunt, prouenire? Cuius vero animus non abhorreat à cogitatione, nedum commemoratione illarum rerum

rum, quæ in urbium expugnatione ab hostibus fieri solent? Et quæ vis dicendi tanta est, ut ea explicare possit? Quod scelus intactum relinquitur? Quæ seuitia non pro misericordia habetur? Paruuli infantuli ab uberibus miserarum matrum vi abducuntur, sæuq; ferro trucidati, vel dura inter saxa proiecti, ante illarum oculos miserabiliter animam exhalant. Quo quidem horribili spectaculo filius vulnere, mater intolerabili dolore unico ictu occiditur. Castæ Matronæ, ac simplices virgines pura, & incorrupta mente, impurissimis, & corruptissimis impiorum hominum libidinibus, coguntur subesse, ubi in corporibus vim passæ animo tamen incorrupto, ac illaso permanentes, pulcherrima nonnunquam, & clarissima sue virtutis ac honesti pudoris exempla, cum olim, tum etiam nostra memoria præbuere. Quid plura? Interdum (horresco referens) miseri parentes filios, & filij parentes, uxores viros & viri uxores pœnis atque opprobrijs afficere coguntur, quæq; manus ante pietatis, & amoris officio fungebantur, maiore vi coactæ, in suum met cruorem inuitæ seuiunt. Quid templa prophanata, quid concionatores varie trucidatos commemorem? Horum tantorum scelerum, & calamitatum radix, atque origo nequitiam est pax, & concordia, sed bellum, atque dissensio. Proinde valde inhumane (meo quidem iudicio) mihi facere videntur, qui propter aliquod

E 4 prima-

De Bello & Pace,

privatum commodum (quod tamen ut plurimum breue ac fragile, innumerisq; fortune varietatibus obnoxium est) tot commodorum priuatione, tam magnas bellorum faces excitant, ut etiam quum eas extinguere maxime cupiunt, non possint. Nam cœpisse penes multorum est arbitrium, at minime in cuiusuis voluntate finem quum velit, imponere. At esto, hæc omnia, quæ superius dicta sunt, esse falsa, & fictitia, (quæ tamen verissima esse utinam negari posset) non videmus quot alia mala, & calamitates, bella secum afferant? Mihi sanè videtur, quòd quemadmodum in Dei amore omnia bona insunt, & nexu quodam simul vinciuntur, sic etiam in bellis, id est in furore Sathane, qui primus voluntati, sui conditoris aduersari cœpit, omnia malorum genera connectantur. Nec enim bella contenta sunt his damnis ac miserijs, quas nobis (ut dictum est) ferro & igne, alijsq; modis longe crudelissimis inferunt, at etiam semina, & amarissimos ac horribiles fructus, famis atque inopia relinquunt. Nam hoste agros depopulante, ac replete incendijs, maturasq; segetes, & immaturas equorum discursionibus dissipante, nuncq; armentis, & nunc miseris colonis interfectis, eo deuenitur, ut nihil, aut certe parum, pro alimentis hominum remaneat. Agri non amplius excoluntur, oppida deferuntur, ædificia euertuntur, omnia denique breui syluescunt, & quæ domus erant prius, hominum

hominum domicilia , paulatim fiunt luporum , vor-
jorum , aliarumq³ belluarum receptacula , indeq³
subinde crescit rabida , & intolerabilis fames , &
squalida facie , miseris extrema quæq³ minitans , eos
paulatim , sensimq³ absumit inedia . Hinc fit , ut
& in oculis , & in vultu mortis imaginem impres-
sam circumferant , in ipsaq³ vita , nihil aliud vitæ ,
quàm famem sentiant , quæ quidem si , ut ferrum ,
subita illos morte necaret , in hoc saltem pia foret ,
sed vitæ nutrimenta subtrahens , nec tamen pro-
pterea mortem asserens , eorum spiritus eque ut fit
in candela accensa , cui desit luminis materia , pau-
latim absumit . quæ quidem pœna , & cruciatu ,
quid potest esse atrocius ? Quæ commiseratio , quis
ue dolor ille censendus est , quum paruuli infantuli
extrema inedia oppressi , panem petunt ab exan-
gui patre vel pallida matre ? Quæ vox ista in eo-
rum auribus existimanda est ? ea certe ad cor sta-
tim per illas decurrens , illud ferit crudo , & insa-
nabili vulnere , qui magis filiorum quàm suam vi-
cem dolentes , in tanta egestate , ac inopia rerum
omnium , nec se , nec liberos adiuuare possunt . Hinc
euenit ut eos interdum coram se deficere , atque ab-
sumi videant . Cuius quidem rei exempla non o-
pus est , ut ex veteribus annalibus petantur , cum
etas nostra satis , & plusquam satis , re ipsa exper-
ta sit . Hec fera , immanisq³ rabies , persæpe coe-
git homines omnibus alijs alimentis destitutos , tam
viles

De Bello & Pace,

viles ac sordidos cibos comedere, ut penè dictu incredibile sit. Nam quibusdam herbas, & gramina instar belluarum, victum præbuisse, quosdam autem (ut Hierosolymæ de Iudæa Maria Iosephus narrat) proprios filios inedia fameq; impulsos edisse, nonnullos extrema rabie adactos suas manus corrosisse, quid attinet commemorare? Quare his tam horribilibus exemplis omissis, hoc in præsens cogitasse sufficiat, sæpe causa belli tantam famem homines inuasisse, ut ille fuerit opulentissimus, interq; omnes alios fortunatissimus, qui tantum cibi habuerit, ut se ipsum (licet parce ac duriter) sustentare potuerit. Hi sunt ergo belli fructus, hi triumphi, hæc gloria. Ferrens omnino, ac totus ex adamante mihi esse videtur, quem tam diri, & miserandi casus non moveant, quiq; non cogitet, quomodo natura, verus & pia parens omnium nostrum, non sua quidem ira, & auersa voluntate, sed aliorum culpa, consuetæ vitæ nutrimenta non dederit, suosq; fructus tunc nobis deesse viderit, quum ipsa forsitan magis nos tueri, atque alere cupiebat. Quam quidem ob rem illis hominibus agenda sunt gratiæ (si cuiquam ob malefacta gratiæ sunt agenda) qui bellis mouendis harum omnium calamitatum auctores extitere. Ceterum non modo hæc illis accepta ferenda sunt, sed etiam pestis inde initium habuit. Ut enim ex uno errore plures proueniunt, sic etiam post hæc mala pestis orbem

orbem aggreditur. Quod sanè tam certum est, ut nullo testimonio probari indigeat. Hoc sine ulla dubitatione affirmari potest, ex discordia oriri bellum, ex bello famem, ex fame pestem, quarum unaquaque miseros mortales adoriens, certatim contendit, quanam illarum citius illos ad interitum perducatur. Verum hæc postrema quo (Dij immortales) horrore? cum hic furiosus morbus tanquam rapidissimum fulgur, quam citissime per omnia loca excurrens, & modò hic, modò ibi diutius consistens, innumerabilia corpora viuientia miserabiliter extinxerit? Hac grassante, omniaq; suo contagio inficiente, non parens filium, non filius parentem adiuuat. Frater fratrem fugit, vir uxorem, uxor virum abhorret (quodq; haud minoris estimandum est) per hanc sæpenumero arctissimum vinculum disrumpitur, sanctissimaq; lex amicitiae truncatur, atque dissoluitur. O infelix, cui malo suo fato, nasci contigit, ea potissimum tempestate, qua bellicus furor omnia diuina & humana iura peruertens, humanam vitam usque adeo miserabilem efficit. O longe infelicior, qui ea natus, altus, ac educatus hos tam diros, ac horribiles ictus declinare non potuit. O vere infelicissimus, si tanto miseriarum agmine circumdatus, mentem suam ad Deum non erexerit, omniaq; rerum humanarum spe deposita, suam animam cum Deo unico, veri boni auctore, non iterum coniunxerit.

De Bello & Pace,

xerit. Etenim si hæ acerbissima pœna, nostros animos tantopere transfigunt, cur nostros oculos ad eum non conuertimus? Cur in tantis miseris eius opem non imploramus? Si iratus est, placabitur, si sententiam tulit, immutabitur: eoq; modo ipse immutabitur, quo olim pœnitentia & lacrymis Niuiitarum duram sententiam per os Iona in eos datam reuocauit. Sed homines nescio quo illorum scelere semper oculos in terram potius, quàm in cœlum defigunt, & hæc humana terrestri solum ratione considerant, indeq; fit ut persepe diuino splendore destituti, obscurissimis & plusquàm Cymmerijs tenebris inuoluantur. Cur itaque mirum est, si tot belli, famis, pestisq; calamitatibus afficiantur? Quid mirum etiam, si illa amarissima radix omnium malorum, si letale illud uenenum, quod omnia uiuentia sua ui mortifera inficit, si denique illa infernalis furia, pestilentissima discordia, Principum animos transuersos agat, nec sinat quiescere, quò minus omnia susq; deq; misceantur? Ad hæc infinita mala & miserias, illud quoque minime silentio inuoluendum est, quòd Marte seniente omnia bonarum artium studia, omnis nobilitas, mores, leges, ac religio, quasi ex orbe, migrare coguntur, nec ullum habent locum, ubi consistant, sicq; incertis sedibus uagantes, omnibusq; inuise, ad interitum properant. Nec in primis hoc à me dicitur de literis, bonisq; artibus, eo quòd extin-

Etis

Etis tot uiris occasione belli, docti etiam ac eruditi
intererunt: sed quoniam nec hi, qui superstites rema-
nent, possunt, aut uolunt studiis amplius operam
nauare, cum id primum sit eis ablatum ui, uel à
fortuna, alterum à consilio, uel ab usu. Ecquis
enim est, qui inter asperos tumultus, ac strepitus
armorum literas uel intueri queat? Quod si forte
illarum amore accensus, ad eas redierit, & inter-
missa studia repetat, qua quiete mentis, qua ne ani-
mi tranquillitate id facit? Profectò quum primum
tympana exaudiri, & martialis tuba sonitum da-
re incipit, omnia hæc præclara studia, & laudabi-
les discipline conticescunt, ac sepultæ iacent. Im-
pedit uis, & fortuna illis adimit commoditatem
bene agendi, nec illi à minus ualentibus resisti po-
test, nec huius anfractus euitari, sicq; ambo alie-
nis miserijs oblectantur. Sed huiusmodi studiis nec
mentem amplius adycere uolunt, sic nonnulli ex
malis, quod minus malum est eligentes, consulunt
sibi ipsis, & quosdam usus uirtutum, quas amise-
runt, mouet, ut ea tanquam nihil emolumenti se-
cum afferentia, penitus deferant. Sed age cur li-
terarum studiis homines diutius inuigilarent. Num
honoris gratiam? At ipsi inter enses & milita-
rem furorem omnibus contemptui habentur, om-
nibusq; contumelijs exponuntur. Spe præmij? At
belli tempore nihil magis despicitur, nihilq; ma-
gis alienum est ab omni præmio. Ut uiuant secu-
riores?

De Bello & Pace,

riores? At nudi & laceri, sunt praeda uel inerti-
tissimi militis, ac ignauissimi nebulonis. Oblecta-
tionis ergo? Sed quis unquam poterit ea re dele-
ctari, qua ipse non colatur apud alios, qua uet tibi,
quum maxime opus est, auxilio non subueniat, nec
minus in periculis tutiorem reddat? vel quomodo
inter tot miseras, turbinumq; procellas potest in
animum sapientis cadere cupido ullius oblectamen-
ti? Res planè digna est omni admiratione, ut in
his tantis erumnis, ac bellicis furoribus emicet vel
minima scintillula uerae gloriae, cum homines tot
calamitatibus perterriti, omniaq; tanquam inuti-
lia contemnentes, tantummodo cogitent, quomodo
suae salutis prospiciant. Quòd uero in bellis maxi-
ma nobilitatis iactura fiat, eaq; saepenumero extin-
guatur, nedum aliena, nouaq; stirpe misceatur,
haud sanè multis eget argumentis, ut probetur.
Nam quotidie uidemus homines, obscurissimo ac vi-
lissimo genere natos, causa huius execrandae pestis,
eò insolentiae deuenire, ut correptis armis, veteres,
& nobiles ciues è suis sedibus eiciant, sibiq; indi-
gnè usurpantes, quod cum dignitate mereri nec pos-
sunt, nec sciunt, nobilitatis gradus confundere, ac
sepelire modis omnibus allaborant, & interdum eò
progreduuntur, ut martio furore omnia miscente,
vix ullum uerae nobilitatis vestigium agnoscatur.
Nonnulli etiam timore, ac imminente periculo, re-
lictis laribus, & natali solo, in alias regiones com-
migrant,

migrant, ibi quò securius uiuant, sibi domicilium
constituentes, ubi deinde nec pristinum gradum,
nec dignitatem tueri possunt. Quidam alij, suis do-
mibus ab externis nationibus expulsi, uagisq; ac
incertis sedibus misere uagantes, magnaq; inopia
& egestate oppressi, omne signum nobilitatis amit-
tunt. Huius rei multa exempla recenseri possent,
quæ in uarijs, diuersisq; prouincijs, etiam nostra
ætate acciderunt. At quis ea sine maxima animi
commotione, ac gemitu uel audiret, uel cæteris nar-
raret? & quem obsecro non commoueant tot mise-
riæ? quem etiam non tædeat pigeatq; uidere prate-
ritorum, ac recentium bellorum culpa, omnem pro-
borum morum integritatem, hoc infelicissimo secu-
lo corruptam esse? Et quis enim ullus fere mortaliū
est, qui conspiciens, non modo pudori, probitati, uir-
tuti, uerum etiam libertati, ac saluti, nihil amplius
loci relictū, quadam desperatione adaectus, non de-
clinat à uero itinere, quiq; clare intuens, eos magis
astimari, ditioresq; fieri, qui magis procul à, re-
cto tramite descuerunt, is etiam pari exemplo non
eadem uestigia sequatur? sic homines imitantur
eos, quos ad opes, ac dignitatum fastigia euectos ui-
dent. Nostro quidem tempore ut plurimum neque
modestia, neque temperantia, neque iustitia, neque
fides quicquam amplius ualent. Hæ uirtutes inter
strepitus militares nullum omnino locum habent.
Qui nostra ætate uirtutibus, quàm optimè arma-

De Bello & Pace,

tus esse cupit, eum penitus immodestum, intemperantem, quin etiam iniustum, ac infidum esse oportet. Hinc sanè præter maxima commoda, quæ hinc assequetur, etiam pro prudentissimo, maximig, consilij homine habebitur. Quid plura? Omnes hunc probum atque honestum dicent, sic mali ac improbi nefaria scelerata, honestatis titulo te gere, ac eo nuncupare didicerunt. Equidem nollem, uideri, de animi humani uirtute diffidere, nec omnino existimare, non posse etiam hoc nostro corruptissimo sæculo, uideri aliquam spem correctionis morum: sed hoc dico maximam difficultatem esse, ut in tanta uiuendi licentia, & probitatis corruptela, pristinae bonitatis disciplina retineatur, & cum hominis natura facillime in malum prolabatur, nec ullo freno cohiberi queat, quin potius diuersis blanditijs huc alliciatur, mirum non esse, si mundus prauis ac uitiosis hominibus repleatur. Cui quidem rei magnorum Principum prudentia, omni cura & industria prospicere debet, ne melior pars, inermis, inter peiores remaneat, ne uel probum esse, sit illi capitalis pœna, & scelus morte expiandum. Nec ista ullo modo corrigi possunt, nisi & bella corrigantur, quæ quidem infinitam multitudinẽ facinorosorum hominum in se admittunt, quosdam nutriunt, & plerosque tales efficiunt, adeo ut quicumque uelit impune delinquere, suisq, sceleribus inuenire securitatem, ad bellum tanquam ad Asylum

lum confugiat, & in illis commorans non solum ob
sua scelera non punitur, sed etiam subito inuenit,
qui eum & premijs & maximis honoribus prose-
quatur. Bella quæ hodie geruntur, non sunt qua-
lia olim veteres gerebant, in quibus magis Deus
quàm homines timebatur, omniaq; rite, ac iuxta
æquitatem fiebant. Erga Ducem ac Imperato-
rem exercitus, erat summus metus, ac obseruan-
tia, inter ipsos milites mutuus amor, atque con-
córdia, nec illis oppida & vrbes vice stipendij da-
bantur; non donabatur libertas, aut vita mise-
rorum hominum. Nihilominus tamen si tot da-
mna inferebantur innoxijs, totq; mala videbantur
in ea tam ordinata militia, quid obsecro de hac in-
ordinata & incerta existimandum est, ubi sine sa-
cramento, sine amore, sine vlllo prorsus ordine om-
nia subduntur inexplebili hominum cupiditati, ac
seuitiæ, modo rapaces, & cruenta illorum manus
tam ultra extendi possint? Hinc fit, ut leges, quæ pro
urbium quiete, & conseruatione inuenta sunt, pa-
rum, vel nihil obseruentur; ut magistratui, le-
gum normæ, ac magistro, nulla vel per exigua obe-
dientia exhibeatur; ut nemo bonorum ordinum in-
staurator existimetur. Nanque ubi omnia confuse
ac inordinate reguntur, omniaq; vi armorum ad-
ministrantur, qui fieri potest, ut leges ibi vllum lo-
cum obtineant? Quomodo iudices ibi colentur, si-
ue vlllo in pretio habebuntur, ubi omnis da-

F tur

De Bello & Pace,

tur opera, ut ille è, medio tollantur? Nunquam profectò sine legibus vlla quies, viuendiq; tranquillitas in orbe vigeat. At silent leges inter arma; sine magistratibus nihil tutum erit; atqui arma corrumpunt magistratus. Citra ordinem omnia confunduntur. Hac autem tempora omnem ordinem euertunt. Ex quibus certè hi qui diu sub metu legis vixerunt, seq; ad eius præscripta composuerunt, illarum contemptum nequeunt non quàm agerrime ferre. Prima iuris præcepta sunt. Honestè viuere, neminem ledere, ius suum cuique tribuere. at in illis perditissimis moribus, & sceleratissimis cupidinibus, quomodo quis honestè viuat, cum solum ad res inhonestas, longeq; turpissimas animus propendat, illisq; dumtaxat homines dedantur? Quomodo non quiuis ledatur, cum innocentes, ac immeriti suis fortunis, libertate, ac sæpe etiam vita priuentur? At hæc omnia bellis ac dissensionibus accepta ferenda esse quis non videt? Quo circa si tandem his malis homines finem imponerent, præclarissimè cum mortalibus ageretur, omniaq; in tranquillissimo, ac beatissimo statu florere. Cæterum haud equidem ob id negarim, inter eos qui militaribus armis induuntur, non fuisse olim, ac etiamnum esse, multos homines dignos gloria, & immortalis laude, qui probitate, usu rerum, & cæteris præstantissimis virtutibus ad altiore gradum excellentium hominum ascenderint, quin etiam,

etiam, certo scio, per plurimos huiusmodi extitisse, ac etiam esse his temporibus. At minime id satis est, nec sufficit quantum res postularet. Cum enim aliorum ordines tantopere corrupti sint, nequeunt per hos, quos dixi, plenè & absolutè ad debitum ordinem reduci; cum uero illorum virtus, tot malis, ob varias causas, resistere nequeat, necesse est ut aliorum libidini cedant, & potius cogitent quid sibi agendum sit, ne ipsi met corrumpantur, quàm ut sperent, se unquam tam multorum corruptelæ mederi posse. Maiorem sanè potentiam, altiusq; principium hæc provincia, ut semel inchoata perficeretur, sibi postulat. Hi tamen haud mediocri laude digni esse videntur, qui studiosis, honestisq; actionibus aliquod semen veræ virtutis inter alios spargunt; quod quidem temporis progressu, forsitan uberrimos, ac utilissimos fructus, ex se producet, conformes primæ origini earum rerum, quas ipsi tam egregiè præstiterunt. Interim omni cura & studio deberent homines his tantis calamitatibus finem imponere. Nam esto, ut nihil eos ab huiusmodi cogitatione abduceret, nihilq; aliud eorum animos incitaret, metus certè diuinæ iustitiæ, ac Religionis cura, meritò extimulare deberet. Nam si cetera omnia incommoda diligenter æstimentur, ut omnia mala cum hoc, iusta lance, ponderentur, ea profectò nihil fere à sapientibus, et simul bonis æstimanda sunt. Illa enim res huma-

De Bello & Pace,

nas, hac cœlestes intuentur. In illis hoc terrenum & mortale corpus affligitur, in his uero anima diuina & immortalis. Per illa, quæ ad homines tantummodo spectant, per hæc autem quæ ad Deum, eiusq; gloriam pertinent, opprimuntur. Hoc enim effrenato diri martis impetu, ac præcipiti furore uera Dei religio, ueraq; in nostrum unicum seruatorem fides, haud sanè uno modo dumtaxat offenditur, at ceriè uarijs, ac diuersis modis. ex quibus, tametsi per plures recenseri possent, hos tantum in præsentia enumerasse sufficiet; unde quantires ista momenti sit, quantiq; referat, cuius facile manifestum erit.

Prima quidem ratio est, quòd quicumque nostri temporis militia intricantur, facillime Dei contemptores fiant, siquidem illius uita libertas, ne dicam licentia, effici, ut omni Dei timore deposito, sibi ipsi solum suisq; uiribus fidant, & excusso religionis iugo, nihil non sibi licere arbitrentur. Pro cuius quidem rei probatione, nullo alio testimonio est opus, nisi quòd ipsi nunquam auderent, quæ audent, nec ea facerent quæ faciunt, si ullo Dei timore illorum animi tenerentur, cum tamen inter alia eius præcepta, & hoc sit, neminem iniurijs afficiendum. Hinc etiam cæteris nocent, nunc desperatione, nunc exemplo, & (sicut aliqua corporis pars infecta) reliqua omnia inficiunt. Nam alij his tantis malis undique circumsepti, & quadam

dam ferè desperatione adacti, infinitis, usq; falsis cogitationibus mentem replent. Nonnulli multis prauis operibus allekti, religionis frenum dentibus apprehendunt, deinde, in omnia scelera ruentes, ad illa præcípites, totisq; animis feruntur. Nec sanè video quid nam homini maius damnum afferat, quid'ue dignius correctione sit, quam religionem neglectui habere. Quisquis enim hoc agit, non modo suam animam offendit, ac in Dei iudicio meritas pœnas luet suorum scelerum; sed etiam generis humani societatem euertit, simulq; aliorum quietem infestat. Proinde si veteres Romani, licet falsam religionem colerent, seuerè puniebant, qui secus quàm ea præcipiebat, egissent, siue de ea minus quàm decebat, honorificè locuti essent, qua pœna, quo'ue supplicio digni sunt, qui in uera, & sincera Dei fide, ac religione nihil aliud christiani hominis habent, quàm titulum? Nimis profectò, nimis dignæ sunt, nimisq; magni momenti res fidei, ac nostræ animæ, nec scio qui possit inueniri tam impos mentis, tamq; communi sensu & ratione priuatus, qui pro his terrenis & momentaneis bonis, æterna, & cœlestia contemnat.

Secunda, quamdiu hæc diffidia & bella perdurant, magisq; his orbis ardet, magis etiam subinde crescunt opinionum varietates, maiusq; impedimentum adiungitur, quo minus in aliqua synodo generali, vel nationali, fiant per uiros eruditos,

De Bello & Pace,

ac pios, mutue sententiarum collationes, liberaq;
iudicia habeantur, ut tandem certa ratio iniretur
earum rerum, quas homines in posterum sequerentur.
Quod quidem quàm nostro tempore pernece-
sarium sit, nemo est sanæ mentis qui non videat.

Ex quo quidem disceptari cœptum est de religione,
plurimaq; in dubium vocari, quæ antea pro certis-
simis, ac verissimis habebantur, multa varia col-
loquia ad religionem pertinentia per doctissimos, ac
disertissimos viros coram Imperatore Carolo, &
ceteris principibus extitere. Sed quominus opta-
tos ac etiam speratos exitus habuerint, ut pluri-
mum bella impedire. In Italia quem fructum ha-
buerint, sæpius inchoatæ sessiones, omnes norunt.

In Gallis, & antea, & postremo, unde tanta san-
guinis effusio, tanta strages? Non aliunde profe-
cto, quàm ab hac teterrima belli lue, & sathanico
furore originem habuit. Nec sanè adhuc quisquam
est, tanta prudentia & sapientia præditus, qui ha-
rum calamitatum finem prospiciat, nisi tandem ar-
mis depositis, tranquillius locus assignetur homini-
bus pijs, ac eruditis, in quo liceat libere loqui quod
sentiant, sicq; omnis de religione controuersia diri-
matur. sed quamdiu mars furit, quid non potius
metui, quàm sperari possit? Morbus quidem iste,
qui tam multorum animos correpsit, grauissimus
est, ac etiam diuturnus. At minime tamen de re-
medio, eiusq; curatione desperandum foret, si hæc
aspera

aspera corda, & irata principum voluntates, mitiores fierent, si arma illa crudelia, quæ in eos, qui Christo nomina dederunt, iam diu sumpta sunt, tandem deponerentur, vel saltem aliò verterentur.

Nec enim dubitandum est, quin hæc virulenta pestis cessaret, hic ardentissimus ignis extingueretur, & qui nunc à vera fide desciscunt, cognita veritate, se ipsos tandem agnoscerent, ac certa incertis, veraq; falsis anteponerent. Cur autem huiusce rei spes nobis abijcienda foret, cum innumeris exemplis longè secus euenire appareat? Quoties olim in primitiua Ecclesia, ijsq; temporibus, quæ postea secuta sunt, fuere dissidia fidei, ac etiam de primarijs articulis earum rerum, quibus negatis prorsus homini de sua salute desperandum est? Quis autem nescit, ea demum per bonos principes fuisse composita, nec tamen ullo modo componi potuisse, nisi eorum imperio, sedatis bellis, tranquillitas in ijs locis fuisset, ubi huiusmodi controuersie, hominum animos, in tam varias, easdemq; falsissimas persuasiones trahebant?

Tertia propter varias dissensiones Christianorum Principum, Turcarum vires, qui sunt immanissimi, ac ferocissimi hostes nominis, ac fidei nostræ, quotidie maiores fiunt. Impurissimum Mahumetis Imperium quotidie magis, magisq; crescit, nostroq; maximo damno, ac dedecore terminos latius extendit, nec huius rei ulla verior, ac

De Bello & Pace,

certior causa est, quam mutua nostrorum principum odia, & animorum dissensiones. Sic Boemundi, & Tancredi primum, deinde ceterorum discordia, Saladinus nostros expulit ex Asia, & immaculatum seruatoris nostri sepulchrum denuo redijt ad infidelium vires. Sic Paleologis, & Catacuisinis inter se certantibus, primus Amurates possessionem amplioris meliorisq³ partis Gracie occupauit. Sic principibus occidentis Imperij, inuicem dissentientibus, Sultanus Mahumetes, cepit Constantinopolim, & nomen Imperij Orientis extinxit. sic denique (ut alia infinita omittam) potentissimus, ac superbissimus Turcarum Imperator Solimanus, qui nunc reru summa potitur, vicit Belgradum, expugnauit Rhodum, totumq³ penè Hungariae Regnum ferro, ac incendijs deuastauit, plurimasq³ provincias, & oppida, longè munissima, quæ uirtute, ac forti manu inclyti, & gloriosissimi Matthie Hungariae Regis, Turcarum Imperio erepta fuerant, rursus (proh dolor) in eorum ditionem rediere. Quid memorem Viennæ obsidionem bis tentatam? Quid tot præclarissimas vrbes, & loca misere spoliata, & incensa? Profectò si ita pergatur, maximè uerendum est, ne etiam (quod omen Deus auertat) reliquæ provincie in Europa, iisdem mutationibus obnoxia futurae sint, eademq³ pericula subitura, quæ cetera orbis partes, hæcq³ longe maxima, ac potentissima, subierunt.

runt. Etsi nanque difficile est, de futuris rebus certam proferre sententiam, interdum tamen coniectura licet propius accedere, praesertim quum res huiusmodi est, ut eius exitus facile uideri possit. Sic miseri, ac dementes Christianorum principes, dum inter se dimicant, & alter alteri perniciem struit, Turca eorum ruinam letus aspicit, Christiani uincunt, ipse triumphat. Christiani mutuo se interficiunt, ipse praeda potitur. Vig. summam, unoq. uerbo omnia complectar, eorum inertia, odio intestino, & ambitione uana, quam felicissime letatur, ac ex utroque maxima commoda & utilitates assequitur. His uero malis, & calamitatibus unicum remedium relinquitur, ut uidelicet meminerint, se non ideo principes à Deo constitutos, ut simul consumentur, sibiq. subditos una secum destruant, sed ut in mutuo amore, ac beneuolentia conseruentur, omniq. iustitia & equitate praesint, eisq. sceptrum datur, ut in primis quae ad uerum dei cultum, ac eius gloriam celebrandam pertinent, quam diligentissime promouere studeant. Nec sanè Deus exigit ab eis odium, liuorem, & ambitionem, sed sincerum amorem, caritatem, atque concordiam, decetq. ex illorum potentia nodum quendam, & harmonicam unitatem econnectere, unde cuius manifestum sit, deis omnem regnandi potestatem, à Christo Regum Rege, tributam esse, ac illa imperia, illa Regna & ditiones,
per

De Bello & Pace,

per Christum habere, ideoq; sibi dandam esse operam, ut pro his maximis beneficijs, quàm gratissimi inueniantur. Quocirca nec cupiditate, nec ira, nec alio animi affectu, illis arma sumenda sunt, sed tantummodo quum ea suscipi necessitas urget, pro fide ac religione. Hæc si secum interdum cogitauerint, non poterunt non angî maximo dolore miseriarum præteritarum, earumq; memoria, & recordatione non sæpe ingemiscere. Tunc proculdubio incipient impetus armorum cohibere, ac ea in meliorem usum conuertere, modisq; omnibus conabuntur, in illis locis tranquillitatem, ac serenitatem inducere, quæ in densissimis tenebris posita, diu Phæbi splendorem aspicere nequiuerunt. Id uerò cum absque singulari dono sanctissimæ pacis, nullo modo fieri, aut sperari possit, nunc aliquid de illa dicendum videtur. Itaque ut superius nonnulla, de dissensione ac bello, deq; his, quæ ab utroque emanant, disserui; nunc deinceps aliqua mitiori sermone de pace, atque concordia, quosve in hominum vita effectus producere soleant, breuibus demonstrabo. Nemo est mortaliū, qui vel ad hoc solum amabilissimum nomen pacis, non maximam subito & incredibilem animo letitiam sentiat. Hæc verò tanto dulcius, ac iucundius bonum existimatur, quanto belli fructus acerbiores fuerunt. Et sanè hæc unica uia, unicumq; remedium est, quod homines tantis ærumnis, atque miserijs,

serijs, quibus impliciti opprimuntur, extricare potest, totq³ imminentibus periculis eripere. Huc igitur, si à nobis nostrorum commodorum ratio habetur, mentes dirigenda sunt, si uerò communium, longe maior. Nec ipse uereor ullum sapientem inueniri, qui pacis commoda non intelligat, bellig³ non sentiat incommoda, quiq³ non libere affirmet, quæta & tranquilla tempora esse multo feliciora perturbatis, & pacem discordia tutiorem. Atqui homines, etsi persæpe norunt quid magis conducat, quidq³ sit magis expediens, illud tamen ignorant, uel interdum nequeunt, ut oporteret, firma deliberatione amplecti. atque id ob multas difficultates, quas de magnis rebus consultatio secum affert. Has enim haud facile cuius aggredi posse uidetur, atque perficere, nisi aliqua excellenti uirtute impulsæ, ac adiutæ ad optatum exitum perducantur. Quantas igitur laudes merentur quorum opera, prudentia, et auctoritate pax in aliqua prouincia restituitur? Profectò uix ullæ tam magnæ ac ingentes dari possunt, quin multo maiores mereantur. Quod si summis honoribus celebratur, qui uel unius urbis conditor extiterit, quantis illum celebrari par est, qui ita se gesserit, ut per eum innumerae urbes conditæ ab omni excidio præseruentur? Quod si omne bonum tanto præstantius est, quanto latius patet, quanta laudis gloria digni sunt, qui tantum bonum, tamq³ amplum beneficium

De Bello & Pace,

*cium alicui Regno praestitere? quod autem benefi-
cium huic maius, uel etiam simile inueniri potest?
Etsi homines bonarum legum auctores, maximis
atque innumeris laudibus euehuntur, quantis ille
euehi, quantis etiam praconijs efferrī debet, per
quem earum conseruatio atque defensio cum securis-
sima tranquillitate reddatur? Equidem haud no-
ui unde principes (atque hodie praesertim) nobilio-
rem gloriam ulla re alia, quam ista sibi compara-
re possint. Mibi certe inanis & iniusta illa gloria
uidetur, quae aliorum iniuria quaritur. Illa est ue-
ra, honesta, iusta, & immortalis gloria ab omni-
bus indicanda, quae non urbium euerfione, popu-
lisq; affligendis constat, sed earum conseruatione,
illisq; uiuandis acquiritur. Hoc autem fiet, si pax,
quies, & concordia restituantur. Hic uera uirtus
elucet, qua illorum animi accenduntur, ut pro-
sint, non obfint, ut seruent, non perdant: ex quo fit,
ut gloria, quae hinc tanquam ex bona & uiua ra-
dice nascitur, semper pulchrior floreat, cuius qui-
dem specie ac amoenitate, tanquam ex suauissimo
odore allectus quisque mirifice delectatur. Etsi ue-
rò hi principes, per quos tale ac tantum beneficium
homines consequuntur, nulla gloriae cupiditate, uel
ambitione, sed tantummodo quodam Zelo bene a-
gendi, ad hoc impelluntur, tamen ueram uirtutem,
semper debita gloria comitatur, utq; corpus um-
bram, sic illam hac sequitur. Quicumque igitur
aliquid*

*aliquid inter mortales honorifice, atque cum laude
gesserunt, hos honores fugere nequeunt, nec has lau-
des, quæ sibi iure conueniunt, euitare, ne inquam
illorum merita multorum ore prædicentur, ne'ue
scriptis excellentissimorum hominum in cælum us-
que efferantur, quin potius illorum laudes eò magis
celebrantur, quò minus illos ardore gloriæ flagra-
re, omniaq, nulla fama, aut præmi cupiditate, sed
honestatis, uirtutisq, ac publicæ utilitatis amore,
homines facere animaduertunt. Sic sanè egregia
nobilissimorum virorum facta, cum æterna eorum
virtutis memoria, perpetuo vigent, & plerique a-
lij, vel eorum forsân exemplo commoti, vel pari glo-
ria incitati, ad res præclaras multò facilius incen-
duntur. Caterum (ut omnes alias rationes præte-
ream) quis est inter Christianos, vel mediocriter
prudens, nedum alta & sublimi eruditione conspi-
cuus, qui non sape vel audierit, vel legerit, diuinā
& infallibilem Christi, veri Seruatoris nostri, ac
in omni actione & opere, longe sanctissimi, ac so-
lius verissimi exempli, vocem fuisse, ut Pax inter
homines conseruetur? Is certe in quascunque ædes
introibat, pacem annunciabat, utq, idem sui disci-
puli ubique facerent, admonebat. Cumq, mendax
& maligna Hebræorum gens, illi vitio verteret,
quòd miseros, oppressos à Demone sanaret, osten-
dit, omne Regnum, in quo non esset Pax, at in se di-
uisum foret, atque dissentiens, breui ruiturum. Ip-
se*

De Bello & Pace,

se quoque in fine sua terrena peregrinationis cum extrema iam hora sibi aduentaret, suos discipulos circa se habens, quid ne etiam illos facere oporteret, ostendens, quid eis reliquit? Bellum ne? Minime istud est pretiosum illud ac ditissimum testamentum, quod eis relictum voluit, sed pacem. Pacem meam (inquit) do vobis, pacem relinquo vobis: ita semper ipse pacem dilexit, & super omnes alias res humanas caram sibi esse demonstravit.

Quid itaque opus est, ut haec ipse commemorem?

An ne id forsitan est obscurum, atque reconditum?

Quocirca huc animi, huc mentes, huc omnia sua consilia, & cogitationes Christianis Principibus dirigenda sunt, ut videlicet amota omni contentione, omniq; odio deposito, paci, qua nihil in terris est melius, nihilq; optabilius, perpetuo studeant.

Accidunt persaepe (fateor) inter eos, multa & gravissima controuersia, quae nulla alia ratione dirimi posse videntur, quam bello & armis. Ceterum omnia prius tentanda, quam ut res huc deueniat, adeo ut non nisi coacti, & inuitissimis animis, ad bellum pertrahantur. At si tandem aliquis eorum, extrema necessitate coactus, in alterum arma sumpserit, nec alia via ius suum tueri possit, haud equidem inficior, illud bellum esse legitimum, nec humano, vel diuino iuri aduersari. licet enim, idq; natura omnibus innatum est, seipsum defendere ac illatas iniurias propulsare, sed tamen diligenter, ac sedulo

sedulo cauendum est, ne ipsi primi sint, qui cateris vim inferant, bellique occasionem praebeant. Id enim ut plurimum ex nimia regnandi cupiditate, atque ambitione oriri solet. Si vero mutua illorum odia eoque processerint, ut manu decertandum sit, & Martis alea obeunda, non tamen idcirco (etiam postquam dimicatum est) omnis spes de conciliatione abiicienda, quin etiam in medijs armis, inque ipsa rerum desperatione aliquando accidit, ut pacis conditiones propositae receptae sint, atque ubi antea summum odium erat, summaque animorum alienatio, ibi tandem maximus amor, summaque reconciliata uoluntatis coniunctio, & sincerissimus verae fidei candor extiterit. Sed quid opus ista commemorem? Nemo est animo tam fero, nec tam ferrea natura, qui non interdum ipsa humanitate pungatur, moueaturque, nec est etiam ullus, tanta ira percitus, qui nequeat uel ratione placari, uel animi demissione mansuescere. Quid ergo sperandum de illis est, qui inter bonos mores & sancta instituta enutriti, legibus & iustitia supremum dignitatis gradum adepti sunt? Non ne credibile est hos (licet maxime iratos) leniri posse, ac licet superbissimi, quam mitissimos reddi? Profecto ut natura prima & vera magistra nostrorum affectuum calidas illas fauillulas, in nobis ab initio sparsit, per quas quidem tam facile ad iram, & vindictam accendimur, sic etiam illa dulcia semina in nobis

De Bello & Pace,

nobis plantavit, quæ nos ex omni tempestate, ac turbine in dulcissimam quandam serenitatem, ac mansuetudinem redire facit. Bella quidem geruntur, non ut semper in illis viuatur, sed ut per bella, pace fruamur. Etenim si ex uno semper alterum nascitur, & secundum surgit ex primi seminibus, quis unquam esset discordiarum finis? Quando unquam homines dulcissimos, ac optatissimos pacis fructus perciperent? non dubium est quin hos persæpe impediatur quedam in primis honesta ambitio, deinde modus & conditiones ineunda pacis. Regnat enim semper in magnis principibus, & in mentibus potentissimorum Regum, quedam opinio, ne unquam sint primi, qui cæteris inferiores videantur, existimantes forsitan multum illi decedere de sua dignitate, & amplitudine qui primus flectitur ad petendam pacem. Hinc etiam unusquisque cogitat (ut est hominum natura) quæ possit meliores utilioresq; conditiones pro se suoq; Regno habere. Sed tamen hæc difficultates facillime ab his vincuntur, qui mentem non alienam à pace circumferunt. Sicut enim hæctenus plerumque accidit, bellicæ controuersie (licet maximæ ac plurimæ sint) dirimuntur vel virtute alicuius rectæ iustitiæ, vel iniuriæ compensatione cum altera, hæc q; ratio cum altera comparatur, vel saltem pro minori damno, ut q; finis imponatur maioribus miserijs, alter alteri concedit aliquid de suo iure, pro-

ut sapientibus hominibus pro rei magnitudine conducibile videtur. Caterum inter pios Christianosque principes qui primus est auctor componendarum rerum, quique propensiori animo est ad pacem amplectendam, etiam si non per omnia, sibi conditiones placeant, is omnino sempiternis laudibus in cœlum usque ab hominibus feretur, immo etiam multo magis à Deo, qui ut perfectissimus bonorum operum perscrutator, in utraque vita maioribus donis ea remunerat. Nec enim huiusmodi principis pietas parvi aestimanda est, at potius maxima & eximia censenda, qui publica commoda, privatis anteponat, malitque pacem vel mediocribus, ac etiam interdum iniquis conditionibus, quam in causa esse ut omnia cadibus, latrocinis, & innumeris calamitatibus repleantur. Quid dicam quanto pere sit in eo commendanda religio? Cum enim homines belli tempore fiant scelerati, Dei, ac omnium rerum cœlestium contemptores, cumque vera Christi fides, his martiris furoribus, non solum non defendatur, sed potius miris modis offendatur, & ob id iuste diuinitus affligatur: hæc ipse considerans, ne sit causa tot malorum, faciles aures ijs præbet, qui eum ad pacem cohortantur, eamque non modo sibi oblatam non respuit, sed etiam ultro primus eam postulat, modisque omnibus amplecti cupit. Hoc itaque agentes, nonne maxima in Deum religione, maximoque illius metu, suum animum imbutum,

G esse

De Bello & Pace,
esse declarat? Quocirca huiusmodi principes qui
hoc procurant, summis laudibus meritò efferendi,
contra, valde vituperandi sunt, qui paci arma præ
ferentes, in causa sunt, ut cælum terræ misceatur,
nihilq; aliud in suis regnis, præter calamitosam fa
ciem, omnium miseriarum appareat.




PETRI BIZZARI

ORATIO

PRO PHILOSOPHIA,
ET ELOQVENTIA.

AD FRANCISCVM
ROSSELLVM.



VENETIIS, M D L X V.



RANCISCO ROSSELLO Co-
miti Bedfordiæ, Consiliario Re-
gio, equestris ordinis, ac Præfe-
cto Anglicanæ militiæ in Arce
Baruicensi, uiro cum ingenio ac prudentia,
tum pietate, candore, beneficentia, omni-
busq; uirtutibus, quæ uere nobilem dece-
ant, ornatissimo,

Petrus Bizzarus hoc breui scripto animi
sui obseruantiam testatur.

Ad eundem.

*Multos exornant tituli nomenq; decusq;
Quod Princeps casu vel ratione dedit.
Tu uero quicquid tituli, splendoris, honoris,
Quicquid & acceptæ prosperitatis habes;
Id totum illustras meritis Rosselle, tuisq;
Egregijs factis, integritate, fide.
Ergo etiam quæcunque olim contingeret habere,
Semper erunt meritis inferiora tuis.*





PETRI BIZZARI
ORATIO PRO PHILOSO-
PHIA ET ELOQVENTIA.



ERISSIMA est illa dialecticorum sen-
tentia; Quæ inuicem aduersantur,
nullo modo simul posse consistere. Hinc
ergo cuius persfacile datur intelligi,
(nobilissimi auditores) virtutem & vitia, cum in-
ter se maxime opponantur, nunquam in eodem in-
diuiduo posse simul versari. Quisquis enim vir-
tuti adheret, eamq; sibi amplectendam statuit,
huic sanè nihil antiquius est, quàm ut ocium, ca-
pitalem hostem alterius, vehementer fugiat, eiq;
pro virili parte aduersetur. Hoc autem & vitio
annexum, & indiuisum sibi comitem esse, tam
planè perspicuum est, ut nulla omnino ratione pro-
bari indigeat. Hinc enim tanquam ex fonte, vo-
luptatum illecebra, inertia, inscitia, furti, homici-
dia, omnia deniq; scelerū genera proficiscuntur &
3 manant.

Pro Philosophia &

manant. Quicunque igitur suas actiones ad laudis gloriam, nominisq; celebritatem, tanquam ad certissimum scopum, dirigere cupit, huic semper omni studio ac diligentia cauendum est, ne uitam veluti pecora, silentio transigat, ocio deditus, sed potius virtutem, qua nihil præclarior, nihilq; dignius homini à Deo tribuitur, toto pectore amplectatur. Nec enim frustra hic sumus conditi, utq; quotidie (sicuti olim prouerbio dicebatur) instar Milesiorum & Sybaritarum, huc & illuc per forum & vicos vagemur, sed ut continuo labore, pulcherrima nobilissimaq; naturæ dona, quibus ornati sumus, in hac vita exerceremus. Hæc enim ut canem aptum ad indagandas capiendasq; feras, ut boues ad arandum, pisces ad natandum, uolucres ad volatum, equosq; ad cursum creauit, sic etiam homines, duas ob res potissimum nasci voluit, primo, ut abdita & abstrusa naturæ mysteria rimarentur & intelligerent, secundo, ut ea facerent, quæ digna essent posterorum memoria. Hanc ob causam Seneca scite ac prudenter ocium esse simile morti, & uiuentium sepulchrum dicebat. Hoc autem verissimum esse, Turanius, quem Cæsar omnibus suis rebus præfecerat, perspicue declarauit. Hic enim cum iam nonagenarius, iuberetur sui muneris onus deponere, atque à molestiis rerum gerendarum quiescere, tanto statim dolore ob id affectus est, ut in lecto decumbens, perinde ac

si

si è vita decederet, totam suam familiam lacrymis ac mœrore conficeret; nec prius cessarunt gemitus, querelæ ac singultus, quam à Cæsaris humanitate atque clementia in eodem, quod antea gesserat, munere confirmaretur. Quis est tam heberis ingenij, tamq̃ rationis expers, qui non videat & cognoscat ocium animos & corpora corrumpere ac enervare, laborem autem ac exercitium, non solum homines ceteraq̃ animantia, sed etiam omnia quæ hic natura produxit, quàm diutissime tueri & conseruare? Cato quidem Censorinus, quem absolutum Imperatorem, senatorem & oratorem fuisse tradunt historici, dicere solebat, strenuis ac prudentibus viris omni ope nitendum, ut apud eos non minus ocij, quàm negotij fructus constaret.

Si ergo maximam & insignem laudem consequimur, nos ipsos in præclaris actionibus exercendo, quanto nobis vitio ac dedecori vertetur, si ocium secuti uoluptati, luxui, socordia, ceterisq̃ huius generis, vitijs quàm turpissime seruiuerimus? Hinc Ennius, ocio (inquit) nescientem uti, ut decet, plus laboris & molestiæ suscipere, quàm multis et maximis negotijs implicatum. Hoc etiam, addebat ociosum & inertem ignorare quid agat, vel sibi velit, ac huiusmodi esse, ut eum vitæ persepetedeat.

Eracledes Licius (ut memoriæ proditum est) potius laborem, etiam sine ullo fructu eligendum aiebat, quàm ocium. Quin etiam in historijs nar-

Pro Philosophia &

ratur, Amasim Egyptiorum Regem cum videret innumera mala quæ oriuntur ex ocio, tanto illud odio infectatum esse, ut magistratum ordinavit, qui quotannis uniuscuiusque vitam inquireret, ple- neq; cognosceret, cuius artis ac exercitij præsidio, quisque sibi vitæ adminicula quæreretur, & qui erant industrij ac diligentes, illos honoribus prosequeba- tur, qui autem ignavi & ociosi, morte afficiebat. Draco etiam qui leges Atheniensibus præscripsit, ociosis ac inertibus vitam adimebat, utpote indi- gnis qui ea fruerentur. Idem Nabathæos fecisse le- gimus. De Solone autem quid attinet dicere, cum non solum idem egerit, sed etiam lege prohibuerit, ne pater vitæ alimenta peteret à filio, quem nulla arte erudiendum curasset? Profectò si quis diligen- ter secum consideret, quanta sit vis & peruersitas huius perniciosissimæ belluæ, videbit fortissimum il- lum omnibusq; formidabilem Alexandri Macedo- nis exercitum, cuius incredibili robori ac virtuti nec flumina, nec maria, nec montes, nec sylvæ, nec omnes aliæ asperiores naturæ difficultates aduer- sari ac resistere poterant, huius blanditijs, & ne- fandis impurissimæ Babylonie moribus XXXIIII dierum spatio sic enervatum atque corruptum, ut si cum Dario tunc illi dimicandum fuisset, facilli- me devictus, totus omnino interisset. Lacedæmo- nes autem viri (ut omnes norunt) maxima pru- dentia & rei militaris gloria præstantes, qui tam
varia,

varia, difficilia, tamq̃ aspera bella cum finitimis, reliquisq̃ nationibus gessere, ocium, ne illo corrumpentur, ita exhorruere, ut nullam aliam ob causam, statuas armata veneris in Templo collocarent, nisi ut ostenderent, fugiendas esse delicias & labori adhaerendum, vitanda commoda, & militia incommoda suscipienda. Quid? Nonne victores gentium Romani, quorum arma inuicta, etiam remotissimæ orbis partes olim senserant, quibus tot illustria trophæa, totq̃ inclytos & gloriosos triumphos, lati domum reportarunt, cum saepe ob dissidia nata inter Plebem & Senatum, re ipsa didicissent, ac experti essent grauissima damna, quæ inde oriuntur, censores constituere, quorum seuera disciplina ociosorum vita corrigeretur? Videbant utique hunc esse fontem atque originem omnium scelerum, ideoq̃ modis omnibus illi occurrendum, ne tota Respublica pessum iret. Quid dicam de infami vita Artemonis, Abronis, Sardana-pali, Smindiridis, Vatie, multorumq̃ aliorum, qui uoluptatum illecebris allekti ac ignauia corrupti, in maximas tandem arumnas ac miserias incidere? Cato (cuius superius facta est mentio) luci dissimum speculum Romanae probitatis atque prudentia, cum iam esset morti proximus, astantibus amicis, nulla re alia magis dolebat quam sibi ullum diem in ocio perisse. Similiter, quam acerbo animi cruciatu, quam graui mœrore, quam acutis & pungen-

Pro Philosophia &

82
pungentibus pœnitentiæ stimulis, generosi Hanni-
balis pectus transfixum fuisse putandum est, quum
in prima illa exactione tributi, quod Romanis
dandum erat, in mentem subibat, ociosa illa & dis-
soluta vita, quam Capua transegerat, qua quidem
magna ex parte lumen suæ gloriæ resq; tam præcla-
re gestæ obscurabantur, eodemq; tempore sibi sum-
mum dedecus, militibus damnum & infamiam,
patriæ onus ac perpetuum seruitium afferri vide-
bat? In hoc autem aperte cognitum est, solum o-
cium breui temporis interuallo id effecisse, quod Ro-
mani validissimis exercitibus & innumeris anno-
rum spatijs efficere non potuerant. Idcirco Mar-
cus Marcellus, quum milites adhortaretur, ut gna-
uiter ac strenue dimicarent, aiebat inter alia.
Ocium Capuæ idem nocumentum peperisse Cartha-
ginensibus, quod Romanis Cannæ. Hoc Gneus
Manlius extimescens, persæpe suum exercitum
orabat, ne sineret se delitijs & voluptatibus ame-
nitatis Asia corrumpi. hinc etiam Appius Clau-
dius qui etsi sensu oculorum orbis erat, vino tamen
lumine rationis ac mentis etiam qua remotissima
erant prospiciebat, sæpenumero aiebat, populo
Romano magis conducere, ut in assiduo belli labo-
re ac exercitio versaretur, quàm ut in ocio viue-
ret. Etsi verò haud ignorabat quàm gratus &
dulcis foret status tranquillitatis & quietis, ta-
men videbat magna Imperia negotijs, rerumq; a-
Etioni-

Etionibus ad virtutem accendi, & nimia quiete ac securitate ad interitum properare. Eiusdem sententia fuit etiam Quintus Metellus Numidicus, qui cum de Republica differeret, sapientissime ac prudentissime ausus est dicere in Senatu, se non posse intelligere num victoria contra Carthaginienses habita, plus damni, quam utilitatis Reipublice attulisset. Etsi enim pacem restituendo illi profuerat, Hannibalem tamen auferendo, nocuerat. Sicut enim eius transitus in Italiam Populi Romani virtutem consopitam et dormientem excitavit, sic etiam verendum erat, ne tam feri ac diris hostis metu liberatus, ad ociosum ac inertem pigritiae somnum rediret. Quod sane haud multo post accidisse, exitus declaravit. Nam ubi Carthagine deleta, hostilis formido mentibus decessit, statim ea, quae secundae res amant, lascivia atque superbia incessere. Ex his autem orta sunt bella civilia, quibus tandem Romana Respublica prorsus interijt. Sed quid ego tot exemplis utor, in re tam conspicua? Quid pergo gravissima damna recensere quae ab ocio procedant? Et quis ea possit animo secum evolvere, nedum verbis narrare? Pleni sunt omnes libri, plena sapientum voces, plena exemplorum antiquitas. Equidem scio vos (praestantissimi auditores) plenissime intelligere, quemadmodum nihil est tam arduum tamque difficile, ad quod non aspires ac penetret acies humane men-

tis

Pro Philosophia &

tis, ita etiam citra industriam & solertiam, nullo modo ad earum rerum dignitatem ac excellentiā perueniri posse, quibus à vulgo & imperita multitudine quā maxime seiungamur. Et quis ignorat Herculem non pigritia, non ocio, non ignavia, sed labore, uigilia & sudore sibi aditum ad eternam gloriam comparasse, adeo ut inclytum eius nomen, omnium memoria, cunctisq; seculis, futurum sit eternum ac immortale? Idem proculdubio de his omnibus merito dicetur, qui Herculem secuti, gloria laude sibi uitam ad posteros propagarunt.

Quæ uero ea studia sint, quibus homines maxime inuigilare debeant, quibusq; ad maximos honores perueniatur, hæc sunt præcipua, uidelicet, sapientia & eloquentia, illa parens & magistra omnium bonarum artium quam Græci φιλοσοφίαν uocant, altera carissima eius socia uel soror potius. Hæ semper arctissimo ac indissolubili uinculo amicitie iunguntur, sic ut alteram ab altera diuidere perinde sit, ac spiritum à corpore separare, uel solem è mundo tollere. Non tamen ob id negarim fuisse ac etiamnum esse nonnullos qui omissis rectissimis atque honestissimis studiis rationis, omne studium et operam collocant in exercitatione dicendi, et secum præclare agi existimant, si in ciuilibus controuersiis, causisq; forensibus excelluerint. Cæterum haud loquor in præsentia de his, qui cum

unius

unius artis laude abundarent, altera caruerunt, quin potius de his, quibus integra laus obtigit utriusque, quorum sanè & sunt, & fuere semper aliqui, qui hoc egregie præstiterunt. Fateor fuisse paucos (si aliorum numerum quis respiciat) sed fuere tamen, suntq; hodie, qui utriusque studium amplectuntur, ex utroque non mediocrem laudem adepti. Nec enim hodie ullum Regnum est siue Resp. in qua non uigeant aliqui sapientes homines, qui iudicio ac ingenio polleant, quiq; sua graui & diserta oratione, quod in regendo rectissimum atque optimum esse perspiciunt, non suis principibus persuadeant. Horum certè aliquando maior, aliquando minor est numerus, prout tempora magis uel minus felicia fuerunt. Ipsa quoque rerum natura etsi semper fecundissima, non semper tamen producit optima, gaudet aliquando uel mediocribus ingenijs, ut per ea que sunt excellentissima, melius cognoscatur. Quocirca (ut eò redeam unde digressus sum) etsi multi eruditissimi ac disertissimi uiri multa de philosophiæ ac eloquentiæ laudibus, olim ac etiam nostris temporibus, præclare dixerunt, quotq; nobis utriusque studium præstet commoda & beneficia, clarissime ostenderunt, ego tamen hæc paucula mihi modo dicenda statui.

Sunt hic (haud nego) plurimi, qui de hac re longe melius, quàm ipse, possent differere. Et sanè (quò ad me attinet) maluissem illos audire, quàm

de

Pro Philosophia &

deret tanta, apud vos verba facere. Sed precipien-
tis amici auctoritas, tanti semper apud me fuit
ponderis, ut ei (praesertim cum tantopere instaret)
nihil denegare potuerim. Si quid ergo minus ac-
curate minusque splendide & pro rei dignitate, à
me dicetur, spero, vos, (quæ vestra est humanitas)
mihi facile condonaturos. Dicam igitur aliquid
in primis de priori parte, & dicam quàm breuissi-
me à me res tanta dici poterit. Deinde nonnulla
de hominis oratione, quomodo recta ratione rega-
tur, & verborum ornamento ac splendore illustre-
tur. Nec sanè id facio, ut vos ad hæc tam præcla-
ra & laudabilia studia capeßenda, his verbis hor-
ter, cum vestra sponte, satis ad ea incitatos uideã,
sed ut potius in eis, vestras laudes & gloriam a-
gnoscatis.

Hac est inquam illa præclarissima virtus, cuius
ductu & auspicio certissimum iter ingressi, veram
felicitatem assequimur. Hæc à nobis tenebras insci-
tie ac errorum expellit. Hæc nobis lumen porrigit,
quo veri notitiam indagemus; quo quidem dono
quid homini à Deo præstantius atque utilius dari
potest? Hæc nos vitij exutos, induit honestate.
Hæc bonas leges inuenit, mores instaurat, bonarum
artium studia illustrat, vrbes condit, pacem retinet,
hominum quietem conseruat. Hæc denique sola est,
qua nostri animi ad pulcherrimam cœlestis Regni
contemplationem erecti, apertissime cognoscunt re-
rum

rum humanarum instabilitatem, & inconstantiam, adeo ut per illam quodammodo (ut nostra fert imbecillitas) Deo quam simillimi reddamur. Hec nobis in arumnis affert solamen, in cupiditatibus moderationem, in secundis rebus ornamentum, in aduersis refugium. Hec etiam efficit, ut nec fortuna varietatem, nec tyrannorum saeuitiam, nec impendentis fati necessitatem extimescamus. Quin potius ut eius patrocinio tantaq; Regina maiestati innixi atque suffulti, eiusq; praeceptorum opera in nobis ipsis undique stabiliti, in omnibus periculis & aduersitatibus, instar firmissimi scopuli, semper immobiles, indefessi ac inuicti, perpetuo remaneamus. Hec sunt praeclara illa beneficia, hi sunt nobilissimi fructus, quos nobis parit sapientiae studium. Nec sanè video quodnā aliud in terris huic meritò comparetur. Num forsā studium rei medicae? At quanto anima est nobilior corpore, tanto hac medicina praestantior: illa enim inuenta est, ut per eam corpora sanentur & conseruentur; hac vero singulari quadam & speciali gratia homini à Deo concessa est, ut animis mederetur, & in quauis necessitate illis adesset. Et quemadmodum ager quantumuis bonus & ferax, nisi diligentia excolatur, nunquam erit fructuosus; ita etiam noster animus citra disciplinarum opem semper erit sterilis, horridus, aridoq; squalore plenus.

Atqui uera nostrorum animorum cultura, sola

est

Pro Philosophia &

est Philosophia, quæ peruersarum opinionum radices euellendo, & prauarum affectionum fontes extinguendo, spargit in nobis ea semina, quæ tempore adulta, uberrimos ac suauissimos virtutis fructus producant. Huius ope, qualitates & vim elementorum, non eorum quidem quæ pueri discimus, at omnium rerum parentis naturæ, cognoscimus, quidque nobis necesse sit inuenire, disponere, meminisse, & cum dignitate verborum exprimere. Huius, utpote subtilissima ac vigilantissima indagatricis veri, adiumento, cognita ab incognitis & certa ab incertis inuestigamus atque discernimus. Per hanc, oculo & lingua nostri animi, quæ sunt à sensibus remotissima, propinqua cernimus & numeramus. Per hanc, omnes partes animæ nostræ admirabili quadam harmonia simul consentiunt, tamq̃, suauis concentu actiones verbis temperantur, ut Apollo & Amphion, qui sono vocisq̃, modulamine ad se (ut Poeta referunt) saxa trahebant, ipsimet ad suauissimum dulcissima huius harmoniæ concentum lapides fierent. Nec tantum huius auxilio amplissima pelagi spatia in nostris cubiculis metimur, sed etiam (quod multo maius est) nos ipsos, citra vllum errorem. Ad hac, huius fidissimo ductu, ingentia cæli mœnia circumambientes, percipimus clareq̃, comprehendimus, quomodo Sphæræ moueantur, & quæ sit natura, magnitudo, quisue cursus illorum fulgentissimo-

rissimorum luminum, ac præcipue Solis, & Luna,
 unde annus regatur, & unde tot vicissitudines re-
 rum, tamq³ varij & admirandi effectus proue-
 niant. Hæc denique (ut multa breuibus ample-
 ctar) illa est, cuius vel minima gratia sui spiritus,
 in uela nostra mentis aura, nosq³ oculos fixos in re-
 bus cœlestibus habentes, per hunc rapidum torren-
 tem transimus, ad hæc terrena perinde ac si non
 essent, conuiuentes, prosperoq³ cursu ad verum &
 securissimum felicitatis portum peruenimus. Ac
 quo mea mens rapitur sterilis, ieiuna & inepta,
 balbutiens, eius admirabiles vereq³ stupendos &
 incomprehensibiles effectus, ac si nescirem, nemi-
 ni unquam fuisse vel fore tantam dicendi faculta-
 tem & copiam, ut de infinita & inestimabili eius
 nobilitate ac potentia locutus, non fiat prorsus elin-
 guis & raucus? Quis autem est ita rudi ac stupi-
 do ingenio, qui non intelligat, quicquid à mortali-
 bus animo concipi, dici, & scribi possit, nihil pro-
 pemodum esse, si vero comparetur? Non video
 (me miserum et ineptum) quàm sim indignus, qui
 vel hiscere audeam, nedum de præstantissima ac
 sanctissimæ huius Deæ laudibus, quicquam sperem,
 pro eius amplitudine ac merito vel minima ex par-
 te dici posse. An forsitan ipse sum ignarus, eam
 per se laudabilem esse, nulliusq³ voce ac præconio
 indigere, ac etiam ut Oceanus, et si in suo vastis-
 simo sinu tot riuos & flumina colligat, non tamen

H propte-

77 De Bello & Pace,

rea illum fieri latiore, at se ipso contentum esse, ita sanè hoc altissimum gloriae pelagus, & si omnes laudes, quæ sibi ab eloquentissimis quibusque tribui possent, cumulatiè reciperet, nunquam tamen illud fieri gloriosius nec immensius, at in se ipso quàm maxime acquiescere? Scio equidem finiti ad infinitum (ut dicitur) nullam esse proportionem. at etiam scio quòd ut pura illa, immensa, eternaq; lux, omnis lucis donatrix, haud respuit hominum vota, quæ sibi ex demisso corde offerantur, sic etiam hæc benignissima & mitissima Dea (quæ sola est verus honos, unde reliqui honores proveniant) haud sanè dedignatur vel minimam laudem, quam in eius honorem, exiguum ac pertenne hominis ingenium illi offerat. Sed tantum vereor, ne dum ipse sapientiam omnis propemodum sapientie ignarus, celebrare, ac eius laudes recensere conor, sapientissimum vestrum animum asperitate ac duritie meorum verborum offendam. Spero tamen hæc vos qualiacunque fuerint, cum illius reuerentia (quæ semper in vobis fuit maxima) tum singulari vestra humanitate boni consulturos, hosq; rudes ac indigestos lapides extractos ex ditissima vena purissimi eius metalli, examinantes, ac igne rationis expurgantes, purum aurum inde solum extracturos, terrestribus vilibusq; partibus, quæ sunt mea rudia & inculta verba, ubi absconditur, omissis, non secus quàm in minerabilibus venis, purum
since-

sincerumq; aurum, ex durissimis lapidibus, virtute ignis, elicitur. Hac de prima parte mihi modo in mentem veniunt. Superest, ut aliquid etiam de altera dicatur.

Quicumque humana vitæ præcepta tradidero, hominesq; ad philosophiam hortati sunt, in eius cohortatione studium eloquentiæ coniunxere. Videbant enim illam quodammodo mancā esse et imperfectā, nisi etiam de hac verba facerent, hominesq; ad idem studium hortarentur. Et sanè si verum fateri volumus, quid nobis prodesset tot sudoribus & vigilijs cognitionem scientiarum adeptos, si deinde lumen ac ornamentum eloquentiæ nos deficeret? Profectò essemus instar eorum qui maximum thesaurum domi habentes, illo quum sibi maxime opus est, uti nesciunt. Certe si cuiuslibet artis quam liberalem appellant, munus & naturam inspexerimus, haud dubie inueniemus, nullam esse utiliore, & magis propriam hominis, magisq; necessariam. Nec enim solum corporis effigie nos à belluis differre facit, sed etiam efficit, ut ratione duce ac præeunte, res et prudenter exquirere, & distincte ac ornate eloqui, nostriq; animi conceptus cum laude efferre ac exprimere possimus. Quod quidem interdum à peritis ac excellentibus viris tanta vi ac vehementia fit, ut etiam pertinacissimas hominum mentes ab illis longè alienissimas, dulcissima quadam suauitate ad eorum

H 2 voluntates

Pro Philosophia &

voluntates alliciant. Quocirca nescio quæ felicior conditio, quæ vita suavior, quodue studium ampliori laude dignum censi debeat, quàm illius qui scit & potest gravitate suæ mitis & artificiosæ orationis, auribus tenere suspensam audientium multitudinem, dulciumq; verborum lepore allectos, quocunque velit, impellere. Itaque optime dixerunt Sophocles ac Euripides, orationē omnium rerum Reginam esse. Cicero quoque affirmat, ingenij lumen ac splendorem, esse eloquentiam, ut precipuum hominis ornamentum est ingenium. Hac itaque si rite adq; illum honestum et laudabilem finem, cuius causa prius inuenta est, homines utantur, semper in quavis Rep. bene constituta, erit singulare decus & adiumentum. Si quidem plurima illi præsidia & beneficia potest affere, ut etiam vicissim plurima damna & pericula propulsare. Huiusce rei (ut hic cum cæteris Græciam nunc omittam) verissimum ac evidentissimum nobis exemplum Roma præbuit, eo tempore, quo regibus expulsis, plebs ira percita, & armata in senatores, tota unanimis cucurrit ad ripam Tyberis. Tunc sanè status urbis non solum erat infelix ac deformis, verumetiam longe miserabilis & deplorandus, adeo ut tanti Imperij lumen, ac spes omnis extincta penitus interisset, nisi statim imminenti periculo prudens, Menenij Agrippæ prudentia succurrisset ac præsentimalo
remedium

remedium attulisset. Is enim dexteritate sua gra-
uissima ac ornatissima orationis, concitum popu-
lum nouaq; & insolita libertate gestientem, ad me-
liora & saniora consilia reduxit, illum sub sena-
tus obedientiam & legum obseruantiam redire fa-
ciens. Quot, quamq; laudabiles, honorificas, uti-
lesq; res olim Cato sua graui eloquentia persuasit?
Quot Galba, quot Antonius? quot Crassus? quot
Hortensius? quot Cicero? Quis Athenienses, ut
imperio Pisistrati subderentur, induxit? Quis
Themistoclem iusto Aristide superiorem effecit?
Quis eidem vitam seruauit, quum ante Regis Per-
sarum sui capitalis hostis praesentiam ducebatur,
nisi vis eloquentiae? Quis praeter hanc, Publium
Africanum. **XXIIII.** annos natum, grauissi-
mo bello, quod in Hispanijs gerebatur, praefecit?
Quis causa fuit, ut atrocissimis hostibus Marci
Antonij e manibus arma caderent? nulla certe a-
lia vis, quam diserta & facunda oratio. O elo-
quentia, dignissimum ac pretiosissimum Dei donum,
quae hominum animis frenum iniiciens, efficit, ut
tanto reliquis hominibus praestet, quanto ipsi bestijs
antecellunt. Quid opus est commemorare acumen
Hyperidis, puritatem Isocratis, amplitudinem
Lysiae & maiestatem Demosthenis? Nostis ipsi-
met in quanta existimatione, honore, ac pretio ui-
xerint, propter excellentem eorum eloquentiam a-
pud omnes. Caterum cur tacito silentio inuoluamus

Pro Philosophia &

admirandā illam & diuinam potius quā humanam Periclis eloquentiam? Hic enim tam ardens & vehemens erat in sua oratione, ut non modo senatus Atheniensis, verum etiam omnis Græcia, eum audiens, in stuporem uerteretur. Si quidem tanta inerat in eius oratione grauitas, elegantia, suauitas, ut perinde ac si eius vox, eloquentiæ vox fuisset, omnes crederent suadam quam Græci πειθῶ appellarunt, in eius labijs domicilium sibi et sedem constituisse, tanta dignitas & vis dicendi, ut tonans & fulgurans (ut inquit Aristophanes) aculeos & impressiones in animis auditorum relinqueret. Quid igitur mirum si in administratione Reip. Atheniensis, annos quadraginta principatum tenuerit, omniaq; ibi suo arbitratu gererentur? Vergilius quidem inter Latinos (ut Homerus inter Græcos) Poetarum facile princeps, eloquentiæ fructum his verbis expressit.

Ac veluti magno in populo cum sepe coorta est
Seditio, seuitq; animis ignobile vulgus;
Iamq; faces, & saxa volant. furor arma ministrat.
Tum pietate grauem, ac meritis si forte uirū quē
Conspexere, silent: arrectisq; auribus astant:
Ille regit dictis animos, & pectora mulcet.
Sic cunctus pelagi cecidit fragor.

Hæc est igitur, hæc inquam est illa pulchra, honorifica, utilis & plena commodorum facultas, quæ nunquam non præsto adest, parata pro nobis, pro amicis,

amicis, propatria. Quæ domi forisq³, in pace,
in bello, in ocio, in negotio, in diuitijs, in pauper-
tate, omni tempore, ac ubique nos fidiſſime comita-
tur, defendit, ornat. Hac timidos excitamus,
fortes confirmamus, insolentes retundimus, ad
iram concitamus, ad odium prouocamus, ad mi-
ſericordiam commouemus. Hac ſolamur afflictoſ,
opitulamur miſeris, ſuccurimus oppreſſis, malos
punimus, probos, ac innocentes tuemur. Hac in-
quam, Alexander, Milciades, Epaminunda,
Hannibal, Caſar, Alcibiades, Pompeius, Fa-
bius Maximus, & plurimi alij clariffima militiæ
lumina perſepe tumultus fortiffimorum exercituũ
compescuere, illoſq³, induxere ad incredibiles labo-
res tolerandos, ad æſpera quæque & difficilia natu-
ræ opera ſuperanda, ad manifeſta pericula obscun-
da; quin etiam effecere, ut animo conſtanti, ac
intrepido, ipſam mortem, quam ut omnium terri-
bilium, extremum plerique metuunt, prorsus de-
ſpicerent. Et quid aliud ſibi uult celebris fama il-
lius Herculis Gallici, ex cuius lingua (ut dicitur)
exibant tot aureæ catenæ, quibus ipſe per aures
maximam auſcultantium hominum frequentiam,
& concurſum, ad ſe trahebat, niſi eius admiran-
da & efficaciffima uis in perſuadendo? Pari ratio-
ne, quid ſibi aliud inferre uoluit ſuauiſſimus ille
concentus Amphionis, Orphæi, Lini, aliorumq³,
excellentiſſimorum Poëtarum, de quibus narra-

H 4 tur.

Pro Philosophia &

tur, feras eorum cātū mites ac mansuetas redditas
fuisse, lapides è suo loco dimotos, flumina suos cur-
sus firmasse, nemoraq; & sylvas, ut homines, am-
bulasse, nisi eorum stupenda & admirabili eloquen-
tia homines illos rudes, syluestres ferosq; & imma-
nes ad civilem consuetudinem & placidum uiuendi
modum, eiusdemq; cum uoluntatis tum legum con-
formitatem traductos? Enimuero quum ipse me-
cum diligentius considero, citra huius nobilissime
facultatis opem, atque prasidium, nullam esse ar-
tem uideo, quæ plenè & absolutè suum munus exe-
quatur, quin potius omnes mutas, elingues, ac si-
ne uoce in spiritu, adeò ut res ingeniose, prudenter,
sciteq; excogitata, prolata ac in publicum produ-
cta, nisi eius splendor dignitasq; accederet, præ-
senti luce ac omnis posteritatis memoria destituta,
perpetuis obliuionis tenebris, & caligine inuolue-
rentur, ibiq; consépulta iacerent. Quàm multi ui-
ri singulari doctrina & rerum cognitione præditi
cum superioribus tum nostris temporibus extitere,
qui cum nescirent apte ac diserte quod animo sen-
serant, proferre ac eloqui, nulla solida laudis gloria
inclaruere. Caterum ne uestras aures (præstantis-
simi auditores) longiori sermone detineam, hoc
breuiter dixerim, ut homines à brutis animanti-
bus ratione ac oratione differunt, ita etiam qui scit
& potest luculenter, apte, distincte ornateq;,
& iuxta decoram, temporis, loci, negotiorum &
perfo-

Eloquentia.

61

*personarum oportunitatem, de quouis argumento
& materia differere, illum non modo gradu, au-
thoritate ac merito reliquis perferendum, sed e-
tiam instar diuini cuiusdam numinis, iure ab
omnibus perpetua obseruantia suspiciendum es-
se. Dixi.*

Petri



V GLIELMO Cecilio à secretis Serenissimæ Angliæ Reginæ, ac eidem è secretiori consilio, uiro in bonarum artium literis, peroptime uersato, in rebus gerendis per quàm solerti, fide, integritate, ac uitæ innocentia laudatissimo, Petrus Bizzarus has duas orationes dicauit.

Ad eundem.

FAMA refert humeris quod cœlū sustinet Atlas
Parq³ oneri tanto succubuisse nequit.
Tanta tibi est grauitas, est & prudentia tanta,
Ut quiduis digne sustinuisse queas.
Et si igitur multorum ope consilioq³ regatur
Anglia, nemo tamen utiliora dabit.





A E M I L I I A C C V S A T I O .



ANTIQUISSIMA *semper in omni*
Republica ritè instituta consuetudo
fuit, ut si quis graue aliquod facinus,
vel nefarium scelus in quoquam de-
prehenderit, illum non priuatim, nec inter paucos
calumnietur, sed publice & apud Magistratū ac-
cuset. Ut enim falsa fictaq; criminatio delinquen-
tem potius irritat, quàm cohibet, paritq; priua-
tas inimicitias, & multa dissidia in Republica,
sic sanè accusatio, maximam partem hominum
in officio retinet, quos quidem cum pudoris ratio,
tum proposita poenae metus deterret, & illum qui
falsò accusatur, legum auctoritas contra Accusa-
toris odium & maleuolentiam ab omni prorsus in-
iuria tuetur atque defendit. Quare inter cetera
praeclara huius Academiae instituta illud maximo
pere

Aemilij

pere commendandum est, in quo singulis nocentem
accusare libera facultate permittitur. Hinc enim
fiet, ut homines ab his quæ minus decent, diligen-
tius caueant, cum ea lege aditum dari accusatori-
bus, debitaq; poena & supplicio scelera puniri ani-
maduertant. Nec facile existimabunt sua com-
missa cœlari posse, quum uiderint, se tam multos
habere suarum actionum inspectores, nec minus ue-
niam se impetraturos, quum non modo leges piè ac
religiosè proponi, sed etiam seuerè ac diligentissi-
me custodiri. Hoc sanè si Aemilius, qui vobis ha-
ctenus à secretis fuit, secum accuratè consideras-
set, minime forsàn (ut fecit) tam graue delictum
admisisset, nec unquam publicas leges, contempto
Magistratu, corruptis sanctissimis institutis, hacq;
nobilissima societate violata, & se (præter priua-
tum damnum) perpetua labe polluens, tam horri-
bili audacia contempsisset: Nec illum ipse præter
meæ vitæ naturæq; consuetudinem ut alicui obes-
sem, nunc cogere accusare. Nolim autem ut
quispiam existimet, me ulla eius inuidia, priua-
tæq; alicuius iniuriæ, qua ille me offenderit, ul-
ciscendæ libidine, vel ambitione, gloriæ ue cu-
peditate, ad hoc moueri atque impelli, at solum
recti honestiq; amore, nostrarum legum obseruan-
tia, huiusq; nobilissimi cœtus, quem hic ausu teme-
rario peruertere, deprauare, contaminare, ac dis-
sipare tentauit, conseruandi studio & propensissi-
ma

ma mei animi voluntate, huc accessisse. Id autem
 verissimum esse, cuius uestrum facile constabit, si
 (ut reuera est, maximiq; momenti ac extremi cu
 iusdam discriminis) vos etiam, quò plenè rem co
 gnoscatis, & cognitam corrigatis, benignas at
 tentasq; aures mihi prabueritis. Non est mihi
 animus recensere, quot & quanta beneficia hac no
 stra Academia in eum contulerit. Sunt enim, &
 plurima & maxima, ob quæ illi arctissime deuin
 ciebatur. Fuit enim priusquam vlla in re de ipsa
 benemeritus esses, per liberaliter ac humanissime ab
 ea exceptus, opinione sola & spe, quam de ipsius
 virtute conceperant. Id uero nulli hæctenus conti
 git, nisi aliquo egregio facinore ac honorifico testi
 monio alicuius rei laudabiliter gesta se dignos an
 tea præstissent. Is deinde intra breue tempus
 iuxta optimas & præclarissimas Reipublicæ Ve
 stræ sanctiones ad supremum locum, quem prius
 ne somniarat quidem, una omnium uoce fuit eue
 ctus, hac forsitan in re modestus, quòd se tanto di
 gnitatis gradu et honore penitus indignum cense
 bat. Hinc ergo facile intelligitur, quàm eximio mu
 nere quàmq; singulari beneficio sit à uobis affectus.
 Tunc enim eius nomen per se antea obscurum, in
 clarescere, tunc eius fortuna, quæ antea semper in
 tenebris latuerat, ad maxime sublimem dignita
 tem cœpit efferri. Tandem cum uestra uirius de
 nuo emergere, caputq; iam extollere cœpisset, uos
 illum

Aemilij

illum singulari quadam & incredibili humanitate uniuersae uestrae Academiae praefecistis, quin etiam a secretis & quidem in perpetuum, nullo uel die uel tempore interposito. Etenim cum reliqui uestri magistratus, ut singulorum uirtuti debitus honos tribuatur, intra mensem finiantur, hic solus nullis cācellis interclusus idem perpetuo remanet. Quid plura? Huic soli fidistis leges, decreta, ritus, historias, annales, & sanctissima uestra mysteria, rati eum praeceteris omnibus in illis iuendis, ornandis, conseruandis, & amplificandis quam fidelissimum fore. Ex his ergo facile (ut dictum est) potest cognosci, quam ob ista beneficia memori & grato in hanc Rempublicam esse animo, quantaque fide atque amore, uel saltem aliquam eorum partem compensare debuisset. Nam etsi uinum quencumque dedecet ingrati animi uitio laborare, illos tamen multo magis, qui uirtutem & bonarum artium studia profitentur. Sed non est meum institutum, de hoc in praesentia uerba facere, quoniam eius perspicua & peculiaria errata me (ut magis particulatim de illo loquar) uel nolentem extimulant.

Dico igitur (atque horresco referens) ipsum nulla ratione habita sui muneris, nec uestrarum legum, nec iuramenti praestiti, nec etiam imminentis periculi, sanctissima & secretissima uestra mysteria patefecisse, polluisse, inquinasse. Equum est igitur &
maxi-

maxime consentaneum ut à uobis (quod quidem
pœne genus etiā longe mitissimū censendum est) ad
minimum , ex tot nobilium et excellentium uirorū
corona eiciatur , eiusq; nominis memoria , tanquā
hominis ingrati ac perperam agentis , hocq; prome-
riti , perpetua ignomia & dedecore inspergatur .

Hac , quum uerissimis rationibus demonstrauero , si
nem faciam , sperans illum à uobis debita pœna pu-
niendum , sicuti eius graui delicta & scelera exi-
gere , iure merito , uidentur .

Quid ais Aemili? est'ne uerum te secreta uirtu-
tis mysteria diuulgasse? Nihil respondet , quia
nec potest ire inficias , nec palam confiteri audet .
Profecto uerissimum illud , conscientia , mille testes .

At nolo hanc meam sententiam hoc suo silentio pe-
nitus approbari . Hoc enim ita manifestum est , ut
nullo maiore indicio , nullaq; magis uerisimili conie-
ctura , uel aliquo alio adminiculo indigeat . Profer
tu ea testimonia . Audistis quomodo iste iactabat ,
se uelle promulgare abdita uestra consilia , placita
& decreta , quodq; ipsi clam indicatum est , illud
impudenti quadam temeritate ceteris euulgare ?

Quod si oratio est interpretis animi , quid hunc postea
fecisse , putandum est , nisi facta , consimilia uerbis
non honestis , addidisse? Et sanè credibile est , eum ,
ut modò huic , modò illi obsequeretur , omni hone-
statis ac uirtutis ratione posthabita , id , solum se-
cutum , quod cœca & inordinata libido suaserit ,

usque

Aemilij

usque adeò humana mentis ratio saepe decepta, & sensuum blanditijs huc et illuc aberrans, effrenatis eorum voluntatibus agitur. Sed age progrediamur longius, ut eius crimen multo apertius detegatur. Recita alterum testimonium. Testimonium. O singularis impudentia. O impudens arrogantia. O misera infelixq; virtus, quam sic crudeliter produnt, quos tu in tuo sinu excepisti, aluisti, honorasti. Audiuiſtis quomodo non tantum ueſtra myſteria enunciarit, verumetiam, à ſeipſo ſuaq; peruerſa natura incitatus, à nemine rogatus perſuaſusq; fuerit, utq; ipſemet ultro ſe obtulerit, ea ſe velle ceteris aperire, oſtendere, promulgare. Iam exiſtimo nullum ex vobis amplius heſitare, quin potius arbitror ſingulos ex his qui adſunt, peroptime intelligere, hunc, ueſtras leges deprauaſſe, promiſſis non ſteſſiſſe, ſacros ritus ac caeremonias uiolaſſe, huiusq; maiestatem Imperij profanaſſe. Quare niſi foret ſumma ueſtra modeſtia, ſumma quadam & incredibili virtute coniuncta, equidem non dubitarem, quin eum quilibet veſtrum protinus iſthinc exploderet, eiiceret, omniq; genere iuſta ultionis, in eum animaduertere ſtuderet. Ceterum, ut quæ ille egerit, magis in propatulo ſint, ſoleq; in meridie clariora, legatur eius Chirographum quod ſcripſit Valerio. Agedum perpendite modò huius non ſolum impudentiam, ſed etiam extremam imprudentiam, qui cum omnino ſtatuiſſet.

statuisset vestris decretis ac legibus aduersari, eaq³ facere quæ nos tam sollicite ac seuerè prohibuistis, tantoq³ odio prosequimini, ea tamen ipse suo Chi rographo asseruit, & clarissimo testimonio confirmauit. At firmissime credo, Deum iustissimum ultorem humani sceleris, illi oculos mentis ademisse, quò minus ea quæ impiè ac sceleratè gessit, occultaret, vel dissimularet; sicq³ omnibus iam notus qualis foret, meritas suorum delictorum lueret pœnas. En itaque videtis, ut virtutis arcana detexerit, ex eaq³ parte incœperit, quæ magis periculosa est, & grauioris momenti. Ex his rebus, inquam, cœpit, quas nobilissimum Quinti Scipionis ingenium peperit, ad stabilimentum virtutis, eiusq³ perpetuam amplitudinem. Hic enim suo felici & nunquam interituro calamo, huius nobilissimæ societatis ortus, incrementi, & conseruationis historiam subtexens, efficiet, ut (sicuti spero & auguror) vestra virtus, omni æuo duratura sit, & perpetuis laudibus celebranda. At minime decet ante tempus (quod etiam lex præcipit) emitte re partus, modò subnascentes, nec minus acerbos fructus ex arbore, priusquam maturescant, decerpere. Hinc enim virtutis & gloriæ maiestati grauissima sequuntur damna. Quocirca eò grauiores pœnas (mea quidem sententia) meretur, quò nulum facinus admittere poterat grauius, quodque in maius Reipublicæ detrimentum cederet. Princi-

Aemilij

pum errata sunt, non exercere iustitiam, & qui illorum ditioni subduntur, nimis exactionibus onerare, immanem esse, non audire, qui ad eos confugiant, populi commoda negligere, nec illius miserijs commoueri. Caterum nos, Dei beneficio, semper liberalissimos et prudentissimos principes hactenus habuimus, & is, cui modo paremus, huiusmodi est, ut in eo non una insit virtus, at innumera & maxima conspiciuntur, ac etiam tanquam fulgentissimum sydus eluceant. Illius autem qui est à secretis, primus ac precipuus error est fidem violare, sui principis arcana uulgo prodere, suiq; ipsius nomen polluere. Nec aliam ob causam hoc illi nomē inditum est, nisi ut in eo sit summa taciturnitas & silentiū, precipue in ijs quæ suæ fidei committuntur. Equidem existimo veteres fabularum inuentores illo suo fictitio commento de Minotauro incluso in Labyritho nihil aliud sibi uoluisse, nisi ut innuerent prudentibus uiris arcana consilia tegenda, ne ceteris innotescant. Et sanè si quæ grauiora sunt, illi tanquam fidelissimo aperiuntur, ut primum reliquis ea communicat, desinit esse humanus, fidelis, integer, gratus, ac memor sui muneris, fitq; statim inhumanus, infidus, ingratus, amens, impius, & omni genere vitiorum plenus, omniq; labe qua cuiusuis animi pulchritudo in maximam turpitudinem ac deformitatem trasmuteatur, inquinatus. Nec is duntaxat dignus est amplius

plius hoc titulo (quod quidem ita perspicuum est, ut tenebras non uocandas esse lucem, nec ignem gellu) sed etiam nec dignus hominis uocabulo censendus. Nanque humanitate, fide, amore, grati animi laude ab eo sublata, simul etiam amittit quicquid habuit hominis à natura, longè humiliorem naturam indutus, uidelicet ferinam, belluinam, sineq; ratione, ac sensu illius notitie, quam Deus initio nostris animis impressit. Hinc igitur facile potest intelligi, quàm se indignum præbuerit hoc nobili studiosorum cœtu, cum vix hominis uoce appellari, nedum inter homines uirtute præditos annumerari debeat. Profectò si recte secum cogitasset quanti referat sanctissima huius collegij arcana diuulgare & palam facere, haud dubium est, quin ipse interno quodam horrore perculsus, infinitis paucioribus repletus, varijsq; conscientia stimulis undiq; agitat, prius pœna partem in seipso fuisset expertus, quàm ut tale tantumq; facinus ullo modo admisisset. Nam quod scelus atque flagitium grauius censendum? An forsitan ignorat in eo, qui huiusmodi officio fungitur, totum pondus reside-re omnium negotiorum, quæ principatus amplificanc, minuunt, euertunt? Quis uero dubitat, quin eius fide ac sedulitate, principis honos & amplitudo augeatur, fiatq; illustrior; sicuti contra, illius incuria & perfidia labefactatur & corrumpitur? Quocirca ob id eò magis puniendus est, quò magis

Aemilij

ob silentium laudari ac etiam premijs affici debuis-
set. Pyrrho Epirotarum Regi Cyneas in hoc mu-
nere fidelissimum sese praeuit, ideoq; ab eo ad ma-
ximos & amplissimos dignitatis gradus fuit eue-
ctus. Vaser fuit Seianus Imperatori Tiberio val-
deq; perfidus, dum illi esset à secretis, & idcirco ma-
ximas poenas dedit suae perfidiae. Nec citra cau-
sam Egyptij in suis Hyeroglificis, cum qui hoc mu-
neris obibat, in canis forma descripserant. Sicut
enim huius natura est fidelem esse in suum herum,
& reliquis asperum & intractabilem, latrare,
mordere, neminemq; sibi pati appropinquare, sic
sanè illius est, fidelissime se gerere in suum Domi-
num, in reliquos asperum esse, nulliq; nimis fami-
liarem atque domesticum. Est enim haud facile
inter has mollities, arctasq; necessitudines, fidem
constantem ac integram tueri, ut Aemilius in pra-
sentia suo exemplo satis aperte demonstravit. Hic
enim dum nimis obsequens in alios nimisq; officio-
sus esse studuit, nec uirtute, nec legibus, nec religio-
ne motus est, ut ab his, à quibus maxime sibi ca-
uendum erat, abstinuerit. In primis enim scie-
bat, etiam extra hoc officium & prouinciā sibi de-
mandatam, nihil eorum quae hic fierent, ulli esse
communicandum, sed omnia summa quadam fi-
de ac silentio retinenda, ne uirtus polluta, viliorq;
reddita, in maximum, & apertum discrimen ad-
duceretur; ne uel ab inuidis & maleuolis cōtempta,
nullo

nullo pretio haberetur, maxima occasione accepta ab his quæ detecta sunt, ad eius ordines pertinentia. Num vobis ex animo excidit Valerium Soranum seuerissime olim à populo Romano punitum, ob id solum quia suum nomen secretum Romæ & diu antea in sanctissimis mysterijs consecratum reuelare ausus erat? Quanto maiori pœna hic afficiendus, qui non modo unicum nomen, sed etiam omnia uestra decreta quæ secretissime occultanda fuerant, detexit, enunciauit, aperuit? Hoc autem facinus ideo etiam grauius censendum est, quoniam initio huius uestre virtutis renascentis admissum. In his enim principijs perinde est ac in nouo aliquo principatu, nouaq; Republica, in quibus uel minimus error, maximum parit detrimentum, estq; interdum causa omnis eius ruina atque interitus. Nunquam in exordio alicuius Regni, siue Imperij delicta etiam leuia ferenda sunt, quin potius grauius ac seuerè puniendâ. Alioqui ad auctis erroribus, illud tanquam imbecillum corpus, cito corruet ac interibit. Neglexit etiam leges. Quas autem? Eas nimirum, quas ipse una nobiscum sanxit, quibus assensus est, quas etiam suo chirographo confirmauit, inq; publicis annalibus retulit, quæ inquâ sibi tâquam fidelissimo credita sunt, ac tradita in custodiam. O damnosum delectum. O malefidum custodem. O studiosorum infelix iudicium, qui summa uestra bonitate

1 3 addu-

Aemilij

adducti, & egregia quadam de illius indole ac virtutis opinione incitati, quæ vobis erant cariora & præcipua, credidistis. In primis autem vestra decreta, quæ ipse tam breui tempore uiolauit, deprauauit, contempsit. Sed forsitan dicet, hoc minime in eis contineri. Recita ipse uerba legis. Lege. Perpendite quæso (iudices) quàm prudenti & maturo consilio, edicto cautum est, ne quis audeat extra hunc locum, quicquam omnino euulgare, quò illius dignitas & amplitudo conseruetur? Hic vero solus (ut dixi) tantum facinus aggredi ausus est, primus nullo freno verecundie, nullo magistratus metu, nulla denique legum reuerentia cohibitus, hoc statutum infringere. Inter priuatas Spartanorum leges, hæc erat una ex præcipuis, ne quicquam ex his quæ in conuiujs vel in priuatis colloquijs dicebantur, in vulgus à quopiam spargeretur. Hæc sanè lex fuit ab eis diu quàm sanctissime diligentissimeq; obseruata, & in hoc studio cætu præclarissimorum ingeniorum tam pulchris ordinibus inchoato, tamq; laudabilibus institutis ornato, ne breuissimo quidem interuallo (huius solius culpa) conseruari potuit. At nos (ut spero) pœna acerbitate, corruptam legem emendabitis, aspersam labem abstergetis, uestroq; afflatu & sapientia, nouum quasi spiritum nouasq; vires ei suggerentes, efficietis, ut uiuidior, ualentiorq; resurgat, quàm antea fuerit. Quid? Hic non solum

lum scriptas leges contempsit (quod quidem per se
 grauissimum est) at etiam viuas, idest vestros ad-
 monitus, vestraq; documenta & precepta uiola-
 uit, & pro nihilo habuit. Et quis vestrum fuit, qui
 eum & initio, ac deinde sapius non monuerit, ut
 diligens ac fidelis custos foret, eorum scriptorum,
 quae à uobis ederentur, ne patefaceret, ne'ue ulli
 exemplum daret? Vestrae quidem sanctiones ac prae-
 cepta cum publica, tum priuata, non secus quam
 lex scripta, religiose obseruanda sunt, cū illa ex alta
 & sublimi serenissima uestra philosophia meditatio-
 ne proficiscantur, et praecipue cū scriptis legibus con-
 formia sint, et cum denique nil aliud sint quam mu-
 ta quaedam Resp. ut etiā ipsa Resp. nil aliud est, quā
 lex loquens. itaque in uestris praecipis legem illi
 praescribebatis, quae accuratissimè ab eo intelligen-
 da & obseruanda fuerat. Ceterum is & uos & le-
 ges pariter contempsit, cuius legi ac instituto, suā
 libidinem praeferebat. At quid mirum si nullam hu-
 manarum rerum rationem habuerit, cum nec e-
 tiam diuinarum habeat, uidelicet religionis & ac-
 cepti iuramenti? Cum enim serio ac religiose iure-
 iurando promiserit, se uestris ritibus, uestrisq; de-
 cretis obtemperaturum, easq; pro virili obserua-
 turum, nihil minus tamen praestitit, quin etiam
 secus agens neglexit, omniq; genere ignominiae
 (quatenus in eo fuit) polluere conatus est, quodq;
 sancte dijs promiserat, ut paucis obsequere-

Aemilij

tur, peruertit. Quid uos itaque ageris nobilissimi auditores? Qua poena animaduersione tantum scelus corrigeretis? Nullus hic locus clementiae, pietati, misericordia, quin imò tunc eritis clementes, pijs ac misericordes, quum eum senere punietis, contraq; immites, impij, & crudeles, quum ignoueritis. Nec enim unius poena crudelitas est, at multorum conseruatio. Eius error punitus, plerosq; alios emendabit, qui huiusmodi exemplo admoniti obedient legi, Magistratui, Principi, eorumq; actiones erunt omnes honesta ac laudabiles. Pari ratione, si eum inultum reliqueritis, hoc exemplum innumeros alios ad delinquendum incitabit, semita ceteris praemonstrata impune peccandi, unde postea oriuntur dissidia, iniuriae, rapinae, contemptus reliquaq; his similia, quibus non modo haec societas, verum etiam quoduis regnum facile dirui ac euerti potest. Hinc Draco Atheniensium Legislator neutiquam innata sua saeuitia & crudelitate, sed potius mitissima quadam & accuratissima consideratione permotus est ut sanciret, minimi etiam delicti poenam esse mortem, & propterea Demades dicebat Draconis leges non calamo (ut aliorum) sed sanguine fuisse conscriptas. Vltior enim unius est conseruator plurimorum. qui sane si improbi sint, metu poena, neminem iniurijs laceffunt, si probi, eadem ratione a nemine iniurijs prouocantur. Quo-
circa

circa multò maior est pietas, qua tam multi conseruantur, quàm crudelitas, ut nocentes condemnentur, maiusq; beneficium affertur tot bonorum conseruatione, quàm demum rei vnius interitu.

Tres ob causas improbos legumq; contemptores iure puniendos esse, sapientes olim demonstrarunt. Prima, ut qui delictum admisit, se ob illud puniri sentiens, fiat melior cautiorq; in posterum. Altera, ut lesi offensusq; dignitas conseruetur. Aequum est enim ut quum quispiam aliqua contumelia innocenter afficitur, pœnas reus persoluat, quò innocentis & immeriti honos intactus relinquatur. Tertia latius propagatur, videlicet ut reliqui admoneantur, boniq; fiant dum aliorum exemplo uitia puniri animaduertunt. Quocirca si singula diligenter inspexerimus, liquido apparebit, Aemilium ob hac tria iure à vobis puniendum. Primo enim si à vobis vestroq; congressu, ac societate seiungatur, fiet, ut hac ignominia & labe aspersus, totusq; verecundia & rubore suffusus, respiciat, & ad meliorem frugem reuertatur. Et quem admodum olim Themistocles post maculam paternam, perpunctus stimulis pudoris, in strenuissimum peritissimumq; Ducem euasit, ita etiam ipse hac infamia stimulatus, forsàn præstantissimus fiet. Deinde virtutis dignitate (cuius maxima semper habenda est ratio) decet ut puniatur. Nam
si

Aemilij

*si secus ageretur, quilibet existimaret, cum illa
 tantopere offensa sit, non solum ab eo, sed etiam a
 vobis, eam parui fieri & contemni. Postremo ut
 clarum et perspicuum exēplum in omnes omnium,
 nedum vestrarum legum contemptores, edatur &
 confirmetur. Nam eo punito, nemo erit, qui non
 huiusmodi exemplo in posterum terreatur. Omnes
 pro virili studebunt leges vestras tueri, nemo eas
 violare audebit, & alterius poena quisque fieri me-
 lior curabit. Quid itaque amplius percunctami-
 ni? Ecce vobis iudices, manifestum reum, cri-
 men apertum, leges violatas, virtutē neglectam, pe-
 riculum gravioris damni, spes bonorum omnium
 de vobis, & bona innumera quae vos ex huius cor-
 rectione sequentur. Hunc vobis ante oculos poni-
 te, ac vestris animis omnino persuasum insigite,
 tantam fore illius iactationem & insolentiam, si ē,
 vestris manibus elabatur, ut omnia diuina & hu-
 mana iura sit eversurus. Ne patiamini eius au-
 dāciam latius extendi. Nunc facite ut luat pœ-
 nas, ne altius radices agat & figat. Expergisci-
 mini, expergiscimini. Nec enim minor est gloria
 sustinere imperium declinans, ruereq; incipiens,
 quā illius denuo iacere fundamenta. Extendite
 hoc tam egregio facto virtutem uestram, ac re ipsa
 ostendite, quanti eam faciatis. Hoc autem nulla
 re melius cognoscetur, quā si virtutem colatis,
 adiuvetis, erigatis, vestraq; iustitia specimen præ-
 beatis*

beatis, in huius tam iniqui punitione, si quoque
hunc tanquam noxium membrum à vestro corpo-
re penitus excludatis. Hinc enim virtus, omni
vicio, non secus quam aurum igne purgata, pulcher-
rima & splendidissima emicabit, vosq; omnes diui-
no ac cœlesti spiritu imbuti, perq; illius vestigia in-
cedentes, colemini ab omnibus, ac vestrum no-
men perpetuæ immortalitatis gloriæ consecrabit.

Aemili



A E M I L I I D E F E N S I O .



FORTASSE Nonnulli ex his qui modo hic adsunt, mirabuntur, Aemilium paulò ante coram vobis (Indices) tam acerbe accusatum, non ipsummet suam causam nunc defendendam suscipere, & in tanto suae dignitatis fortunarumq; discrimine, in alijs potius quàm in seipso confidere. Eo magis autem admirabuntur, si eius qui hoc onus in se receperit, conditionem inspexerint, Cum enim ipse nec atate, nec ingenio, nec dicendi facultate, nec rerum usu ac peritia sim ullo modo cum eo comparandus, destituor equidem illis praesidijs artis ac industria, quibus ipse optime munitus, causam suam equiorem & magis plausibilem reddere potuisset. At scio vos (indices) non miraturos, cum sciatis non argumenti diffidentia, nec iustae cau
sa

*sa destitutione, hoc ab eo factum esse, at in primis
ut veterē huius Reipublicæ morem sequeretur, quò
accusati magis aliorum, quàm propria eloquen-
tia defendantur, iudicantes forsitan hoc modo duos
affectus animorum tolli, quibus Iudicū animi aliò
flecti solent, videlicet odium & commiserationem.
Deinde hoc fecit multò magis quadam sua solita et
innata modestia, quæ licet maxime honesta sit &
laudabilis, tamen interdum vereor, ne sibi, nimia
quorundam audacia & impudentia, plus damni
ac dedecoris, quàm utilitatis & gloriæ sit allatura.
Ipse itaque hac sua singulari modestia, qua semper
à sua vitæ primordio usus est, permotus, tacendum
sibi duxit, meq; ut hanc provinciam pro ipso susci-
perem, rogavit, existimans hoc iudicium haud in-
tegre absolui posse citra multam suorum meritorū
commemorationem, citraq; sui adversarij malevo-
lentia ac iniquitatis ostensionem. Utrumq; autem
vitare studet, ne de se locutus, se ipsum ostentare uel-
le videatur, suaq; in Rēpublicam beneficia expro-
brare, vel si de adversario sermonem habeat, iu-
sto dolore impulsus, multa in eius infamiam, etiam
inuitus, dicere cogatur. Ego uero & multo libe-
rius præclaras illius virtutes recensere potero, & de
accusatore tantummodo dicam, quæ iudicium &
præsens causa expostulant, nec sanè longius progre-
diar. Cur dicam longius? Aemilius ita fudit suæ in-
tegritati, puritati ac innocentia, cum certus sit de
uestra*

Aemilij

uestra (iudices) prudentia, iustitia, religione, ut apud se statuerit, nihil omnino respondere calumnijs, falsisq; delationibus aduersarij, sibi persuasus, nullo se patrocinio apud vos indigere, nec sibi opus fore artificiosa aliqua oratione phaleratis uerbis. Norat insuper uos peroptime intellecturos, quam stulta & inermis hac fuerit accusatio, plena uento, referta inanitate, tumida insolenti quadam ambitione, vacua ratione, priuata aequitate, exuta firmis & ualidis argumentis. Ceterum, ut non solum uestri animi, sed etiam eorum qui adsunt in hoc ordine, totius negotij controuersiam plenè intelligant, non ab re uisum est, ut falsa huius accusationis radices, quasi per membra incise, tandem funditus euellantur. Nam uobis (iudices) facile foret huius accusationes religione uestra sententia confutare, totamq; causam dirimere, sed tamen haud ita facile ex quorundam mentibus in quibus diuersa persuasio inhaesit, omnem dubitationem eximere, adeo ut nullam fidem secus dicentibus adhiberent. Quocirca ut perplexi animi confirmentur, labantes erigantur, obscuris lux addatur, debilesq; ac infirmi subleuentur, eius innocentiam & apertam sui aduersarij calumniam (quoad poterò) uobis quam breuissime demonstrabo.

Equidem (iudices) facile crediderim, uel ex sola memoria et recordatione illius uitae quam Aemilius ab ineunte etate, ad hoc usque tempus egit, qualis

lis etiam nunc sit, nulli obscurum esse. Quum enim subit in mentem, quanta beneuolentia & amore hunc cœtum semper hæcenus laudarit, coluerit, obseruarit, qui fieri unquam poterit, ut quis credat, hunc postea sic ab eo neglectum, contemptum, ac ut inique illi obijcitur uituperatum? Cum etiam sæpe complures audierint illum publice dicentem, nihil sibi antiquius nihilq; optatius ac incundius euenire, quàm ut hanc studiosorum societatem, perpetuò florere conspiceret, nihilq; magis habere in uotis, quàm ut illius congressibus, colloquijs, & dulcissima consuetudine fruereetur, qui unquam credibile sit, ut modo immutata uoluntate atque animo, se illa indignum exhibuerit? Præterea si in turbulenta illa seditione, quæ proximis diebus quorundam improbitate excitata, nec precibus, nec pretio, nec minis, nec ullo uerborum lenocinio abduci potuit ab ea qua uos prosequitur beneuolentia & fide semel præstita, quin potius accerrimum se uestri defensorem præbuerit, & viperinas uestrorum aduersariorum linguas validissimis armis prostrauerit, idemq; subinde pro virili strenuè faciat; quis modo credat, cum quisquam quod in eius damnum ac ignominiam redundaret, uel animo concepisse, nedum fecisse? Profectò haud potest cadere in sanam mentem hæc cogitatio, ipsum uno eodemq; tempore se modo acerrimum illius propugnatorem, & modo euerforem, nunc hostem, nunc amicum,

nunc

Aemilij

nunc eius laudum præconem, nunc vero fieri contemptorem. Videtur itaque hac in re Platonis celeberrimi diuinissimiq; Philosophi exemplum laudabile sanè ac dignissimum, ab omnibus etiam hominibus studiosè imitandum, mirifice convenire. Huic enim cum à quodam referretur, Xenocratem suum familiarem, multa mala de se sparsisse in vulgus, illico respondit, se non posse adduci ut crederet, Xenocratem ea dixisse, nisi prius optime cognouisset, illa omnia in Platonis decus & beneficium cedere. Sic nimirum sapientissimus Philosophus illius Sicophantæ nequitiam detexit, atque cohibuit, nec sibi ullo modo persuadere uoluit, eum, de cuius fide ac integritate multa & clarissima testimonia iam habuerat, quicquam potuisse facere alienum à sincero animo, & mutui amoris effectu. Nec etiam (vos indices) tam maturo iudicio tanq; singulari prudentia præditos, unquam credituros arbitror, Aemilium aliquid hætenus egisse, uel acturum in posterum, quod huius nobilissimi confessus amplitudinem, ac dignitatem, uel minima ex parte imminuere, aut labefactare possit. Quin etiam longè credibilius est, quicquid agat, dicat, cogitet, id totum ab eo fieri ad ampliorem eius gloriam & incrementum. Et si paratus est (ut uidetis) uel sanguinem & uitam profundere, quò aduersus uim & iniurias eorum, qui uobis male uolunt, uos protegat, semperq; studuit efficere, ut
rara

rara vestra virtutis exempla, cum maxima vestri nominis laude, perpetuo fulgerent; cur illi nunc diffidatis? Quod nam clarius indicium, quod specimen, quod testimonium dari maius potest, quam illius probitas & fides? Equidem subit animo interdum (ut ingenue fatear) ac in suspicionem venio (nec cura causam) hunc delatorem à vestris illis seditiosis aduersarijs corruptum. Cum enim videant, illum nunquam in eorum sententiam pertrahi potuisse, nunc astu, & fictis calumnijs, vestros animos alienare conantur, modisq; omnibus procurant, ut sibi aqua & igne à vobis interdicator. Qua quidem re nihil omnino iniustius & imprudentius, nihil denique huic Reipublica perniciosius fieret. At is tamen (inquit aduersarius) vestra decreta promulgauit, vestras leges violauit, vestriq; Imperij maiestatem imminuit. Hæc sanè accusatio (iudices) apparatu atque amplitudine verborum, multum habet virium & supercilij, sed re ipsa exuitur omni robore ac presidio.

Dic mihi primum Sycophanta, si prorsus negauerim eorum quæ abs te obijciuntur, nihil verum esse, qua ratione abs te probabitur? Per testimonia examinata & lecta? Vellem sanè adolescens, ut quam primam pro gloria tibi acquirenda excogitasti criminationem, fuisset abs te prudentius inchoata, & maturiori consilio perfecta, utq; prius diligenter considerasses, illum, qui se alterius vita

K

accusa-

Aemilij

accusatorem constituit, evidentissimis rationibus armatum esse oportere, quæ sic luceant ut sol in meridie, & præsertim si de illo agatur controuersia, et accusatio, quem palam sit in toto uitæ suæ curriculo probum, integrum, omnisq; uirtutis amantissimum antea extitisse. Non inconsiderate, non temere, non imprudenter, nulla denique praua animi affectione moueri, ac impelli debet ad aliquem accusandum, cum in iudicijs agatur de meritis & culpis, de honore ac infamia, de uita bene uel mala transacta, cum accusantis, tum etiam accusati. Videamus itaque (iudices) cuiusmodi sint testimonia & chirographum ab isto accusatore coram uobis prolatum. Ecce primus testis ait. Aemilium iactasse, uelle se diuulgare arcana mysteria uirtutis, eiusq; sacras aretalogias pluribus patefacere. O miseram & infelicem hominum conditionem. O uitam infinitis periculis malisq; obnoxiam. En modo Aemilius uocatur in iudicium, non quoniam aliquid egerit contra legem, sed quia se uelle dixerit. Lex non vetat loqui de illis euulgandis, at ne id fiat, prohibet. Illud enim uirtutis maiestati nihil obest, hoc forsitan obesset. Hic autem nunc arroganti quadam inscitia uult etiam capite plectendum, quicumque de his uel hiscere audeat, cum tamen lex non quid homines loquantur, sed quid agant, consideret. Non punit hominum cogitata, sed effectus. At forsan errauit in forma legis

legis. *Agendum inspicatur melius. Recita ipse verba legis, ut hoc liquidius pateat. Lex, &c. Bene se res habet, non erravi. Lex non punit nisi eos qui uirtutis mysteria ceteris euulgant, non autem eos qui se id cupere iactitant. Caterum si hic accusator in legis interpretatione errauerit, excusandus est, utpote in sui ipsius imagine deceptus. Ut enim coram uobis protulit accusationem plenā inanitate uerborum omniq; re vacuam, sic etiam putabat, legem non rerum euentus, at nuda uerba respicere. Age uero, si non modò perperam ab eo factum esse, uerum etiam proba uero illum ob id laudandum remq; salutare huic ordini, & omnino præclarissimam egisse, quid tandem respondebit? Cum enim per plures uideret miro desiderio teneri primos ingeniorum partus cognoscendi, ut scirent, an forent laudabiles necne, ipse omnium animos implere uoluit quadam firma persuasione, ut crederent se illos eduturum in lucem. Hinc protinus honorifica quadam in multorum animis opinio excitata est de illorum pulchritudine ac præstatiā, cum sibi certo persuaderent, eos nunquam edendos, nisi forent summo præconio & laude dignissimi. En itaque (iudices) ut ob res fideliter ac præclare gestas tanquam offensor & uiolator uestrarū legum, citatur in iudicium, & unde sibi præmium & honos erat expectandus, inde nunc de lecus & pœnam timere cogitur. Video nunc & apertissi-*

K 2 me

Aemilij

me intelligo, ut istum accusatorem iam quasi pudeat primi testimonij adducti, cognita eius infirmitate, utq; iam totum animum adijciat ad duo sequentia, quibus innititur, & insolescit, quia expresse dixerunt, illum uestra mysteria edidisse. Non possum equidem (iudices) interdum a risu me continere, quum huius accusatoris inscitia & imprudentia diligentius mecum intueor. Profecto res digna risu est, cum ea tam fatua sit, ut nec proborum hominum innocentia, nec virtutis puritati ac splendori ulla ex parte officiat. Et quis unquam uidit ea testimonia obesse, quae quidem nec facti, nec temporis, nec modi qualitatem affirmant? Ut reus uincatur, & causa cadat, non satis est ut lex generatim & confuse loquatur, sed opus est ut ad particularia & determinata reducatur, & speciatim de aliquo enunciet. Quomodo igitur haec testimonia illi oberunt, ex quibus nihil aliud inferitur, quam secreta virtutis ab eo diuulgata, nec tamen dicitur quae nam opera, nec ubi, nec quibus, nec etiam quomodo id egerit. Quae sane si distincte proposita fuissent, ueritas magis elucesceret, omnibusq; constaret, an eorum testimonia uera sint nec ne, probantia, uel inania. Sed cum ita mixtim loquantur, omnis haec controuersia remanet perplexa & confusa, instarq; orationis densissima nube obuoluta, nihil secum splendoris affert, nihilq; firmi & solidi argumenti. Nam detur, ipsum
aliqua

ali qua scripta quæ vestra ex Academia prodierint, euulgasse, non'ne fieri potest, ut ex eorum numero sint quæ primis virtutum incrementis erant, olim ab aliquo excogitata. Quisque uestrum scit quàm multa egregia hominum cogitata mandata litteris, quàm multa cum ad historias tum ad poesim pertinentia, fuere hæcenus vel à præstantissimis ingenijs oblata, exoptata, requisita, efflagitata. Ad has veteres editiones lex noua non extenditur, cum eius natura (ut singuli vestrum probentur) nunquam præterita, sed semper futura respiciat. Lex nunquam commissis erratis formam præscribit, sed his tantummodo quæ olim admitti possunt. Hæc enim semper studet, homines in posterum vel premio, vel pœna, probos efficere; commissis sceleribus nequit prospicere, cum etiam hæc facultate priuetur Deus, facta infecta, & genita ingenita reddere. Esto igitur aliquas uestras editiones ab eo reliquis communicatas, cum tamen secus probari nequeat, uerisimile est, illarum duntaxat notionem præbuisse, quæ uestris legibus minime repugnarēt, ac etiam eo tempore quo lex id fieri non vetabat, non quod ipse uestra statuta violaret, iusturandum contempserit, uestriq; Imperij maiestate corruperit. In dubijs casibus & confusis haudquaquam decet sumi interpretationem, legum violatricem, & præcipue ad innocentium hominum infamiam, detrimentum & pœnam, ac

K 3 multo

Aemilij

multo magis eorum, qui ut hanc nobilissimam societatem augerent atque ornarent, modis omnibus allaborarunt. Quocirca multo credibilis est, nonnulla ex illis uetustioribus, ab eo suis familiaribus ostensa, ad quorum quidem silentium neutiquam tenebatur, & praesertim cum illorum maior pars iam ab alijs ad plurimorum manus deuenisset. Nec mihi sanè compertum est, quomodo his testibus plena fides adhibenda sit, cum sint obscuri nominis, fortasse nulli cogniti, non coram iudicibus examinati, citra legitimas interrogationes alterius partis, nec à vobis animaduersum, quo uultu, constantia, colore, quo denique corporis motu, aduersarij causam apud vos egerint. Hæc enim omnia in tam graui controuersia, ubi de honore, ac statu alterius agitur, erant summopere necessaria. Nam forsitan (iudices) inuenissetis eos vel non loqui de rebus à lege prohibitis, vel si de illis loquantur, impulsos atque corruptos fuisse ab aduersarijs, quorum quidem animus, atque studium, in hoc solum est, ut vos priuent homine tam fideli, candido, erudito, tamq̃ in singulis generibus disciplinarum diligenter exercitato. At vos, quorum integritas, & prudentia semper maxima fuit, nullo modo (ut spero) patiemini, plus apud vos valere aliorum calumniam, & maleuolentiam, quàm uestram pietatem atque iustitiam; utq̃ satis hucusq̃ compertum habetis, illius fidem & probitatem

gens

tem, non inquinatam nec sordidam horum testimo-
niorum asseueratione, ita nec etiam chirographum
sibi obsuturum vobis cogitandum est. Nam & quī
scimus (hoc in primis libenter cognoscere) an il-
lud sit Aemilij, uel alterius? Num aliquis hoc
ab eo scriptum affirmare audeat? Est ne hoc e-
xemplar cum ceteris (ut mos est) collatum? An
forsitan à se scriptum ore suo asseruit? Mihi certè
admodum inhumanum uidetur, ut proborum ho-
minum existimatio, & fortuna, tam dubia & in-
certa probatione, in tam apertum discrimen ad-
ducenda sit. Esto autem (ut uultis) hoc chirogra-
phum a se conscriptum, quid tandem ait? Quid
probat? Eum aliquid egisse contra leges? Recita
iterum, ut melius intelligatur. Chirographum.
Vereor equidem (Iudices) ne quis vestrum credat,
hunc accusatorem & me unà consentire, ac eum
rogatu meo imbecille hoc argumentum ideo susce-
pisse, ut mea in eius responsione, huiusq; causae infir-
mitatis confutatione defensio tãto firmitus eluceret.
Alioqui verisimile non uidetur, ut ipse tam leui-
bus rationibus tamq; infirmis ac debilibus argu-
mentis, accusationem ita grauem tantiq; momen-
ti (ut hac est) ad exitum se unquam perducturum
speret. Non'ne itaque audistis (iudices) istud
chirographum non dicit, eum scripta se ceteris de-
disse legenda, sed tantummodo se curaturum ut il-
la rescribantur, deinde se daturum esse? Semper

K 4 ad

Aemilij

ad eosdem anfractus reuerimur, semper eosdem
 Labyrinthos ingredimur. Sed tamen ipse (ut fi-
 lo Dedalus) uos inde facile extricabo. Non sunt
 promissa quæ faciant contra legem, sed eorum ad-
 impletio. Nulla vis legibus infertur quum aliorum
 scripta cuipiam pollicemur, at quum ea exhibe-
 mus: & ex hoc aperte cognoscitur, verba rebus
 non fuisse conformia. Nam si postea exhibuisset, ut
 dedit chirographum, haud dubie multo libentius,
 quò reus conuinceretur, ea scripta dedisset, uel sal-
 tem aliquod testimonium, quo illa se habuisse proba-
 ret, idq; suæ causæ maximum adiumentum attu-
 lisset. Sed mihi tanquam per ueras coniecturas
 uidere uideor huiusce rei successum, ac certe credi-
 derim, Valerium ob sibi datum chirographum spe
 optima repletum, ac ea deinde frustratum, quoniã
 ea scripta quæ cupiebat, consequi non potuerit, a-
 cri odio in eum indignatum, id chirographum pro-
 tulisse, ac eius accusatori dedisse, ratus hoc pacto
 iniuriam qua se affectum putat, ulcisci. Nam si
 secus esset, quis unquam crederet, eum uoti compo-
 tem effectum, illius à quo beneficium acceperat, in-
 famiam & perniciem tam raro & manifesto exem-
 plo ingrati animi procurasse? Etsi uero mihi ne-
 cesse non est pro eius defensione ab aduersario, cau-
 sam iustam ostendere, cur ipse id chirographi con-
 scripserit, nihilominus tamen existimo, illum, ut
 in cæteris rebus, ita etiam in hac peramanter
 (ut

(ut solet) & summa quadam dexteritate, ac prudentia, se gessisse. Cum enim uideret quanta importunitate Valerius illa ab eo postularet, eius animum hac spe nutrire, & tanquam freno cohibere uoluit. Hinc fiebat ut aliquandiu moderatior fuerit, nec ut aliunde illa obtineret, fraude, banditijs, aut largitionibus tentaret, licet in hoc tam nobili catu nullum aditum (ut mihi quidem persuadeo) contra leges unquam inuenisset. At ipse tandem omni spe destitutus, totum animum conuertit in iram, nec iam amplius ea scripta exoptat, sed chirographo diuulgato, quibus potest modis conatur, in suscepto negotio pergere. Videtis ergo nec primum testem, nec secundum, nec tertium, nec etiam chirographum, quicquam omnino inferre quod aduersary causa patrocinetur, illiq; clamores, illi ardores, illi denique terrores vobis ante oculos positi, quam sese omnes exerant debiles, frigidi, languidi, & inanes. Detur tamen ita esse, ut vultis, sint veri testes citati, & cōcludant quod maxime cupiunt, relinquatur hac pars in istius iuuenis accusantis presidio, ne desperet in posterum, videns primam suam accusationem omni ex parte fuisse mancā, imbecilem, ac imprudentem. quid tum postea? Dico intrepidus libereq; affirmo, Aemilium in hoc minime violasse leges vestras, nec vestri amplitudinem imperij minuisse, ac proinde nullis pœnis afficiendum, quin potius vestra statuta semper ab eo
quā-

Aemilij

quàm diligentissime observata, imperij maiestatem
adauctam, obq̃ sua egregia & eximia benefacta,
& laudem & premium esse promeritum. Scitis
(iudices) in hoc studiosorum ordine duo esse myste-
riorum genera, quorum sanè alterum haud licet
unquam ulli patefacere, alterum interdum conce-
ditur. Principia, fundamenta, ordines, relatio-
nes, insignia, caremonia, secreta leges, nomina
abscondita, numeri sacri, nec possunt, nec debent
ullo tempore, nec ulla occasione cuiquam patefieri,
cum in eis uniuersa basis virtutis consistat, & in-
nitatur, deq̃ his vestra lex diligentissime curauit,
& sanxit, ut hac omnia summo & perpetuo silen-
tio tegerentur. Secunda mysteria quae sunt posita
in conscribendis epistolis, orationibus, historijs, epi-
grammatibus, odis, elegijs, alijsq̃ generibus poe-
seos, haud interdum edi prohibetur, interdum
etiam permittitur. Quin etiam clavis ac expref-
sis uerbis indicitur, ut in lucem edantur, omni-
busq̃ innotescant. Si enim huiusmodi scripta non
sint prius reuisa, repurgata, & approbata, neque
omnino est utile nec etiam ut edantur, ullo pacto
conceditur. Ex hoc enim uestra respublica plus
dedecoris & infamiae sibi metueret, quàm laudis
& gloriae speraret. At si ea huiusmodi sint, ut ue-
stra censura & iudicium approbarit, non modo
edi possunt, sed etiam debent, cum eorum pulchri-
tudine, eruditione ac praestantia, singulis ex hoc
ordine,

ordine, immortalis nominis gloria & fama prone
niat. Oportebat itaque, ut hic iuuenis accusator,
sciuiſſet rite diſtinguere, legisq; mentem & ratio-
nem probe intelligere. Nam ratio, qua lex moue-
tur, eſt ipſamet legis anima, eaq; unde uita, ſpi-
ritus & motus legi aſſertur. quocirca ſi hac prima
ſacratiffima & ſecretiſſima myſteria diuulgaret,
profecto ipſemet in eum eſſem aſterior, quàm uel ac-
cuſator, uel quuiſ alius, magisq; in eius odium
accenderer. Sed poſtquam à nobis agitur de ſe-
cundis myſterijs, hoc argumentũ eſt per ſe multo le-
nius, cum iſtæ ſint minoris momenti, quàm
prima; redditurq; per ſe mite & clementiſſimum,
ex quo iſt tantummodo reus efficitur, quoniam non
nulla ſcripta Q. Scipionis uiri doctiſſimi ac orna-
tiſſimi edenda curarit, quæ quidem non modo egre-
gia ſunt, plenaq; ſingularis cuiuſdam doctrine, ac
eloquentiæ, ſed etiam ueſtro omnium iudicio ſum-
mopere commendata. Nunquid forſitan obli-
ti eſtis, quanta cum voluptate, plauſu, & animorum con-
ſenſu, eum ſua ſcripta legentem audiueritis? quàm
omnes mirabamini? quàm interdum exclamaba-
tis? quàm ſæpe illius ornatu, lepore, artificio, ſtu-
pidi hærebatis; nec ſolum approbaſtis, at etiam
id quaſi lege confirmaſtis? Quam ob rem ſi ea non
recluſa & abdita, ſed nota eſſe voluit, ea tantum
modo ſelegit, quæ pulchra, elegantia ingeni-
oſa, & quæ etiam ueſtra cenſura & iudicio approbata
eſſe

Aemilij

esse cognouerat. Hinc enim putabat (ut reuera
est) magnum decus & gloriam huic Reipublicae
accessuram. Nec sane mirum. In his enim quae
ipse suo Marte meditatur & scribit, tam nobile ac
excellens ingenium relucet, tam singularis doctri-
na undecunque emicat, tam exactum & perfectum
iudicium perspicitur, tantus denique lepos & sua-
uitas inest, ut etiam nulla correctione adhibita,
semper inter maxime polita & limata, omnibusq;
numeris absoluta, iure annumeranda existimem.
Præterea nobilissimo eius animo, semper optima
quedam & sanctissima voluntas adiungitur ali-
quid excogitandi, unde uirtus quæ tandiu iam no-
stro seculo exulauit, & in hoc tandem nunc felici-
ter ad nos redire incipit, splendidior multo quam
quævis Dea, terris eluceat. Ceterum etsi testes
huiusmodi essent, ut maxime facerent pro accusa-
tore, quæq; ab eo edita sunt, edi minime debuif-
sent: ad uestram tamen prudentiam (Iudices)
omnino pertineret, ut in hac re de qua nunc agi-
tur, summa quadam animi moderatione uteremi-
ni. Nam si sedulo res inspiciatur, apparebit, le-
gem, nullam pœnam peculiarem in hoc statuere,
sed eam solum uestro prudenti arbitrio, ac aequi-
tati relictam uoluisse. Recita finem legis. At
minime necesse est, cum illa mihi satis in mentem
ueniat. Et si forte lex (inquit) is qui uobis à secre-
tis est, arcana uirtutis mysteria diuulgarit, pœna
esto

estō iuxta iudicium arbitrium, &c. Manifestum
 est igitur haudquaquam hoc supplicij genus prescri-
 bi, ut ex hoc cætu excludatur, sicuti vehementer
 ac constanter contendit accusator. Nec sanè quic-
 quam à vobis fieret imprudentius ac periculosius
 vestrae Academiæ. In primis enim hoc si agatur,
 omnis eius dignitas concidet, eaq; optima existima-
 tio, quam omnes boni de illa concepere, maxima
 ex parte minuetur. Si enim viderent initio sue in-
 stauratiōis, & ornamenti, eam esse depravatam,
 perturbatā, omnesq; inter se certare dissidijs, quid
 postea de fine, ac medio sperandum foret, si eius
 initium in tanta confusione, totq; erroribus impli-
 citum, ac refertum iuveniretur? O quanta fieret
 diminutio splendoris & gloria, quum homines au-
 dirent vestros ordines corruptos, leges violatas, con-
 cordiam disunctam. Prudentis est ad paruum
 aliquod delictum in his primis incrementis, conni-
 uere, nulloq; modo illud palam facere. Sed opera
 honorifica, præclaras actiones, & facta egregia om-
 ni laudum genere in cælum usque perpetuo efferri
 debent. Cæterum qualia crederentur esse reliqua,
 si quem omnibus virtutibus decebat esse ornatum,
 pro infami notaretur? Si, qui præcipuè leges obser-
 uare, statuta colere, & hanc Rempublicam tue-
 ri, maximisq; honoribus amplificare tenebatur,
 quiq; propter suum munus perpetuum plus emolu-
 menti ac fructus percipit, is postea tam nobilis Im-
 perij

Aemilij

perij deprauator & uiolator esse inueniretur?
Quid nam de ceteris indicabitur, qui minus tenen-
tur, minusq; utilitatis inde assequuntur? Profecto
nemo erit qui non pro certo existimet, istam Acade-
miam breui omnino interituram. Mihi sanè non
ab re (ut opinor) subit in mentem, dictum Anti-
patris. Hic enim cum Parmenionem iussu Ale-
xandri audiret interfectum esse, inquit: Si Par-
menio fuit infidelis Alexandro, cui unquam am-
plius credendum? At si fidelis fuit, quid nobis a-
gendum? Equidem noui, & (quum id memoria
recolo, non possum non maximopere indolere) ve-
stris aduersarijs nihil omnino gratius, nihilq; opta-
bilius posse contingere, quàm vestrae Academiae dis-
sidia, eiusq; ex illis interitum. At videte obsecro
(iudices) in quantam vos imprudentiam hic accu-
sator inducere conatus est. Nouit enim aperteq;
intelligit illam protinus collapsuram, si hoc obtinue-
rit, ut Aemilius hac sede & domicilio expellatur.
Quid? Non'ne ipse in manibus habet secreta le-
gum, caeremoniarum, numerorum, & reliqua om-
nia mysteria? Non'ne scit plenissime omnes vestras
actiones, opera, consilia, studia, cogitationes?
Nunquam sanè adducar ut credam, illum (tan-
ta est eius probitas, & in vos, vestrumq; istum
sacrum ordinem beneuolentia) ita fore diuersum
à se ipso, ut à fide deficeret, quin potius indubitan-
ter crediderim, illum hoc nobile virtutis Templū,
semper

semper maiori obseruantia & diligentia custodi-
 turum, proq; illo inuigilaturum, quàm olim fa-
 ciebant sacri illi Leones, qui à veteribus Theo-
 logis (nec citra summum mysterium) ante por-
 tas Templorum tanquam custodes, ac excubias
 agentes ponebantur. At si vos (iudices) paucorum
 maleuolentia & odio adducti, hunc ex hac societate
 expellendum indicetis, proculdubio fiet ut maxi-
 ma incommoda & damna quisq; nostrum patia-
 tur. Fieret enim ut cum modo non patiamini
 eum detegere vel minimam partem earum rerum,
 quæ hunc locum potius illustrant, quàm obscurant,
 extimulatus, quasi quodammodo cogeretur, quæ-
 tuncque sibi cognita forent, ceteris communicare,
 ac ea præcipue in quibus consistit vis, vita, anima,
 & fundamentum virtutis, quibus occultatis, hoc
 Imperium augetur, & detectis, imminuitur.
 O impudens audacia. O dementia nunquam ha-
 tenus audita. Et vos (iudices) adhuc veremini,
 ne hic Sycophanta ab his qui vobis vestroq; ordini
 aduersantur, incitatus atque impulsus, sub pretextu
 probitatis, sub velata facie iustitiæ, sub inani
 umbra obseruantia in vestras leges, non sit motu-
 rus omnem lapidem, ut hac Resp. tota (quoad per
 ipsum fieri poterit) dissipetur, euertatur, intereat?
 Certe dubium non est quin vestri aduersarij, post-
 quam vobis, nec iure, nec vi, obesse potuerunt,
 nunc instar vulpium, fraude ac dolis id facere mo-
 liantur.

moliantur. Cauete igitur ne fucata huius verba, vos à recta ratione abducant. Hec enim sub falso bonitatis velamine secum afferunt manifestum ac lethale venenum. Animaduertite diligenter vtriusq; partis rationes & argumenta. Iam videtis ea nihil concludere contra huius innocentiam, utq; ab eo nihil errati commissum est, ita etiam probari nequit eum re ipsa errasse. Et si etiam quod volunt, inferrent, hoc tamen citra vllam vestrarum legum iniuriam fecisset. Proponite vobis ante oculos quot molestias & labores pro vobis iam dudum sustinuerit, quotq; etiam quotidie sustineat. Hi profecto nunquam tam infelicem & calamitosum exitum merebantur, nec minus causa esse debebant, ut ipse nunc tot suae dignitatis & fortunae periculis foret obnoxius. Quid plura, ut expelleretur ex hac praeclara & nobili studiosorum societate, qua sibi ex omnibus rebus humanis nihil est carius, incundius, amabilius, & qua sine, nunquam posset hic diutius viuere. Non opes, non amici, non vita, non spiritus, nulla denique res alia in terris est sibi cara, sine vobis, vestroq; dulcissimo congressu. O miseri & infelices mortalium labores. Hic est ergo fructus, quem vos post tot arumnas miseris hominibus tandem affertis? O vanum inanemq; amorem, quo virtutem amplectimur. Hec ne sunt premia in eos, qui illam sequuntur & colunt? O fallaces hominum spes, parumq; fortunata;

ta. siccine, unde à vobis honos & leta omnia sperabantur, inde summum dedecus ac perpetuum exilium affertur? Quò se igitur iam conferet, vestro sodalizio eiectus, cum extra illud semper sibi vitam longè acerbissimam putarit? Ibi'ne tanquam perfuga, in castra vestrorum hostium? At in his ne horulam quidem posset immorari, cum eos plusquam vatiniano semper odio sit infectatus. Præterea nunquam id faceret, partim ne tantam ansam latitiæ aduersarijs praberet, partim etiam ne tanta iniuria vos afficeret. Confugiet'ne ad eos qui virtute relicta, voluptatibus ac vitijs deduntur? At qui unquam fieret, ut qui semper ab ipsis incunabulis virtutem coluit, semperq; proborum hominum consuetudini adhesit, nunc tandem improborum & vitiosorum societatem expeteret, vitamq; degeret ingloriam & infamem? Et quomodo vos unquam pateremini, salua dignitate vestra, ut qui olim vobiscum tam honeste, tam honorifice, tamq; domestice ac familiariter vixerit, modo inter improbos & flagitiosos versaretur, iisdem quibus illi, vitiorum sordibus, inquinatus? Redibit in patriam? Sed qui unquam suos ciues, affines, amicos, dulcesq; penates reuisset, oculisq; intuebitur, expulsus à vobis pro infami, eiectus pro corruptore vestrarum legum & tanquam perfidus, in exilium relegatus? Totus undiq; rubore suffusus, potius mori statuet, quam se suis ciuibus talem

L ostendere.

ostendere. Petet ne sylvas & nemora, ibiq; vagus
oberret, quò arbores, frutices, lapides, aues & ani-
malia rationis expertia sint sui dedecoris & cala-
mitatis vel perpetui testes? Quid igitur faciet? A
vobis vestroq; contubernio explosus, ad vos conti-
nuo redibit, circaq; vos, uestrosq; gressus perpetuo
uolutabitur, atque in uos, quos unice colit & obser-
uat, suos oculos intentos, fixosq; habebit: &
nisi dabitur, una uobiscum esse, ibit oberrans per
incina loca, ut vel hoc pacto suam vobis innocen-
tiam exhibeat, suiq; amoris & fidei admoneat, &
qua denique mente atque animo sit erga uos, om-
ni significatione aperiat. At uos, ut spero, iudi-
ces neutiquam patiemini, ut tam claro & conspi-
cuo exemplo, liuoris ac maleuolentiae laceretur, &
opprimatur, quin potius uestri animi celsitudine;
maturoq; consilio & prudenti iudicio, Aemilio so-
litum honoris gradum, ipsumq; Aemilium uirtuti,
utriq; & dignitatem & uitam saluam atque inco-
lumem conseruabitis.

Gulielmo



CVLIELMO Metlan Domino Lindin-
toni, à secretis & consilijs Se-
renissimæ Scotiæ Reginæ, viro
summa virtute ac sapientia præ-
stanti, Petrus Bizzarus hanc pro Virginio de
defensionem, ut posteris aliquod sui erga
eum officij testimonium extaret, dicauit.

Ad eundem.

MAGNVS Agamēnon decē sibi Nestores olim
Optarat, per quos Gracia recta foret.
Scotia dum tu à secretis, sibi cernit adesse
Tot numero. sic stant ordine cuncta suo.
Ergo ut consilio sapientem Nestora uincis,
Sic annis multis Nestora uince precor.



28
ORATIO PRO L. VIRGINIO,
CONTRA AP. CLAUDIVM.



APIENTISSIMI humanarum legum Conditores Lycurgus apud Lacedæmonios, & Solon apud Athenienses, suis legibus in primis cautum esse uoluerunt, (iudices integerrimi) ne quis morti unquam addiceretur, nisi prius utriusque partis rationibus auditis & clarissime intellectis. Hoc tam laudabile institutum semper in hac celeberrima urbe à nostris maioribus quam diligentissime obseruatum fuisse percepimus. Id uero quam non modo utile, sed etiam necessarium sit, quotidiana experientia per facile uideri potest. Itaque spero (iudices) uos idem in præsentis causa facturos, & pro uestra innata equitate atque prudentia, diligenter omnia & singula inspecturos, priusquam aliquid in VIRGINIVM, de quo nunc omnis futura est controuersia, statuatis. Uterer autem longiori exordio, uosq; pluribus uerbis hortarer, ut æquas & faciles aures mihi praberetis, nisi satis uestra sponte ad audiendum promptos atque animatos uiderem. Quocirca his omissis modo quæ à plurimis disertissimis uiris initio sermonis plerunque fieri consueverunt, ad ea potissimum orationis meæ cursum dirigam, quæ præsens argumentum expostulat.

Legimus

Legimus in Romanorum Historijs P. Horatium, sororem eo quòd in publica letitia sp̃sum mortuum deflebat, in uniuersi populi conspectu gladio transfixam interfecisse. Item, Iunium Brutum, filios et nepotes; propterea quòd Reges Tarquinius in Regnum restituere conabantur, securi percuti iussisse. Manlium etiam Torquatum, suum filium, quia iniussus cum hoste pugnasset, ut statim necaretur, praecepisse. Hos autem & nonnullos alios his similes non solum omni supplicio liberatos, at etiam, summis laudum praconijs celebratos fuisse Historici prodiderunt. Nec sanè immeritò. Nunquam enim credibile est illos, ut hoc facerent, vlla innata seuitia & immanitate impulsos, at sola legum reuerentia permotos. Etenim cum uiderent maximam suis legibus iniuriam, per suos liberos factam esse, indicabant nulla alia ratione illis posse satisfieri, quàm eorum interitu. Etsi ergo maximo & incredibili dolore intus afficiebantur, & poena qua filios plecti mandabant, maximam omnino in seipsis partem sentiebant, ut tamen ceteris exemplo forent, legumq; maiestas illaesa & inuiolabilis permaneret, maluerunt ijs, quibus nihil in terris carius habebant, priuari, quàm ut legibus ac discipline vel minima contumelia inferretur. Accedit praeterea honoris amplitudo ac estimatio, pro qua millies (si millies hic mori daretur) potius mortem oppetissent, quàm ut vel mi-

Virginij

nima cum labe ac ignominia viuerent. Quare si Virginij causam, qua impulsus, in unicam filiam optimam furere ac insanire visus est, perceperitis (prudentissimi iudices) haud equidem vereor, ne hunc absoluendum, eiusq; animum generosissimum fuisse; contra uero, Appium Claudium totius mali auctorem, vestris omnium sententijs condemnandum iudicaturi sitis. Nam Virginius proprijs oculis & vita sibi cariorem filiam, semper unice dilexit, ideoq; non sine lacrymis late profusus, impius contra illam esse potuit, sed dignitatis gloriæq; domestica ratio ac suprema quædam & plusquam Dodonæa necessitas, eum ad hoc facinus impulit.

Audite nunc obsecro (humanissimi iudices) quænam causa, vel potius quænam animi generosi vis, & potentia, miserrimum Virginium ad suam ipsius calamitatem adegerit.

Appius Claudius vir prepotens, & maxime auctoritatis, Virginij filiam iam adultam, & formæ excellentem, perduissime adamabat. Cum uero illa ad se pellicere, nec precio nec spe posset, omniaq; pudore septa animaduerneret, Marco Claudio Clienti negotium dedit, ut virginem in seruitutem assereret. Is omnia ex præscripto facit. Ceterum quo minus Appius ea sit potitus, paucis declarabitur. L. Virginius filiam desponderat Icilio Tribunicio, viro acri & expertæ virtutis. Pater autem puella, Reipublicæ causa tunc aberat. Spar

so

so itaque rumore huius tam atrocis contumelia, pro-
pinqui adsunt, & in primis Icilius. Rei nouita-
tem ualde admirantur, hocq; manifestum esse men-
dadium, sibiq; parentibus, ac uniuersae domui ma-
ximam iniuriam fieri exclamant. Quoniam ue-
ro pater (ut dictum est) aberat, impetratum est,
ut quam primum accerseretur, omnisq; contro-
uersia in eius aduentum differretur, obtentum est,
moxq; uocatur. Ut autem uenit, Appio & hanc
suam esse filiam, ex legitimo coniugio, & Icilio de-
sponsam, intrepide affirmat. Appius (tanta uis
amentiae potius quam amoris eius mentem turba-
uerat) in tribunal ascendit, & contra omnem æ-
quitatem, iudicias secundum seruitutem decreuit.
Virginus, intentans in Appium manus, Icilio
inquit, Appi, non tibi filiam despondi, & ad nu-
ptias, non ad stuprum educavi, multa q; huiusmo-
di. at ille animo iam à libidine ad furorem uerso,
Virginium eiusq; socios, homines inquietos esse, nul-
liq; alij rei quam ciuilibus dissidijs intentos, ore im-
pudentissimo coram omnibus, stansq; pro Tribu-
nali, dicere non veretur. Tum Virginus, ubi ni-
hil usquam auxilij uidit, data uenia, seducit filiam
ac nutricem, atque ab Lanio cultro arrepto, hoc
te uno quo possum, ait, modo filia in libertatem uin-
dico, pectus deinde puella transfigit, spectansq; ad
Tribunal, te (inquit) tuumq; caput sanguine hoc
consecro. Virginus itaque hoc facto, statim ad por-

Virginii

tas urbis perrexit, indeq; ad castra peruenit, quæ in Alcido erant, ubi tunc temporis honestum ordinem ducebat. Huc cum uenisset, querentibus quid rei esset, flens, diu vocem non emisit, tandem, ut iam ex trepidatione concurrentium turba constitit, ac silentium fuit, ordine cuncta ut gesta erant, exposuit, supinas deinde tollens manus, commilitones appellans, orabat ne quod scelus Appij Claudij esset, sibi attribuerent, neu se ut paricidam liberorum auersarentur, sibi vitam filiae, sua cariorum fuisse, si liberè ac pudicè uiuere licitum fuisset: cum autem eam uelut seruam ad stuprum rapi uideret, morte amitti melius ratum, quam affectos cõtumelia liberos videre, misericordia se in speciem crudelitatis lapsum, nec se superstitem filiae futurum fuisse, nisi spem ulciscendæ mortis eius in auxilio commilitonum habuisset. Filiam itaque quia non ultra uictura pudica fuerat, miseram, sed honestam mortem occubuisse. Eodem se animo suum corpus uindicaturum quo uindicauerit filiae, nisi de Appio debitum supplicium sumatur. Res ita se habet (iudices optimi) non odio uel furore incitatus, at honestissima ratione impulsus in filiam scuire coactus est, ideoq; ante uestrum conspectum venire, & iure quodam à se inuito factum homicidium defendere audet, & mortuam potius filiam, quam ab Appio violatam velle, attestatur.

Quapropter cum animum Virginij maxime generosum

nerosum & magnanimum ipse mecum considera-
uerim, cum causam iustissimam, qua motus filiam
necauerit, mente atque animo meo uolutarim, cum
dedecus fugiendi & domesticum nomen conseruan-
di studio, ea omnia euenisse mecum cogitarim, non
possum non Virginium ipsum summis laudibus ex-
tollere, ac eius fortudinem non maximopere admi-
rari. Appium vero tanti mali auctorem, quis non
accuset, non execrabili odio prosequatur? non quo-
uis supplicio et cruciatu longe dignissimum censeat?
Quocirca vos etiam atque etiam rogatos uelim
(nobilissimi iudices) ut si euidentissimis causis, &
rationibus Virginium non modo impune dimitten-
dum, sed etiam summopere laudandum; contra ue-
ro Appium & accusandum esse, & omni poena di-
gnum ostendero, a quibus animis nobis adesse non gra-
uemini. Si laudandi sunt qui honestatis causa diui-
tias, opes, magistratus, dignitates, principatus,
Regna atq; Imperia contempserunt, si commen-
dandi, qui corporis dolores, animi cruciatus, ca-
pitis pericula, vitam denique ac mortem negle-
xerunt; si celebrandi qui semper animo excelso, &
inuito in rebus publicis, priuatis, forensibus, & mi-
litaribus extiterunt, si denique laudibus efferendi,
qui locorum, temporum, personarum ratione habi-
ta, in omnibus ac singulis rebus decorum seruauint,
certe horum in numero principatum tenere Virgi-
nium, & omni laudis genere dignissimum fuisse asse-
rimus

Virginij

rimus & contendimus. Hic enim uir uere fortis, at
que magnanimus, quiduis potius ferre ac pati,
quam fœdari, vllaq; labe pollui, multo prius in a-
nimum induxerat. Proinde maxime in eum qua-
drat Vergilianum illud,

Est hic, est animus lucis contemptor, & istum
Qui vita bene credat emi, quo tendis, honorem.
O maximum generosi animi cādorem. O custodem
vniuersarum virtutum pudorem egregium. O præ-
clarum viri magnanimi decus. Quis eum non ada-
met? Quis non suspiciat & miretur? Quis non cœ-
lesti sede hunc dignissimum iudicet? Hic non pecu-
nie atque opum, non dignitatis vel principatus ali-
cuius, aut Regni & Imperij, sed solius honoris ser-
uandi gratia omnes corporis dolores, omnia tormen-
torum genera, omne capitis periculum, ipsam deni-
que vitam, & obitum filie contempsit. Proinde mi-
hi persuadeo vos (equissimi iudices) hunc fortissimū
uirum non solum uestris omnium sententijs omni pe-
riculo absoluturos, uerum etiam omni laudationis
cumulo celebraturos.

Ceterum quod aduersarij dicunt, Appium Clau-
dium eo animo & consilio extitisse, ut Virginij filiā
uellet in uxorem ducere, non autem fœdo stupro uiol-
lare, id omnino falsum est, & ab omni veritate a-
lienissimum. Uxorem enim habebat Appius, legi-
timis nuptijs sibi coniunctam, uti vniuersa ciuitati
notissimum est. Duas autem simul habere non licet.

Sunt

Sunt igitur somnia et nugamenta, quæ aduersarij cōtra Virginium excogitarunt, quibus probent Appium legitimo cōnubio Virginia potiri uoluisse. Nā esto legum permissione, duas uxores Claudio habere licuisse, minime tamen credendum est, illum eo animo fuisse, ut Virginij filiam in legitimam uxorem sibi cuperet. Sed omnibus perspicuum est, quali mente in eam extiterit, videlicet impudica & dedecore plena. Hæ sunt nuptiæ quæ ab Appio expeiebantur. Hic finis coniugij. Hæc est causa, qua (ut sentiunt aduersarij) letitia efferri, et manus præ nimio gaudio ad cælum tollere Virginus debebat.

Quæ gratiarum actio diuinæ bonitati habenda nō foret, si illum Appius in suum saceru accipere non dedignaretur? O supremā animorum cœcitatem.

Quis unquam sanè mentis hoc sibi persuadeat? Pa-
res cum paribus coniugali vinculo associantur. Po-
tentes cum potentibus, nobiles cum nobilibus, di-
uites cum diuitibus, pauperes cum pauperibus,
coniungi legitimis nuptijs solent. Quod sanè in
hominum vita usu euenire, quotidie res ipsa do-
cet ac ostendit. Virginus ergo uir maxime sa-
gax & prudens, Appij calliditatem statim sensit.
Illum legitimo coniugio cum sua filia copulari pos-
se nullo modo indicauit, & propterea non mirum
est, si gloriæ laudisq; auita obseruantissimus, filiam
ferro necauerit. Quod sanè facinus minime ani-
mi humilis et abiecti, sed vere præstantis ac heroici
extitisse,

Virginij

extitisse, nemo inficiabitur. Nam si hostem ferire, & illatam iniuriam ulcisci, maxime præclarum est, quanto præclarius erit seipsum vincere, & a se vim propellere? Si laudandi sunt qui hostes domant, alienas urbes subigunt, victoriam & exuias referunt, quanto magis commendandi, qui ut labem & ignominiam deuitarent, vitam nihili extimauerunt, quiq; nullo corporis cruciatu, & poena metu deterriti, ne latum quidem unguẽ (ut dicitur) ab honestate ac virtute recesserunt? Nec enim aliunde summis, diuinisq; laudibus in cœlum extolluntur uiri clarissimi, Romulus Imperij Romani conditor, Horatius Cocles, Marcus Marcellus, Titus Manilius, Marcus Atilius, Caius Sempronius, Fabius Maximus, Scipiones fortissimi, Catones prudentissimi, & diui Caesares totius orbis domitores, qui omnes nullum unquam uirtutis opus prætermiserunt, nullumq; periculum honestatis causa adire ac subire exhorruerunt, quin potius ut patrium & domesticum splendorem seruarent, magisq; in dies ampliarent, opes, thesauros, & uitam denique contempserunt. Quid in presentia de Zenone Eleate hic referam? Is enim cum a Nearcho Tyranno crudeli atque immani, grauissime torqueretur, ut coniuratos uoce detegeret, nullo supplicij genere cogi potuit, ut qui nam essent, fateretur. Sed cum proximos quosq; ac fidelissimos tyranno, sua constanti oratio

ne

ne, suspectos reddidisset, ciuium ignauiam ac metum increpitans, effecit, ut subito mentis impulsu concitati, Nearchum lapidibus prosternerent.

Quid etiam de Anaxarcho dicam? Hic enim (ut historiae referunt) cum a tyranno Cypri Nicroonte, acerbissimis tormentis cruciaretur, nullam inhiberi potuit, quin tyrannum grauissimis uerbis procellis percuteret, ac illius animum diuerse iactaret. Cum autem eius linguam se amputaturum minaretur, effeminate adolescens (inquit) non erit hac quoque pars corporis mei tuae ditionis, protinusq; dentibus abscissam linguam in os eius, irapatulum, expuit. Quid memorem Cyreneum Theodorum, Philosophum non ignobilem, cui cum Lysimachus crucem minaretur, istis quæso inquit, ista horribilia minitare purpuratis tuis. Theod. quidem corpus nihil refert, humi, an sublime putrescat. O admirabilem fortitudinem. O animum uere generosum. Hi sunt uiri eximij ac præstantes. Hi & belli & pacis tempore laudatissimi extiterunt. Horum uirtus est omnibus seculis ac ætatibus permansura. Nec enim ullum æuum de diuinissimis illorum laudibus conticescet. In horum itaque numero Virginius iure optimo est habendus. Nec enim animi celsitudine ac robore ulli ueterum aut eorum qui postea, uirtute ac fortitudine inclaruerunt, inferior censendus est, quin potius superior aut saltem par indicandus. Cum itaque

que

que (optimi ac præstantissimi iudices) Virginium
 non sceleratum, non infandum, non impium, &
 crudelem (ut maleuoli commentantur & asserue-
 runt) sed insignem, egregium, ac optimi nominis
 & fame studiosissimum fuisse perspexeritis, non est
 cur eum neci destinandum censeatis. Quin imò
 eius fortitudinem, & animi excelsi præstantiam
 admirati, omni honore ac laude dignissimum arbi-
 tremini; Appium uero totius mali fontem atque
 originem, condemnandum, uestra sententia statua-
 tis. Non enim pater Virginus filiam, sed illam
 Appius interemit. Qui enim causam damni dedit,
 damnum etiam uidetur dedisse. Non Virginus fa-
 cinorosus homicida, sed honoris custos integerri-
 mus fuit. Omnis culpa in Appium transferen-
 da est. coegit ipse infelicissimum patrem in miserr-
 iam filiam seuire. Ut itaque miseratione dignus
 est Virginus, ita etiam quauis pœna & supplicio
 dignissimus Appius, pollutor nempe Virginum,
 subuersor alieni coniugij, scelerum omnium machi-
 nator, flagitiorum mirus inuentor. Nam quot
 Virgines constuprauit? Quot matres familias uio-
 lauit? Quot cedes nefandas patrauit? Quot fur-
 ta? quot adulteria? quot homicidia? quot sacrile-
 gia cōmisit? Quæ domus, quæ templa, per hos an-
 nos ab eius nequitys tuta remāsere? Quas ille urbes
 & pronincias non expilauit? Expergiscimini (iu-
 dices optimi) expergiscimini, vos etiam reliqui
 cives

*Ciues tãtã ignominiam ne impune patiamini, ad
tantas iniurias nullo modo à vobis connuẽdum est.
Contra Claudium arma sumite. Imitemini hac in
re Athenienses, viros sapientissimos, qui Duce
Thrasylulo, tyrannos triginta expulerunt, vr-
bemq; omni seruitio liberarunt. Imitemini Syra-
cusanos ciues, qui vno eodemq; consensu Dionysiu
tyrannum Regno expulerunt. Proponite vobis
ante oculos, viros Agrigentinos, qui Phala-
ridem crudelissimum tyrannum, eadem qua ipse
ceteros pœna & supplicio affecerunt. Imitemini de-
mum maiores nostros viros fortissimos, qui Tarqui-
nos Reges superbia, libidine, audacia & omni
vitiõrum genere laborantes, pati non potuerunt,
sed potius ex urbe ac Regno eiectos, perpetuo exilio
relegarunt, indeq; insignem laudis gloriam repor-
tantes, libertatem ciuium conseruarunt, et suum
nomen hoc tam præclaro facinore immortalitati
consecrarunt. Id autem vos absque dubio conseque-
mini, si bonorum ciuium salutem & quietem con-
seruabitis, si bonos ciues incolumes uolueritis, malos
autem & sceleratos, audaces atque nefarios, procul
à vobis, vel exilio uel morte expuleritis. Retinete
per Deos immortales, & conseruate Virginium,
uirum optimum, uirum clarissimum, & vere ma-
gnanimum: casum & calamitatem tanti viri, ue-
stris animis deslete, ac domus eius labantis mise-
remini, (iudices clementissimi.) contra uero, Ap-
pium*


pium scelestissimum hominem, nefarium, adulterum, crudelissimum, homicidam, impium, sacri legum, diuini cultus contemptorem, humanae societatis peruersorem, scelerum omnium auctorem audacissimum, uestris omnium sententijs persequimini, uestro omnium consensu procul expellite, meritis deniq, supplicijs in eum animaduertite. Sic enim agentes, et patriæ, & Virginio, & ciuium saluti, ac bonorum omnium tranquillitati, quam optime ac prudentissime à vobis prospicietur.

Dixi.

Errata sic corrigito.

Folio. 16. a. linea. 4. conomen, cognomen. 32. a. 23. Et, En. 39. a. 24. gratiam, gratia. 40. a. 27. delinquere, delinquere. 47. a. 16. Hac, Hæc. 48. b. 13. in spiritu, & spi. 49. a. 3. perferendum, præferendum. 53. b. 9. conspiciuntur, conspiciantur. 60. b. 12. primus, primusque. 61. b. 11. Serenissimæ, Sanctissimæ. 62. a. 4. demum, damnum. 64. a. 28. cum certus sit, tam certus est. 67. a. 26. citatur, citetur. 70. a. 6. banditijs, blanditijs.

PETRI BIZZARI
POEMATVM
LIBRI II.



VENETIIS, M. D. LXV.

90

PETRI BIZZARI
POEMATVM
LIBER I.

AD MAXIMILIANVM II.
IMPERATOREM.

MAXIMVS estitulis, uirtute es maximus, ac spe
Maximus ingenti, maxima ut ipse geras.
Hac si praestiteris, quamuis amplissima (credas)
Plurima adhuc restant perficienda tibi.
Sed quia fortune auxilio, quae amplissima, sunt,
Hac precor ut tibi sit fausta & ubique comes.
Sic tua fortune uirtus innixa potenti
Spes tandem uincet, fama_q maior erit.

*Ad Carolum Nonum Gal-
liarum Regem.*

LILIA quae quondam calo demisit ab alto
Iuppiter, aetherea peruegerantur ope.
Non ualet haec Auster, Mauors, non Syrius aestus
Ledere, non Iuno, non glacialis hyems.
At semper Zephyris placidis Euro_q fuentur
Propitio, ac semper sunt uiridante coma.
Vtq_{ue} uirens laurus nequit ullo fulminis ictu

M 2 Offendi

Poematum

Offendi, dextra tectus Apollinea;
Sic Ioue custode haud flos hic violabilis ulla
Vi astrorum, aut hominum, sauiat usque uelit.
Quid non sperandum sub tanti numinis umbra?
Quid non uincetur auxiliante Ioue?
Ergo tot Heroum soboles clarissima, spesq;
Gallia, & Henrici gloria summa Patris;
Perge huius ductu titulos aquare parentum,
Vincereq; auspicijs fortia gesta tuis.
Sic Bellona tibi faueat, sic Iuppiter adsit
Prosper, & e caelo lilia missa tegat.
Irriget haec Flora, haec recreet felicibus auris
Eolus, ac tenui Cynthia rore madens.
Ipse etiam eterno celum qui lumine lustrat,
Florida conseruet, atque in odore suo.

Ad Elisabetham Angliae Regi- nam Vidamus de Chartres, Gallus, in festo Diui Georgij.

QVIS non Regali titulo dignetur, Equestri
Quos uidi insignes ordine, honore pares?
Incessu, splendore, habitu meritisq; decorus
Quilibet in vultu suspiciendus erat.
Sed tamen ut Phœbus clara inter sydera fulgens
Emicat, & uincit cuncta nitore suo;

Sic

*Sic omnes illos DVDLAEVS corpore pulchro ,
 Et raris superat dotibus ingenij ,
 Forma illi angusto quæ sit dignissima quouis
 Imperio , virtus Principe digna viro .
 Ex illis iste est cui nil Natura negarit
 Regia si demas sceptrâ decusq; tuum .
 Excellis forma , sceptris , animoq; refulges .
 Ter felix , coniux si tibi fidus erit .
 Te Natura gemit vacuo sic vivere læto :
 Quod deest , quodq; tibi est , accipe , daq; Viro .*

Ad eandem Petrus Bizzarus .

*ANGLIA iandudum varijs agitata procellis
 Fermè erat ut medio quassa carina mari .
 Te exoriente illi , tempestas destitit omnis ,
 Quæque obscura dies , facta serena sibi est .
 Hinc merito superum regem noctesq; diesq;
 Orat , ut incolumem te superesse velit .
 Hinc etiam talique viro regi q; precatur
 Affociet , qui sit sensu animaq; pari .
 Scilicet ut vestro auspicio sua gloria crescat ,
 Et dicat ; Sunt hac aurea sæcla mihi .*

*Ad Hieronymum Priolum Du-
 cem Venetiarum .*

*CVM latè circumspiceret Neptunus in omnes
 M 3 Oceani*

Poematum

Oceani partes, & loca pulchra magis;
Nulla est vrbs (ait) ex cunctis quas alluit aquor,
Adriacæ similis, nec fuit ulla prius.
Hæc stabili, ac firmo imperio sua iura tenebit,
Virgoq; dicetur dum fluet unda maris.
Mœnia sunt ciues, lex propugnacula, & Arces
Mutua pax, turres cura superna Iouis.
Ne vero interea rectore, ac principe tanta
Vrbs careat, PRIOLVS dux erit, atque caput.
Vtq; illa est prima, & reliquas supereminet omnes,
Sic erit hic primus nomine, reg; potens.

Ad Melchiorem Michaellem Prefectum Venetæ Classis.

LITTORE Bizanti cum classem solueret hostis
Turcicus, obstupuit Doris, aitq; viro. (tur
Quid sibi tantum agmẽ coniux? nũ nostra petun-
Regna? heu quàm timeo ne in mala nostra ruat.
Nereus haud metuas (inquit) non ista parantur
In nos: & si etiam, nil tamen inde mali.
En tuus hic frater Michael fortissimus heros,
Quem norunt venti, quẽ mare, quemq; polus.
Huic ego iura dabo Pelagi liberrima, eritq;
Oceani dominus, quæ patet usque sinus.
His dictis, pacati animi, Nymphaq; repleta
Letitia, & plausum pontus ubique dedit.

Diale-

Liber I. 92
DIALOGVS.

TIBERIS

ADRIA.

TIB. *Nulla olim Regio fuit
Quæ non colla meo subdiderit ingo
Dum fors prospera, dum mihi
Fauit Iuppiter, & numina calitum.*

ADR. *His certe ducibus, tuo
Subdisti Imperio maxima flumina
Terrarum, atque Britannicum
Æquor, quæq; patet oceani sinus.*

TIB. *Ast (heu) quid mihi profuit
Orbis perdomitus? quid superum fauor?
Si quod longa dies dedit,
Una hora abripuit, nec lachrymæ iuuant?*

ADR. *Has dimitte, nihil queunt
Prodesse hac Iouis est, atque Deum omnium
Lex firma & stabilis, cadat
Ut quicquid genitum est, cunctaq; desinant.*

TIB. *Heu heu, quò Capitolum?
Quò regum exuuiæ? quò ampla potentia?
Quò urbis gloria nunc meæ?
Quò fortuna potens? Occidit. occidit.*

ADR. *Hæc frustra renocas modo
In mentem. Ista igitur mitte, potissima
Et quæ causa tui mali
Mecum edissere, prout est tua opinio.*

M 4 Hanc

Poematum

- TIB.** *Hanc noui satis, hanc satis
Edoctus propria sum experientia,
Nec celabo, videlicet
Præceps ambitio, & odia mutua.*
- ADR.** *Hæc verissima sunt, tibi
Nam hæc sola interitus causa, nec id modo
Te, at Græcos etiam, & Syros,
Persasq; indomitos antea, perdidit.*
- TIB.** *Hæc exempla meos nihil
Mouerunt, ne animum seditionibus
Ciues miscuerint, sua
Sic dextra pereunt, sic miseri ruunt.*
- ADR.** *Hæc exempla mouent meos
Terrentq; Adriacos, propterea vigent
Tot iam secula nobili
Fama, & diuitijs, nec uariant statum.*
- TIB.** *Neptunum precor hunc tibi
Seruet perpetuo, quandoquidem nihil
Est toti Ausonia amplius,
Nilq; orbi reliquum. Sed quid ego interim?*
- ADR.** *Æqua mente feras vicem
Aduersam, & quoniam flectere non potes
Diuum fata, remedium
Est obliuio sola, aut patientia.*

Ad

*Ad Iacobum Stuardum
Scotum.*

PERSEVS ingentem meruit virtutis honorem,
Dum cati Andromedem ex faucibus eripuit;
Dumq³ armis tectus vulcani, & Palladis ense,
Gorgona deuicit uipereasq³ comas.
Sic tua perpetua celebratur gloria laude
Monstris perdomitis Centimanoq³ Gyge.
Hac Iouis armatus caelesti numine, pectus
Atque sacra indutus Egide sternis humi.
Scilicet VNTLAE O capto, natisq³ peremptis,
Et fuso audaci milite Marte tuo.
Ille quidem fuerat tibi Germanaq³ minatus
Exitium, & maiori agmine fultus erat.
Congressus tecū sit mox captiuus, equoq³ ad
Regia perductus tecta, repente cadit.
Atque statim expirans animā cū sanguine mixtā
Occubuit, pœnas promeritasq³ luit.
Hic ergo exiit VNTLAE I quo haud ditior isthis
Nec genere antiquo clarior ullus erat.
Quid referam reliquos, quos tu sapientia & arte
Viciisti egregia, dum fera bella cient?
Maeste igitur virtute animoq³ ut Perseus alter
Perge tibi aeternum laude parare decus.
Sic bellona tibi fauceat, sic Iuppiter olim
Dex pede felici vincere, ut ante facis.
Reginaq³

Poematum

*Reginaq³ tua regnum seruare sorori
Incolume, ac florens nomine reg³ simul.*

*Ad Gulielmum Par Marchio-
nem Northamptonum.*

*P A R, cui nobilitas par cum uirtute in utraque
Fortuna uisa est conditione pari.
Quis non eximijs te laudibus euehat usque
In calum? quis te non amet atque colat?
Moribus es placidis, natura pergenerosa,
Iudicio prestans consilioq³ gravis.
Splendidus, illustris, doctus fautorq³ bonorum,
Inuictus ac forti pectore conspicuus.
Quid plura? Herois est par tua maxima uirtus,
Cum quibus aqua tibi gloria, laude pari.*

*Ad Franciscum Rosellum
Anglum.*

*G L O R I A sponte sua, fugientem querit, & illum
Consequitur, quamuis iret ad Antipodes.
Hanc licet ipse fugis, tua per vestigia oberrat,
Et quocunque abeas, hac comitatur iter.
Hanc fugis, hac sequitur, fugias licet usque, sequetur,
Nec te unquam Terra deseret, atque Mari.
Hanc decoras, te illa. hanc quoniam tu semper a-
Hac te perpetuo, perpetuoq³ colet. (masti,
Felices*

*Felices Anima quas virtus tollit ad astra,
Et quarum eterno nomine fama viget.*

*Ad Robertum Dudleum,
Anglum.*

*INNVMERI regnant, quos hic servire deceres.
Permulsis desunt Regna regenda viris.
Tu regere, imperio dignus, vel maxima Regna,
Et quanvis desint, mens tua digna viget.
Hac laus est potior, quàm si vel mille darentur
Regna tibi, si non dignus honore fores.
At cum sis dignus quàm qui dignissimus omni
Imperio, superos dent tibi regna precor.*

*Ad Nicolaum Baco Anglia
Cancellarium.*

*Si mea lingua foret qualis Demosthenis olim,
Hortensi, Antoni, vel Ciceronis erat;
Non tamen assequerer, minimaq; ex parte referrẽ
Pro meritis laudes, o Nicolae iuas.
Ergo illas tacito veneratus pectore, semper
Suspiciam, tanquam munera rara Deũs.
Cœlitus hac illi emittunt, mortalia quando
Respiciunt animis, luminibusq; pijs.
Scilicet ut Patria prosint ratione, graviq;
Consilio, & monstrent quid fieri expediat.*

Qua

Poematum

*Qua lex Natura conformior, unde paretur
Imperium, & partum qua retinetur ope.
Hac ipse egregie præstas, Regnumq; Britannum
Doctrina exornas, integritate, fide.
Ergo tibi merito desertur cura, locusq;
Præcipuus, merito gloria prima datur.*

Ad Vidamum de Chartres, Gallum.

*Is, quo Romuleum genus
Tam clarum auspicijs duxit originem,
Indivulsum habuit mari
Et terra comitem, qui sibi in omnibus
Rebus fidus erat: nitens
Tali est nomine, quem ex urbe Colonia
Londinum dederas lapis.
Ut vero digitis commodius meis
Gestaretur, in anulo
Non tam auro rutilo, quam artificis manu
Qui gratus merito queat
Cunctis esse, mihi rara benignitas
Transmisit tua, candidi
Tanquam pectoris, & bonæ
Mentis. quæ abs te igitur data.
Dono gemma fuit, missaq; tam procul
Est vitæ mihi nunc comes,
Absentisq; tui semper imaginem
Prædulcem*

Prædulcem ante oculos refert ,
Ut Pyrrho lapis hic Aonides nouem
Et Phœbi effigiem sacri
Ad viuum retulit . nunc sapientia
Quanta es , quàm ingenium tibi
Præstans , quàmq; grauis , candidus & pius .
Quàm sis progenitus domo
Illustri , monet . Hæc omnia munere
Huius consequor anuli .
Addit præterea quantus amor tuus
In me , quid quoque debeam
Erga te facere , fungar ut optima
Et grati , & memoris uiri
Parte . Ergo decet hunc perpetuo colam
Et multis habeam mihi
Carum nominibus , quo videar tua
Gratus munificentia ,
Dignusq; ut redames qui te amat & colit .

*Ad Arnoldum Fererium ,
Gallum .*

PRESTANS ingenium , consilium graue ,
Ac prudens animus , raraq; in omnibus
Rebus cognitio , tum probitas , fides ,
Et uita integritas , te merito euehunt
Per clara ora virum , cordaq; plurimis
Inflammant , ut ament , & cupiant nouis

Te

Poematum

Te auctum perpetuo cernere honoribus .
Ha dotes quibus es praeclitus , haud latent
Reges innumeros , praecipue tuum ,
Cui tam carus es , ut summa negotia
Regni saepe tua candida & optima
Committat fidei . Scilicet arduis
In rebus facile est noscere quid queant
Omnes . iudicio qui viget integro .
Ha sanè faciunt , ut magis emicet
Virtus luce sua , splendidiorq; sit
Quàm Sol , sydera , quàm quicquid ab India
Fertur siue Adamas , gemma vel altera
Quae à mortalibus hic debeat expeti .
Ergo uiue diu , quò Patriae diu
Prosis , perq; sacrae Palladis aurea
Templa , unde homini est gressus ad aethera
Pennis aligeris haud metuentibus
Solui ut Icaria , duc pede prospero
Iam susceptum iter . Hinc corpore libera
Quando mens tua erit , & spatiabitur
Felix undique per sydereas domos
Cum cætu Angelico , & cum reliquis pijs .
Optatoq; Dei lumina nutriet
Vultu , posteritas grata , nec immemor
Laudis promerita , dicet . Hic extitis
Magnum praesidium & gloria Gallia .

Anna

Anna Rossella.

O, quàm felicem poterit se dicere natum
Qui tibi vir fuerit.
Rara pudicitie laus, in te maxima floret,
Virgineumq; decus.
Forma Helena similis, quàm semper grata uenu-
Quàm comitatur amor. (stas,
Ingenio quauis excellas, hoc tamen arte
Excolis assidua.
Interdum in linguis discendis, hinc tibi rerum
Plurima notitia;
Interdum digitis pulsando, fallitur hora,
Nunc etiam fidibus.
Nunc tela in tenui, & qualem vix posset Arach-
Texere docta manus. (nis
Quid memorem ut suavis sermo plenusq; decoro,
Vox quoque melliflua?
Quid risus, motus, incessus? quid'ue choreas
Ducere si lubeat?
Singula quid referam? sunt omnia grata, uenusta
Quæ facis ac loqueris,
Hec dos ampla quidē, atque omni pretiosior auro,
Omni etiam lapide,
Sit licet ille Adamas, Carbunculus, atque Sma-
Quicquid & Indus habet. (ragdus,
Est tamen interea tibi dos ab utroque parente
Tradita conueniens.

His

Poematum

*His vero, unde genus ducis, quid terra Britanna
 Aspiciet melius?
 Quid'ue etiam vidit melius, vel clarius unquam,
 Seu pietate pari?
 Ipsa quidem Genitrix tua sicut gemma, nitebat,
 Undique tota micans.
 Undique tota micans cunctis virtutibus, hicq;
 Syderis instar erat.
 Crudeles Parca, crudelia fata, cur illam
 Tam cito, tam subito
 Enostris oculis primo in flore iuuenta
 Ah, libuit rapere?
 Sed credo Superos, terram uidisse coruscantem
 Luce magae ac nitidae
 Quam caelum, atque ideo tandem uoluisse, ut olympo
 Cederet hoc iurare.
 Illa ergo in caelis immenso fulget honore,
 Vincit & astra poli.
 Viuit adhuc genitor quo non praestantior alter,
 Vix etiam similis,
 Seu bello maui, seu pacis tempore, sine
 Militia atque domi.
 Hunc seruate (oro) caelestia Numina saluum
 Incolumemq; diu.
 Ut vero felix nimium, nimiumq; beatus,
 Cui tua fors dabitur;
 Sic precor ANNA tibi talem contingat habere,
 Qualis & ipsa viges.*

Scilicet

Scilicet ut concordī animo uiuatis utrique,

Coniugioq; pari.

O Hymen hymenae ueni huc, huc omine dextro,

Huc Cytherea fauens.

O, hymen hymenae ueni, nec differ amores,

Tuq; Diana simul.

Iam matura viro, iam plenis nubilis annis.

Ergo venite precor.

Iungite Virgineos artus, & brachia quauis

Candidiora nīue.

Iungite tot dotes animi, tum corporis, & quae

Sola, virum inueniat

Consortem thalami, vitaeq;, ac prole secunda

Sit (rogo) uterque, parens.

*Ad Mariam Ceciliam eiusque
sorores, Anglas.*

OLIM inculta, rudis, fera,

Immanisq; fuit dicta Britannia;

Quis nunc dicere eam audeat

T ali nomine? quis non potius vocet

Ciuilem undique moribus,

Et vita? ingenio quis putet hanc minus

Præstare, ac reliquos magis

Qui excellant? habitu, corpore, bellica

Virtute, atque alijs simul

Laudum insignibus, ecquae vlla Prouincia

Poematum

*In terris meritò potest
Præferri? & si opibus, magnificentia,
Splendore, atque reconditis
Venis, quæ melior, quæ ue opulentior?
Hæc sanè ßnsula maximo
Ut cincta Oceano, sic quoque maximis
Donis cernitur à Deo
Ornata. hic sileo quàm inclyta Regibus
Semper, quàmq; fuit mari
Terraq; hostibus haud exiguus metus.
Quot bella in Regionibus
Externis uario tempore gesserit
Martis omine dextero.
Hæc alij narrent eloquij nitor
Quos ornat. neque mens mihi est,
Quas Regina modo quæ regit Angliam
Tanta cum sapientia,
Doctis versibus hic dicere Regias
Laudes, Meonio, haud meo
Dignas carmine. Sed nunc aliquid mihi
De te, deq; sororibus
Dicendum statui, (sed breuiter tamen)
Cum sint laude pari. putant
Omnes vos genitas semine Palladis,
Nutritasq; suo sinu,
Ac Phœbum esse patrem, & Pieridum chori
Excep. gremio sacri.
Has vobis animum uerbaq; singula
Formare,*

Formare, ac decus addere

Sermonis Latij, & suauiloquum melos

In graio eloquio. Quid his

De forma egregia, quàm decor inclytus

Oris, nunc loquar? omnibus

Notum quòd Charites, & Venus hic simul

Decertant utra uincere

Possit. Quid memorem ut coniugij pudor

In vobis fuit integer

Omni tempore, & est inuiolabilis?

Sed iam desino grandia

Conari tenuis viribus, & mei

Culpa deterere ingeni

Dotes innumeras. Ergo ego desino,

Ne cum dixerò plurima,

Semper plura etiam dicere oporteat.

*Ad Henricum Pagetum
Anglum.*

SUNT qui totum animum applicent parandis,

Augendisq; opibus per omne tempus,

Sic ut nil aliud colant, amentq;.

Sunt quos ambitio, & cupido laudis

Humana exagitat, rapit, tenetq;

Totos implicitos, ibiq; summum

Credunt esse bonum, quiete summa.

Multis præcipue placet voluptas

N 2

Coniuncta

80 Poematum

*Coniuncta ocio, & undiq; expetita
 Cunctis delitijs, eam putantes
 Viam afferre homini beatiorem.
 At qui nunc sophia, bonisq; rebus
 Et uirtuti animum applicent habenda,
 Paucos inuenias. Hoc unde fiat,
 Est scitu facile. arbitrantur illam
 Acquiri nimio labore multi:
 Sic non ulterius eam sequuntur.
 Nonnullis adeò referta mens est
 Errore, ac tenebris ita inuoluta
 Ut Solis nequeant uidere lumen
 Et cognoscere, quàm sit expetendum
 Semper, quàm sit amabile, & sine illo
 Quàm sint omnia amara, quamue
 Nullius pretij. Hæc quidem est secunda
 Causa, & maxima, ut illa prima,
 Quòd tam pauci homines iter capebant
 Virtutis, potiusq; amare quiduis
 Optent perpetuo, quàm id, unde famam
 Aeternam sibi comparare possint.
 Ast Henrice tua omnibus tenebris
 Est mens explicita, & labore nullo
 Terretur. Labor est tibi voluptas
 Ingens. Ocia pestis, & pericla
 Tutus callis ad ardua. id esse uerum
 Ut re ipsa omnibus hic pateret, ecce
 Liquisti patriam, tuosq; amicos,*

Et

Et tot commoda, quò videre doctos
 Ac mores hominum queas (Vlysses
 Vi quondam) uarios locos & urbes
 Diuersas, variasq; πολιτείας.
 Hoc quid nobilius; quid orbe toto
 Est praestantius? Ergo vos superna
 Celi Numina, uos precor fauete
 P A G E T O, & sua cœpta prosperate.
 Ut quando repetet suos penates
 Et dulcem patriam, domi secunda
 Et fausta inueniat, sibiq; honores
 Dentur promeriti, ac eis fruatur
 Longo tempore letus, & perenni
 Cum laude, inuidia procul remota.

Pro Hercule Rangono.

SIC ne tuum pateris Rangonum febre iacere
 Oppressum & frustra te uocitare sinis?
 Quis tibi cura erit amplius, hunc si spernis Apollo?
 Quisue tuum solito numen honore colat?
 Vos quoque Pierides cur non Helicone relicto
 Peoniam egroto ferre studeatis opem?
 Tuq; adeò Gradine pater quid quaeso moraris
 Hoc uigili cura protinus efficere?
 Cur tantum Heroa qui te & tua castra secutus
 Semper militia gloria, honosq; fuit;
 Cur capite, ac toto uexari corpore suffers?

N 3 Hae

Poematum

*Hec hominum meritis premia forsan erunt?
Nunquam ego vos superi tam ingratos esse putabo,
Nec tam crudeles, tamq³ boni immemores.
Vidi equidem haud raro mortalia vota benigne
Accepta à vobis, spemq³ fuisse bonam.
Ergo idem facite, & presenti numine adeste
Rangono, ut sit ei, quæ fuit ante, salus.
Sic homines cuncti quæ Sol decurrit, honore
Vos grato celebrent, muneribusq³ colant.*

Ad Thomam Randolphum, Anglum.

*ANGLIA' iure tibi multum, tibi Scotia multum
Debet. utrique bonus sedulitate tua es.
Difaxint posthac debere ut possis utrique
Quò par sit meritum conditione pari.*

Ad Odettum Foixium Gallum.

*NO STRO tempore nobilem videre
Doctum, est rara avis, Æhiopsq³ ut albo
Vultu. Quòd si etiam sequatur aulam,
Longe rarius est videre talem.
Sed tu nobilis ex Domo vetusta
Heroum, & puer hanc secutus olim,
Quannuis obrutus aulicis, isq³
Summis rebus, es attamen peritus.
Linguarum*

Linguarum quibus hic parantur artes
Præclara, ingenua, exq̃ utroque iure
Versatus solide, simulq̃ in omni
Doctrina studio. id placere debet
Plusquam si tibi cuncta opes darentur
Quas quondam Attalus et Midas habebant.
Addo plus etiam quam honos relictus
A maioribus. is profecto clarus
Longis stemmatibus, virisq̃ bello
Et pace egregijs. at iste quanuis
Non casu tibi contigisset, ample
Lustrares proprijs bonis tuoq̃
Marte. hinc assequeris legisq̃ fructus
Optatos, patriam ut iuuare possis.
Hinc es principibus tuoq̃ Regi
Gratus, atque etiam Insula Britannæ
Reginis varia legatione
Dum illic fingeris, exq̃ utrique carus,
Ergo (quod superest) decus decori
Addens, perge tuum sacrare nomen
Famæ perpetuæ, inclytæq̃ laudi,
Qua donec Liger aquor in propinquum
Intrabit, Rhodanumq̃ Arar, perennis
Viuas nomine, nilq̃ Parca iuris
In te, nil habeant maligna celi
Astra, & quæ varie gubernat orbem.

Poematum

*Ad Franciscum à Turri,
Baronem.*

QVALIS turris ahenea
Fundata in solido marmore, mens tua
Talis perpetuo, hanc maris
Fluctus, nec Boreas concutit horrifer;
Sic te nulla mouet fames
Auri, nulla quatit ambitio insolens,
Liuorue, aut Venus, ira q̃
Præcep̃s, denique sors prospera seu mala
Contingat, similem geris
Vultum, nec ratio vincitur impetu
Qui te sub specie boni
Fallat vel superet, quin stabilis manens
Ceu turris valida & bene
Munita undique, te ipsum intrepidum exhibes
Et corde insuperabili
Ad quæ vult Nemesis fataq̃ calitum.
Ergo ut præteream genus
Et stirpem veterem quæ tibi nominis
Huius dat titulos decusq̃
Illustre, a re etiam hoc nominis obtines.

Ad

*Ad Nicolaum Frogmorti-
num Anglum.*

ECQUANDO meritis tuis dabuntur
Digna? ecquando laboribus peractis
Tanta sedulitate, consequeris
Fructus consimiles? eritne semper
Sors ingrata tibi, nouerca, & atrox?
Hoc si contigerit, putabo prorsus
Hic ceca ratione cuncta volui.
At spero meliora, teque Diuis
Quorum hic arbitrio reguntur aequo
Humana, unde etiam boni maliq;
Discrimen, fore cordi: & esse, quodque
Sors dudum negat, hos breui daturus.

Ad Michaellem Surianum.

TE iam saepe tua patria Nuncium
Ad reges varijs temporibus procul
Misit, praecipua, & summa negocia
Concredens tibi pluries.
Fernando fueras nuncius antea,
Et postremo etiam quum Imperium sibi
Parebat, nec ei carior extitit
Quisquam nomine publico.
Hoc defuncto, iterum te in patriam refert

Ac.

Poematum

*Accersitus, ibi promptus ad omnia
Quæ mandare velit, nullaq; commodi
Privati ratio mouet.
Non cæli asperitas, non nimius calor
Solis, non retinent ulla pericula,
Cum noscas etiam dulce mori pro ea, ut
Olim Curtius, & Cocles,
Testesq; innumeri quos vehemens amor
In natale solum traxit ad ardua
Sic ut dura pati delitiae forent,
Et mors, summa beatitas.
Hæc exempla sequens, omnia patriæ
Postponis, neque deest experientia
Rerum, consilium, non animus, neque
Candor, integritas, fides.
Hæc natura dedit, partim etiam addidit
Ars longusq; labor, tuq; velut pius
In matrem, utq; decet, perpetuo memor,
Huius in beneficium
Confers quicquid habes cœlitus, aut tui
Virtute ingenij, dysq; fauentibus,
Partum, hinc surgit honos, gloria, dignitas,
Teq; omnes merito euehunt.
Hinc sperandum etiam (debita præmia
Si dentur meritis) affore (& auguror)
Tempus, quo Adria te deliget in ducem, ex
Toto concilio Patrum.
Tunc si numinibus me Aonides suis,*

Et

Et lato affuerit omine Cynthius,
Laudes ipse tuas carmine concinam
Plectroq³ altifono & graui.
Sic ut fama tui nominis euolet
Quà oras hic radijs sol habitabiles
Lustrat. Tunc poterit clarior Adria
Leges Oceano dare.

Ad Andream Georgium Com.

SI tua mens (ut multorum) ambitione fuisset
Inflata, humane si tibi laudis amor;
Haud dubiè poteras sperare amplissima quæque
In patria, cum sis dotibus egregijs.
At spernens quos hic multi sectantur honores,
Quasq³ supernacuas querit auarus opes;
Metiri cælum, ventos cognoscere, quoue
Axe Poli sita sunt sydera, quidue ferant;
Quæ rerum cause, quot Climata, quid tulit ætas
Antehac, quid nostra, fors variata vices;
Assiduo studio curas, voluisq³ diurna
Nocturnaq³ manu quod docnere libri,
Non tamen interea contemnis munus amicis
Præstare officio, sedulitate, fide.
Humanum cunctis te præbes, atque benignum,
Doctus amas doctos, & bonitate bonos.
Ergo tibi viuis, viuis quoque carus amicis,
Quæq³ datur paucis, est tibi vera quies.

Ad

Poematum

Ad Bernardum Georgium.

PLURES cum veniunt ad senium, omnia
Quæ solers homini vel studium & labor,
Vel natura dedit, non secus ac si aquam
Lethæam biberent, statim
Amittunt, penitusq; immemores, nihil
Norunt amplius, hinc bis pueri senes
Fiunt. multi etiam corpus habent malis
Plenum ac immedicabile.
Te vero senium haud impedit integra
Ne sis mente. Tibi hæc uiuida permanet,
Et corpus uiridi robore, quindecim
Quauis lustra peregeris.
Quàm rarum omnibus id temporibus fuit,
Quàm rarum his etiam, quilibet aspicit,
Cum sæpe in medijs inuida cursibus
Abscindat Lachesis colum.
Quin sæpe uberibus matris & antequàm
Effari ualeant, pignora subripit,
Aufertq; innumeros pube tenerrima
Cum uix induerint genas.
At quanto melior conditio tibi
A Dys tradita, longum senium indicat,
Et uires animi quas ratio regit
Prudenti moderamine.
Hinc est ut patriam consilio iuues
Prudenti atque graui, ut scripta uirum legas
Doctorum

Doctorem, utq; etiam plurima cum prosa
Tum uersu facias catus.

Ergo his muneribus perfruere, ac tua

Quod vita superest, transige latior

Quò vitam recolens prateritam, vides

Cum laude hactenus hanc tibi

Transactam. id facit ut peniteat nihil

Annorum bene quos uixeris, & dies

Cum suprema aderit, valde alacer petas

Celi sydereas domos.

Ad Angelum Sannutum ac
eius fratres.

AURUM per se homini est gratum, & amabile,

At gemma imposita, sic pretiosius,

Quantoq; hæc melior, & mage nobilis,

Tanto illud magis emicat.

Sic virtus animi est semper amabilis

Per se, digna etiam perpetua, & iugi

Laude. hanc si tamen amplectitur, & fouet

Illustri proano satus,

Multo pulchrior est, & magis enitet,

Quam Phœbus radijs in medio die

Splendens, plusquam etiam purpureus color,

Vel qui lucidior lapis.

Ergo quam à teneris vestra Domus colit

Virtus, quam tu etiam haud degener à tuis

Tam

Poematum

*Tam ardentem sequeris, nullius indiga
Sat splendore micat suo.
Verum huic nobilitas addita sanguinis
Plus affert decoris, plus reuerentia,
Fulgetq; ut rutilans gemma, & Apollinis
Lux clara oceano exiens.*

*Ad Aloisium Armellinum
& coniugem.*

*L AETIS auspicijs prospera Sydera
Vos iunxere simul. tum quoque pronuba
Iuno, tunc & Hymen affuit omine
Dextro, quò penitus dissociabili
Nodo vestra fides principio data
Sic connexa foret, ut duo corpora
Mens una incoheret, quid memorem addita
Fructus coniugij, pignora quolibet
Anno, ut prole noua multiplicent Domum.
Instar fructiferae vitis, imaginem
Quae vestram referant moribus, oreq;
Expressam? generis quid decus
Antiqui, unde venit? Scilicet inclyta
Bellorum studijs & sapientia
Quaeis semper uiguit, vrbe Perusij
ARMELLINA Domus traxit originem.
Hec sanè, (ut reliquæ ex Nobilioribus)
Illo tempore quo barbara, & effera*

Vic

*Vis regis Totila, regis & Attila
Romanum imperium inuaserat, omnia
Miscendo uarys cadibus, Adria
Se in portum recipit. Hæc fuit anchora,
Hæc spes tum miseris, atque refugium.
Huc ergo ueniens, oia reperit
Exoptata sibi, propterea pede
Firmatusq; animo, sit requies mihi,
Sit firma hic statio, proq; nepotibus
Hanc sedem statuam. Nulla quietior
In terris erit hac, nullaq; legibus
Et ritu similis; nulla palatys
Tam pulchra innumeris, nullaq; tutior
Hostili rabie, quamq; magis Dei
Fortunare uelint. Dixerat hæc Domus
Vestæ progenitor motus Apollinis
Ductu uaticino, plurimaq; addidit.
At sermo meus ad uos redit, hic fides
Quos pura unanimes almaq; faustitas
Lati connubij copulat integro
Assensu. Eia igitur uiuite mutuis
(Ut cœptum est) animis. uiuite (ut hætenus)
Expertes nimie sollicitudinis
Cuius plena domus, plena cubilia
Multorum, & querulis suspitionibus
Omnino vacui. Sit placidus dies,
Nox tranquilla, Venus semper amabilis.
Decurrant placidis sydera cursibus,
Aspectuque*

Poematum

Aspectuque magis propitio Iouem
Inclinent, moueant, perpetuo nouis
Ut uestra hæc soboles crescat honoribus,
Crescat diuitijs, nomine, gloria.

Ad Hectorem Ausonium.

N VLLVM dabis (credo) Adria tempore
Nostro magis doctum omnigena uirum
Doctrina, & in uita probisq;
Moribus atque animo meliorem.
Linguam disertam huic Mercurius dedit,
Huic Pallas insignem sapientiam,
Huic & medendi Phœbus potentem
Vim, atque modum docuit fugandi
Morbos ab agris corporibus. Tibi
Ergo tot ornatum ADRIA dotibus,
Hunc sume honore omni fouendum
Perpetuo, atque cole, ut meretur.

Ad Franciscum Sonicam.

QVAM late Adriacum porrigitur mare,
Tam late Sonica vox eloquentia
Ac fame resonat inclita gloria,
Sermonisq; decus graue.
Arpinum celebrat Roma, Demosthenem
Certat tergeminis tollere honoribus

Gens

*Gens Graia. Adriacis non minor est viris
Ardor quo Sonicam euehant.*

*Magnum sollicitis praesidium est reis,
Solamenq; bonis atque clientibus
Tutela, & miseris auxilium optimum
Quos saepe eripit à nece.*

*Virtus, lingua, fauor praecipuum locum
Inter dant reliquos, nemoq; dubitat
Quin causa cadat is cui Sonica in foro
Aduersarius est atrox.*

*Contra, vincere quem amplectitur & fouet,
Tanta est suasio, vis, tantaq; copia
Dicendi, atque ideo quilibet hoc viro
Fautore, esse putat satis*

*Ad victoriam. & hoc mentibus insitum est
Cunctorum, esse bona hunc semper, & integra
Mente, ac legitimum ius sequi, & improbas
Causas respuere ut nefas.*

*Hinc ad se properat nobilis, infimus,
Diues, quemq; simul pauperies premit,
Nec dona ulla queunt flectere, quo minus
Iusto semper adhareat.*

*Iure ergo sonicam uiuere? Nestoris
Annos, iure sibi prospera singuli
Optant, quandoquidem est rarus, & utilis,
Sic, ut vix habeat parem.*

Poematum

Ad Calium Magnum.

QVID? non te ratio, dies, amici
Solaripotuerunt? dolore semper
Immenso excruciabaris, nec ullum
Impones lachrymis modum? quid istis
Tandem proficies? nihil, uolucrum
At solum acceleras tibi senectam,
Et per se miseram, omnibusq³ plenam
Ærumnis, tibi longe tristiores
Hanc uitam efficis. Huc redire nulli
Concessum est homini, semel relicto
Mortali spolio. vetant sorores
Tres, custosq³ Canis: per Acherontem
Transuetumq³ semel sua carina
Durus portitor, haud sinit priori
Ripæ accedere; Gnosiaq³ ab urna
Est immobile quicquid exit, estq³
Nullius prece, dotibus, vel auro
Dis placabilis. at quid ista narro
Vatum somnia? uiuit in superna
Nunc frater tuus arce, uiuit omni
Felix parte sui, neque huc redire
Si posset, cuperet, licet daretur
Illi quicquid habent in orbe reges.
Ast (inquis) mihi solus hic superstes,
Hic rara indole, moribusq³ raris,

Ac

*Ac summo ingenio, meaq³ solus
Vita dimidium extitit, proinde
Illum iure fleo; quod sic acerba
Morte, sic iuuenis mihi est ademptus.*

*At si talis erat, minus dolere
Debes, quin potius magis, magisq³
Latari, atque Deo referre grates
Qui talem dederit. quid est quod ultra
Quæris? Quod nimis hinc cito? diurna
Sed fors an nocuisset illi uita,
Quod sepe innumeris uenire in usu
Compertum, ut uariant, vel ut secunda
Fortuna penitus cadant, benigna
Quos ante extulerat. tuis querelis
Ergo pone modum, tuoq³ pelle
Mærorem ex animo. id sacrae sorores,
Id Nymphae Adriacæ rogant, & ipse
Phœbus, queis tuus angor est dolori.*

Ad Marium Cardoium Neapolitanum.

*INCLYTA quid possit præstanti in pectore virtus,
Quid placidi mores, nobilitasq³ viri;
Et si exempla docent quàm plurima, sat tamẽ istud
Est notum exemplò vir generose tuo.
Parthenope clara genuit de stirpe, suisq³*

O 3 Arti-

Poematum

*Artibus instruxit quæ Ioue progenita .
Mars etiam edocuit quid belli spectet adusum ,
Qui ne aliquis redeat victor ab hoste domum .
Viq; tua hic virtus magis innotesceret , aulas
Inuisis , Regum tecta superba petens .
Illic gratus ades , mireq; adamaris , & omnes
Te dignum censent quem pia fata uehant .
Inuidit Dea quæ mundum leuitate gubernat
Tam uaria , & meritis præmia digna rapit .
At Venerem Pallas cum Marte orauit , ut esset
Fautrix , quæq; tibi sors negat , ipsa daret .
Tum subito Nymphis quæ opibus formaq; decora
Præstabat , coniux hæc (ait) esto sibi .
Hæc ubi dicta , statim iunxit duo corpora in unū ,
Constantiq; dedit uiuere utrumq; fide .
Hinc tibi diuitiæ ac soboles , hinc maxima uita
Huius commoditas , hinc tibi parta quies .*

Ad Laurentium Massam .

*NON sic abditus in suis latebris
Minotaurus erat , tua quam secreta
Est mens , quamq; fidelis atque custos
Arcani tibi crediti . Leones
Quos tam peruigiles fuisse dicunt
Seruandis domibus sacris Deorum
Urbis Nyliacæ , tuo fideli
Vincuntur studio . quid ergo mirum*

Si

Si fidat venetus tibi senatus
Quæ sint præcipua, ordinisq; pandat
Augusti veneranda iura, leges,
Et quæcunq; noua accidunt in orbe
Seu Mauors fremit, aut Minerva oliua
Ramis cincta comas ubiq; regnet?
Quid dicam ut facilis grauisq; iuxta?
Ut sis candidus atque amans bonorum?
Quàm plenus uaria eruditione;
Quàm sis gratus Apollini & Camœnis?
Hæc sunt cognita cuius, hæcq; amari
Te cunctis faciunt, tibiq; nomen
Et laudem pariunt, per omne tempus
Qua terris celebrer uirum per ora
Magnorum uolites, nihilq; fatum
Obfit, lanificæ nihil sorores.
Quocirca tibi gratulor, tuæq;
LAVRENTI Patriæ, precorq; semper
Ut uotis habeas deos fauentes.

Ad Guidum Iannettum Fa-
nensem.

ANTIQUA tecum qua mihi plurimis
Annis ab hinc est mutua charitas
Fidusq; amor ualde probatus
Ignem probatur ut est bonum aurum.

O 3 Ae

Poematum

Ac prater hunc ligamina dulcia
Musarum, & in primis tua cognita
Virtus, mouent me, ut vero amore
Me tibi perpetuo exhibere
Nitar, colamq; te corde adamantino
Firmoq;, sic ut vincula aenea
Tam puri amoris non senectus
Rumpere, non valeant sorores.

Ad Phœbum pro Ioanne Bapti-
sta Giraldo Ferrariensi.

PHOEBE qui calum radijs & orbem,
Qui mare illustras, nitidumq; reddis
Æthera, & mundi Pater atque Diuinus
Iure vocaris.

Huc saluari medicamen herba
Deferens, agrum releua iacentem,
Daq; languenti redeant, ut olim, in
Corpore vires.

Hic tuum semper teneris ab annis
Numen, & doctas celebrauit artes
Unde clarescis celebrq; toto
Viuis in orbe.

Ergo qui morbi grauitate fessos
Iamq; parcarum expositos rapina,
Eripis letho, auxiliare, sic te

Daphne

*Daphne sequatur.**Sic tibi numquam boreas nec auster**Obfit iratus, tumidiq³ ponti**Unda, sic numquam noceant Iunonis**Nubila & imbres.**Ad Io. Baptistam Fontanum.**SICUT desiliens pellucidus caua**Fons rupe ac liquidis perpetuo fluens**Undis, commoda prater,**Aspectu est peramabilis.**Hunc ornant varijs gramina floribus**Admixta, hunc volucres aera dum suis**Implent cantibus atque**Naiadum sacra numina.**Sic tu colloquio ac moribus es tuis,**Talisq³ ore. quid hic quàm utilis Adria**Sis, dicam? omnibus hoc est**Notum, & id magis in dies**Noscetur. nec enim tanta diu potest**Delitescere virtus. micat hæc, magisq³**In te clarior vsque**Fiet, quò mage vixeris.**Ornatur varijs mens tua dotibus**Et sermo fluit, ut Fons niueus vitro**Quous lucidior, hinc**Cognomen tibi deuenit.*

O 4

Ad

Poematum

*Ad Ioannem Ashleum ac eius
coniugem, Anglos.*

CVR vos carminibus meis
Inuoluam tacitos? sic ne mei officij
Obluiscar, ut amplius
Nec re ullas meritis reddere gratias,
Nec verbis studeam, has nisi
Possim, (ut debeo) persolvere? non agam
Istud. sed volo maximas
Quas grates potero reddere quandiu
Viuam. sic superi mihi
Dent. olim ut valeam re potius meum
Declarare animum. id lubens
Omnino faciam. vos precor interim
Quod possum, accipite in bonam
Partem, & perpetuo me memorem fore
Vestri nominis, hoc breui
Versu noscite. pertenuē hoc quidem,
Sed plenum reuerentiae
Plenumq; obsequij ac pectoris integri.

*Ad Annam Denneiam
Anglam.*

OMNIBVS in rebus quas calū continet & quas
Fert

Fert aer, tellus, flumina & Oceanus;
Admiranda Dei omnipotentia cuncta creantis
Ex nihilo, & varijs suspicienda modis.
Extremum sed opus magis est mirabile summi
Artificis, quo hominem nascier hic voluit.
Huic nato mulier subito est adiuncta, leuamen
Ut vita, certum praesidiumq; foret.
Hanc etiam eximys ornavit dotibus, omnes
Ut norint natam conditione pari.
Etsi autem est eadem ratio qua constat uterq;
Et si etiam equalis mens, animusq; datus;
Diversum tamen ingenium, diversa voluntas,
Et diversa etiam corporis effigies.
Deditus hic vitio, virtuti deditus alter,
Hic nullo, hic alto praeditus ingenio.
Hunc videas pulchro, & specioso corpore, at illum
Thersite dicas consimilem penitus.
Utq; homines inter, magnum discrimen adesse
Constat, ita in sexu famineo esse vides.
Hec sapit et pulchra est, illa est deformis et amens,
Hanc decorant mores, atque pudicitia;
Illam omnes digito ostendant per compita, & omni
Aspergunt macula, perpetuisq; notis.
Te vero exornant mores, & vita pudica,
Praclarum ingenium, gratia, forma, decus.
Ergo tuum nomen mihi semper iure coletur,
Et merito dicam. Tu mihi sola places.

Ad

Poematum

*Ad Humfreum Michaellem
Anglum.*

CVI steriles agri vix vite alimenta parabant,
Nunc equus in pingui luxuriatur humo.
Sic tu sperato fortunam non fore semper
Aduersam, ast animum spe meliore fove.

Ad Eundem.

QVI quondā Regem Eduardum dorso excipiebat,
Deinde Philippum Obbi, cui datus à Domino;
Nunc macie ac senio confectus vilia ferre
Cogitur, & misera conditione iacet.
O, quā prestiterat sub primo, siue secundo
Extremum Domino tunc obisse diem.

*Ad Andream Meluinum
Scotum.*

NVLLA apīs Hybleis legit de floribus umquam,
Deq; ullis herbis dulcia mella magis;
Dulcia vina magis numquam de dulcibus uuis
Vlla dedit vitis quolibet axe poli.
Quā mibi dulcis ades, dulci sermone, tuisq;
Mellitis

Mellit^{is} verbis, moribus, ingenio.
Sincerum pectus, fidei constantia vere,
Veraq³ sincera cum pietate, fides,
Me tibi sic vinclo dudum obstrinxere tenaci
Meluine, ut possit soluere nulla dies.
Nulla dies soluct, distantia nulla locorum
Imminuet, firmum sed mihi semper erit.

*Ad Georgium Bucananium
Scotum.*

NOMEN ab ore tibi, quia Bucca et lingua lepore
Plena est, mellifluis plenaq³ verba modis.
Hanc prudens animus doctis conceptibus ornat,
Formatis doctæ Palladis ingenio.
Pallada cū Phœbo Aonides comitantur, & implent
Celesti dono quæ tua musa canit.
Hinc te omnes merito laudant celebrantq³ loquentē
Si semel audierint, vel tua scripta legant.

Ad Ioannem Finetum.

SI quis apud veteres quicquam inuenisset in usum
Humanae vitæ, numinis instar erat.
Hic Ceres et Liber, Mars, Iuppiter atq³ Saturnus
Thurea mortali dona habuere manu.
Præsenteq³ aras, solemnia sacra & honores

Qui

Poematum

Qui tantum hic Diuis conueniunt superis.
Te quoq³ prisca ætas simili coluisset honore
Illo si nasci tempore contigerat.
Utilis es patriæ, semperq³ iuuare studendo
Huic, illi, nunquam desinis esse pius.
Hoc reus atque cliens, hoc diu s'entit inopsq³
Si auxilio indigeat consilioq³ tuo.
Ergo age celestes Diuos imitatus in orbe,
(Ut facis, æqualem te quoque redde Ioui.

Ad Io. Alexium Anglum.

Si uita integritas noxia nemini,
Si pectus sapiens & uacuum aulicis
Curis atque etiam affectibus omnibus
Qui mentes hominum trahunt
Huc illuc, aliquem iure queant virum
Laude extollere, te iure queam. hæc enim
In te conspicua est laus, igitur potes
Condigne ac merito euehi.

Ad Torquatum Tassum.

ECCB tibi unanimes pandunt Heliconæ sorores.
Ecce tibi Phæbus laurea ferta parat.
Tu uero (ut facis) Aonides Phæbumq³ colendo
Quò te sacra uocant numina, carpe uiam.
Hinc tua laurigera redimitus tempora fronde
Æthereis

Æthereis pennis te super astra uehes.

Ad Cupidinem.

QVID tua possint Pharetræ Cupido,
Quid leues arcus, tua quid vel auro
Illita, aut molli medicata plumbo
Spicula, noui.

Ergo quid ultra feris? ecce tendo
Supplices palmas, genibusq; flexis
Oro deponas tua tela. ne me
Sperne precantem.

Sic tuum numen venerentur omnes
Qua suis Phœbus radijs coruscat.
Sic puer semper vigeas, Venusq;
Alma secundet.

*Ad Lauram Fracanzanam
Veronensem.*

PLVS tibi quàm matri debet rosa cum tua gesta
Dextera candidior candidiore niue.
Nanque breues succus dedit hæc uitamq; caducã:
Nam quæ mane uiget, sole cadente perit.
Ast illi augetur per te decor omnis oleiq;
Suauis, inq; tua gestit ouatq; manu.
Adde quod & longa est tecum uictura iuuenta,

E

Et simul athereas mox habitura domos.

*Ad Franciscum Stellam Bri-
xiensem.*

*UT stella celo fulgent, sic Stella coruscas,
Et merito à stella nomine nomen habes.
Hæc uero haud quæuis stella est, sed Lucifer atque
Hesperus, occasu hæc, altera mane nitens.
Stella micæ orbi, Veneris cœu stella refulget
In celo, esq; orbis gloria, ut illa poli.*

Ad Hieremiam Volaterranum.

*EXCEPIT ex quo te semel Adria,
Nunquam reliquit, linquere nec tu eam
Unquam potes, uerum penates
Hicq; tuam patriam esse ducis.
Ast ipse nullam sedem habui hætenus
Firmam, nec adhuc ullam habeo, at inscius
Quid tandem erit de me, tenebit
Quem mea cymba agitata portum;
Sum instar carinæ fluctibus undique
Acta, & interdum si Alcyones fauent,
Ad tempus est. nam mox redire
Incipit Africus, & Borealis
Ventus repellens littore cymbulam*

Iam

*Iam iam propinquam. En octo ferè attigi
Vita mea lustra, & peracta est
Pars melior potiorq; inani
Cara, & labore. O quàm cupio iam exitum
Tranquilliozem. Quàm cupio mea
Quod restat hic vita, novare
In melius, ratione inita.
De me satis dixi. at bene gratulor
Sedem tibi optatam, & precor hanc Deus
Fortunet, ac votis fauentem
Esse velit, placidamq; semper.*

In Gulielmũ Pagium Anglum.

*QV AE te Thesiphone, quæ Alecto, quæ ue
Mægera ex medio ac profundiori
Emergens barathro & comas colubris
Plus mille implicita occupavit, atque
Infecit, iam adeò ut venena præter,
Nil spires? Lybica sub æstusosa
Quis serpens regione, quis'ue draco
Effundit mage noxium venenum?
Sed quid? Vis tua nil potest nocere
Cuiquam. illa inficiunt sibi propinquos,
Et quos trasierint locos, ibidem
Afflatu interimunt suo necantq;
Omnes. interea tuo peribit
Nemo unquam. at tibi soli id est daturum
Extremum*

Poëmatum

*Extremum exitium, tuosq; sensim
Contabescere mox videbis artus,
Nec tanto inuenies opem dolori.*

In Auarum.

*QUALIS agit labor Eoliden ut semper ad ima
Saxum deuoluat, moxq; reuoluat idem;
Qualis agit Danaes labor indefessus aquarum,
Queis semel extractis, mox fluit unda sequens.
Talis amor lucri te semper uexat agitq;
Transuersum, atque animo nō datur vlla quies.
Quod si contingat quicquid Pactolus arena
Fert secum aurifera, quicquid & unda Tagi;
Quicquid habet Persa et magnus Solimanus habe
Plura tamen velles, si modo fata darent. (re,
Interea in medijs opibus ceu Tantalus, aëtas,
Semper inops, semper indigus, atque miser.
Queris, & inuentis non uteris, inscius, heres
Quis tibi, vel quàm post funera gratus erit.
Esse negas vllum cui sint mortalia cura,
Vitaq; ventura, ut fabula uana, tibi est.
Derides manes, loca subterranea nulla
Credis, quin totum id prorsus inane tibi est.
At (mihi crede) breui nosces verissima, req;
Experire nimis hæc nocitura tibi.
Tunc dices, utinam prius hoc mihi persuasissem.
At sero sapiēs. Non feret vllus opem.*

Ergo

Ergo memor lethi, ac pœna quam culpa mintaur,
 Mitte supervacuas quarere avarus opes.
 Tecum animo voluas, qui sis, quò tendis, & unde
 Huc venias, quàm sit vita caduca viri.
 Linquenda est Tellus, Uxor, Natiq; & Amici,
 Ac migrandum aliò. sic Iouis imperium.
 Cum primum absolvent fatalia stamina Parca,
 Vix hora momentum hic remanere datur.
 Non vis Alcyden iuuit, non robur Achillem,
 Non quas immodicas Cræsus habebat opes.
 Non Stagiritem sapientia, non Zoroastrem
 Syderei cursus notio siue Poli.
 Non cui parebat Tellus Macedonica, quiq;
 Romanum Imperium et nomen ad astra tulit,
 Sed quid ego exēplis hac prosequor? an' ne sub orbe
 Lunæ res vlla hic clarior esse potest?
 At si hæc te nequeant exempla mouere, putabo
 Quòd nimis humana sis rationis inops.
 Vel potius diuis reiectum, iræq; perennis
 Vas miserum, & nulli sis miserandus homo.

In quendam luxui deditum.

V X O R E M (dicis) talem mihi fata dederunt
 Qua nulla in terris pulchrior, ac melior.
 Hæc me amat, & reliquis præfert, mortalibus, estq;
 Haud vlla ex parte Penelope inferior.
 Ipse autem interea mœcharis, & omnia lustra

P Quotidie

Poematum

Quotidie inuisis plena libidinibus.
Illic consumis noctesq³, diesq³, subinde,
Hanc uocem repetens, una mihi mulier.
Una domi mulier mihi, casta, pudica, & honesta,
Et forma sic pulchra ut Venerem superet.
Ast illa impatiens ieiuni longi, & ab illo
Sic se contemni, quæ bona, fit meretrix.
Si cupis ergo tibi uxorem castam, atque pudicam,
Sis vere ipse bonus, talis & uxor erit.
Dum fuit Atrides una contentus, & illa
Casta fuit: uitio est improba facta uiri.

In Cupidinem.

QVId me ignaue petis uinoso nate parente?
Quid blanda tentas me capere arte puer?
Obtusas tremula dextra iactare sagittas
Desine, nam quid iners oia uana teris?
Molli femineos homines pete cuspide: namque
Offendunt fortes nil tua tela uiros.
Maximus at nitidas plumas indutus Oloris,
Aureus & summa lapsus ab arce Deus;
Phanicumq³ idem spatiofis mugit aruis,
Me duce Agenorida per freta longa uehens.
Improbe mentiris formosam cortice Daphnen
Inclusam Lauro (fabula) fesse Deum.
Quicquid uaniloqui de te finxere Poetae,
Vanum est. succubuit ne tibimusca quidem.
D.

*De Dei erga humanum genus
Providentia.*

ESSE Deum credam? Vix certe credere possum.

Idq̃ tamen cogor credere, ne peream.

Ecce iterum dubito, & tanta est dubitatio, prorsus

Ut nullum cœlo numen adesse putem.

Mox autem hoc facinus tam detestabile cernens

Muto animum, & credo firmiter esse Deum.

Scilicet est quedam omnino mens unica, simplex,

Perfecta, omni fine initioq̃ carens.

Hæc solo uerbo quacunque hic cernimus, olim

Condidit, & nutu cuncta creata regit.

At nos mortales (primorum culpa parentum

Tanta fuit) causarum inscia turba sumus.

Hinc est ut magna quæ cum ratione geruntur,

Credamus nulla cum ratione geri.

Cœlus aſt illa eueniunt, magnoq̃ Deorum

Consilio, & casus nil nisi nomen habet.

Etsi autem bonus hic persæpe affligitur, atque

Improbis hic multa prosperitate uiget:

Non tamen id casus facit, aut fortuna, sed alto

Consilio fiunt, causaq̃ semper inest.

Illa quidem nobis occulta, & plena stupore,

Sed tamen est semper iusta, pijsq̃ bona.

Scilicet hanc post uitam est altera uita perennis,

P 2 Quæ

Poematum

*Quæ speranda bonis, & metuenda malis.
Certum ibi discrimen, certa est sententia, & æquū
Iudicium. Hoc nobis arguet esse Deum.*

Ad Deos pro Anglia precatio.

*QVID sibi vult cœlum tot flāmis? mixta cruore
Quid Nubes? Tellus quo madefacta rubet?
Quid sibi vult tantus præter morē, imber aquarū?
Quid tot crebra manu fulmina missa Iouis?
Fallor? an hæc aliquid magni portenta minantur?
An fieri nulla cum ratione putem?
Quicquid erit tandem, si quid decrestis in Anglos,
Idiotum in Scythas uertite Di Superi.
Etsi ullas meriti pœnas, clementia culpam
Vestra precor uincat, nec grauis ira cadat.*

Ad Claudium Comitē Collalti.

*MULTI olim ueteres, quorū monumēta per orbē
Scriptis fama uiget, multiq; hoc tempore quorū
Mens imbuta fuit magna sapientia & arte,
Conati septemgemini trepida ostia Nilī
Et celebris fontis causas aperire latentes,
Nec potuere tamen perfectē quæ sit origo
Dicere adhuc, uerāq; eius cognoscere causam,
Tā plena ancipiti ratione, atque abdita sensu.
Sic uestre domus antiquæ & longo ordine ducta*

Tot

Tat proavis atavisq³ simul, quos grata uetustas
Aeterno immensa laudis celebravit honore,
Quosq³ etiam nostra hac aetas insignia cernit
Clara sui decoris, per tot monumeta nepotum
Incluta, perq³ uices uarias mutabilis orbis,
Et genus intactum retinere, ut primitus, altis
Muneribusq³ frui Regum, ceu regia proles,
Vnde sit initium, quis uestri nominis auctor,
Primus, adhuc fama incerta est, incertaq³ origo.
Id tamē haud dubium ex Annalibus, exq³ uetustis
Historijs, illam Troiano à sanguine ductam
Iliacosq³ viros generis fundamina uestri,
Vel fuit Electra genitus vel natus ab ipso
Erichonio, alio'ue, ortu qui proximus illi.

Roma sui generis nouit primordia, nouit (pura
Urbs patavi, atque harū quauis se iactat olym-
Usg³, suam stirpem extollens. at uestra profecta
(Si antiquis laribus queratur gloria) non est
Inferior soboles, generis nec cedit honore.
Si egregijs factis, & clara laude uirorum,
Illustrem titulum per plurima secula semper
Conseruauit, adhuc etiam conseruat eundem.
Sauiat usq³ velit Mars, & Bellona tumultu
Misceat horribili quæ pax, concordia, amorq³,
Iunxere humanis rebus, sparsosq³ cruore
Confundat castos thalamos, tadasq³ iugales.
Hinc multi Reges vobis amplissima iura
Concessere ultro, tanquam immoralia uestra

Poematum

Pignora virtutis, quæ nulla aboleuerit ætas.
Quid memorẽ varias vrbes, atq; oppida uobis
Quæ olim parebant, & quos defendit ab armis
Si quando fortuna illos vexabat aperto
Marte, aut cuniculis tentabat fallere, vestra
Vis, & consilium? multos durauit in annos
Hæc statio, donec uis maior cœpit habere
Inuidiam, & uariare uices fortuna priores.
Scilicet est finis cunctarum rerum, & ad ima
Celsa cadant opus est aliquando. id Persia nouit
Graciãq;, & Roma imperio spoliata potenti,
Quod late mundi partes penetrarat in omnes.
Quid mirum est igitur si uobis contigit idem
Euentus uariæ sortis? Ditione sed ampla
Vestra domus quanuis tam multa amiserit, unũ
Hoc illi solamen adest, magnumq; Deorum
Esse uidet munus, quod adhuc sibi prima relictũ
Est sedes, primusq; locus quò uenit origo.
Quæq; sibi reges belli uirtute parata
Concessere olim, remanent illæsa, tenetq;
Munia concessa, & leges decretæq; firma.
Hæc libertatis clarissima signa retente.
Hæc decoris uestri non parua est gloria, rite
Si quis ponderet hæc, & iusta lance tot vrbes,
Totq; suis mutata locis, dominisq; superba
Regnorũ imperia æstimet, illaq; diruta prorsus
Sic, ut uix maneant ueteris uestigia formæ.
Hæc tibi profapies iuuenis fortissime CLAUDI
Dat

Dat nomen, primosq³ ortus, laudemq³ uetusti
Sanguinis, hæc genus, hæc eadē tibi iura reliquit.
Tu uero ut monstres tali te stirpe creatum,
Illius & dignum auspicijs, per clara parentum
Incedis uestigia, teq³ pericula rerum
Nulla mouēt, nullusq³ labor quin ardua tentes,
Virtutisq³ iter ingressus, quō fama perennis
Te uocat, intrepidus festines ire, & auito
Splendori decus addere. Scilicet una est
Hæc uia, qua sola cœli te possis ad astra
Tollere, magnorumq³ uirū uolitare per ora.
Ergo tibi faueant cœlestia numina, Marsq³
In primis, cuius lituos, & castra secutus
A teneris annis te fidē semper alumnū
Præbebas, quem etiam firmo ueneraris amore.

Ad Franciscum Rosellum.

MULTORUM ingenia et mores mutantur honore.
Nulla tuos mouet gloria, nullus honos.
In te sunt quales à primo limine uitæ
Extiterant semper laudis amore pari.
Rebus in aduersis æqua ratione tueri
Quæ sunt firmi animi gloria magna quidem.
At seipsum in letis moderari gloria maior,
Et si non maior, haud tamen inferior.
Hæc laus in te olim uisa est Roselle, uidetur
Et nunc. quis te igitur fortior ac melior?

SYLVANVS.

IBAT per nemora & uias remotas
 SYLVANVS, grege credito fideli
 DAMONI. hunc socium periculorum
 Sape expertus erat, simulq; in omni
 Fortuna stabilem. Comes viarum
 Nullus. Fistula sola quæ leuare
 Curas, cura sibi est, nihilq; præter
 Hanc, querit, cupit, aut habere gestit.
 Phœbus iam medium diem tenebat,
 Pars vero anni, ea qua uirescit herba
 Tellusq; omnigeno colore floret:
 Et qua blandus amor suas pharetras
 Figit certius atque amare cogit
 Inuitos etiam & minus volentes.
 Syluano interea canente, dulci
 Concentu ac sonitu repletur aer.
 Stant frondes tacite, nemusq; totum
 Aures porrigit, & silent volucres
 Hinc inde attonita. Orpheum putares
 Hunc esse, aut similem fuisse prorsus.
 Ecce autem rediens venatione
 Nympharumq; sacro DIANA cœtu
 Stipata, hoc modulamen atque uocem
 Pastoris procul audit, & repente
 Gressus accelerans uenit uidetq;

Syluanum

Poematum

*Sylvanum arbore sub uirenti , opaca ,
Mulcentem athera fistula canora
Et curas animi sono leuantem .
Nunquam nouerat ante , nec sciebat
Quis' nam esset , tamen hunc benigno
Et miti eloquio salutat , orans
Ut pergat canere .
Ipse autem , hanc subito putat sororem
Phœbi esse , & licet haftenus videre
Nunquam contigerit , tamen videre
Et cognoscere saepe percipiuit .
Nam saepe audierat prius **DIANA**E
Nomen percelebre atque laude summa
Efferri undique ab omnibus per orbem .
Ergo hanc cernere nunc sibi obtigisse ,
Gaudet non modice . interim nitentis
Miratur decus oris , & nil usquam
Non cœleste videt præterq̃ morem
Humanum . Ipse etiam sacra puella
Que Dianam comitantur , & pudice
Obseruant Dominam , decore formæ
Omnes egregio bi videntur .
At Phœbus veluti suo nitore
Vincit sydera , sic putat **DIANA**M
Cunctas vincere gratia & micanti
Vultu , nec similem esse , nec fuisse .
Sit quanquam Cytheræa , quæ ne causam
Troianis dedit omnium malorum .*

Sylvanus

SYLVANVS nequit intuens, abunde
 Expleri; utq³ aciem suis coruscans
 Perstringit radijs Apollo, nec non
 Spectantes hebetat, micans **D**IANA
 Sic splendor, modo humi tenere fixos
 Deictos oculos, modo hac, & illhac
 Cogit voluere. iam sonusq³, uoxq³
 Illum deserit, ac stupore plenus
 Heret, quidq³ agat, inscius moratur.

At uerbis placidis Dea, priores
 Vires atque animus redire coepit.
 Latiusq³ (ut faciebat ante) rursus
 Centu vario sonabat, & nunc
 Sola voce canebat. interim ipsa
 Accedens propius sedet, sedentq³
 Nympha, sic Domina iubente, secum.

Telluris Dea gestit, atque olenteis
 Flores spargit humi, repletq³ odore
 Immenso loca, ubi **D**IANA firmat
 Gressus, qua'ue pedes mouet. Napeis
 Admixta Dryades suas relinquunt
 Sedes, accelerantq³ eo venire.
 Ut venere propè, Deam salutant
 Submissis animis, locumq³ Nymphas
 Iuxta, quæque sibi capit, nec ulla est
 Quæ non pendeat ex canentis ore.

Quæ cantauerit, est referre longum,
 Sed dicam tamen (ut mihi relatum est)

Summatim

Poematum

*Summatim ac breuiter . Vis est amoris
 Quanta , & quanta fuit per omne tempus
 Ex quo mundus erat . Quid sit . quæ origo
 Et causa illius . Vnde fiat , iste
 Vt cæcorapiatur igne , at ille
 Contemnat penitus videre amanteis
 Discordes animo , imparesq; flammis .
 Quanta est ambitio , & cupido habendi
 Amplas diuitias . Quot Aula secum
 Erumnas ferat , & pericla . Auarus
 Quam semper miser , indigusq; uiuat .
 Interdum ex humili camana in alium
 Euectus rapitur per astra cœli ,
 Exq; illis etiam ad Deos , canitq;
 Vt diuûm atque hominum pater crearit
 Orbem , & quicquid in orbe continetur ,
 Vt mira ratione quæ creauit ,
 Conseruet , moderetur , & gubernet .
 Quid sol , sydera , quid'ue luna terris
 Producant . elementa qualitates
 Quas omnino habeant , ubi locentur ,
 Vnde annus varius , dies breuesq;
 Et longi . unde maris venit refluxus ,
 Ac fluxus pariter , canebat ista
 SYLVANVS , poteratq; plura semper
 Si quando libuisset , his referre .
 Lingua promptus erat , valebat arte ,
 Summoq; ingenio vigeat . illi*

Sylenus

SYLVVS fuerat magister olim
Quo vix clarior ullus orbe toto
Ex pastoribus, aut magis peritus
Hic vero, unde sibi pararat artem,
Rerum notitiamq; nemo nouit.
Multi cœlitus obagisse credunt.
Vt finem imposuit, DIANA grates
Ingenteis agit, & rogat molestum
Ne sit cras redisse: se affuturam
Cum nymphis alijsq; pollicetur.
Is vero annuit, & venit statuta
Hora, sicq; facit die sequenti,
Et multis alijs. fuisset illi
At quanto (heu) satius redire nunquam.
Cœpit nanque miser Deam DIANAM
Ardere immodice, grauiq; cura
Totus saucius, intimis medullis
Herens vulnus alit, nihilq; prorsus
Quam illam, corde gerit. modo subibat
Menti forma nitens, modo decorus
Incessusq;, Habitusq;, & ipsa dulci
Quouis nectare dulciora verba.
Cernus per mediam superbus ibat
Sylvam cornibus. hunc Dea infecuta
Transfigit celeri sua sagitta:
Vix prostrarat humi, ecce aper sinistra
Parte hæc prosiluit; resumat arcum
Confestim, & sequitur volante cursu.

Dento

Poematum

Dente armatus erat, minaxq; fronte
 Dira, corpore quantus ante nunquam
 Vix maior potuit videri. at ipsa
 Nullo exterrita vel metu, aut periclo,
 Vel nymphis fugientibus, pharetra
 Velox insequitur duabus horis.
 Binis vulneribus feriat hostem,
 Nec vinci potuit, soloq; sterni.
 Tandem vulnere tertio graviq;
 Ictus, concidit. At DIANA quanquam
 Victrix, fessa tamen labore, grata
 Fagi sub patula quiescit umbra
 Paulisper: placida sopor quiete
 Obrepat subito, rigatq; membra:
 Vix per virgineos mearat artus
 Qui morti similis coequat omnes,
 Vix clausos oculos tenebat, ecce
 SYLVANVS, iaculis suis cupido
 Cui precordia vulnerarat, & qui
 Quocunque ibat, ibi putat DIANAM
 Esse, ac nil aliud videtq;, amatq;
 Illhac fortè venit. (locus trecentis
 Distat passibus, unde vulnus illi
 Insanabile, & unde origo cœpit
 Extremi excidij suiq; fati.)
 Hæc ergo ueniens, uidet DIANAM
 Cinctam purpureo suras cothurno,
 Arcuq;, & pharetra super nires

Inxta

*Iuxta se positus, humi iacentem,
Solamq̃, & iam oculos quiete suavi
Claudentem inuenit. Hanc repente cernens
& Agnoscit, propiusq̃, adit, uidetq̃
Intentis oculis, (parumq̃, castis
Fortasse.) interea excitata somno,
Sylvanum aspicit. illico impudica
Cernens lumina, (sic putauit) alta
Voce exclamat. opem afferas Deorum
Supreme obsecro; protinusq̃, ab alto
Audit Iuppiter, atque adesse nymphas
Omnes imperat. Hæ suam secuta
Per syluas Dominam, anxio timore
Quærebant. Igitur (Ioue indicante)
Ecce adsunt. animis parata ad illa
Quæ Diuæ placeant, agenda promptis.
Extemplo iubet hunc Diana uinctis
Ambabus manibus capi, & ligari,
Mox quæcunque sibi accidere, narrat.
SYLVANVS, quòd amet, nequit negare,
Vel coràm simulare. confitetur
Hoc planè intrepidus, rogatq̃, amari
Se saltem patiatur. Illa nullis
Orantis precibus potest moueri.
Nymphæ orant etiam genu aduolutæ
In terram, & ueniam precantur, illæ
Tota immobilis hæret, atque secum
Vindictam meditatur. heu Deorum
Indignati*

Poematum

Indignari animi, semelq; laesi.
Quam non est facile ut benigniores
Mitescant iterum. Deum, ac Dearum
Ira, est ut mare concitum procellis
Quod surda nauigantis aure vota
Pertransit, precibus nequitq; flecti.
Ergo dum varios modos reuoluit
Vindictæ, afficiatur (inquit) ista
Pœna; sit lapis & perenne signum
Iustæ iræ, ac media via locetur
Tanquam terminus omnibus pauidi.
Actæon (licet inscius) lauanti
Quod me viderat absque ueste, pœnas
Persoluit. scelus hoc magis nefandum est,
Nec culpæ gravitate comparandum,
Quas pœnas dedit impudens Orion
Ausus quod sceleratus iste? non'ne
Transfixus perijt mea sagitta?
Vix compleuerat hæc, Iouem parentem
Votis annuat ut suis precatæ,
Quum mox Iuppiter annuens, precantem
Exaudit. misero statim rigescunt
SYLVANO omnia membra, nilq; habet quod
Humanam effigiem referre possit,
Ast totus lapis est, tenetq; nomen
Syluani, & situs in via patenti est.
Vt quicumque iter hæc facit viator,
Cœlestes superos amare, discat

Puris

Puris mentibus, & sibi cauere.

Syluani Epitaphium.

TERMINVS hic ponor cōtempti numinis index,
Veraq; tentatæ fama pudicitia;
 Sperabam sublime petens attingere cœlum
 Vertice, at in lapidem uersus, ad ima feror.
 Ergo Deas puro, ac sincero semper amore
 Dilige, & exemplo disce cauere meo.

Precatio ad Deum.

O quàm beatus dicier is potest
 Cui venti & vnde sic placide fauent,
 Ut possit optatum subire
 Portum, & ibi sua cernere vela.
 Hic non Carybdim, non rabiem alteram
 Sensit minantem naufragium, neque
 Diras procellas vidit, Notum
 Siue Aquilonibus obuiantem.
 Sed me procellis perpetuis agit
 Neptunus, & si à littore non procul
 Cerno ratem, hac repulsa
 Turbine, longius inde iactor.
 Quis finis erit tandem o maxime cœlitum,
 Rerum supreme conditor omnium?
 Quis finis erit? Tu iuuare

Q Solus

Poematum

*Solus, & eripere à periclo;
Solus potes ventis mare turgidum
Placare, solus nubila pelleré,
Ergo affer opem, & me vocantem
Fluctibus eripe, daq; Portum.*

PETRI

PETRI BIZZARI

P O E M A T V M

LIBER II.

Ad Philippum Hispaniarum Regem.

Vt te multorum Caesar post fata reliquit
Regnorum heredem, praeponitq; Ducem;
Sic laudis fama q; sua praemia liquit
 Servanda, & titulos quos tuerere memor.
Hos tu praclaris conseruas dotibus una
 Cum Regnis, Patrijs auspicijsq; foves.
Hinc tua Casarea respondet gloria laudi,
 Hinc tibi maiestas, hinc tibi crescit honos.

Ad Elisabetham Reginam Hispaniarum.

O quantum Sequana, o quantum tibi debet Iberus,
 Quantum Ticinus, Eridanusq; potens.
Currebant prius haud aliter quam concita uentis
 Aequora, tranquilli nunc maris instar eunt.
Ipsa etiam lachrymis oculos perfusa nitentes

Q 2 Agmina

Poematum

*Agmina Nympharum quæ latuere diu;
Nunc passim leta exultant, ripisq; propinquis
Dant plausum, & capiti florea sarta legunt.
Huius lætitiæ causa es celeberrima virgo,
Dum in Regis thalamum Regia sponsa venis.
Tu sola es firmi, atque rati inuiolabile pignus
Fœderis, & uinculum quo retinetur amor.
Utq; duos tenuit concordi pectore iunctos
Iulia dum vixit, dumq; superstes erat:
Sic tu animos Regum prædulce ligamine sola
Innectis, pura consociasq; fide.
Ergo diurna tibi sint vitæ tempora, quò pax
Longior, & votis luno secunda tuis.*

Ad Catarinam Mediceam Reginam Galliarum.

*NUNC Arno Eridannus cedat, Tybrisq; superbus
Aurea deponat cornua, detq; manum.
Non ita se geminis iactabat Roma, Cybelle
Non ita in excelsa vertice mons Phrigijs;
Quàm Arnus Medicea tumet, ac letatur alūna,
Et magis augusta prole superbit ouans.
Hanc vos, o Cygni, qui tanti fluminis undas
Incolitis, pennis tollite ad astra nouis.
Utq; immortalis Regali stirpe Deorum est,
Sic immortalem cantibus efficite.*

Ad

*Ad Ferdinandum Regem
Bohemiae.*

NON solum titulis Maiorum & laude paterna,
Sed proprijs meritis conspiciendus ades.
Ergo tibi merito cuncti Fernande precantur,
Prospera . iure tuum nomen ad astra ferunt.

Ad Mariam Scotiae Reginam.

CENTENIS centena sonent si guttura linguis,
Et mihi si pandant totum Heliconae Deae;
Non ego sufficiam meritas persolvere grates.
Dy referant, hominum qui pia facta vident.
Hi tibi felicem dent semper ducere vitam,
Et tribuant Pylii tempora longa Senis.

*Ad Hieronymum Priolum, Du-
cem Venetiarum.*

MAGNVS Alexāder vetuit ne prater Apellem,
Ipsū parte aliqua pingeret vlla manus:
Hic etenim tam alyis docta praestabat in arte,
Quā summo reliquis alter in imperio.
Hūc imitās, prohibe ne quis prater TITIANVM,

Q 3

Effigiem

Poematum

*Effigiem pingat Dux generose tuatus.
Hic solus dici nostra etate alter Apelles,
Hic alter Zeuxis, Parrhasiusq; potest.*

Ad Guidum Ubaldum II. Urbini Ducem.

PRINCIPES multos numero priora
Saecula viderunt, videt ista multos,
At quibus cordi probitas, fidesq;
Nomina rara.
Ut modo, atque olim, idem etiam futurum
Insequens auum. Hinc uenit, ut bonorum
Omnium formas valeat referre
Unica gemma.
Ergo quid mirum ut uitis referta
Cuncta cernantur, populusq; princeps
In scelus quoduis ruat, & Deorum
Negligat iram?
Dux bonus vere typus, atque imago
Est Dei summi, at malus est figura
Demonis diri, superumq; poena
Missa per orbem.
Sensit hoc Roma, indoluitq; frustra
Quando crudelis Nero, ceteriq; has
Mente, Romani Imperij tenebant
Libera iura.

Gracia

Gracia hoc sentit, varijs tyrannis
Acta, senserunt alij, probatq;
Magna pars orbis iuga iniqua Regum
Ferre coacti.

Ergo quæ tales patitur tyrannos
Gens, dolet iuste, lachrymatq; sortem
Flebilem cunctis, Dominumq; cæli, hos
Dissipet, orat.

Cui bonus princeps datus, hæc beatam
Se uocat iure, atque Deum precatur
Viuat ut felix, vigeatq; longa
Posteritate.

Talis Urbini tua GVIDO Gens est,
Talis est omni ditione sceptrum
Quæ tuum extendis, Proauosq; tales
Cum patre sensit.

Est tibi prudens animus, benigna
Mens, in aduersis dubijsq; rebus
Semper equalis, moderata & equi
Semper amatrix.

Es pius, doctus, facilis, domiq;
Ac foris clarus, validusq; dextra,
Es tuis gratus populis, eosq;
Rite gubernas.

Ergo sis felix, habeasq; Diuum
Numina in terris tibi semper opto
Prospera, & uiuas Pyliam Senectam
Optime Princeps.

Q

Ad

Poematum I

*Ad Franciscum Mariam Prin
cipem Vrbinatem.*

DICTVS Bellerophon pectore strenuo
Gessisse horribili prœlia dimicans
Cum monstro, ac superasse,
Quauis igniuomum foret.
Alciden memorant robore corporis,
Et maiore animi, plurima fortiter
Egisse, atque domasse, ut
Alter, monstra minantia
Cadem. Quid memorem Tyndarides via
Qua ingressi, ut sibi iter post obitum ad Deos
Præclaramq; pararent
Famam, & perpetuum decus?
Quid narrem Thesea? quid reliquos, amor
Quos, idem & Studium accendit ad ardua?
Et quos nulla uetustas
Annoſa eximet à iugi
Laude? isti ac similes sint imitamina
His tantum quibus hic nulla domestica
Sunt exempla relictæ
Maiorum, & sine gloria.
Sed te clara Domi exempla & imagines
Exornant veterum siue recentium
Manis, quos imitari

Possis

Prin
Possis perpetuò ac sequi.
Sunt clari proavi, suntq; atavi domi
Ac bello celebres; est quoque avus tuus,
Cuius inclyta virtus
Ut sol, emicat. Est pater
Viuens. hos colere, hos suspicere, (ut facis)
In promptu est. igitur hic tibi sit scopus
Ad quem singula gesta
Et mores referas tuos.

In creatione Cardinalatus
Guidi Ferrerij.

ad Des
GAVDETE o Sacri Colles, tuq; inclyta bello
Cum Thybri exulta praside Roma nouo.
Induit hunc Pallas Tyrio de murice ueste
Purpurea et capiti mox diadema dabit.
Tunc iterum vobis felicia sæcla redibunt,
Et quæ olim fuerant aurea, rursus erunt.

Ad Antonium Altonitam Ar-
chiepiscopum Florentiæ.

Possis
Huc huc Melpomene tuam
Tecum affer citharam & barbiton, ut canas
Insignem egregium uirum.

Hunc

Poematum

*Hunc vultu niveo pulchraq; crinibus
Et pulchris oculis micans
Quae sola imperitat floribus, edidit.
Mox Arnus pater hunc suo
Exceptum gremio Naiadibus dedit
Ut crescentem alerent, sacris.
Vix lustrum ac medium aetate peregerat,
Cum mox uertice quae Iouis
Nata, huius regimen curaq; pertinet
Ad me, inquit. mihi sic iubet
Rex Divum, atque hominum qui sator omnium.
Ergo hunc ceu sibi filium
Ex se progenitum suscipit, instruit,
Formatq; ingenuis modis.
Ut vero edocuit quae minus ardua,
Et diuersa idiomatica
Linguarum explicuit, ad magis abdita
Deduxit, Sophia indicans
Quae sublimia, quaeq; incognita plurimis.
Vnde annus varius, dies
Longi, siue breues. unde Mare hic fluit.
Ac post refluit. Aethere
Qui fiant pluuia, fulgura, grandines,
Et quae disiciunt solo
Urbes. Erraticis sidera cursibus,
Vel quae fixa manent polo,
Quid possint & agant. num haec hominem queant
Sic impellere ut auferant.*

Ius

*Ius mentis, uel eum pelliciant modo
 Inclinentque, uelint sequi ut
 Hoc, quàm illud potius. addidit his simul
 Maiora, & quæ omnigenam afferunt
 De dijs notitiam. Quare age quæ potes,
 Plectrum Diua moue aureum,
 Et psalle altifono carmine tot uirum
 Ornatum undique laudibus.
 Me sanè, ut fileam, commouet impares
 Indocta ad numeros manus,
 Obusum ingenium, & nescia uox lyra.*

Ad Robertum Dudleum.

*QVI comes effectus, te dignum Principe præbes,
 Dignus es ut Princeps efficiare potens.
 Sic comes & Princeps Reginam in parte iuuando,
 Accipias Regni tu quoque sceptræ sui.
 Hinc leuius fiet regimen, curaq; Britannis
 Te regnante simul, iura minore dabit.*

Ad Franciscum Rossellum.

ntelligit
 ordinē Di-
 Georgii
 cui anno.
 MDLXV.
 eodē tēpo-
 re missus
 est ad Chri-
 stianissimū
*IDCIRCO haud prius hoc titulo insignitus, ut iste
 Nunc tibi cum tanto Rege daretur honos.
 Scilicet id merito, quia regia mens tibi semper
 Et virtus, quouis Principe digna fuit.
 Utq; homines videant tibi solum regna deesse,*

To

Galliarum
Regē Caro
Iū nonum.

Poematum

Teregi aquauit nunc in honore Deus.

Ad Pompilium Collalti Comitē.

QVOD bella, & cades, quòd regni dira cupido,
Quòd discors animus, quòd male sana lues;
Quòd varia febres, morbi, tristisq³ senectus,
Infestent homines, interimantq³ breui,
Multiplices hominum errores, & crimen Adam
Causa est. hinc omnis fons & origo mali.
Ergo aduersa illos cum sors premit, excruciatq³,
Non temere id fieri, sed ratione putent.
Hinc vitam in melius semper mutare studebunt,
Atque ferent placide quod voluere Dei.

Ad Marinum de Caballis.

PEGASEA suffultus ope quàm plurima gessit
Digna immortalis Bellerophontæ sono.
Sed tamen hac fretus cum cælum ascendere vellet,
Desertus cecidit, mox fuit inde miser.
Te vero haud patitur cælo, terraq³ relictum
Pegasus, at semper fidus ubiq³ comes.
Hinc tibi cognomen venit, hinc laus undiq³ plena,
Hinc fama excelsus, iam super astra volas.

Ad

Ad Nicolaum de Ponte.

UT facilis per Pontē homini est ingressus in urbem
Si aggere, vel fluidis impediatur aquis:
Sic facile optatum assequar, impedimenta q̃ nulla
Obstabunt, fautor si Nicolaus erit.
Huius splendet honos, huius censura timetur,
Huius consilium cum gravitate viget.
Ergo meis votis bene prospicietur, & apte,
Hunc mihi propitium si pia fata dabunt.

Ad Bernardum Georgium.

QUANTVM Smirna suo vati debebat, & Ascra
Hesiodo, quantum Mantua Virgilio;
Tantum iure tibi nunc Adria debet, honore
Quam simili exornas muneribusq̃ sacris.
Idem progenitor Phœbus, genitrixq̃ Thalia,
Quæq̃ illis, eadem dona dedere tibi.
Ipsa etiam Iouis ex diuino vertice nata
Præstans ingenium, consiliumq̃ dedit.
Hic fit, Apollinei ut quàm magna es gloria cœtus
Tam quoque sis Venetæ nobilitatis honos.

Ad Dominicum Venerium.

SI meritis fortuna tuis par esset, honore
Supremo

Poematum

Supremo extollens, cuncta secunda daret.
Adderet & vires, corpusq; per omnia firmum,
Et bene respondens dotibus ingenij.
Denegat hac meritis. at quid? tua gloria semper
Crescit, & est maior, quò magis illa fremit.
Hanc etenim superas inuicto robore mentis,
Constantiq; animo qui tibi semper idem.
Fortunam vincit tua virtus nescia vinci
VENERI, vincit gloria, vincit honos.

Ad Orsatum Iustinianum.

ORSATE, unde tuas laudes nomenq;, decusq;
Ordinar? atque orso quis mihi finis erit?
Si genus enumerem, longus mihi se offeret ordo
Stemmatibus, unde micat Iustiniana Domus.
Si praeclara uirum gesta, & memoranda per orbem
Eiusdem prolis, area magna patet.
Site simpliciter maiorum laude remota
Extollam, ampla mihi materies dabitur.
Ergo alij hac narrent, quibus est facundia maior,
Et quorum ornantur tempora fronde sacra.
Sat mihi, si noris quàm semper candido amore
Te obseruem, exq; animo quàm tibi fausta precer.

At

*Ad Petrum ac Bernardinum
Lauretanos.*

DESINE iam leda genitos extollere tantis
Laudibus; haud sola es Gracia, ut ante, modo.
Adria nunc etiam Geminis lætatur, & illos
Iure tuis præfert, iureq; ad astra uehit.
Ambo immortales. at Castor a morte redemit
Alterna Pollux, cum itq; reditq; simul.
Ambo consimiles uultuq; animisq; uirenti
Ambo etiam lauro tempora cincta gerunt.
Hinc LAVRETANI merito dicuntur, APOLLO
Quãdoquidẽ his pater est, his quoq; musa parẽs.

*Ad Cornelium Amalthæum ac
eius Fratres.*

UT primum creuit, uiresq; in corpore sumpsit
Iuppiter, o, Nutrix, ceu mihi cara parens;
Quas tibi (ait) tanto soluam pro munere grates?
Pro suscepta opera qua tibi merces erit?
Illa (inquit) precor hoc unum des, morte carere,
Inq; meos parcas iuris habere nihil.
Annuit optatis. hinc nulli obnoxia fato
Splendida Amalthæe gloria, honorq; domus.

Quod

Poematum

Quòd vero ad reliqua, hac tanto curauit alendū
Si studio ut nutrix, officioq; Iouem;
Vos quibus est mater, quanto curabit amore,
Quanta etiam cura, sedulitate, fide?
Melle illum pavit, facundeq; vbera capra.
Mella quoque hac vobis dulcia lacte dedit.
Hinc vestrum Ambrosia mixtum, suauiq; lepore
Eloquium, atque oris gratia tanta fluit.
Hinc vox melliflua, et quæ immanes flectere Ty-
Quæ solitis posset saxa mouere locis. (gres,
Quæq; amnes celeri cursu retinere, notosq;
Et blandis syluas ducere carminibus.
Id proprium quondam fuit Amphionis & Orphæi.
Nunc solis vobis hoc tribuere Dei.
Vos autem, unde homini mellis gratissima dona,
Tuq; etiam niueus prouenit unde liquor,
Viuite felices per prata madentia rore,
Vosq; leuis tenero gramine pascat humus.
Et quoniam æterni sunt quos nutritis, in ævum
Vos etiam æternum uiuite, & absq; malis.

Ad Eduardum Rossellum.

ROBUSTVS ualidos progenerat viros,
Imbellis tenui corpore nascitur.
Fortis magnanimusq;
Fortem & magnanimum creat.
Sic sanè improbus hic nascitur improbo,

Et

*Et vir qui bonus est, prouenit ex bono,
Fructus scilicet arbor
Tales, qualis erit, feret.*

*Naturam ars hominum expellere nititur
Sæpe, at sæpe redit ceu solet antea,
Quem talem illa creauit,
Tali est consuetudine.*

*Et si quem videas (sunt equidem haud nego)
Qui mores varient, & genus à patre
Non laudabile, magna id
Factum est sollicitudine.*

*At commune quidem est omnibus, ut boni
Producant similes, atque mali malos
(Ut dixi) hocq; venire
Vsu quilibet aspicit.*

*Tu Rosselle viro natus es optimo,
Et matre optima, auo consimili quoque,
Talesq; ordine longo
Hic vestra enumerat domus.*

*His te dissimilem non fore, singuli
Credunt. quibus enim te patris autumas
Et splendoris auiti
Omnino fore imaginem.*

*Huius clara viri gloria perpetim
Floret, nec poterit obliuionibus
Vllis esse sepulta
Donec cincta mari Anglia.*

Alter vixit adhuc magnus honoribus,

*R**Et*

Poematum

*Et magnus meritis . Hunc tu etiam sequens ,
Descendentibus ex te
Fies lux imitabilis .*

*Ad Ioannem , Franciscum , &
Gulielmum fratres Rossellæ
Familie .*

*Vos quoq; tam clari iuvenes quos indole pulchra
Natura ornavit , quosq; paterna domus ;
Ite alacres animis per iter virtutis apertum :
Hæc olim vobis nomina clara dabit .
Vos nulla hic melius poterunt exempla mouere ,
Inclita Rossellæ quàm monumenta domus .
Hanc ergo ante oculos animis infigite vestris ,
Si nos ullus honos posteritatis habet .*

*Ad Gulielmum Drurum ,
Anglum .*

*TE Mars à puero semper nutriuit in armis ,
Aptauitq; tuas ad fera bella manus .
Hic tibi posse dedit duros tolerare labores
Militie , & docuit quàm itur ad astra , uiam .
Huic te ipsum facile præbēs , perq; omnia promptū
Egisti vitam glorius , ac celebris .*

Sapeq;

*Sapeq³ per medios inimicos, tela, per ignes,
Transisti, rediens victor ab hoste domum.
Sape tuam dextram sensere hostilia castra
Inuictam, & promptā ad cuncta pericla necis.
Hæc tu pro patria fecisti ut Martis alumnus,
Ut Marti gratus, strenuus atque ualens.
Ne vero hanc posses ingratam dicere, honores
Virtutis desert præmia vera tue.
Hos patriæ, domuiq³ tue, ac tibi gratulor, optans
Ut semper crescant uberiore modo.*

Ad eundem.

*BERVICVM tandem tua venit Drure supellex,
At nondum venit quæ tibi cara magis.
Illa mari uenit, Neptuno aurisq³ secundis,
Hæc terra, ut tecum stetq³ habitetq³, venit.
Anxius interea momentis omnibus, horis
Omnibus expectas, horaq³, mille dies.
Resq³, domusq³ tibi præsto est, & cuncta parata,
At sine ea nihil est resq³, domusq³ tibi.
Carior illa etenim quàm si contingat habere
Quot Cræsus quondam diuitias habuit.
Dij facite, hæc adsit quamprimum et sydere fausto,
Quā Venus, et Charites, quā comitatur amor.
Sic septem incolumes unā seruabitis, hasq³
Ex uestro numero. Dij properate precor.*

R 2 Ad

Poematum

Ad Io. Thomam Sirletum.

PROH superi? unde ictus? quis tãti criminis author?
Quæ manus innocuo sanguinolenta fuit?
Dicite vos superi, vobis nanque omnia constant,
Dicite quo inflictũ est vulnus, & unde malũ hoc.
Author adhuc dubius, causa est incerta, nec istud
Vel temere, aut casu est. hinc stupor, hincq; dolor.
Ah scelerata manus, quæ te furialis Erinnis
Mouit, ut immerito vulnera iniqua dares?
Nulla Deũ tenuit reuerentia? nullaq; tanti
Herois qui aderat duxq; comesq; uie?
Ah deuota manus, manus impia, dira, nefanda.
Num ulterius viues? di prohibete precor.
Scindatur subito, restetq; immobilis, atque
Truncus iners, seu sit dextera, siue soror.
Vtq; sit exemplum reliquis, det corpore toto
Quas meruit poenas, nec ferat ullus opem.
Tu vero huc Phoebe hand differ medicamina, &
Peonias, quibus hæc plaga recēs abeat. (herbas
Tolle cicatrices, atque omnem tolle dolorem,
Et uultus totus sit modo qualis erat.
Iusta quidem peto, quandoquidem hunc tu semper
Hæctenus, hic etiã te à puero usque colit. (amasti,

Ad

Ad Petrum Druetum Gallum.

CRAS Druete abis è solo Britanno
 Per terras Dominum tuum paratus
 Quascunque ille petat, sequi, & per aquor
 Qualecunque sit? O Dei, Deeq;
 Omnes, quorum ope quicquid obtinetur
 Hic lati auspicij, datur, fauete
 Drueto, & placeat Vidamum, eiusq;
 Fratrem consimili fauore saluos
 Seruare incolumesq;, sic honore
 Vos grato unanimes per omne tempus
 Mortales celebrent, colant, adorent.

Ad Hannibalem Patavinum

CANTV Threicij uatis & aurea
 Plectro saxa suis commemorant locis
 Dimota, & rapidi fluminis impetum
 Stetisse, ac domitas feras.
 Quin syluas etiam cum arboribus ferunt
 Pertractas, & eum quo libitum, sequi
 Promptas. hoc itidem conditor oppidi
 Thabarum prius egerat.
 Idem ipse, ac melius cum libet, Hannibal
 Præstas. uincis enim hos cum modulamine
 Vocis dulcisono, tum organici melos

R 3

Concentu,

Poematum

Concentu, & varijs modis
Humanum ingenium, dum digitis tuis
Aptas mobilibus, atque animos rapis
Et terra ad superos, exhilaras, iuuas,
Inflammas, agitas, moues.

Ad Adrianum Theologum.

QUICQUID Platonis docta uolumina,
Quicquid docent Aristotelis libri,
Pernosti ad unguem. hos tu studere
Es solitus teneris ab annis.
At non quieuit mens tua noscere
Tantum quid horum scripta sibi velint,
Diuina, sed sensu altiori
Magna cupido fuit uidendi.
Hinc ergo omissis quæ innumeros agunt
Curis, omissa sollicitudine
Vitæ caducæ, & quæ impedire
Hoc studium valeant, remotis;
Dudum legendis te penitus sacris
Addixti, & omnino nihil extimas
Præ his quæ bona multis videntur,
Quæq; putant homines beare;
Hec ipse contemnens, animum erigis
In cælum, ibi noscens hominis sitam
Felicitatem humanam, & Poli
Gaudia quæ peritura nunquam.

O te

O te beatum quater, & amplius:

Quæ Regum in orbe conditio, ut tua?

Quæ vita plus hic expetenda

Est homini, melius'ue fatum?

Ad Petrum Armellinum.

QVEM externa hic toti dominantē uiderat orbi

Lux, hodierna videt prorsus inane caput.

Ergo quis humanis ausit confidere rebus?

Quis uelit hac unquam dicere vera bona?

Hæc possessorem semper comitantur ubique,

Seu per terram, seu per mare carpat iter.

Illæ alium asciscunt antiquo e sede remoto,

Nec raro in media spe, ultima verba, vale.

Hæc hominis mentem satiant, solideq; beatæ

Efficiunt, stabili letitiæq; replent.

Nunquā illa expleant, sed faciunt quod plura parant,

Plura velint semper, indigeantq; magis.

Posthabitis igitur quæ sunt infirma, sequamur

Quæ firma, & dici quæ bona iure queant,

Id uero fiet, si iam in sublime feratur

Mens nostra, & secum cogitet, unde uenit.

Quam sint vana ea quæ vulgus miratur, amatq;

(Quodq; magis), quam sint noxia si quis amet.

Hinc quæ alij tã auide exquirunt noctesq;, diesq;

Nos ea ceu prorsus vilia pro nihilo

Ducemus, dabimusq; operâ, ut tendamus in oras

R 4 Cæli

Poematum

Cœli sydereas, venimus unde prius.
Hoc tu niteris, hoc ego posthac nitar, & opto
Ut possim. faueant numina utrique precor.

Ad Meliorinum Vbaldinum.

QVIS melior te vno expugnandis urbibus, hosti
Vincendo insidijs, Marte vel ingenio?
Quis'ue aciem in pugnam melius disponet apertā?
Denique bellandi quis tibi in arte prior?
Ergo qui reliquis melior, virtuteq; præstas,
Nomina condigne tu melioris habes.

Ad Gulielmum Piccherinum Anglum.

TE penè in cœlum virtus erexerat, & iam
Vertice tangebās fulgida signa poli;
Inuida conatus fregit fortuna secundos,
Tu tamen inuicta ut palma, resurgis humo.
Hac cœptis inimica tuis tibi semper obesse
Conata est, tandem sed tibi victa cadet.

Ad Ioannem Asbleum.

NON qualis fuerit publica Res, Plato
Sed qualis potius debeat hæc fore,

Scriptit,

Scriptis, nec Xenophon qualis erat Cyrus,
Sed qualis potius bonus
Princeps debeat esse. ut pius, & sagax,
Iustusq; ac reliquis partibus undique
Perfectus, nihil ut prorsus ei queat
Deesse. at nec fuit, aut erit
Quisquam hic talis. ita est (ut puto) nobilis,
Liber Castili qui docet Aulicam
Vitam, quo'ue modo acquirere gloriam
Possit optimus Aulicus.
Quem autem hic inuenias conditionibus
Tot, tantisq; virum qui undique polleat,
Virtute, ingenio, quiq; sit omnibus
Perfectus numeris suis?
At si ullus titulum uendicet hunc sibi,
Et iure id faciat, uel dabitur tibi,
Vel nulli penitus, nec poterunt uirum
Talem cernere principes.
Verum ipse (ut fatear quæ mea opinio
De te, quidq; alij iudicio bono
Dicant) solus es ille Aulicus, Anglia
Sola talem habet Aulicum,
Qualem Castilio præcipit. hanc tibi
Si hunc posset remeare, ipsemet integram
Laudem ascriberet, ac præcipuum locum &
Palmam inter reliquos daret.

Ad

Ad Thomam Randolphum.

ET si hac mole mea tecum Randolphe venire
 Quò tendis nequeo, mente, animoq³ sequar.
 Mente sequar, quocunq³ ibis, nec me iuga montis
 Nec minus impedient aequora longa maris.
 Quòcunq³ ipse ibis, ueniam, comitabor, eroq³
 Prasens, ac tecum nocte, dieq³ sequar.
 Scilicet ingenui mores, probitasq³, fidesq³,
 Doctrina, ingenium, candor, & integritas;
 Ipse etiā tuus in me amor hoc Randolphe requirit,
 Postulat hoc vera munus amicitiae.
 Tu vera interea fausto pede, & omine dextro
 Scotia adi Regnum, & Regia tecta pete.
 Illic orator Regina missus ab Angla
 Latus obi officium dexteritate tua.
 Alteriusq³ animum uinclo connecte sororis,
 Constanti, ac firma perpetuaq³ fide.
 Scilicet ut quæ sunt duo corpora, quæq³ remotis
 Tot disiuncta locis, sint in amore simul.
 Sedulus id tu olim fecisti, sedulus idem
 Semper agis, semper fidus utrique manens.
 Macte itaque ingenio & vere Cyllenia proles,
 Perge tibi aeternum laude parare decus.

Ad

*Ad Franciscum Fatium
de sigillo.*

VINA mihi mittis pretiosa & digna, Tonanti
Quæ Ganimædæis tradita sint manibus.
Me vero quanquam gustus dulcedine febris
Orbavit, veniunt hæc mihi grata tamen.
Hæc etenim instaurant vires, mentemq³ relaxant,
Hæc Stomacho prosunt esuriemq³ cient.
Hæc animis curas pellunt, gressusq³ labantes
Firmant, his etiam redditur alma quies.
His uena, arteria, sanguis, iecur, hisq³ iuuatur
Cor, hepar, cerebrum, & quæ meminisse facit.
Singula quid referā? nulla est pars corporis, in qua
Non multum Liber conferat auxilij.
Ergo tibi grates, quas possum reddo, liquore
Qui mea tam dulci languida membra foues.

Ad Nicolaum Stopium.

ME quanquam Lycius Sacer
Nunquam tam placido lumine uiderit,
Ut vel Castalijs aquis
Dignatus fuerit, vel mea tempora
Lauro cingere; quos tamen
Dignatur, meritis semper honoribus
Amplector,

Poematum I

Amplector, colo, diligo,
Atque idem faciam dum mihi spiritus.
Ex horum numero es quidem
Unus, cui bene uult Delius, & fauet.
Ergo his nominibus meum est
Te semper colere ut uirum
Præstantem, & cui frons uiret
Daphne, quemq; sacra Pyerides amant.

Ad Philippum Basiadonam.

NUNQUAM (ut fama refert) olor
Cantat, ni Zephyri flatibus hunc suis
Spirantes recreent. ita
Ni Regum & procerum adsit placidus fauor
Lenisq; aura, nihil canent
Uates. plectra etiam & cum fidibus lyra
Squalenti obsita puluere
Mutescent, & erunt semper humi obruta.
Mecenas modo sit, Maro
Non deerit. tenera ut populeo indiget
Vitis prasidio, ut puer
Nutrice ut eum alat & foueat sinu;
Sic docta ingenia & bone
Artes auxilio principis. illius
Munus præcipuum quidem est
Has tutarier, & prouehere in suis
Regnis, ut uigeant. quid hoc

Est

Est præclarius? at exiguus fuit
Hic semper numerus viri
Talis. nunc etiam rarior & minor
Cum in peius ruere omnia
Cernantur. fateor esse aliquem. at quæ
Pars est præ reliquis modo
Qui curet studia & Cecropium decus?
Cui cordi Aonius Chorus?
Ecquis diuitias? quis titulos habet?
Quis magnis in honoribus?
Num docti atque probi? nil minus. ergo qui?
Longe his dissimiles. rudes,
Ignari ac stupidi, quiq; etiam improba
Vita & moribus undique
Infames. igitur quem iuuet amplius
Parnassi nemora & sequi
Colles difficiles? nectere quid caput
Myrto? Castalijs aquis
Quem hic os proluere? & quid toties Plato
Lectus? notio quid poli?
Quid cognoscere quot Climata, quæ omnium
Rerum causa ab origine
Prima ediscere? nil hac homini afferent
Laudis, nil tituli atque opis.
Quin magna hinc potius damna laboribus
Mixta ingentibus. utpote
Morbi & canicies ante diem, ipsaq;
Mors, quæ tarda alijs, ei

Semper

Poematum

*Semper præpropera est, quid memorem ut dies
Mira sollicitudine*

*Totus transigitur? nox etiam inquires?
Ut curæ vigiles, genis*

*Pallorq; assiduus? ergo agē quid lyra?
Quid testudo dabis caua?*

*Quid tu Melpomene? quid sophia? inquiunt
Multi. non nisi inania*

*Verba & plena dolis conspiciamus dari
A uobis. alia uia*

*Tentandum ut ueniant quæ cupimus. uides
Quam omnino hæc ratio efficax*

*Fortisq; ac ualida; ut suadeat & trahat
ures, idq; potissimum*

*Qui præsumunt uitio & crimine. nos tamen
Constantes animo simus*

*In rectis studijs. nec quid agant mali
Reges, atque alij, grauis*

*Sit cura, at potius quid facere ac sequi
Præstantem deceat uirum*

*Quem sola hunc moueat gloria. nam licet
Virtuti sua præmia*

Non dentur, tamen hæc est sibi præmium.

Ad Ioannē Gressopum Anglum.

*MILITIAM veteres iuste, sancteq; colebant,
Atque uti rem sacram sancte habuere diu.*

Hostem

Hostem appellabant peregrinum, ut lenior esset
Quisque in deuictum nomine, reges simul.
Quisque suis ducibus parebat, & ordine summo
Quisque ibat, proprii muneris usque memor.
Summa erat in bello recti observantia, & equi,
Summa fides hosti qua semel hoste data.
Regulus exemplo est magis ad crudele redire
Supplicium statuens, quam violare fidem.
Manlius exemplo est qui natum cade necari
Iussit, ut equali conditione foret.
Hac uero facies tam pulchra, & sancta prioris
Militiae paulò post uariata fuit.
Scilicet ut reliqua omnia sunt mutata, sic ipsa
Militia, & uerè nil nisi nomen habet.
Exiit antiquam formam, veteremque figuram,
Et nunc deformis qua modo pulchra fuit.
Monstrifera est oculis, vultuque & tota minaci
Fronte, ac terribili sanguinolenta manu.
Eumenides dicas ex ipsis faucibus orci
Misisse hanc pestem, ut perderet omne bonum.
O quoties minimas ob causas pectora Regum
Haec dira inflammant, & fera bella cient?
Nec sanè est illis maior, potiorque uoluptas,
Quàm uidisse odijs omnia plena malis.
Omnia consumi ferro, cade, igne, rapina,
Mortalesque simul vergere in omne nefas.
Hinc fit, quod miles fremit horridus ore cruento,
Nec scit stare loco, sed furit impatiens.

Etsi

Poematum

Et si pax coeat, uel sint inducia ad annum
Aut lustrū, heu quam illi hæc paruula lōga mora
Quamq; indignatur superis, blasphematur, eāq; (est?
Sublatam uellet protinus è medio.
Ritè igitur Gressope facis, quòd tam pie, & apte
Militis ostendis quale sit officium.
Quid facere hūc deceat, quò sit iustusq;, bonusq;,
Utq; Deo placeat quum sua tela gerit.
Cumque manu ualidus ferit atque interficit hostem,
Intrepidusq; animo per media arma ruit:
Vnde petenda sibi uictoria, & unde petendum
Auxilium, ut redeat tutus ab hoste domum.
Hæc ipse insigni eloquio & ratione petita
E sacris uerbis historiysq; doces.
Ergo tibi multum debent qui castra sequuntur,
Et quibus astriferi semita grata poli.

Ad Ricardum Leum Anglum.

SATVRNO dominante olim, tranquilla colebant
Ocia mortales, & genus omne boni.
Nulla erat ambitio, regnandi nulla cupido,
Auri nulla fames, nauita nullus erat.
Quisque suos fines in summa pace tenebat,
Hos ultra non plus amplificare studens.
Saturno at postquam successit Iuppiter, orbis
Mutari cœpit conditione sua.
Tertia postremo ætas, deinde hæc ultima uenit
Deterior.

*Deterior, cunctis, totaq; plena dolis.
Hinc bello inter sese homines cœpere cruento
Sœuire, hinc etiam plurima damna pati.
Hinc fas corruere, hinc leges, iustumq;, piumq;
Extingui, hinc cades, hinc genus omne mali.
Rex Regnum cupere alterius, multasq; parare
Insidias, illum ut sede sua eiciat.
Hinc factum est olim ut Medorū Regna perirent,
Et Græci Persis imperium arriperent.
Ipsa etiam uictrix Orientis Græcia uicta est,
Et quæ illam vicit, barbaræ vicit humus.
Quid mirum est igitur si Reges, oppida, & urbes
Præsidys firment, innumerisq; modis?
Utpote præualidis muris, fossisq; profundis,
Aggeribus, portis, turribus, atque vadis?
Nonnullis fateor, multum natura benigni
Auxilij tribuit commoditate loci.
Hoc tamen haud satis esset, ni ars humana doceret
Diuersas recta cum ratione vias.
Scilicet hæc monstrat quæ defendamur ab hoste,
Quaq; malum impendens effugiamus ope.
Hac sine, quot loca direpta, & spoliata iacerent,
Ferroq;, ac flammis diruta sepe forent?
Quanta foret strages, cades, effusio quanta
(Vt reliqua hic sileam) sanguinis innocui?
Horresco referens quid fiat tempore belli,
Si quam urbem inuadat hostis, eamq; capit.
Etsi autem natura situ Oceanoq; tuetur*

S

Pleura

Poematum

Plura loca, ingenti praesidioq; fouet,
Ars tamen inuenit quam plurima, quae irrita red-
Consilia hostili praemeditata manu. (dunt
Hæc portus firmos reddit, roburq; ministrat,
Et numero exiguo castra inimica fugat.
Hæc facit ut miles per mille pericula uitæ
Militiam intrepidus nocte, dieq; uelit.
Hæc facit ut ciuis tutus reddatur in urbe,
Et nauta effugiat saeva pericla maris.
Hæc docet agricolam committere semina terra,
Atque illum semper spæ iubet esse bona.
Hæc mercator opes sibi magnas colligit, hæcq;
Sustentat uitam pauper, alitq; suos.
Hæc seruat studia & uera uirtutis amantes
Protegit, ac tuto continet hospitio.
Hæc miseris affert solamen, denique sola est,
Quæ genus humanum sustinet incolume.
Ergo quis inuentas artes non laudet, & ipsos
Authores operum non super astra uehat?
Ex his unus ades Ricarde hic ex meliori
Præcipuaq; nota, quem Anglia iure colit.
Quis enim nouit, munimina quanta reperta
Sint isthic opera consilioq; tuo.
Viue igitur felix, & longum uiue per æuum.
Viuant BERVICI mœnia, stentq; diu.
Viuant, stentq; diu, quæque imperfecta uidentur,
Sint perfecta omni ex parte, breuiq;, rogo.
Imbribus hæc luno, æquoreis Neptunus ab undis,
Mars

*Mars bello, atque Deūm Maximus igne poli.
Ipsa dies etiam quæ cuncta hic soluit, edaci,
Præseruet senio, detq; saturnus opem.*

In Spinam.

*MATER sæpe solet sibi
Prorsus consimilem gignere filiam
Vultu & moribus. at Rosam
Quæ suauem generat, semper erit sua
Nata dissimilis. potens
Sic natura dedit principio ut foret.
Hec pulchra, & bene olens placet
Semper siue uiris, seu mulieribus.
Illa ut horrida, & hispida,
Contactuq; suo spicula sanguinem
Emittentia, proferens,
Cunctis displicet, & quisquis eam legit,
Ne obsit, sollicitus cauet.
Illam ergo, quoniam sic ferit, odimus;
Per se omnes, timidi suo
Ne tactu officiat: quæ uenit ex ea,
Cara est ut Veneri sacra,
Ut pergrata oculis, atque peratilis
Ad multa, ut redolens magis
Quàm flores reliqui, seu violas velis,
Aut candentia Lilia,
Sine in quem propria captus imagine*

S 2

Humanam

Poematum

Humanam effigiem exiit
 Narcissus, uel eum in quem Telamonius.
 Quocirca haec beneficia
 Quae flos tam egregius exhibet, impetrant,
 Ut matri licet horrida
 Parcamus, ueneremur, quoniam ex ea
 Talis filia prouenit.
 Inq; hortis uiridantibus
 Hanc propter sobolem, locum
 Demus praecipuum, ut praecipuum decus.
 Ex te Spina, aliud nihil
 Quam spina. es rigidis undique uepribus,
 Et spinosa, nocentia
 Figis quâ potes, & qui procul, hos quoque
 Pungis, nil amicitia,
 Nil candor valet, at vulnera quae tua
 Spina proueniunt, tibi
 Plus damni, quam alijs (crede mihi) afferent.
 Nam cui cognita erunt semel,
 Vitabit melius, teq; aliud nihil
 Quam spinam esse uidens, tuo
 Conspectu fugiet, & sine odoribus
 Cernens ac sine gratia,
 Dicet, spina uale segnis, & aspera,
 Nec te ullus colat in suis
 Hortis, at maneat vilis & hispida
 Semper, sitq; procul Venus
 A te, Nereides, ac puer arcifer.
 Dumetumq;

Dumetumq³ colat gelu,
 Et subitus teneant omnia niperæ,
 Nec te unquam aspiciat suo
 Is, qui orbem exhilarat lumine Delius.

In derisorem.

DERIDES cunctos, cunctis ridendus ubiq³
 Ipsemet, ac vulgi fabula nota diu.
 Vultus Therisæ similis, deformeq³ corpus,
 Deformes oculi, frons, caput, ora, genæ.
 Sardonicus risus, mores stultissimi, & ipsa
 Vita tibi infamis, plenaq³ dedecore.
 Dinitia nulla. quod si has fortuna dedisset,
 Quis te uno hic esset intolerabilior?
 Ergo qui meritò es cunctis ridendus, inani
 Perge hac stultitia sic placuisse tibi.

Ad Marium verde Rotum.

NUNQUAM parnasum potui cōscendere montē,
 Nunquam pieri sumere fontis aquas,
 Nunquam Phœbeæ circundare tempora lauro,
 Atque Aganippæa tangere plectra lyra.
 Contendi sanè, at medio me numina cursu
 Deferuere, pedem sicq³ miser retuli.
 Hoc te Pimplæides tali dignantur honore
 Dum tibi munifica dant sua dona manu.

Poematum

Hinc seu Romano eloquio, seu pangis Etrusco
Carmina, Meonio sunt ea digna sono.
Aneam, docti celebravit musa Maronis,
Perq³ illam toto cognitus orbe fuit.
Hunc tua musa Italis illustrem reddit in oris
Et voce Ausonia nunc sua bella canit:
Quantaq³ sit passus terraq³ mariq³ pericla
Dum futo Hesperiae littora amœna perit.
Quid referam ut Venetæ narres primordia gentis,
Euentus uarios, prælia, fata, decus?
Hæc ipse altisono modularis carmine, quali
Minciades olim Calliopea tuus.
Quod si uera foret Samij sententia, prorsus
In te huius manes nunc redisse putem.
Fallor, an est alius genius quem misit ab alto
Iuppiter, equali gloria, honore pari?
Quicumque is tandem, est cœlesti mente creatus,
Ut magno plenus numine, magna canat.
Hinc certe haud mirum si iam Latonia proles
Imponat capiti laurea ferta tuo.
Haud mirum si Thespiades Helicone recluso
Dent bibere Aonio Fonte, nihilq³ negent.
Quare age Pegaseo iam sydera tange uolatu,
Sublimiq³ feri vertice templa Deum.
Atque ibi perlustrans quibus immortale paratur
Hic, decus, astriferi pande secreta poli.
Quæq³ tua æolio meditata Poemate Clio,
E de, & Apollineo te quoque iunge choro.

Ad

Ad Cœliam . N.

FVLVVM aurum crines, nix uultus candida ab
 Mox ueniens cœlo, nigra supercilia; (alto
 Quæq; hebenū uincant, uel si quid pulchrius illo est
 Labra genæq; rosis purpureis similes.
 Ipsi oculi duo sydera queis uenit atque Cupido
 Transfigunt animos dum sua tela mouent.
 Corporis hæc dotes. at quis narrabit abunde
 Cecropias artes palladiumq; decus?
 Hæc tantum reliquis addunt splendoris, Apollo
 Quantum nocturno tempore syderibus.
 At quoniam sunt innumera, mea musa silere
 Mauult, quàm de illis pauca referre loquens.
 Scilicet Oceani quis possit dicere arenas?
 Quis conuexa poli sydera quando nitent?
 Ut uero cumulatæ forent hæc munera, Iuno
 Diuitias, claram progeniemq; dedit.
 Sed mihi (proh superi) quid prosunt ista, superbe
 Si me contemnis atque inimica fugis?
 En ipse ut rapidum noua cera liquefcit ad ignem,
 Consumor, uitæ & iam vigor omnis abit.
 Tu uero haud secus ac Phœbum Peneia uirgo,
 Fastidis penitus grataq; pœna tibi est.
 Alme puer Veneris, Veneris gratissima cura
 Cui pareat tellus, cui mare, cuiq; pclus;
 Plumbea tela in me iacito, uel cuspide eadem

S 4

Hans

Poematum

*Hanc ferias oro, ut ardeat igne pari.
Sic tibi sit gratus quisquis tua munera sentit.
Sicq³ tuum numen femina virq³ colat.*

Incerto autore.

CUM Venus intenso natum clamore uocaret,
Si quisquam in truijs errantem uidit Amorem,
Hic fugitiuus ait meus est. precium feret index,
Basiolum Veneris. quòd si ad me duxerit illum,
Non tantum dabo basiolū. plus hospes habebis.
Insignis puer est. en omnia percipe signa.
Non est candidulus, uerum ignē imitatur ocelli
Acres, flammeoli; mala mens, suauissima uerba.
Quod loquitur, non sentit. ei uox mellea, sed cum
Ira inflammatur, tum mens est aspera, fallax,
Fraudator, mendax. ludit crudele puellus.
Crispulus est, olli uertex faciesq³ proterua,
Exiguaq³ manus, procul autem spicula torquet.
Torquet ī ūbriferūq³ acherōta, et regna silentiū.
Membra quidem nudus, mentē uelatus, auisq³
More quatit pēnas, & nunc hos, nūc petit illos;
Sæpe uiri prensans præcordia, sæpe puella.
Arcū habet exiguū, sed et arcu īposta sagitta ē.
Parua sagitta quidem, sed cœlū fertur ad usq³.
Parua pharetra illi dependet, & aurea tergo.
Sūt et amari tūus calami, quibus ille proteruius
Me quoq³ sæpe ferit matrem. Sunt omnia seua,
Omnia

Omnia seq̃ ipsum multo quoque sauius angit.
Paruula fax illi, solem tamen urit & ipsum.
Illum si prendas, age ne miserare puellum.
Si flentem aspicias, mox ne fallare, caueto.
Sin arridebit, magis hinc time; basia si fors
Ferre uolet, fuge tu. sunt noxia basia in ipsis
Multa uenena labris, si fors ita dixerit, heus tu
Accipe, nepe tibi cuncta hæc mea largior arma:
Ne continget, caue fallacia munera Amoris:
Omnia quippe igni sunt infecta illius arma.

In laudem Scipionis Africani.

QVOD fueris bello prestans, prudensq̃, feroxq̃,
Quodq̃ triumpharis, oppida plura domans;
Id tibi cum multis Scipio commune: recusas
Dum uero id capere quod tibi sponte datur;
Hæc tua solius laus est, & gloria. sola hæc
Te dijs equalem perpetuumq̃ facit.

In laudem Iulij Cæsaris.

QVOD totū terrarū orbem tibi maxime Cæsar
Subdideris, magna est gloria, magnus honos.
Non tamen hic solus tuus est: Fortuna Ducesq̃
Qui tecum fuerant, iure aliquid repetunt.
Quod uero clemens fueris, tua gloria sola est,
Et sola hæc superis te facit esse parem.

In

Poematum

In laudem Pyrrhi Epyrotarum Regis.

INTER præcipuos Reges in Marte feroces
Pyrrhe vnus semper connumerandus eris.
Sæpe etenim bello atque armis tua cognita virtus
Dum sæpe hostili ex agmine victor abis.
Nil tamen aque orbi te illustrem reddidit, auro
Vt spreto miles redditus innocue.
Hoc tibi Romanos firmo deuinxit amore,
Hoc Regem, hoc genitum te arguit Æacide.

*Exemplum ad Reges super
Hannibale.*

IAM tua Roma erat, et totus quasi subditus orbis,
Ni obstasset blandis delitijs Capua.
Hinc capite exemplum Reges, hinc noscite fructus
Oci lethiferos, desidiemq; malam.

In Sardanapalum.

O CIA, desidies, luxus, tua sola voluptas,
Gloria delitijs, mars tibi turpis amor.
Hinc Regni uitaq; fuit iactura, perenne
De decus

Dedecus, hinc fama ac nominis interitus.
Ergo tuo exemplo admoniti Regesq³ Ducesq³
Virtutem uitis praposuisse uelint.

*In quendam Sardanapalicæ
vitæ sectatorem.*

TIGRIDIS in morem properas ad corporis illa
Commoda, quæ solus Sardanapalus amat.
Ast mores animi componere, nil tibi cura est.
Ocia mors tua sunt, & tibi semper erunt.

In impostorem.

FLOREM dextra gerit, laqueum fert leua malignum.
Lingua dolos neçtit, dat mala cauda necem.

Ad Alexandrum Citolinum.

NUNC Zephyro Boreas cedit, nunc pinguiæ præ
Gramina, nunc uario terra colore nitet. (tis
Nunc pictæ uolucres concentibus æthera complent,
Clarior & solito Phœbus ab axe micat.
Omnia nunc rident, syluæ ramiq³ uirescunt,
Arboribusq³ redit qui fuit ante decor.
Quis non rura modo urbi præferat, oppida uillis,
Magnificas ædes quæ minus arte valent?

Sunt

Poematum

Sunt certe innumeri quibus omnia sordida præter
 Urbes, ac nequeunt inde mouere pedem.
 Ast ego, ni uotis fortuna resisteret, illis
 Posthabitis, tantum rura mihi eligerem.
 Hæc olim veteres supremo habuere in honore,
 Isq; bonus vir erat qui bonus agricola.
 Hinc Prætor, Censor, Consul, Dictator & Augur,
 Hinc tituli & fasces præcipuumq; decus.
 Testes sunt Fabij, Pisones, Lentuli, ab agris
 Perducti Romam, ut libera iura darent.
 Hos neque regnandi nexabat dira libido,
 Nec cæcus lucri sollicitabat amor.
 Contenti, sibi quæ tellus bene culta ferebat,
 Vincebant Reges conditione sua.
 Ast ubi simplicitas & uitæ sobrius usus
 Desit, heu quæ orbi mox subiere mala.
 Tunc Epimetheus dolum reserauit: ab orco
 Tunc primum Eumenides exiliere foras.
 His hominum mentes uarijs affectibus actæ
 Nil nisi quæ pugnant cum ratione uolunt.
 Vig; illis ratio sublata est, sic quoq; demptum
 Robur, & illa prior corporis integritas.
 Scilicet ullus erit qui quot mortalibus ægri
 Eueniant morbi, connumerare queat?
 Ante quis Appuliæ dicet quot montibus errent
 Agni, quot uolucres æthere peruolitent.
 Equora quot pisces, quot sicco in littore arena,
 Quot fluctus uerset Euripus usque sonans.

At

*At quo nunc rapior? non hac mihi carminis huius
Materia, ut tractem hac uberiore modo.*

*Tu mihi materies tantum quem rura lociq;
Semoti oblectant, perpetuoq; placent.*

Illic populeo teneras fulcimine vites

Nectis, nuncq; piros inseris arboribus.

Nunc varijs ornas herbis & floribus hortum,

Nunc etiam irriguis das uegetentur aquis.

Nunc anibus laqueos & subdola retia tendis;

Nunc leporem atq; aprum gnaviter insequeris.

Hac tibi pro grato ac dulci oblectamine sumis,

Mollia quò vites ocia, sitq; labor.

At quiddam magis est quod te delectet, ab annis

Quodq; tibi primis discere cura fuit,

Pegaseum studium, ueteresq; nouiq; probati

Quos legis Authores, doctaq; scripta uirum.

Quinetiam interdum quæ alij laudentq; legantq;

Marte tuo scribis carmine, siue prosa.

Artibus his animum pascis, corpusq; labore

Exerces, nec te cura metusq; premit.

Fortunaq; tua contentus, nil cupis ultra:

Sic magnas Regum pectore uincis opes.

Nec tamen interea fidi doctiq; sodales

Desunt qui inuisant colloquijsq; inuent.

Urbem tunc tantum inuisis cum scilicet urget

Res aliqua, aut munus propter amicitie.

Protinus inde abiens repetis dulcissima ruris

Hospitia atque domus ocia amœna tuæ;

Cara

Poematum

*Cara statim occurrit coniux & cara paternos
Quæ referant mores pignora, quiq; genas.
Ecquæ igitur melior uita ratio'ue modus'ue?
Quæ hic homini melior conditio esse potest?
Etsi autem ruris statio gratissima semper,
Hoc tamen est anni tempore grata magis.
Vere etenim rident (ut dictum est) omnia, uere
Omnis ager floret, cunctaq; amabilia.
Me sane multa impediunt retinentq; uenire
Istuc ne possim, ac uiuere pro arbitrio.
O quàm hoc ex animo facerem, tecumq; quod ultra
Vita, transigerem, si modo fata darent. (est
Sed quid? uiuendū ut queo, nec mihi plura rogāda
A superis, quàm quæ tradere sponte uelint.
Interea istius tibi gratulor ocia uitæ,
Et precor ut faueant Numina cuncta poli.*

Ad Ioannem Iuellum Anglum.

*SIM longo spatio licet locorum
Disiunctus, licet annus atque lustra
Cursus perficiant suos, locorum
Non distantia, non dies peracti
Obstabunt, ne animo meo Iuelle
Præsens perpetuo sis. hoc merentur
Mores, hoc pietas, tuusq; candor,
Doctrina, ingenium, atque amor benignus
Quo me prosequeris, iuuas, fuesq;*

Ad

Ad Claudium Merulum.

COGNOMEN Merula iure tibi obtigit
Claudi, quandoquidem ut inter aues, auis
Hæc suauissima cantu, modulamine
Miro aures hominum afficit;
Sic tu melliflua uoce canens, tuo
Sic dulci sonitu, cum libet organa
Pulsare, aut generis alterius fides
Suauiter tangere barbito.
Dulcis colloquio, gratus, amabilis,
Dulcis moribus, & omnia dulcia
In te. iure igitur hoc Merula tibi
Cognomen superis datum.

In Fæsto Natalis Domini.

ECCE Natalem Domini reducit
Annuus cursus, redit ecce nobis
Alma lux albo & niueo notanda
Usque lapillo.
Hæc fuit nostra initium salutis,
Hæc mali finis, miseræq; sortis,
Quæ graui oppressos tenuit ruina, ob
Crimen Adami.
Nanque eramus propter id è supernis
Exules facti domibus, uagantes

Huc

Poematum

*Hūc & illūc, ac procul à quiete
& Sedeq₃ firma.*

*At Deus sola bonitate motus,
Filium, quo nil carius, & illum
Vnicum, misit, patriæ ut priori
Redderet olim.*

*Cumq₃, plusquam in Cimmeria iacentes
Nocte, nec Phœbi radios videre,
Nec minus, clausi poteramus atro
Carcere, per nos*

*Liberi exire, en Deus (o benigna
Munera, & semper celebranda) solus
Inde nos duxit, tribuitq₃ olympi
Cernere lumen.*

*Atque placari uoluit, resumens
Pristinum uultum, placidamq₃ frontem
Ceupater clemens, uoluitq₃ dici
Qualis & ante.*

*Hoc sacri Vates cecinere quondam
Spiritu afflati æthereo, Sibyllæ
Hoc decem, quæ ueridicio canebant
Ore futura.*

*Sed quis hoc credat, ratione quæ ue
Possit adduci ut putet esse natum
Qui fuit semper? potuisse obire
Vnde aliorum*

*Vita dependet? nihil est creati
Orbis hæc moles, nihil est profecto*

Quicquid

Quicquid humanis oculis uidetur

Præ orbe redempto.

Nulla uox unquam poterit referre,

Mens opus nulla hoc penetrare, & ipse

(Quod magis) cœtus etiam Angelorum hic

Mutus, & anceps.

Sed fide id tantum, atque animo supernæ

Gratiæ claris radijs nitenti

Noscimus, sola hæc uia, Dux, Magistra

Solaq; nutrix.

Mentis hæc nostræ tenebras repellit,

Erigit, firmat, solidatq; rebus

Nec non aduersis recreat, bonaq;

Spe iubet esse.

O dies ergo patribus cupita

Omnibus longum, sine qua salutem

Nemo sperabat, sine qua haud patebat

Ianua cœli;

Fauſta, solennis, celebrisq; semper

Hûc redi, & semper, quoties reuifis

Nos, ueni felix, & amica, sisq;

Sacra quotannis

In Fefto Diui Stephani.

SI olim inſigne aliquid pro vrbe Quiritium

Vel pro ciue aliquo factum erat, inclyti

Facti ut laude perenni

Eſſet clara memoria;

T

Chius

Poematum

Cuius pro merito debita premia
Dabantur, viridi huic tempora quernæ
Pro mercede corona
Cingebant. alyis comas
Solo ex gramine. multis caput aurea
Quorum in marte prior vinida gloria.
Quiq; ex hoste redibat
Victor, sed mediocria
Tantum gesserat, huic myrtea frons erat
Compensatio. qui maxima, publico
Lauri ex fronde dabatur
Sertum quod foret aureum.
At quæ ornat Stephanum laurea, nil habet
Prorsus consimile. Huic materies enim
Non aurum, atque virentes
Frondes, ceu reliquis, inest.
At res perpetua, quas neque mens potest
Quantumvis sapiens, multa q; nouerit,
Hic comprehendere, verbis
Nec quisquam valet assequi.
Hic ex martyribus præcipuus fuit
Et primus proprio sanguine qui fidem
Sinceram asseruit, dans
Exemplum venientibus.
Quod si pro patria qui occubuit sua,
Cunctis euehitur, qui decet hunc uehi
Qui pro relligione
Vera, proq; fide oppetit?

Si

*Si multis etiam dulce fuit mori
Pro natale solo, quàm innumeris erit
Longe dulcius, ut pro
Vita, & gloria opificis
Occumbant? noluit Regulus, & Cocles
Ac plerique alij, pro patria mori,
Exultimq; ferebant
Quoduis supplicium, quò ei
Prodesse. Fuit ingens numerus Patrum
Quos hic pura fides omnia perpeti
T tormenta, atque paratos
Crudelem impulit in necem.
Non blanda poterant illecebra, aut preces,
Illos flectere, non maxima munera,
Nec pœna genus ullum,
Ut vanos colerent Deos.
Hac constantia firma, hic animus necis
Contemptor fuit ardentior in noua
Lege, ex quo Deus alto
Natum misit ab aethere.
Ut primum hic moriens, morte sua genus
Humanum redimit, hosteq; mox humi
Strato, à morte resurgens,
In cœlum redijt, patrisque
Assistit lateri, corda fidelium
Inflammare suo spiritu & ignea
Vi cœpit, reserando
Cœlestis sapientia*

Poematum

*Thesauros niueæ sub specie alitis .
Hoc accensi animi , protinus omnia
Hæc mortalia spernunt
Et cœlestia cogitant .
Hic mentem Stephani accenderit , ut nihil
Quàm Christum saperet , nilq₃ aliud magis
Arderet , potiusq₃
Hunc nudum colere , ac frui
Vellet , quàm Attalicas diuitias , opesq₃
Augusti . intrepidus hunc animo , & fide
Inuicta esse fatetur
Messiam , unde redemptio , ex --
Pectanda in populis Israeliticis .
Amplecti hunc Solymas , hunc colere , hunc sacra
Diuinag₃ latria
Debere excipere , ac sequi .
Venit , venit (ait) quem ore Prophetico
Prædixere patres . frustra alium à Deo
Expectabitis . hic est ,
Hic certe est , (miki credite .)
Vidistis quam in eo oracula sint patrum
Completa omnia . quid queritis amplius ?
Ut miracula narrem ?
Ut signa edita proferam ?
Hæc sunt cognita vobis . oculis ea
Vidistis proprijs . ergo agite o viri
Iuda , quæ mora nunc uos
Tam longa implicitos tenet ?*

Qua

*Qua vos segnities? qua sapientia
Demens nunc retinet? linquite, linquite,
Atræ hæc nubila mentis,
Et tandem respiscite.
Cur duritia quæ detinuit patres
Vestros, illa eadem vos habet? an lates
Quàm seui atque rebelles?
Quàm sæpe innocuos, piosq;
Ac sanctos homines morte necauerint
Tantum ob ueridicam? heu heu sit satis hæcenus;
Iam deponite legis
Vestræ dogmata inania.
Sat longum fuimus sub veteri, & Mosi
Sat seruimus. En nunc alia est uia
Multo dignior, unde
Sit posthac homini salus.
His dictis, oculos figit in æthera
Clareq; intuitur claustra patentia
Cœli, atque aspicit illic
Sublime imperium Dei,
Quaque is cuncta replet, gloriam, & unicum
A dextris genitum assistere, & ecce ait
Fulgens limen olympi
Expansum video, ac Dei
Natum assistere dextra. at subito hi fremunt
Omnes dentibus, ac terribili sono
Vocis edito, & aure
Præclusa, furialiter*

Poematum I

*Magnoq; impetu in eum unanimes ruunt
Ac si agnam lupus, aut accipiter rapax
Inuadat volucrum. & mox
Extra urbem eijciunt, dein
Turmatim iaciunt saxa in eum, & feris
Densorum lapidum, grandinis in modum
Quae in corpus iuuenile cadebant,
Immissa, ictibus obruunt.
Hoc immane genus supplicij, hanc necem
Imperfracto animi robore pertulit
Vir sanctissimus, atque
Deflexis genibus, tenensq;
In caelum faciem, fixaq; lumina,
Hanc (dixit) animam suscipe tu Deus
Seruator meus, hisq;, hanc
Noxam ne (precor) imputes.
Hac dicens, obijt latior hac nece
Quam olim vel Marius, vel Scipio, dabat
Quando his Roma triumphum,
Essent, atque beator.
Sed te quis poterit carmine debito
Efferre? Aonides quae satis, ut tua
Narrent inclita gesta?
Quae Phoebi cythara & fides?
Sunt, sunt Diue tuis omnia laudibus
Prorsus imparia. ergo mea hic file
Clio, & grandia, quaeq;
Vires exuperant, fuge.*

In

In obitum Caroli V. Imp.

PLVS ultra semper dixisti Carole, donec
Venisti tandem quã nequis ulterius.
Ergo ubi te Antipodes, ubi totus nosceret orbis,
Et celebri fama iam super astra fores;
Hic mea sit (dixti) requies, hic meta laborum.
Si ulterius possem, non tamen ire velim.

*In obitum Henrici secundi
Galliarum Regis.*

IAM tua Gradiuo par virtus. ille repletus
Inuidia, bellinum Deus alter erit?
Hec ait, & subito Lachesis, patremq; rogauit,
Ne sibi militia praeiperetur honos.
Annuit optatis genitor, verum altera dixit,
Sera nimis tua sunt vota, nihilq; facis.
Nam Henrici virtus & bellica gloria, si non
Est maior, saltem par, similisq; tua.
Ergo licet Iouis imperio desistat ab armis,
Rerum gestarum fama perennis erit.

Poematum

*In mortem Eduardi V I.
Regis Angliæ.*

HEU quantus dolor est Anglis, heu quanta reli-
Materies luctus, dum tua fata videt. (Eta
Quis Regum tanta unquā spe? cui tot bona Divis
Tradita? sed quā isthac evanuerē breui?
Hec gravis omnino et magna est iactura Britānis,
At nisi succurrant numina, maior erit.

*In obitum Matthiæ Regis
Hungariæ.*

QVI toties Turcam victor prostrauerat hostem,
Horribili tandem concidit ense necis.
Inclyta sed laus & tantarum gloria rerum
Quas gessit, nullo est interitura die.

*In mortem Eduardi Curt-
næi Angli.*

DVM Iuno & Pallas Regali ornare corona
CURTNAEVM, & Regem constituisse parant;
Iuppiter haudquaquam assensus, mortalia dixit
Huius sunt meritis inferiora viri.

Ergo

Ergo illi cælum pro terra demus, in omne
Ævum ut nobiscum regnet in arce poli.

*In obitum Francisci Davali
Marchionis Pischaria L.*

Aziosus:

QVIS gelido iacet hic sub marmore? Maximus
Piscator, belli gloria, pacis honor. (ille
Nunquid et hic pisces cæpi? Non. Ergo quid? Vr-
Magnanimos Reges, oppida, Regna, Duces. (bes,
Dic quibus hæc cæpit piscator retibus? alio
Consilio, intrepido corde, alacriq; manu.
Qui tantû rapuere Ducem? Duo nomina. Mars,
Ut raperet, quis nam cõpulit? Invidia. (Mors.
Cui nocuere? sibi. vivit nam fama superstes
Quæ Martem ac mortem vincit et Invidiam.

*In obitum Iohanna Seme-
ræ Angliæ.*

IMPATIENS formæ vinci, vultuq; Seme-
ra, Sic humili est Lachesis ore precatæ Venus.
Si me aliquid censes pro te potuisse, vel olim
Posse, hæc ut vivat, ne patiari, rogo.
Illa statim assensa est precibus, filumq; puella
Abscidit. Fato sic cadit ante diem.
Crudelis Lachesis, crudelia fata Deorum.
Sed tamen hos vincit impietate Venus.

Ia

Poematum .I

In obitum Margaretæ Bedfordiensis.

NULLA est Oceano, nulla est Tellure coruscans
Gemma, æque ut fueras splendida luce tua.
In te nobilitas; pulchritudo, elegantia vultus,
Et faciles mores, ingeniumque sagax.
In te lucebant probitas, pietasque, pudorque,
Coniugij, et prudens consilium, atque fides.
Ergo ut splendeas cunctis virtutibus orbi,
Mortua sic inter sydera clara nites.

In obitum Lauræ Quirinæ.

VNA fuit geminis facies, mens una Quirinis,
Et nihil excepto nomine dispar erat.
Has prece Innonis, partu fatalia scindens
Stamina, dissecuit ex utroque una soror.
Mox seipsam incusans, conata est iungere rursus
Quas modo disiunxit, nec sibi posse datum.
Tum subito laniata genas, laniata capillos,
Albino quam (inquit) hanc periisse doles.

In obitum Claræ Capellæ.

Ut primū Clara exticta est, Venus (inquit) Amori,
Quid tibi iam prosunt arcus, et arma puer?
Id

Id verum cernens fregit sua tela Cupido,
 Et stetit exanimis, ingemuitq; dolens.
 Mox tumulo accurrens, sese inclusisset in illum,
 Ni Venus obstasset, cum prece, tumq; minis.
 Postquam aliud nequit, Assyrios diffundit odores,
 Et varijs mæstam floribus ornat humum.

In obitum Vinciguerræ Collalti.

MORTE tua luget Collaltum, luget Apollo,
 Pallas, Mercurius, Pieridesq; sacra.
 Ipsa etiam Venus indoluit, pueroq; pharetra
 Deposita, madidas uidit in ore genas.

In obitum Nicolai à Turri.

MARTIS alūnus eras, et Palladis, ille trophæa
 Ex hoste, hac mentem, consiliumq; dabat.
 Ambo lanificas pro te ora uere sorores,
 At frustra. Nulli parcere fata volunt.

In mortem Antonij Dennei.

DENNIVS occubuit. sparsis plorate capillis
 Musæ, ac discissa veste ululate diu.
 Dennius occubuit. cytharam permutet Apollo,
 Et merens, tristi carmina voce canat.
 Dennius occubuit. magno es viduata parente
 Anglia,

Poematum

Anglia, & idcirco iusta quærela tua est.
 Dennius occubuit. periit splendorq̃, decusq̃
 Palladis, & fautor maximus ingenij.
 Dennius occubuit. periit quem Henricus amavit
 Ex animo, & laudans semper ad astra tulit.
 Dennius occubuit. periit fidissimus omni
 Tempore dum vixit o Eduarde tibi.
 Dennius occubuit. quis iam hoc moriēte, putabit
 Se æternum, aut unquam vivere posse diu?
 Dennius occubuit. cur me nunc fata reseruant?
 Quid moror hic, postquam Dennius occubuit?

In obitum Nicolai, & An- dræ Tremani.

Ut geminos nasci voluit natura Tremanos
 Quæis idem vultus, os, humeriq̃, forent;
 Sic dedit ingenium, mores, animumq̃, per omne
 Consimilem, & stabili mutua corda fide.
 Idem velle fuit, fuit idem nolle. Quid ultra?
 Corpora erant duo, sed spiritus unus erat.
 Ambo pro patria occubuerunt. Hic ense cruento
 Hostibus in medijs dum ferit, intrepidus.
 Alter, dum fratrem ulcisci cupit, ecce repente
 Ignito globulo saucius interijt.
 Qui unanimis igitur vixere, fuereq̃, eodem
 Vultu, æquum est unus contegat ossa lapis.

Pro

Pro iisdem.

QVI gemini fuerant & qui vno vultu, animoq;
Pro patria extinctos nunc lapis unus habet.

In mortem Ricardi Lei Angli.

CVM nulla hic Laus firma, et secura uideret
Mœnia mortali constabili manu:
Experiar (dixit) num cœli mœnia firma
Sint magis. Ætherei mox petu astra poli.
Singula miratus vidit quam nullus esset
Ponderis humana quicquid ab arte venit.
Ergo ualete arces, portusq; ac mœnia, tutum
Nunc mihi presidium, nunc mihi firma salus.

In obitum Camilli Truifani.

THREICIVS vates cantu placauerat olim
Inferni Regem, ut redderet Euridicen.
Dulcibus alloquijs poterat sic flectere Parcas,
Ni febri arsisset lingua Camille tibi.
Consulto id factum, ne quid loquerere, sed ecce
Nunc omnis de te sermo per ora virum.

In

Poematum

In Matris obitum.

DUM tibi vita fuit, Mater, letissimus ipse
Vivebam, & viuo nil mihi triste fuit.
Dum moreris, tecum morior, tecumq; relinquo
Vitam, nec sine te dulce mihi est aliquid.
Quando erit illa dies, qua tandem hac mole soluta
Corporis, in cœlum mens mea perueniet?
Quando iterum viuas audire, ac reddere voces,
Et dabitur vita liberiore frui?
Sed quid ego interea? ferro'ne abrumpere vitam
Conabor viuens? dij meliora precor.
Quidnam igitur faciam? discā bene viuere viuus,
Vt bene quum moriar, mors mihi vita fiet.

Precatio ad Deum Patrem.

UT nauta equoreis undis agitat^{us}, in astrum
Unde sibi auxilium, lumina fixa tenet;
Sic ego dum varijs agor undiq; fluctibus, atque
Huc illuc rapior virabieq; noti;
In te solum habeo spes omnes. Lumina fixa
In te. Tu solus anchora, uita; salus.
Ergo tuo auxilio tantis Deus alme procellis
Ereptus, portum da precor, ingrediar.
Ingressus, laudesq; tuas numenq; verendum
Perpetuo psallam uoce animoq; colam.

Precatio ad Filium.

NATE Deo, Deus ipse etiam de virgine pura

Factus homo, eterni viuida imago patris.
 Illa eadem pietas quæ te commouit ab alto,
 Nunc etiam moueat, & miserere precor.
 Quisquis Iudaici populi intuebatur abenum
 Serpentem, ex omni vulnere sanus erat,
 Quanto id cōmodius per te assequar, unde dabatur
 Vis tanta, unde salus, & medicina fuit?
 Ille umbra, & signum veri Chironis, & omnem
 Tollentis plagam, lethiferumq; malum.
 Tu solus Chiro es, tu solus vulnera curas,
 Tu solus morbis languida membra leuas.
 Deniq; tu solus vitæ reparator, & author,
 Fonsq; unde emanat quicquid in orbe boni est.
 Ergo adsis misero, atque ulcus, quo saucius ager
 Hic iaceo, sana, propitiussq; veni.

Ad Spiritum Sanctum.

Vt noua cū Dominus fabricasset corpora mundi
 Illa Dei fuit Spiritus igne suo;
 Facundosq; dedit rebus nascentibus auctus,
 Cuncta sua reddens plena vigoris ope;
 Sic miseris duro solatia tempore præstes,
 Sic foueas cæcis Spiritus alme pios.
 Te ponat quæculos Ecclesia præside luctus,
 Numine curarum mole soluta tuo.
 Oppressaq; malis, fessaq; sensibus annis

Afflatu

Poematum

Afflatu recrea languida membra tuo.
Discute sollicitos terrores, suffice vires,
Corda sinas cæca noctis habere nihil.
Adsit amans veri studium, probitasq̃, fidesq̃
Æthereæ per quam sedis adimus iter.
Omnipotensq̃ tuæ firmet nos halitus aura,
Solamen cunctis, hoste furente, malis.
Erige tu pauidos, & opis cœlestis egentes,
Sicut avis plumis mollibus oua, tege.
Tu requies animi, tuus omnia temperat ardor,
Muneris est quicquid spirat ubique tui.
Tu moderaris opus triplicis mirabile mundi
Eternamq̃, doces cuncta tenere fidem.
Aeris & liquidos tractus, cœliq̃, meatus
Quicquid & in toto nascitur orbe, foves.
Vis tua præcipiti magnum vertigine cœlum
Non intermissis cursibus, ire facit.
Tu regis obliquo contra surgentia nixu,
Omnia quæ certis legibus astra micant.
Quæq̃, suos peragunt clarissima lumina motus;
Te sine sol fixis, lunaq̃, staret equis.
Vis tua felices viridanti gramine colles
Vestit, & innumeris floribus ornat humum.
Tu patulos mulces fœcundo flamine campos,
Ut grauibus onerent frugibus arua sinus.
Aspice sic miseros, sic consolare iacentes,
Rore salutifero Spiritus alme iuua.
Pectora te flammis agitante beata calefant,
Sitq̃

*Sitq; Deus, soli cui placuisse uelint.
Nec sacro auertant nos uerba minacia verbo.
Auxilio cedat mors quoque victa tuo.
Ut, fragilis summa cum luce reliquerit artus,
Viuat in eterna Spiritus arce Domus.*

Q V O R V N D A M
E P I G R A M M A T A,

In laudem Elisabethæ Serenissimæ
Angliæ Reginae.

*Benedictus Manzolius
Mutinensis.*

IAM Venus ad flauos diuertit blanda Britannos
Virginea ut firmet sceptrâ recepta manu.
Atque ibi Regina struit haud steriles Hymeneos,
Assidua gentis sollicitata prece.
Interea emeriti, quibus, est Dea uecta, beatum
Dât Cycni ad Thamesim gutture dulce melos.
Euehitur cantu ad Cælum Regina per auras,
Et resonat liquidis Elisabeta vadis.
Quid uobis Cycni felicius, etheriam qui
Pennis, mortalem tollitis ore Deam?

U Alexander

Poematum

Alexander Rocius Chius.

NON tibi sorte datum terra regnare Britanna
Nec fortuna suo detulit arbitrio.
Consilio ast Diuūm (virtus ne tanta lateret)
Dys soror ascita est, tuq; sua scepra tenes.

Cæsar urbinas.

SI forſam Regina tuam quis spectet, olympo
Iurabit Paphiam desiluisse Deam:
Perlustrēt miras animo si pectoris arteis,
Te ducet Diuūm Pallada Rege satam:
Si vero incessum aspiciat, numenq; verendum,
Non Iouis est, dicet, dignior vlla thoro.
Hinc te diuino dignantur honore Britanni,
Et ponunt iussis aspera corda iuis.

Paulus Thausignanus.

NUNC gemina Veneres, musa bis quinq;, Diana
Sunt gemina, pulchra quatuor & Carites.
Aurea nam terris Venus est Isabetha Britanna,
Musa, Diana nitens, & sine labe Caris.

Paulus

Paulus Ursulinus.

EGREGIAS Regina tuas si carmine dotes
 Complecti studeam, carmina nulla satis:
 Nam prius immensi fulgentia sidera cœli,
 Et ualeam fluctus enumerare maris.
 Quippe animi excelsi claris uirtutibus omnes
 Romanas uincis, Cecropiasq; Nurus.
 Singula ne referam, cœlo delapsa uideris,
 Esses ut uita maxima norma pie.
 Accipe nunc igitur studio commissa tuorum
 Sceptra tibi, & populos dirige rite tuos.

Camillus Melchior Mutinensis
 I 3. annorum adolescens.

Quas partes tenet orbis nunc Venus, atq; Minerva?
 An ne illas, ubi Phœbus nondum euectus ab
 Crines Auroram roseos emittit amictam? (undis
 An nitidis ubi sol raptim delapsus ab astris
 In diua amplexum decurrit Thetidos alnum?
 An celsas ubi stringens ripas, atque tumentes
 Torquens flexus & stipata flauus arena,
 Ingentes uoluit lapides celeberrimus Ister,
 Durosq; exit linquens pleno flumine montes,
 Qui illum prærupti undiq; cingunt atq; coronant?
 U Atque

Poematum

Atque ubi semper spirat luctans frigora uentus,
Et glaciem in densam torrentia flumina uertit,
Quamq; timēs Aethō spargens ē faucibus ignem,
Nunquam illō uoluit radiantem uertere currum?
An tenet illas sedes, quas niger incolit Afer,
Ac ubi terra sitim querit restinguere riuo,
Ve lato sua pingua compleat ubera Baccho,
Cum longe flagrantibus ardeat arida flammis,
Atque cauis gens fessa reponit membra latebris,
Perpetuaq; uiget radijs ardentibus aëtas?
Ingremium Elisabethæ, quod uirtus colit omnis,
Unā migrarunt, & ubi iacet almus Apollo,
Et quò linquentes Parnasum inere Camanæ.

Iulius de Rubeis.

QVAM referunt prodisse Iouis de uertice summo
Dum fletet sterilis coniugis opprobrium;
Pallada Tritoniam nuper meruere Britanni,
Quam sibi sat uigilem constituere Ducem.
Pierio Elisabetha choro noua digna minerua
Quam sic certatim carmine ad astra ferunt.
Hæc sic consilio, sic rerum praualet usu.
Sic dulci eloquio, sic pietate uiget,
Quòd nos palladijs cingentes compita lustris
Possumus accinere hic, quod breue carmen ha-
Altera Tritonia est penes Elisabetha Britānos (bet
Quam superi obseruent concelebrentq; uri.

Hæc

*Hac est cui certent uiulas fecisse minores,
Hac est, cui statuent pegmata, templa, focos.
Hac est una senis uiuat qua Nestoris annos,
Et uiuat felix secula Amadriadum.*

Incerto Authore.

*COELESTIS planta est cui dat Clemētia nomē.
Huius radices aethera uersus eunt.
Humano cultu non indiget alma propago
Ut qua diuino culta sit ingenio.
Nec licet hanc ferro tangi duroq; metallo,
Sive auro, cum sit aureus ipse color.
Hanc homines tamen ut merito venerētur honore,
Huc lati asportent munera sacra Deūm.
Scilicet hic ebur, hic cedrus, viridisq; cupressus
Adsit, odore suo quicquid & Indus habet.
His plantam triplex rerum natura coronat
Qua uiuunt, vegetant & fodiuntur humo.
Lazule terrenis qui misces cœlica dona,
Fer regale decus tegmine cœruleo.
His decet atherca famulemur ut omnia planta
Quicquid terra tenet, quicquid & orbis habet.
Ergo ne planta percat tam sacra propago,
Fac populo scindi surculus inde queat.*

Incerto

Poematum

Incerto Authore.

I AM fuluos Regina potes frenare leones,
Et potes auricomas subdere Hamadriadas.
Nam tibi plena rosis referunt pro merce canistra,
Punicaq; idais mala refixa iugis.
Quin etiam referunt extremis lilia terris,
Lilia virgineis iure adhibenda comis.
Nec minus Aonides, quamuis pia numina surgant
Semper in aduersos difficilesq; modos;
Nunc tamē & numeris, & eburno pectine cedunt,
Et tibi perpetuo murmure colla dabunt.
Ergo quid o sacris musarum Pegase ludis
Attollis fastu Bellerophontis, equos?
Non ne tuis immista Deis Regina Britannos
Commouet, & sceptrum laudibus accumulat?
Hinc quicunque pias manifesto in lumine tēdas
Præferet, Eois fulget & ipse choris,
Ac blandos cultus, blandos sectatus amores,
Edita seruabit carmina temporibus.
Tum subito Arcturus rabida detrusus ab vrsa,
Atque Hyades meste lumina destituent.
Sol quoque nequicquam raseas agitare quadrigas
Tentabit curuo tramite ab axe poli.
Quod si forte suas violarint numina leges,
Nimirum aethereo vertice signa ferent.
Sic mare, sic terras, sic ipsa Britannia cælum
Vincet

*Vincet, & aquabit gaudia syderibus.
 Tu vero accipias tandem Regina triumphos,
 Et rege felici sceptrum paterna manu.
 Hinc omnis populus dudum miratus honores
 Dicet, Io virgo, candida virgo regas.*

ERRATA CORRIGENDA.

Pag. 2. num. 28. incommodis, commodis. 117. pag.
 2. quæ Dianam committantur, quæ Diuam. 126.
 pag. 2. Bellerophonte, Bellerophonta. 127. pag. 1.
 in urb, urbem, null, nulla. 138. pag. 2. & spinosus,
 aculeos, & spinosa, nocentia. 113. pag. 1. min-
 taur, minatur. 134. pag. 2. Bassiadona, Bassadona.
 150. pag. 1. nequid, nequit. 149. pag. 1. Angliæ.
 Angla.

Græcum epigramma sic corrigito. 3. uersu.

Ἡ γὰρ δὴ νήσοις ἐν Ἀλκεφρέεσι βρεταννίς
 Ἰμερτὶ, mutetur in Ἰμερτὴ. in quinto uersu αὐτὴν,
 αὐτὴν, in octauo πάσει, πάσαισιν. in decimo, μί-
 ζην, mutetur (si placeat) in, σκῆπτρον.

F I N I S.

Liber II

Præterea, & admodum gaudia spectanda.
Tunc accipiamus tandem, & regis virescentis.
Ergo, si huiusmodi, & per omnia seculum.
Tunc, & populus, & omnia, & omnia, & omnia.
Dicit, & omnia, & omnia, & omnia, & omnia.

ERRATA CORRIGENDA.


pag. 1. ann. 28. incommo. 17. pag.
2. pag. 1. incommo. 17. pag.
3. pag. 1. incommo. 17. pag.
4. pag. 1. incommo. 17. pag.
5. pag. 1. incommo. 17. pag.
6. pag. 1. incommo. 17. pag.
7. pag. 1. incommo. 17. pag.
8. pag. 1. incommo. 17. pag.
9. pag. 1. incommo. 17. pag.
10. pag. 1. incommo. 17. pag.



005532994

(2)
IOANNIS CAESARII
CONSENTINI

ORATIONVM ET POEMATVM
LIBER SECVNDVS.



R O M A E.
Ex Officina Vincentii Lucchini.
M D L X V.

I O. C A E S A R I V S

Iulio Mancio Pophano,

S. D.

V M abhinc multos annos te familiari-
C ter norim, & ingenium tuum bonis arti-
bus deditū semper sim admiratus nedum
laudauerim, vt aliquod meæ in te beneuolentiæ
argumentum extet, volui hasce duas orationes
nondum editas ad te mittere, eo consilio, vt in tuo
nomine primum appareant, & ex ijs facile cogno-
scas, quantum ego suscipiam laborem, vt in scri-
bendo magis ac magis proficiā, tum vt mihi ipsi
satisfaciam, tum vt illis prosim iuuenibus, qui
mea scripta libenti animo percurrunt. Deus testis
est Iuli Ornatissime quantum publicæ vtilitati stu-
dere cupiam, Sed perditī mores hominum, qui mi-
hi gloriolam summo labore partā inuident, & ma-
leuolentia suffusi me sunt acriter insectati, faciunt,
vt posthac aliud inire consiliū & intra paucos
annos in patriam reuerti constituam, qua per tri-
ginta fere annos carui, non sine maximo animi do-
lore, Sed quocumq; me fata trahent, numquam
potero tui obliuisci, qui tua doctrina tuæq; vitæ
integritate, ita mihi hæres in visceribus, vt te lo-
co fratris Germani habeam. Vale.

IO. CAESARII.

λόγος παραινετικός.



MORTALES eo
Dei cōsilio nati sunt,
ut, dum in terris vi-
tam agunt, non pi-
gri-tiae se dedant, sed
constanter secundum
officij & honestatis
legem viuentes labo-
rem pro virium fa-

cultate suscipiant, & vel corpus vel animum in
re aliqua laudabili frequenter exerceant. Sic enim
virtus, quam pie sancteq; optimus quisq; colere
studet, suo loco non defraudatur. Artes, quæ qui-
dem variæ sunt inuentæ pro varijs reipublicæ com-
modis, vigent, hominum societas, quæ naturæ im-
pulsu est instituta, sine labe conseruatur, & benefi-
cia, quæ dari & accipi vltro citroq; debent, num-
quam sane deficiunt. Præterea qui non dat se tur-
pi otio corrūpendum, nec sinit se blandis volupta-
tibus irretiri, quarum cupiditatem gignit inertia,
crebro ad cælum oculos erigit, diuina contempla-
tur, in officij religione se continet, & hæc humana
despiciens, quæ tamquam folia certis temporibus

arescunt,

IO. CAESARII

arescunt, in tuto consistit, ut e vita migrans ad
 caeleste domicilium euolet, ubi sempiterna inter Di
 uos felicitate perfruatur. Hæc omnia mecum ani
 mo cogitans, quamuis ætatem meam iam ingra
 uescere sentiam, & quietem exoptare sine vitio
 possem, tamen ut mihi constare videar, & per
 eandem semitam numquam pedem referens pergā
 cursum conficere, quod reliquum est vitæ, in hoc
 studiorum & laborum genere præsentī animo tra
 ducam, & illos, qui me audient, effusis viribus
 quantulæcumq; a natura mihi datæ & artis acces
 sione adauctæ sunt enitar adiuuare, nihil .n. ma
 gis vna omniū uoce laudatur, nihil est quod sapien
 tibus & ipsi Deo, qui cunctarum rerū est arbiter,
 magis acceptum esse possit, quam in hanc rem om
 ne studium omnemq; operam conferre, ut ij, qui
 nobis confidunt nostroq; indigent auxilio, se nostra
 solertia sentiant subleuatos & præclaris munerī
 bus affectos, quod autem præclarius quod præstabi
 lius excogitari munus possit, quam litterarum co
 gnitio, equidem non inuenio. Proinde ut vobis
 currentibus adhibeam calcaria, huc enim omnis
 meus pertinebit sermo, finite me de hac cognitio
 ne studiosè comparanda breuiter aliquid dicere, et
 quid præcipue nobis obsit, ne bonum tam præcla
 rum consequamur, paucis comprehendere, nam
 quæ ad singulas litterarum laudes attinent, mul
 tis orationibus a me publice habitis et abhinc triē
 nium editis perstrinxi, ad illas vos reijcio, nunc

alia quædam leuiter attingam, aduertite quæso
 animos. Doctrina facit Auditores, vt homines,
 qui naturæ instinctu perfectionem desiderant, ve-
 re perficiantur, ac tantum fere sint imperitis præ-
 ferendi, quantum veri homines (vt aiunt) pi-
 eturis ceterisq; simulacris, litterarū rudes et igna-
 ri tantum sciunt, quantum simplex edocet natura,
 quæ nisi magistra limetur arte atque absoluitur,
 multis in rebus profecto rudis vel manca & muti-
 la cognoscitur. Cogitate præteriti temporis spatiū
 & quæ olim laudabiliter acta sunt in memoriam
 redigite, sic facile intelligetis, quam vberes quā
 iucundi ex Doctrina fructus percipiantur. Hæc
 omnem vitam instituit, omnes disponit actiones,
 verus enim animi corporisq; cultus ignoratur hu-
 manarum diuinarumq; rerum inscitia, siqua nos
 urget necessitas, si quid periculi procreatur, cum
 rationes & exempla non subeunt, quæ in vetustis
 leguntur monumentis, certum iniri consilium non
 potest, Mens huc & illuc vagatur, nec umquam
 requiescit: seu publice seu priuatim quippiam sit
 agendum, nihil umquam præclari fiet, nisi ab ijs,
 qui iam inde a pueritia, vel multa didicerūt vel
 longo rerū usu multa sunt periclitati. Sed si quæ
 docet experientia temporum progressu, breui sciri
 poterunt doctorum virorum scripta percurrando,
 nonne dementis est, hanc rei bene gerendæ occa-
 sionem non arripere? Omnes fere illi Quirites,

10. CAESARII

quiverum gestarum gloria sunt immortalitatē ade-
 pti, præter alia vitæ ornamenta, litterarum stu-
 dijs floruerunt, & quæ ab antiquissimis auctori-
 bus didicere, ex umbraculis ad solem veniētes exe-
 qui conati sunt, nec simplicis fuerunt naturæ viri
 bus confisi. Scipio, Lucullus, Sylla, Cæsar, Pom-
 peius, & alij, quos multum veteres commenda-
 runt, & Posteritas admirata est, abineunte æta-
 te se præceptoribus informādos dederunt, vt Chi-
 roni Achilles, ac per spinosam & difficilem vir-
 tutis viam iter habentes eo demum peruenere, vbi
 exoptatas fruges colligerent, & quæ per totum vi-
 tæ curriculum necessaria forent nō sine prudentiæ
 laude sibi cōseruarent. accesserūt postea ad remp.
 ita consilijs muniti, ita occultis armis instructi,
 vt quidquid aggredierentur, maxima cum nomi-
 nis celebritate perficerent, rerum causas & pro-
 gressus non ignorabant, & cuncta tamquam diui-
 nitatis participes intelligebant. vnde hoc? ex mul-
 tiplaci rerum notitia, quam Doctōribus operam
 dando, Priscorum scripta diligenter euoluendo, et
 quæ vsui esse possent memoriæ mandando sunt cō-
 secuti, prauis affectibus modum adhibebant, ad
 veram laudem virtutis via grassabantur, & hæc
 infirma & titubantia, quæ sic ardentier imperita
 multitudo persequitur, firma & stabilia quærentes
 contemnebant. Nonne accepistis nonnullos etiam
 apud Græcos extitisse, qui licet multis essent aucti
 a fortu-

a fortuna muneribus & diuitijs affluerent, quid-
quid fuerat a parentibus abunde relictum respue-
runt, ac tamquam res, quæ animo sublimia peten-
ti uehementer obstarent, abiecerunt, & discipli-
næ perdiscendæ desiderio varios locorū situs per-
lustrarunt variaque hominum ingenia sunt exper-
ti, ut vere diuites et opulenti domum suā aliquot
post annis reuerterentur, illos enim vere diuites et
opulentos appello, qui bona Doctrinæ immortalia
sunt assecuti, bona inquam, quæ neq; incendium
neq; naufragium extimescunt, quæ Tyranni vir-
tutis hostes auferre numquam possunt, quæ Bian-
tem se in fugam conijcientem sunt fideliter secuta,
quæ Aristippum a fluctibus in desertum litus eie-
ctum & denudatum conseruarunt & induerunt:
nolo tamen hoc a me dictum existimetis, ut quæ
nobis nostræq; familiæ sunt necessaria quæri non
debeant, nam sine controuersia paranda sunt ea,
quæ vitæ usus postulat, nec sperandum est nos
uirgula (ut aiunt) diuina esse victuros, certoq;
scio extremam paupertatem onus esse grauissimū,
quæ multos coegit rem honeste inchoatam relin-
quere, & ab itinere, quod cum laude haberi cœ-
perat, multos reuocauit, sed in illos conuitia con-
gero, in illos acerbitalis virus euomo, qui quam-
uis tantum a parentibus acceperint, aut ipsi suis
laboribus acquisierint, quantum vitæ commode
traducendæ sufficiat, tamē semper inbiant, semper

IO. CAESARII

huc & illuc spectant, ut aliquid abradendi facili-
tas offeratur, diripiunt, praedantur, scaenatur
dolos & fraudes machinantur, ut magnam in ar-
cis pecuniam contemplantes sibi ipsis plaudant,
primæq; classis ciues appellentur, de claris autem
ingenuisq; artibus nihil cogitant, ut nō homines ad
cælum suspiciendū erecti, sed immundi sues ad ter-
rā proni videantur. Fatui mortales et mentis ino-
pes illa magno cū animi ardore, dum nullū vitæ pe-
riculum detrectant, appetere solent, quæ nos red-
dūt deteriores, rationis et decori prorsus immemo-
res, quæ nos ab humana cogunt natura desciscere,
& in ferinam conuertunt, & a sapientiæ studijs,
quibus nihil debet esse optabilius abducunt. Quæ
sunt hæc Auditores? pernicioſa diuitiarum cupidi-
tas & uanus ardor uoluptatum. Animi rerum ter-
reſtrium nimio plus cupidi, prauis perditisq; af-
fectionibus deuinciuntur, fluxa tantum & cadu-
ca sibi proponunt, uarijsque sceleribus aſtriçti ac
tamquam compedibus deuincti, quid sit uera li-
bertas, qua nihil antiquius, prorsus ignorant.
Non est cur dubitemus: Si homines maiori ex par-
te rerum mediocritate contenti uiuerent, & in
excolendis animis occuparentur, pauca quidem
scelera possent perpetrari, pauciq; admodum exi-
sterent, qui sui cursus immemores a recta semita
deflecterent, Sed illa peſtis exitioſa, quæ totum
genus humanum crudeliter inuaſit cauſa eſt, ut di-
ſciplinæ

disciplinarum studia frigeant, & quidquid est erudi-
 tionis & probitatis parvipendatur, cogitant no-
 ctes atque dies miseri Mortales, fractis verecun-
 diæ postibus, fractisq; legibus, quibus deberent
 cupiditates coerceri, quo pacto maiores congeran-
 tur diuitiæ, quæ una diecula forte amittentur, ædi-
 ficia marmoribus constructa exurgant, quæ uel
 terræ motu uel ui uentorum uel temporis diuturni-
 tate prosternentur, pretiosæ cōparentur vestes quæ
 uel tineis uel usu paulatim absumentur, & Stipa-
 tores undiq; assistant, qui ære corrupti suos heros
 plerumq; confoderunt: Hisce rebus isti Procustæ
 Autolyçi Titanesq; se macerant excruciant &
 torquent miserabiliter, ut nemo ex ciuibus maio-
 ra possidere existimetur, Sic enim se maximis au-
 ctos honoribus & summam adeptos felicitatem ar-
 bitrantur, nec uident isti, qui tragico sunt Oreste
 uel Athamante dementiores, ex hac diuitiarum u-
 bertate (ut alia malorum genera præteream, quæ
 longum esset enumerare) immoderatam indomi-
 tam & effrenatam uoluptatum cupiditatem oriri,
 quæ nos mente captos diuerse trahit, & prius quā
 ea consequamur, quæ more ferarū concupiscimus,
 intestino dolore nos diuellit & quiescere numquā
 sinit; hæc est illa furia, quæ facibus ardentissimis
 nos insectatur, quæ omnem animo uim aufert, ut
 quid sit honestum et officio consentaneū intueri ne-
 queamus, quæ huc & illuc rapit ac tandem ex al-
 to præ-

IO. CAESARII

eo præcipitat, resurgendi modus nunquam detur
 nisi Deus respexerit. Quid prudentiæ quid consilij
 habet nimis uoluptatis amator? rem familiarem
 summo labore partam temere profundit, auctori-
 tatem, quam antea fortasse collegerat, amittit,
 multorum odia sibi concitat, nam dum suæ cupit
 intemperantiæ morigerari, multis est iniurius, ab
 omni Virtutis genere seiunctus, delicijs tantum
 fruitur, & massici uini dubiæq; cænæ studiosus,
 a nefando etiam concubitu non abstinet; hæc est
 illa Furia, quæ genus humanum pessundat, in ua-
 rias scelerum species impellit, bonas artes subuer-
 tit, ingenij aciem obtundit, quæ Sapientiæ fertur
 aduersaria, stultitiæ comes, mater calamitatum,
 parens ægritudinum, altrix dissidiorum, quæ bello-
 rum excitauit incendia, quæ res publicas labefacta-
 uit, quæ populorum animos distraxit, quæ urbes
 atque Oppida solo æquauit. Quis unquam uolup-
 tariæ uitæ studiosus potuit aliquid efficere, quod
 bonorum consensu probaretur & feliciter caderet.
 Quo Sybaritæ abierunt? Quo Sardanapalus? Epi-
 curi Aristippi & aliorum eiusdem ordinis philoso-
 phorum sententiæ in quo sunt habitæ honore a Sa-
 pientibus. O Virtus quādo locus tibi dari potuis-
 set? nisi naturæ quadam prouidentia illi extitisset;
 qui hæc Fortunæ munera tamquam ludibria ne-
 glexerunt, & uoluptates tamquam teterrima ma-
 la fugientes, se totos doctrinis comparandis tradi-
 derunt,

derunt, & illa nullo grauati pondere sunt perscrutati, quæ possunt animos bonis immortalibus locupletare, communi hominum societati conducere, & spem futuræ immortalitatis asserre. Qui enim potuere umquam in posterum præluere, nisi qui hanc rerum uanitatem contempsere et laborum patientissimi fuerunt? Sapiens est appellatus Olysses qui casus & ærumnas patienter tulit, ut sociorum vitæ consulere & incolumis in patriam reuerteretur. Hercules, ut est in fabulis, in quibus pulchra latet ueritas, donec superfluentes diuitias, turpem uoluptatem & ignauam desidiam despexit, multa monstra perdomuit, sua laboriosa & operosa uirtute Tyrannos uicit, hominesq; in seruitutem abreptos in ueterem libertatem uindicauit; Cyrus noluit in otio degere & in uiuendi tranquillitate permanere, sed laborum, frigoris, & æstus tolerantia populos subegit, & qui sibi aduersarentur, diurna nocturna; solitudine, bello etiam uanis uoluptatibus indicto superauit. Veteres illi philosophi, qui pluris litterarum cognitionem faciebant, quam quidquid auri in Pangæo Thraciæ monte olim effodiebatur, omni contentione naturam cohibebant, toti erant in Virtute colenda, in hac se diligenter exercebant, in hac omnem operam ponebant, in acquirenda huius laude certatim contendebant, & quæ vulgus fractum & abiectum habens animum perquirat, tamquam inania futilia fortunæ teme-

IO. CAESARII

temeritati subiecta & quæ repente præteruo-
lant, aspernabantur, non ex his ueram nobilitatē
non ex his ueram esse gloriam ducebant, sed me-
diocri aut parua sorte contenti solam ample-
xabantur sapientiam, hanc tamquam fidissi-
mam ducem sequebantur, in hanc oculos conij-
ciebant, huius amore exardescentes deorum simi-
les facti sunt. Proinde cum rationes & exempla
ante oculos habeatis ornatissimi Auditores, non
est cur illos imitemini, qui animam per sale ha-
bens, & dum corpori tantum student, sensum ta-
bescent & inglorij moriuntur. Illos potius decet
æmulari, qui cum noctes atq; dies unumquēq;
laborem pro uirtute susceperint, ad sempiternam
gloriam aspirarunt, totum animum totamq; men-
tem ad litteras appellite, in quibus tot bonorum
genera consistunt, quot persequi non possem, uel
si multum temporis in dicendo consumerem. Qui
enim litteris dant operam e luto se attollunt, in quo
plerunq; imperiti uoluntantur, & modo uelint sa-
pientum consilijs parere, humana, tamquam res lu-
bricas & cito perituras, non magni faciunt, tan-
tum sibi suisq; comparare student, quantum indu-
stria honestisq; laboribus pro necessitate acquiri po-
test, uoluptatibus, quæ non secus ac blandæ me-
retrices nos decipiunt, se illaqueari non patiuntur,
Si quid aduersi contingit, non franguntur, sed in-
tegris uiribus fortunæ aduersanti resistunt, si quid
vero

vero iucundi, ita se moderate ac temperate habēt,
ut nimia lætitia non exultent, nimioq; gaudio non
triumphent. Quid igitur expectandum est? erigi-
te animos, caliginem excutite, laborem, sine quo
nil magnum fieri potest, perferte. & consilia,
in quibus nihil est fuci, accipite. Iam incepistis cur-
rere stadium, pergite, omni festinatione propera-
te, hoc vobis peragendum proposuistis, in senten-
tia persistite, in uestro munere diligēter obeundo
perseuerate, Thebani tibiæ circum suscipiebāt,
& sibi constabant; Cretenses uenationem iaculan-
do & currendo exercebant, & hanc potissimum
curabant; Theßali equitadi laude delectabantur,
& nil magis meditari solebant. Cyrenaici frequē-
ter agitabant currus, & ita se suum exequi munus
putabant, Thraces in scutis bene utendis operā con-
sumebant, Athenienses eloquentiā, qua nihil præ-
stabilius, excolebant, ita ut unusquisq; populus
suo teneretur studio, & eo numquā defatigaretur.
Vos etiam quod suscepistis perficite, quæ sunt vo-
bis impedimento repellite. Ite fortes quo vos au-
rea uocat virtus, nullo timore perculsi ascēdite ad
excelsum culmen ueri honoris, per ardua loca iter
ingrediemini, per dumeta & uiarum asperita-
tes, sed, modo ut cæpistis progrediamini, cunctas
sine dubio superabitis difficultates, & postremo in
uiridem & usq; quaq; florentem campum perue-
nietis, ubi sub fructuosis arboribus, quæ nunquam
suis

IO. CAESARI

suis spoliantur frondibus, perpetua frui quiete poteritis. Ego tamquam Dux fidissimus nunquam de esse uidebor & pericula, quæ intendi poterunt, & specula prospiciam, ac tutum securumq; iter uobis ostendam. Reliquum est, ut uobis significem, per vendie me annui laboris initium facturum esse, Christo approbante, ab Oratione Ciceronis Pro Archia Poeta. vos ut soletis frequentate Gymnasium. Dixi.

IO. CAESARI ORATIO

De Laudibus Rhetoricæ, Solutæq; orationis.

ET si varia Scriptorum genera sunt a Maioribus nostris Posteritati relicta, ex quibus fere omnibus aliquid boni posse proficisci nihil est dubitandum, magnus tamen ornatissimi Auditores habendus est a solerti Doctore delectus, ne si qualiacumq; sunt scripta velit imprudenter interpretari, potius obesse quam prodesse videatur; siquidem in publico Gymnasio ea potissimum exponi debent, quæ recte vitam instituunt, quæ puras & ab omni vitio remotas doceant litteras & reip. magis ac magis expediant. Præterea probe nostis, Adolescentes in lubrico versari & ita facile per decliua labi & interdum præcipites agi, ut fideliter per certam semitâ sint a Doctoribus tamquam

quam a fidis custodibus deducēdi, ne si ceciderint
exurgere postea non possint sine maxima difficulta-
te. Quorsum hæc? ea quæ primum in animis im-
primuntur per totum vitæ curriculum durare so-
lent, ut si mala fuerint, sine maximo negotio non
possint aboleri. Ego qui per multos annos (ut ple-
rique testantur) publici Doctōris officio sum fun-
ctus, certū huiusce rei feci periculum, nunc enim
poesim nunc solutam orationē sum interpretatus.
Sed ut pugnem pro veritate, qua nihil antiquius,
quāuis quorundam Poetarū carmina varia rerum
cognitione referta admodū vtilia esse auditoribus
cognouerim, Ciceronis tamen monumenta, et pro-
bitatis & doctrinæ comparandæ gratia, esse illa in-
telligo, quæ cunctis Poetarū scriptis iure quidem
optimo sint a nobis præferenda, sentiant quicquid
velint alij, equidem nihil impediam, mihi inte-
grum est dicere quod melius & hominum societa-
te cōmodius videtur. Et hoc non eo consilio profer-
re audeo, quod de Ciceronis laudibus, quæ sunt lon-
ge lateq; peruagatæ, sim hodie verba factururus,
non enim præclarissimus ille auctor mea indiget
commendatione, nam sic est a Scriptoribus etiam
antiquissimis commendatus, ut superuacaneum
fere sit illum nostra tempestate satis commendare,
quis enim (ut aiunt) Herculem vituperat? Huc
hodie me contuli eo sane animo, ut artis Rhetoricæ
solutæq; orationis quæ suo constat ornatu, partes
suscipiam

IO. CAESARII

suscipiam, ac de communi vtilitate quæ quidem ex ea proficiscitur aliquid dicam. vos Ornatissimi auditores præbete aures, & nolite existimare, quod artificiosam Orationem pluribus efferam laudibus, me poesim despiciere & aspernari, nam quantum ipse pro exiguis Ingenij uiribus iam inde a pueritia me in scribendis carminibus exercuerim, sunt hic etiam complures locupletissimi testes, pro certo tamē habeo remp. magis ab Oratore quā a Poeta posse adiuuari, atq; dicendi ab uno quoque litterarum studioso danda esse operam pluribus de causis, cur enim ueritas elucere non debeat equidem non uideo, præbete aures & attendite. Si quis cuncta uoluerit considerare, quibus res ipsæ magnifieri solent ab hominibus, nihil sane reperiet, quod artificiosæ orationi non conueniat. Ut ab honesto initium faciam, quid honestius & laudabilius esse potest, quam ea re, qua ceteris præstamus animantibus, posse longe alijs hominibus excellere. Cum enim Virū eloquentē a udimus, qui potest sua dicendi vi animis imperare, ut quo uult rapiat, illū tanquā diuinitatis participem suspicimus, & non iniuria ceteris anteponendum arbitramur. quid maius homini esse potest quam ingenium habere bonis artibus excultum, & animi cogitata posse eleganter & lepide proferre, non sine audientium admiratione? Cum Demophthenes, Cicero, aliq; Græci et latini oratores ad suggestum

ad suggestum ascendebant & concionari incipiebant, quantus erat populi fremitus, quantus Cuium concursus, ita ut omnes ab illorum ore penderent, perinde quasi e caelo descendissent, ac diuinitus non humanitus loquerentur; Si quis uero de utili meminerit, nullus dubitationi locus relinquetur, nonne multi miserabili egestate laborantes sermonis suauitate a Principibus gratiam iniuere, & opulentissimi facti sunt? quid utilius quam posse animos hominum inflectere quocumq; uolueris, ut quae humilia sunt in altum efferas, & quae sublimia ad imum deijcias? Vnde non iniuria dixit Aristides Rhetoricen tanquam singulare munus a Ioue fuisse Mortalibus datam, nec omnibus, sed ijs, qui maiori pollerent ingenio. Quis adeo uerors erit & obstinatus ueritati repugnabit, quin aperte fateatur, dicendi artem non solum oratoribus esse necessariam, uerum etiam cunctis bonarum artium studiosis, modo uelint aliquid litteris mandare, quod sit uno omnium consensu probandum & a Posteris communi plausu excipiendum. Quanto usi sunt inscribendis legibus artificio Veteres iurisconsulti? quantam concinnitatis rationem habuerunt? ut nihil improprie nihil absurde dictum uideatur. lepores enim, partium collocationem, ipsumq; ordinem, sine quo nihil pulchri fieri potest, sunt accurate meditati. Osi nostris tē-

B poribus

IO. CAESARII

poribus integra iuriconsultorum uolumina legerentur, quantum uoluptatis præter utilitatem capere mus ex luculentissimis illorum monumentis, in quibus uaria dicendi ornamenta splenderent. Quid de Philosophis? putabit fortasse quispiam Platonem & Aristotelem, ut hos tantum nominem tanquam Principes philosophorum, ita fuisse (ut in commune consulerent) de rebus difficillimis locutos, ut hæc dicendi præcepta contempserint. Si quis temere sibi hoc persuaserit, in tenebris sine dubio versabitur, & verum a falso distinguere tanquam mente captus ignorabit, nam si diligenter aduertet, nihil est a Platone & Aristotele perscriptum, quod non magno constet artificio, mirabilis in Principe Academicorum copia cognoscitur, in quo sunt omnia luminosa, in quo sunt omnia sic apte collocata, ut extrema cum primis cohæreant, verborumq; concinnitas suum conficiat orbem, & in quo maxima decori obseruandira tio videtur, cum personas facit loquentes. De illo qui sectam instituit peripateticam non est cur dubitemus, unusquisque enim facile intelligit quantos habeat neruos, & quantam vim in refutandis antiquorum sententijs, suisq; confirmandis rationibus. Quis opus illud Rhetoricorū ad Theodectem non summopere admirabitur? Equidem si de antiquis Theologis abunde meminisse velim, longum

longum sane foret eorum laudes, quippe quas in scribendo meruerunt, verbis comprehendere. nam veteres illi Græci, qui de rebus sacris locuti sunt ita disertis ita peritis Rhetorices fuerunt, ut inter alia, quæ flagranti studio didicere, hanc etiã semper in oculis tulerint et prudenter obseruarint. iudicarunt enim veritatem sæpe multitudini persuaderi non posse, nisi artificiose proferatur, percurrite quæso Gregorij Nazanzenii orationes, quibus res grauissimæ ad religionem spectantes continentur, præter sententiarum grauitatem, quos inuenietis numeros, quos verborum splendores? nihil nõ usurpatũ nauiter, nihil non Oratorijs depictum coloribus inuenietis. De Basilio quid dicam? præter alia sane innumerabilia quæ profitebatur, nemo est, qui nesciat, modo aliquem in litteris progressum fecerit, quantos in comparanda dicendi facultate labores ille suscepit. Venit in mentem Chrysostomus. Equidem si pro dignitate loqui velim, oporteret aureum os habere, vnde ille nomẽ accepit, res etiam ita peruulgata est & omnibus comperta, ut mea non indigeat prædicatione. Cum illius orationes perlego mihi per florentia prata vagari videor, ut quos primum carpere flores debeam, sim animi dubius, magna est sanctissimo viro loquendi vbertas, magna varietas cum elegantia sane incredibili. Obijcient nonnulli Poe-

10. CAESARII

tas. Nonne Homerus & Virgilius duo Poetarum
lumina pangendis carminibus hæc quoq; oratoria
præcepta magnopere necessaria esse indicarunt?
Non me fugit Quintilianum præstantissimi orato-
ris laudem Homero tribuisse, legi etiam Macrobiū
auctorem nō contemnendum in dubium reuocasse,
vter in dicendo Cicero an Virgilius præstantior
extiterit, si breuitati non consulerem & iure meo
possem per campi æquora licenter excurrere, pro-
fecto multa de hac re differere possem, quibus unū
quemque in hanc mentem facile impellerem, ut
crederet, Poetam hac arte, pro qua pugnaciter
contendo magis indigere, quā Oratorem poetica.
Sed uestra fretus attentione & benignitate aliquā
to ulterius progrediar & si qua reliqua sunt, quæ
obijci merito possint, libenti animo percurram, ne
quid forte relinquatur, quod scrupulum uobis inji-
ciat, adhibete quæso animos & attentis auribus
audite. Sunt qui Poesim solutæ orationi præferen-
dam esse censeant ob antiquitatem, Testatur enim
Aristoteles quæ sunt antiquiora esse magis hono-
rabilia, docetq; Poetas hac de causa commentos
olim fuisse, Deos per Strygiam Paludem iurare, per
quam (ut ille ait) aquam intelligebant, Hoc enim
elemento nihil antiquius Thales milesius existima-
bat. aiunt illi Poetas multo ante quā oratores exti-
tisse, quod nemo poterit inficiari, & hinc maiori
dignos

dignos esse honore . loquuntur de Orpheo Lino Thamyra Homero & Hesiodo , qui sine controuersia sunt oratoribus antiquiores ; Hæc tamen ratio mihi non persuadebit , maiorem esse Poetis honorem quam oratoribus habendum . multa enim subsequuta sunt , quæ longo post se interuallo Priora reliquerunt , sumatur exēplum a Poesi . Poetæ qui ante Homerū & Hesiodum floruerunt , nōne sunt ita ab hisce duobus obscurati , vt nihil fere ex illorum scriptis nostra tempestate legatur . Quid de oratoribus ? Cato & alij qui ante Ciceronem concionando famæ celebritatem sunt consecuti , nonne ita postea sunt a Cicerone superati , vt nomen dumtaxat eorum sit nobis reliquum , & quæcumq; sunt ab ijs consignata litteris pene prorsus interierint . Ex his igitur colligimus non semper antiquitatem posse in rebus principatū obtinere , propterea quod si quid a recentioribus inuenitur , quod reip. prodesse magis possit , quod est antiquius haud dubie recedit : Etenim si quot vitæ cōmoda ex pluribus recentiorum inuentis proficiantur persequi velim , sane nimis forem . perlustrate animo quæcumq; a mortalibus pro communi commoditate magnifice & honeste fieri possunt , nihil quidem certe poteritis inuenire , quod hoc adiumento non indigeat , vel publicam vel priuatam rem agant vel domi forisq; se exerceant , vt aliquid efficiatur quod pos

IO. CAESARII

sit praelucere, ludent operam, frustra laborabunt
 nisi loquentem sapientiam habuerint adiutricem.
 Nec me pigeret, ut sincere uobiscum agam, singu-
 las, quæ sunt ex hac arte, quam sic acriter defen-
 do, utilitates recensere, nisi Oratio mea pro elo-
 quentia ab hinc biennium edita, possit a Vobis cum
 libuerit peruolutari, ubi omnia breuiter comme-
 morantur, quæ necessario sunt oratori deferenda.
 nunc pro nulla alia re magis contendo, quam ut
 vobis ostendam, Poeticen Rhetoricæ non esse præ-
 ponendam, & maiorem potius in oratoribus quam
 in Poetis operam consumi debere, neque enim illud
 quod de voluptate dici solet verum est, iucundio-
 rem scilicet ex carminibus, quam ex soluta oratio-
 ne capi posse, hæc enim si suis constet numeris &
 ita modulate desinat, ut audientium aures impleat,
 nulla suauior cantilena, nullus iucundior sonus au-
 dietur. Hoc olim poterat obijci, cum nondum nu-
 merosa inuenta esset oratio, sed simulac Gorgias
 & Thrasimachus numeros orationis excogitarunt,
 quos postea perfecit Isocrates, magna sunt affecti
 voluptate Mortales, qui Oratorem concinne, &
 numerose loquentem audierunt. Ad hæc, Quam-
 uis nonnulli fuerint, qui de Rhetorice male sense-
 runt, mirum videri non debet, cum Poesis etiã in
 paruo sit Romæ olim honore habita, Fuluiusq; no-
 bilior male audierit, quod Ennium secum duxerit

In Aetoliam, sed quando bonarū artium hostes de-
fuerunt? Epicurus dialecticam vituperavit, Do-
mitianus expulit ex urbe totaq; Italia Philosophos.
Et ut altiora tangam, Thrasimachus iustitiam ma-
ledictis est infectatus & Diagoras religionē, nul-
los enim putabat esse Deos, quo quid deterius et de-
testabilius dici possit, equidem ignoro. Proinde ni-
hil est, quod nostros animos ab hac re maxime reip.
necessaria deterreat, maximasq; gratias Coraci
& Thyſiae primis (ut aiunt) huiusce artis scripto-
ribus agere debemus, naturam enim excolere co-
nati sunt, & illa prudenter edocere, quæ forent
honestæ, vtilia, & periucunda. Etenim, si vo-
lumus recte loqui, aut laudabiliter aliquid exara-
re, quod sit ad posteros propagandum, necesse erit
præcepta, quæ nobis antiqui Rhetores reliquerunt
memoria tenere, sin minus, ieiuni insulsi aridi nul-
laq; digni laude putabimur ab ijs, qui acri sunt iu-
dicio præditi, & sedulo cuncta metiuntur. Itaq;
cum hæc omnia mecū cogitasset, ut vestræ pro-
spicerem utilitati, pro qua nullum sane umquam
laborem subterfugi, hoc anno Christo opt. Max.
approbante, certum est Ciceronis opus de Orato-
re ad Q. Fratrem diligenter interpretari, licet. n.
permulta Cicero scripserit, quæ possunt homines
eloquentiæ laudem expetentes plurimū adiuuare,
hoc tamen opus ita mihi lepidum ornatū varijsq;

B 4 præ-

10. CAESARII

præceptis refertum uidetur, ut unusquisq; litteris deditus, qui cupiat eleganter & illuminate loqui memoria tradere debeat. Ego, ut de me ipso loquar, cum libet aliquā legendi uoluptatē capere, ad hosce dialogos tamquam ad hortos amœnissimos ingredior, ubi, quocunq; oculos coniicio, innumerabilia sane occurrunt, quæ me totum omnireiecta cura & solitudine reficiunt, ut nunquam inexhausta legendi cupiditas cesset, Quid igitur? uehementer etiam atque etiam hortor, ut siquid est, quod uos a bonarum artium studiis abalienarit, ualere iubeatis, His. n. nescio quid præclarior potuerit a Priscis Mortalibus inueniri, & Has dicere audeo non humani tantum ingenij facultate fuisse inuentas, sed potius ope diuina. Accepistis populos, qui alterum Mundi uerticem spectant, litterarum rudes & imperitos, priusquam ab Hispanis fuissent ex culti, litteris instituti, & uiuendi præceptis instructi, præter formam nihil sibi ad hominis similitudinem reseruasse. At ut ad id de quo dicebam reuertar, Vnaquæq; doctrina, nisi fuerit ornata, & artificio quodam & expolitione distincta, mihi ualde non probabitur, qui enim certam loquendi normam & rationem non callent, dum proferre aliquid uolunt, sæpenumero temere uagantur, ad finē properare nesciunt, multa dicunt quæ possent silentio præteriri, multaq; prætereunt quæ merito

merito forent pronuncianda, saepe cōcidunt & delumbant sentētiās, res potius implicant quā expli-
cant, inuoluunt magis quā euoluūt, & non lucē,
sed caliginē ante oculos ponunt. Vos, quæso, Audi-
tores discite copiose, sapienter distincte & enuclea-
te loqui, labores enim qui pro uirtute colenda
fortiter excipiuntur, magnæ gloriæ expecta-
tione mitigari solent. Ego nunquam de-
sinam meum diligenter obire munus,
& quæ in diuturna obscuritate la-
tuerunt, uobis pro mea uirili
parte patefaciam.

Dixi.

14

IOANNIS CAESARII¹⁴
CONSENTINI
POEMATA.

AD PIVM IIII
PONT. MAX.

DVM uitas magnū Paſtor Diuine calorē,
Et frondosa tuas per iuga paſcis oues,
Non ſopor irriguus placida te ſternit in
Sed ſuperas Argi lumina luminibus, (vmbra
Præcipitemq; fugis rupem præruptaq; ſaxa,
Et rapidos arces uoce ſonante lupos.
Quin etiam medico depellis gramine morbos,
Ac pecudum ſacro flumine membra lanas.
Onos felices quibus aurea iam redit ætas,
Et quibus umbriferum per Nemus ire licet.

10. CAESARII
GALATEA.

R Etia dum siculi Nautæ sub nocte legebant
Præcipiti, & somnū, iā decedētibus astris,
Curarum requiē cupiebant carpere fessi,
Talia muscoso recubans sub fornice Mopsus
Nequicquam tristi fundebat carmina uoce.
Dum Nox obscuro Ponti tegit æquora uelo,
Cunctaq; tuta silent, medijs & Phorcus in undis
Nereidum custos placido dat membra sopori,
Huc ades o Galatea, potes nunc littus adire
Trinacrium, tandemq; meas extinguere flammæ,
Huc ades, & quoties fudi per saxa querelas
Te meminisse decet, tibi non sub rupibus Aetnæ
Armenia dederunt lactantes ubera Tigres;
Nec peperit libycis te fulua læna cauernis,
In liquida enixa est, qua nil est mollius, unda
Te Dea, quæ mites docuit non effera mores,
Quid tibi uirginitas prodest? Te cærule Doris
Ceruleo peperit Nereo commista, nec illam
Pœnitet, in te una figit sua lumina mater,
Te gaudet maris esse Deam, quam deperit omnis
Tritonum chorus, atque ardent agrestia Fauni
Numina, Quid? si etiā Tu per maria alta uagātes
Aspiceres natos, & regna liquentia cælo
Numinibus decorata nouis æquanda putares?
Quæ Dea non prolem partu dedit? illa marita

EST

Et germana Iouis quantum lætatur in aula
 Aetherea, incedit dum per stellantia gressu
 Atria diuino stellis quoque pulchrior Hebe
 Alcide coniuncta viro? Diana pudoris
 Immemor illectum sibi iunxerat Oriona,
 Atque Ennæa Ceres nata lætatur eunti
 Arua per Elysi, quam Styx ueneratur & ardens
 Miratur Phlegethon, Erebusq; Vmbræq; silentes
 Suspiciunt, pauitatq; trifauci Cerberus ore.
 Ipsa sibi plaudit Pallas, se iactat in arce
 Actæa, sibi sola placens, inuisa Deabus,
 Munera quæ spernit Veneris, quæ pectore constat
 Torua tuens rigido, precibus nec flectitur ullis.
 Nil te forma iuuat si non hac uteris, olim
 Tempstisti merito raucis Cyclopa uocantem
 Vocibus, hirsutus turpi pædore situq;
 Obsitus, atque humeros hircino Tergore tectus
 Amplexum Galatea tuum formosa petebat?
 Ast nuper textum Genitrix mihi misit amictum,
 Bisq; die faciem vitreo me fonte lauantem
 Vidiſti scopuli siccans in Vertice crines,
 Huc aduerte oculos, glaucis caput exere ab undis
 Et mihi præbe aures, accede ad littoris oram,
 Nec timeas, hic nulla tibi fraus cæca paratur,
 Quid iuuat in stagnis Neptuni degere uitam?
 Quæ turbant Euri, Boreas, Cauriq; Notiq;
 Et quæ deformes Phocæ, scopulosaq; Cete

Per-

IO. CAESARII

Percurrunt. Epulas & quas tibi suggerit Aequor:
 Vel crudas conchas, uel crudis ostrea succis
 Esuriens spinis uel tectum carpis Echinum,
 Siq; sitim cordi est restinguere, quæ tibi lymphæ
 Salsa tibi tantum, quam monstra immania sorbēt.
 Huc ades, en uirides horti & beneculta uireta,
 Hic tibi frondescent lauri, uiret Arbutus, arbor
 Palladis, & Paphiæ myrti, uiret Africa lotos,
 Hic quoque ramosis redolentia poma uidebis
 Arboribus pendere suis, quæ condita seruo
 Cum pluuias effundit hyems, glacieq; rigescit;
 Est fons illimis sinuoso graminariuo.
 Qui rigat, & leni deuincit lumina somno
 Murmure, cuius aqua nectar non dulcius hauris
 Iupiter altitonans. uenient de culmine montis
 Spectatum Nymphæ, choreas quæ ducere Tecū
 Et Tecum cupient modulari carmina uoce,
 Accurret Pan montiuagus, cui Fistula pendet
 Ex humeris, pulchroq; tuo pendeat ab ore,
 Sed non audebit procul astans dicere quicquam,
 Pastorum Deus est, pecudum tutela mearum,
 Septorum Custos, qui fures arcet ab agnis
 Imperitansq; lupos frænato continet ore.
 Non est cur metuas, iam nunc sub nocte marinis
 Fluctibus exiliens Phorcum cunctasq; sorores
 Decipias, tacitoq; seces leuis æquora cursu.
 Crastina cum surget tenebris aurora fugatis

Arua

Arua per incedes contemnens numina Ponti,
Nec te uentosis Regnis cessisse pigebit,
Spectabis ridens celsa de rupe procellas
Aequoris, & dices tecum, quæ regna per annos
Tot colui demens? undas scopulosq; sonantes
Horrebis, uitæq; hominum misereberis ultro,
Qui cum sæcundæ possint Telluris Alumni
Viuere securi, frugum genus omne legentes,
Audent sæpe ratem dubijs committere uentis
Perq; nefas uetitum lethales quærere cursus.
Dū tempus superest, propera, sub tegmine quercus
Frondosæ dabitur reliquam traducere noctem,
Non opus est tecto, dum sol coquit arua leonis
Terga premens; cogent sed cū nos frigora Brumæ
Non deerunt tibi tecta, mihi bonus ille reliquit
Quæ Thyrsis moriens uario depicta colore.
Et si forte pudet te, quod sis nuda, uagantur
Quæ per Sicani montis fastigia Nymphæ
Occurrunt artus nullo uelamine tectæ,
Et tibi si uestis uerecundæ quæritur usus
Lintea palla mihi est, nuper quam texuit arte
Attis Palladia non æquo funere mersa.
Me pateris Galatea mori, nec pectoris ignes
Sæua mei cernis, poterunt qui lumen eunti
Præbere, ardentis quiq; Aetnæ incendia uincum.
Huc ades, amplexusq; meos ne despice, iunge
Te mihi, nec pigeat morienti ferre salutem

Talia

IO. CAESARII

Talia iactabat Mopsus, Cum Lucifer ortu
Sidera cuncta fugat nitido, noctisq; tenebras
Exoriens coniux Tithoni roscida soluit,
Et ridens Galatea uadis se condit in imis.

AD IULIUM ROGERIUM
quod naturalia bene intelligi non possint.

Q Vis potuit matris Naturæ arcana referre?
Nulla potis uis est hominū. Telluris Alūnus
Sicania ardentem qui se coniecit in ignem,
Nequicquam effudit uires, caligine mentis
Obsitus haud unquam potuit penetrare latebras,
In quibus abdiderat rerum primordia, causas,
Consiliumq; suum Cæli Terræq; Marisq;
Arbiter omnipotens Deus, & melioris origo
Mundi, cui paret nitidis exercitus alis
Aethereus, parent elementa & quiddam ad undas
Cocyti stygiosq; lacus deplorat ademptum
Perpetuæ lumen uitæ, & sibi nectaris haustum;
Nec reus ille Anyti potuit quoque nosse recessus
Naturæ; hic uere nouit quæ nubila mentes
Obscurent hominum, diuino flamine tantum
Discutienda, sagax cælestia signa reliquit
Et permista elementa & quæ nascuntur ab illis,
Noluit & tenebris immersus quærere lucem
Phæbeam frustra, fessosq; obtundere sensus.

Nil

Nil etenim est aliud dubijs in rebus egentem
Consilio uersare animum , quam si aspera nudus
Per dumeta feras gressū , aut maris æquior arandū
Esse tibi exuto remis Velisq; putares .
Hic potius sophiam cælo accersiuit ab alto
Inq; domos humiles duxit , quæ pectora purgat ;
Sensibus & spinas prudenter uellit acutas .
Obijcies doctum Iuli mihi forte Platonem
Quem non inficior flumen fudisse leporum
Et supra uires hominum potuisse uagari
Per terræ campos & per cælestia Templā ,
Hic tamen incerto pede labitur , atque uiarum
Nescius in dubium uocat omnia , sæpe relinquens
Lectori arbitrium , & quæ sunt incerta recusat
Asserere . At qui multos illum audiuerat annos
Interdum dictis figit uiolentus amaris ,
Hic etiam tumido qui pectore cuncta Priorum
Euertit monumenta , alijs dum uera laborat
Vestigare modis , nimium sibi uendicat , altum
Per mare contemnens uentorum flamina currit ,
Naturæq; sinus quærit , Thalamosq; repostos ,
Sæpius & scopulis illisit nocte carinam
Obscura , & remo incumbens uix attigit oras
Littoris extremi . Quid cetera turba Sophorum
Efficit , & rupes peragrans & in hospita saxa ?
Meandros reperit sinuosos & labyrinthos .

IO. CAESARII
DE OBITU HERCULIS

Gonsagæ Card. qui concilio
Tridentino præerat.

Relligio lacerata genas, & scissa capillos
Fundit pallenti lacrymarum flumen ab ore
Gonsagam repetens, qui cedere nescius unquam
Herculeæ subijt pondus ceruice ferendum,
Ut mala per cæcas hominum uolitantia mentes
Palladis auxilio tandem superata fugaret.
Et iam lætus erat referens uictricia signa,
Hostibus inq; fugam uersis, iam uictor ouabat,
Cum fera Mors nigris per terras uecta quadrigis
Inuadit, manibusq; illum furacibus aufert.
Illius at melior pars quæ non uincitur æuo
Concilio fruitur Diuum, cæloq; resulget.

Ad Nauim quæ Seuerum uebit.

SIC te ledæum tueatur in æquore Sidus
Numine sic faueat Cypria Diua suo,
Hippotades uentos saxoso claudat in antro
Et Boreas gelido solus ab axe uolet,
Athera qui purum moderato flamine reddat
Ut secura ferum per mare Nauis eas:
Lit toribus doctum campanis redde Seuerum

Qui

Qui sua Castalijs corda rigauit aquis ,
A puero cui mens electro est purior omni
Incorrupta fides , simplicitatis amor ,
Cognita cui frondens magis est Parnasia rupes
Quam cuiquam a caro patre relicta domus .
Heu uereor liquidos campos turbantibus Euris
Ne scopulum incurras fluctibus acta feris .
Heu uereor rabies Austri ne carbasa scindat ,
Et te quassatam sorbeat Vnda fremens ;
Ante oculos noctu uersantur mille procellæ ,
Concipioq; animo mille pericla meo .
Quam ferus ille fuit primus qui littora liquit ,
Ausus & insanis pandere uela notis ;
Quam fuit immitis uitam qui credidit undis ,
Atq; nouum docuit mortis adire genus .
Non satis huic fuerat fluuios tranare lacusq; ,
Non satis huic fuerat terra colenda ferax .
Sed uoluit tentare uias per marmora ponti ,
Atq; procellosos peruolare sinus .
Iuraq; naturæ contemnens protulit audax
Fines , alterius uidit & astra Poli .
Qui scelus hoc docuit, fuit hic immanior angus
Non hominum mores hunc habuisse reor .
Hercynio in saltu fuit hic nutritus ab vrsa
Montibus aut Geticis ubera suxit equæ .
Nil aliud certe tot casus ferre coegit
Quam temere optatus maior aceriuis opum .
Repperit hæc fraudes , cædes , & furti Cupido ,

C 2 Inter

10. CAESARII

Inter germanos dissidiumq. parit
 Hæc facit ut Natus transfigat sæpe parentem
 Hæc facit hospitibus sit quoque nulla fides.
 Impulit hæc seruum succidere colla securi
 Decumbentis heri, aut nil metuentis heræ.
 Nulla hominum strages, nec tot commissa fuissent
 Prælia, Roma etiam nunc foret illa uetus.
 Ni Furia hæc animos diris armata colubris
 succensos facibus sollicitasset atrox.
 Quam bene uiuebant Veteres qui pocula mensis
 Non apponebant aurea gramineis.
 Nondum cassis erat, non miles strinxerat ensẽ
 Cetera non sollers cuderat arma faber.
 Nondum lynter erat, non dentibus anchora nauim
 Fundabat, nondum puppis arabat aquas,
 Cudebat tantum sub dura incude ligones
 Rusticus, & facili ferrea rastra manu.
 At quia corrupta est hominum natura, per undas
 Et tentauit iter nulla pericla timens,
 Et tu constructa es nauis, quæ cærulea uerris
 Quaq; meæ uebitur maxima pars animæ.
 Euita fluctus, & saxa latentia, dulcis
 Et pete Parthenopes littora tuta meæ,
 Taurum ego Neptuno uotiuum gramine pascō
 Euganeo, fundens nocte dieq; preces,
 Et Tibiserta lego uiridantia: queis tua puppis
 Est ornanda, nouum remigiumq; Paro.
 Vela tibi & malum seruo, quem Thesbala Pubes
 In Syluis olim strinxerat Emathijs.

POEMAT A.
AD MARCELLVM.

19

QVID iuuat aratis argentū condere in arcis
Tenariisq; domos condere marmoribus?
Quid prosunt fasces duodeni, quidue Secures?
Quid Diadema sacrum pupureusq; color?
Nil est quod perftet, nil est quod dicere possis
Esse tuum, pauper, qui modo diues eras.
Quo ueteres abiire tui Marcelle Quirites,
Quos timuit rapido flumine Danubius?
Quos tremuit longus nutanti uertice Taurus,
Quiq; Poli fulcit culmina magnus Atlas.
Quis nunc est Prætor, quis Cōsul, quisue Senator?
Quis Cilici dicit iura, Quis Assyrio?
Quis contra Pænos classem struit atque rebelles
Armenios? Vbi nunc est Gener atq; Socr?
Abstulit imperium fortuna uolubilis, & quos
Presserat occulto tollit iniqua dolo.
In gyrum furiosa rotam conuertit, & instans
Illa globo firmos nescit habere pedes.
Lumine nunc placido spectat, nunc torua tuetur,
Nunc dat, nunc uacuas præbet auara manus.
Et quos insigni virtus decorauit honore
Et clypeo tutos Palladis esse uidet,
Insectatur atrox, telisq; affligit acutis
Vipereo tetrum uirus ab ore uomens.
Sic humana fluunt, sic rerum uertitur ordo,
Vt genitum quicquid cernis, inane putes.

C 3

Qui

IO. CAESARII

Qui diuina essent rebus meliora caducis?
 Hæ nisi deficerent, perpetua illa f'rent.
 Ex quo Tellurem liquidis disiunxit ab Vndis
 Tornauiq; Polum, finxit & astra Deus.
 Omnia quæ puro Natura sub æthere gignit,
 Aut ætas tacito dente vetusta terit,
 Aut quæ magna premit, quæ paruula tollit ad aia
 Sæua nouerca bonis Sors malefida rapit. (ras
 Nec temere hoc statuit, qui concutit ardua nutu
 Aetheris, imperio qui regit ima suo.
 Vt spernatur humus, quā perflat turbidus Auster
 Et subitus gelidis verberat imber aquis,
 Iussit vt ad superum mortales lumina cælum
 Erigerent, sedes suspicerentq; suas,
 Illuc accersit, quæ semita ducat euntes
 Nos docet, & certa lampade præbet iter.
 Largus ibi æternas Fortunas spondet abunde,
 Nectareos haustus, Ambrosiasq; dapes.
 Hic vbi non affert sæui maris ira timorem
 Non frigus, rabies æstiferiq; Canis.
 Est securæ quies, & gaudia, lux quoque vera
 Lux quæ dat cunctis lumina sideribus.
 Si domus est igitur nostra hæc ruitura, peribit
 Copia si rerum, si quoque vanus honos,
 Deste puta Marcelle diem lucere supremum
 Et iam iam vitæ fila secanda tuæ,
 Sic te non lædent fœdæ contagia Plebis
 Ardescens sic te non coquet anxietas.

AD

POEMATIA.
AD FVSCVM.

20

Si te non tangit rerum nimis anxia cura,
Nec tua magnus opum corda perurit Amor,
Non verrenda tibi longis sunt æquora Tonsis,
Sed tua per placidas Cymba feretur aquas.
Si sapis hæc audi, quæ sunt seruanda per omnem
Aetatem, & sanctus quæ tibi dictat amor.
Ne te littoribus scopulosis crede, nec altum
Per mare sollicitæ dirige naus iter,
Nil metuit Prudens qui per freta currit ab oris
Non procul, & terræ culmina summa videt.
Inuadet medijs si te ferus Auster in Vndis,
Vndiq; si Cælum, atq; vndiq; Pontus erit,
Spes tibi nulla fugæ, rapiant te flumina, clauo
Auulso, & mersis æquore Remigibus;
Nudus ad ignotam fluctu eijceris arenam,
Nec Soror aut Coniux te tua condet humo.
Et qui spectabit tabentia membra Viator
Ora rigans lacrymis talia dicta dabit.
Si foret insano rerum moderatus amor
Hic poterat Vitæ consuluisse suæ.
Sed quia corripuit miserum furiosa Cupido
(Heu) tumuli solito nunc sine honore iacet.
O pereat quicquid sub terra conditur auri,
Syluescant pinguis iugera multa soli,
O pereant Vestes Sarrano murice tinctæ,
Pernastent amplas Fulmina sæua domos.

C 4 Opereant

IO. CAESARII

Opereant sacrae Trabeae, sacrique Tiaræ,
 In rapidumque ignem Sella curulis eat.
 Mi sat erit modicum, nec tot perferre procellas
 Est cordi, dubijs nec dare uela notis.
 Surgat acerruus opum cupidus & dentur honores,
 Incautis cuncta hæc auferet una dies.
 Iupiter aerias intortis ignibus arces
 Diruit, atque æquat tecta superba solo.
 Montibus in summis proceram funditus ornum
 Euellit Boreas, dum per inane furit.
 Tutus Ego in paruis uiuam feliciter agris
 Illic Attalicæ despicientur opes.
 Culmine nec sistam celso, nec ualle profunda,
 Est medio sedes certa paranda loco.
 Sic mihi nec uenti poterunt, nec fulmina obesse
 Nec quæ de summo uertice saxa cadunt.
 Hæc dicet fessus miserans tua fata viator;
 Si sapias, hæc tacita condita mente tene:
 Nec desunt exempla tibi; si Iulius olim
 Non excessisset limite Fusce suo,
 Nec conscendisset suprema cacumina rerum
 Qui fregit Diuum iura hominumque simul,
 Non statuam Generi fœdasset sanguine cæsus,
 Vixisset domina tutior in Patria.
 Quid de Pompeio? num inuit gloria, fastus,
 Imperium, fauor, & summus honoris apex?
 Ex alto cecidit Romano fusus ab Hoste:
 Commisit pelago seq; sua; domum.

Et

Et quod luminibus non possum dicere siccis,
 In Pharijs truncus littoribus iacuit.
 Fusce animum compone tuum, quæcunq; parasti
 Vtere, nam, vitæ quod satis, illud habes.
 Plura petenda tibi non sunt. Natura magistra
 Respuit, æqua petens, omne supernacuum.

A D E V N U M.

NON semper gelidis niuib; Rodopeia rupes
 Contegitur, fagos nec mouet usque Notus.
 Sæpe uiator iter tendit per celsa Niphatæ
 Culmina, nec glacies impedit alta uias.
 Interdum maris ira cadit, stratumq; per æquor
 Currit Nauta uagus fausta; signa uidet,
 Non semper uirides uiduantur frondibus orni,
 Cedit hyems, flores uere tepente uigent.
 Fluctibus æquoreis errabat durus Ulysses
 Sulcabat placidus sed tamen arua Pater.
 Neleidesq; senex non cunctis solibus Eune
 Plorauit nati funera acerba sui:
 Tu tamen Acrisium luges noctesq; diesq;,
 Nec te solari docta Thalia potest.
 Forte putas lacrymis mulceri pectora Ditis,
 Atque Erebum precibus posse patere tuis?
 Persephones Raptor colubris est senior atris,
 Durior & saxo ferrea corda gerit.
 Tu nihil efficies, uel vincas Orphea cantu,

Vel

10. CAESARII

Vel citharam tradat pulcher Apollo suam.
 Ostia sunt Erebi duro ex adamante, trifauci
 Quæ Canis observans personat ore ferus.
 Et volitant Furæ, quarum per tempora fundunt
 Sibila serpentes, seq; per ora ligant,
 Et quæ succensis facibus rigidisq; flagellis
 Cædunt, & surdis auribus esse solent.
 Labitur & Phlegethon, qui flammæ voluit euntes
 Instar aquæ, & tetræ margine sulphur habet.
 Portitor ille umbras per nigram qui stygia vectas
 Ore tonans sædo cogit abire procul.
 Tæniat hunc olim Alciden vexisse superbum,
 Et geticum Vatem, quem stupere feræ:
 Inijce mærori frænum, abstergeq; fluentes
 Ore tuo lacrymas, funde merum Genio,
 Non est plorandus, cuius vaga fama per oras
 Excurrit Pharias Armeniasq; plagas,
 Non est plorandus, qui per viridantia prata
 Elysij, doctos fundit ab ore sonos,
 Acrisii canit Acrisius crudelia Fata
 Et stupet Andinus Mæoniusq; senex.
 Dum memorat Danaes raptum, turrimq; sub aras
 Erectam, & magni dulcia furtiva Iouis.
 Mirantur Manes tacitiq; silentibus auris
 Auribus Acrisii carmina docta bibunt.
 In lapides homines vertentia concinit Ora
 Gorgonis, Illius cæsaq; colla refert,
 Perseaq; actææ munitum umbone Minervæ,

*Arcadius Maiae cui dedit arma Puer.
Et canit Emathijs vt montibus vndiq; iactis
Bellarint supero cum Ioue Terrigenae,
Assistit latio qui carmine vincit Homerum,
Et qui Pindarica concinit arte modos.
Assistit Vates Pelignae gloria gentis,
Assistis numeris culte Tibulle tuis.
Hi procul a curis vanos liquisse labores
Letantur, rerum despiciuntq; vices.
Et sibi certatim contextunt florea ferta,
Et ducunt choreas laeta per arua leues.
Ille sed ad caeli si lucida templa volanit,
Afflictet non est cur tua corda dolor.
Ardus ingenti despectat ab aethere terras,
Et mundi pedibus sidera celsa premit,
Fulgenti Diuum letus discumbit in aula,
Nectare caelesti pocula plena bibit.
Ventorum furias contemnit, & aequoris undas,
Nec tutus brumam solstitiumq; timet.
Miratur Solem duodena per astra uagantem
Miratur Phæben, Falciferumq; senem.
Nautarūq; ducem Cynosuram spectat, & illam
Quam dicunt Helicen, Sidereosq; boues.
Miratur nitidi spatiosa uolumina Caeli,
Miraturq; orbes otibibus impositos.
Nos potius lachrymis digni, quos frigora, morbi,
Diuexant, aestus, & sitis, atq; fames.
Et terret Fortuna minax, sæuiq; Tyranni,
Intentantq; trucem mille pericla necem.*

10. CAESARII
AD SEXTILIANVM.

Non est cur doleas, non est cur pectora curis
Tabescant nimis Sextiliane tua.
Si Fortuna ferox, claram quæ sæpe laceffit
Virtutem, iaculis te petit usque suis.
Ito audax contra, Clypeumq; oppone furenti
Palladis, hæc Forti suggerit arma Viro,
Arma æquanda illis quæ olim Vulcanus Achille
Fecerat inuito, Dardanioq; Viro.
Fac tua mens assueta malis consistat in arce
Sublimi, hostiles despiciatq; minas,
Sors fera quem cernit rebus succumbere fessis
Sternit humi, & fædo proterit ora pede.
At si pugnacem dextra contendere forti
Cognouit, gelido capta timore fugit.
Quot subiit casus Alcides inclutus Heros
Scanderet ut summi regna superna Iouis?
Hic puer in Cunis geminos eliserat angues,
Hic fuit impulsus mox grauiora pati,
Horrendum Nemees fertur superasse Leonem,
Hinc sua nunc Fuluo tergo Terga tegit.
Lernæam rigido ferro & face contudit Hydram.
Lethaliq; ferum vulnere fudit Aprum.
Cornua veloci contendens aurea Ceruo
Abstulit, & volucres expulit Arcadias.
Exultans spolijs, & magna laude triumphans
Discessit bello Victor Amazonio,

Augeæ

Augeæ Stabulum solito purgavit honore,
Et Taurum celeri fecit abire fuga.
Quin etiam Regis crudelia membra quadrigis
Threicij merito dilaceranda dedit,
Geryonis validi tria corpora vicerat unus
Robore qui totam perculit Hesperiam.
Hesperidumq; hortos penetravit, et angue perēpto
Successu exultans aurea mala tulit.
Tandem nulla timens Manes descendit ad imos,
Et rabidum toruo surpuit ore canem.
Post tot prævalida susceptos mente labores
Lucida ab Oetæo scandit ad astra Iugo.
Cælicolumq; choro immixtus sua facta recenset
Et fruitur pulchro Coniugis ore suæ.
Nec timet Eurystei regis mandata, nec iram
Iunonis, genero nunc fauet illa suo.
Quisquis uirtutem sequitur per in hospita tesqua
Perq; salebrosum fortis anhelat iter.
Per loca frigoribus quæ sunt inculta, per ignes,
Fædaq; sulphureis flumina transit aquis.
Harpÿiæ Occurrunt, & Gorgones atque Chimæra,
Et cum Centauris bella gerenda uidet.
Si Sibi constiterit, cumulatius laude perenni
Elysi tandem rura beata colet.
Et uiridi requiem fessus captabit in umbra,
Qua nemus est frondens, & leuis aura sonat.
Concentus uolucrum suadebit inire soporem
Et leni strepitans murmure riuus aquæ.

Illic

IO. CAESARI

Illic sunt nitidi flores , *Hiacynthus* , *Adonis* ,
 Quiq; fuit formæ captus amore suæ ,
 Cum *Viola* & *Caltha* sunt uiuaces *Amaranthi*;
 Et rosa diuino tineta cruore rubet .
 Ver est æternum , pomis frondescit onusta
 Arbor , quæ nunquam frondis honore caret .
 Et si quis pomum ramo decerpserit unum
 Admirans subito plura renata uidet .
 Illic perpetui spendescunt lumina solis
 Nullaq; nox illic pandere uela solet .
 Non Boreas , non sæuit hiems , non nubila densa
 Auster , pacato est æthere clara dies .
 Nos ætate pares animisq; , per ardua cursum
 Tendamus , ueniet *Sextiliane* quies .

AD OCNUM.

Vrbis delicias fastusq; relinque superbos ,
 Et pete secessum si sapias *Ocne* meum .
 Istic nulla quies animo est , & nulla uoluptas ,
 Quæ tua non cæca pectora pungat acu .
 Te leuis *Ambitio* torquet , ferus *Ardor* habendi .
 Tabificus sensim *Liur* & ossa terit .
 Vilem cernis humum , nec sis sum lumina tollis .
 Nec mundo quenquam credis inesse Deum .
Sidonio quoties *Proceres* tibi murice compti
 Occurrunt , miser hos numen habere putas .
 His aperis subito caput , & sacra *Templa* dicares ,
 Pilea si

Pilea si uiridi tincta colore darent.
Quæ te Tisiphone sæuis accincta flagellis
Cædit, & in certo non sinit esse loco,
Nunc huc nunc illuc furiosa mente uagaris,
Percurrisq; agili compita cuncta pede.
Lutea nocturnas nondum Dea dispulit umbras,
Et Procerum cupida limina mente teris;
Herculeos quorum si quis te ferre labores
Iusserit, Eoas & penetrare domos.
Promptus es, & dicto citius te accingis, biulcer
Quamuis Sol terram, aut nix tegat alta uias.
Quæ miraris hians, stolidis Fortuna ministrat,
Labunturq; tua fluxa repente manu.
Dic ubi sunt Regum Fortunæ, & Gæza Quiritis,
Quo cessit magni Cæsaris ampla domus?
Quid nunc Pontificum restat, nisi nomen inane?
Nil prodesse aurum, nil potuere dapes?
Vrbem linque istis, qui miscent candida nigris,
Turpia qui fucis turpiter ora linunt.
Culmina qui numquam studuerunt uisere Pindî
Qui temnunt Phæbi Castalidumq; sonos,
Et quibus haud cordi est cæli conuexa tueri,
Sed libet inferni nosse Acherontis aquas.
Huc accede, Alni fœsus uiridantis in umbra
Sub rapido poteris Sole sopore frui.
Et uacuis curis flauî prope Crathidis undas,
Mœnaliûm uinces Thyrsin arundinibus.
Iure Deum poteris felici degere uitam,

Rus

IO. CAESARII

Rus Diana colit Capripedesq; Dei.
 Rus quoq; Pierides ueniunt, Iouis inclyta proles,
 Et citharam gestans pulcher Apollo uenit.
 Solus abest Veneris Puer, hic nam tecta frequētat
 Aurea, & hic luxum molliciemq; cupit.
 Sæue puer quæ digna tibi conuitia dicam?
 Quo te deuoueam carmine sæue Puer?
 Tu fædas hominum uitam, Tu nescius Aequi
 Imperio subdis fasq; nefasq; tuo,
 Nil metuens fido fraudem Tu nectis amico,
 Nec consanguineus Te cohibere potest.
 Te duce concubitus uetitos petiere nouerca,
 Cunj; suo mista est impia nata patre.
 Germanum Canace miseris incensa fauillis
 Deperijt, Quod non Tu scelus esse potes?
 Laomedonteam potuisti euertere Gentem,
 Cædibus & phrygium commaculare solum.
 Mutasti Annibalis Fortunam, sæpe Quiritum
 Vastator flammæ qui fuit ante tuas.
 Romanum Regina Ducem Memphitica uinculis
 Vinxit, quæ poterat soluere nulla dies.
 Et Catilina suo miser ut frueretur amore
 De medio natum sustulit ipse suum.
 Cede hinc sæue Puer, non hic tibi sacra parantur,
 Palladi casta placent Pierioq; choro.
 Vre alios, habitant molles qui molliter Urbem,
 Et quos Deliciæ, fercula, uina iuuant.
 Arentem nos rure sitim labentibus vndis

Et Cereris dono pellimus esuriem,
 Quid facis Ocne? moras cur interponis? auenā
 Rure tibi seruo, si sapis Ocne ueni.

AD HORTVLVM.

Si mihi fata dabūt prostertere mēbra sub ūbris,
 Hortule care tuis, cum coquit arua calor.
 Tūc ego quidquid arāt Pharij Libyciq; coloni
 Contemnam, rubri Chrysolibosq; maris.
 Et dicam, cupidus currat mercator ad Indos
 Iure suo magnas & sibi uectet opes.
 Fluminibus uitam rapidis committat et Vndis
 Per scopulos curuis puppibus ire paret,
 Et modo frigoribus tremat artus Hic modo Solis
 Impatiens gelidis se quoque mergat aquis.
 Contentus modico sternam me in cespite uiuo,
 Graminibus molles conficiamq; toros.
 Fessa ubi securo requiescent membra sopore
 Et spinas animo non Erycina feret.
 Inde procul curæ sæuum genus, Inde Cupido
 Dira procul, facibus Tisiphoneq; furens.
 Non leuis Ambitio coget, lucrique Cupido,
 Despiciam ludos Nortia Diua tuos.
 Diua feris æquanda, Vndis æquanda marinis
 Sæuitia, atque Euris non leuitate minor.
 A puero cur me sic insectaris, ut una
 Luce mihi nunquam sit data certa quies.

D Inconstas

10. CAESARII

Inconstans alijs, vni mihi perfida constas,
 Inuida vis mecum non memor esse tui.
 Improba turba tibi grata est, hanc excipis, auges
 Hanc opibus, celfo constituisq; iugo.
 Hanc temere sceptro donas folioq; superbo,
 Hanc Tyrijs cultam vestibis ire facis.
 At recti studiosa cohors cultrixq; Deorum
 Fraude tua obscuris heu iacet usque locis.
 Et virtus laniata comas, & mersa tenebris
 Ad superos tristi funditat ore preces.
 Vis tua quam potis est, tam me furiosa laceffis,
 Prostratumq; graui me pede sæua premis.
 Scilicet hæc laus est, hæc ingens gloria victos
 Vincere, nudatos & spoliare bonis?
 Si sapia in rigidos vires effunde Tyrannos,
 Ex alto qui Te vertice despiciunt.
 Deturba e folio indignans, & rupibus altis
 Hos age præcipites, hos fera linque feris.
 Exquilijs sic templa tuis statuentur in altis,
 Atq; Deæ Brutæ non tibi nomen erit.
 Me sine in exiguo vitam traducere, Agello,
 Me sine pauperiem posse fouere meam.
 Non aurum posco, non atria magna potentum,
 Non cupio luxu delicijsq; frui,
 Hæc petat Eurytion, qui mollia querit, et antrū
 Corycium spernit Castaliumq; nemus.
 Sub lauro umbrifera, Phæbus cum spicula torquet,
 Si potero somnum carpere, diues ero.

Excussus

Excussus somno ramis pendentia poma
 Mitia cum solita sedulitate legam.
 Cum viridi menta folijs lactuca tenellis
 Est mihi regali gratior esca cibo.
 Non rhodius petitur Bacchi non Massicus humor,
 Sed cordi est gelido pellere fonte sitim.
 Hortule si potero pulsus te visere curis,
 Atque tuis artus ponere graminibus.
 Parnaso faciam uisat te Musa relicto,
 Et veniat Phœbus dulcia plectra mouens.
 Tunc mihi sordescet Vestis fucata veneno
 Assyrio, & magnæ despicientur opes.

A D P O N T I C V M.

C *ornua cur tollis? cur sic tua corda tumescunt?*
 Cur uis o demens immemor esse tui?
 Collige te, fragilem vitam casusq; latentes
 Tecum agita, & qui sis Pontice nosse potes.
 Compactum tibi corpus humo est nudaq; figura,
 Torquet inorborum quod numerosa cohors,
 Nunc te feruenti comburit sanguine Febris,
 Frigore nunc tremulum tussis anhela quatit.
 Distinet & crebris lateris dolor ictibus ingens,
 Et tua sæpe dolet dextera, sæpe pedes.
 Nil profunt olim medico tibi gramina succo,
 Nil Helenæ flores, nil Panacea iuuat.
 Frustra Pæonio tentatur more salubre

D 2

Inuentum

10. C. A E S A R I I

Inuentum, tribuis quod tibi Phœbe potens;
 Nonne uides quantis versatur uita procellis
 Humana, & quantis fluctibus obruitur?
 Nimbi, homines, gelidæq; niues atque horrida Græ
 Inuadunt, rutilo Iupiter igne necat. (do
 Si se fluminibus committit Vortice in alto
 Hic mersus rapidas uoluitur inter aquas.
 Ille iter ingrediens pedibus festinus ad agros
 Contendit patrios, & loca tuta putat.
 Obuius en latro stricto petit ense cadentem
 Ante pedes, humeros uulnerat atque caput,
 Et nisi quicquid habet sutum sub ueste Viator
 Porrigat, ignota cæsus obibit humo.
 Per campos alius dum se putat ire patentes,
 Nil metuens, cæcam decidit in foueam.
 Aut plantam latitans serpens mordebit acuto
 Dente, & lethiferum uirus ab ore uomet:
 Hic ruit e tecto præceps, uel obambulat Urbem
 Cum Iuuenis, fractus crura repente cadit.
 Quot perimit se tosus Arper, quot deuorat alto
 In nemore esuriens & lupus, atque Canis?
 Nunc uesana Fames nunc te Sitis aspera torquet,
 Nunc æstus, nimium nunc tibi frigus obest:
 Quoquo Te uertis discrimina mille minantur,
 Vt sit sollicito non tibi tuta domus.
 Sæpe Parens natum perimit Natusq; parentem,
 Frater & in fratrem mittere tela solet.
 Si uarios hominum casus, uariosq; labores
 Enumerem,

Enumerem, numerus non satis ullus erit.
 Nam potius libyci flauas metirer arenas
 Littoris, aut frondes mons Erymanthe tuas.
 Quid referam ludos Fortunæ? quæ modo tollit
 Nunc homines Vndas deprimit ad Stygias.
 Hæc insana bonos uibrato traiecit ense,
 Hæc fontes celso Vertice constituit,
 Muneribusq; auget, titulisq; insignit honestis,
 Gentibus innumeris & dare iura facit.
 Nec quos Fortunæ iuuat indulgentia Cæcæ,
 Aeria tuti uiuere in arce queunt.
 Hos Auster pluuius magna ui trudit ab alto,
 Dissipat aggestas & furiosus opes.
 Quid nisi bulla sumus? infans modo natus obiuit,
 Ille duas nequijt uiuere Olympiadas,
 Pontice cur tumidus per compita cuncta uagaris?
 Inflat is buccis cur tibi uane places?
 Nil tibi pro certo poteris spondere, nec horam
 Tutus es, exagitat Ventus, & Vnda maris.
 Et scopulos inter fragili uersaris acutos
 Puppi, per liquidas nescius ire uias.
 Vna salus tibi certa. oculos attolle. nitentem
 Prudens cerne Polum, Sidereasq; domos
 Et tacita cæli Rectorem mente uoluta,
 Pocula qui nobis nectare plena parat.
 Sic non captabis uacua caua nubila dextra
 Sic non sublati cornibus Astra petes.

O. CAESARII
AD FONTEM.

CUM Sol exurit campos, & lampade pontum
Excoquit ardenti, saxaq; findit agris;
Quod mihi delictum, mihi quæ solatia fessis?
Ni liceat riuus membra lauare tuis.
Limpide Fons lympa qui curris prata loquaci,
Attica qui grato mella sapore refers.
Quæ numerosa tuo sunt præponenda susurro
Carmina? quis cantus dulcior esse potest?
Perspicuis undis mihi nutris gramina, laurum
Et myrteta tuis consita marginibus,
Per te coniunctis mihi sunt umbracula ramis
Sole sub ardenti frondea texta uirent.
Tu facis æstiferi canis ut latrantia temnam
Ora, nec horrescam flammea tela die.
Cum sitio, uitreosq; tuos haurire liquores
Possum, tunc ualeant massica uina procul.
Vina nocent animis, & priuant uiribus artus,
Dissidium, rixas, bella cruenta mouent,
Debilitant neruos, plantas & crura, rubore
Aspergunt oculos, debilitantq; aciem.
Osi non unquam liquor hic tam noxius esset
Expressus, pereant Dolia, præla, lacus.
Centaurea potest homines fera pugna monere,
Munera quæ Bacchus perniciofa dedit,
Clarus Alexander medum qui uicit Hydaspem.
Et potuit fortes tot superare Duces,

Clariss

Clarius haud dubie nomenq; Decusq; parasset,
 Ni uini nimius sollicitasset amor.
Iactet uina suo uenusinus carmine vates,
 Vinosum dicat Mæoniumq; senem.
Ture suo uitem sacram uocet ille, ferendam
 Ebrius hanc aliis præferat arboribus.
Ille Parens rerum nobis fœcunda liquores
 Dat proprios, fontes, flumina, stagna, lacus.
Ille sitim arentem docuit restinguere lymphis,
 Muneribus docuit prata rigare suis.
Mortales miseri uoluerunt ferre labores,
 Inuentisq; suis tot peperere mala:
Non satis his fuerat tellurem scindere ferro,
 Et fructus cultis carpere ab arboribus?
Non satis his fuerat fontes deducere ab altis
 Montibus extructis marmore fornicibus?
O fortunati Veteres, quibus Vna placebat
 Pensilis, & musto non erat ullus honos,
Non cyathus mensa non crater, Vrcus olim
 Vnus erat longo gutture plenus aquis.
Deliciæ molles quantum nocuere? facessat
 Quisquis amat Chio pocula plena mero.
Solus eris cordi mihi Fons o purior omni
 Electro, solus tu mihi mella dabis,
Et lac quod nunquam desit, uel Terra dehiscat
 Sole, uel hanc glacie sæua perurat hiems.
Limpide Fons pingui mihi cras donaberis ædo,
 Non sine Narcisso purpureisq; rosis.

10. CAESARII

*Illa gregis soboles lasciuu sanguine riuos
 Purpureo inficiet Fons mihi care tuos.
 Et te Pierijs numeris super æthera tollam,
 Ac saxum, strepitans defluis unde, cauum.
 Et faciam, ut cælo splendescat fontis imago,
 Nec magnus tantum fulgeat Eridanus.*

AD FAUSTINVM.

DVm licuit Faustine tibi producere Vitam
 Et neuit facili stamina Parca manu.
 Itala te coluit Gens & dilexit Ibera
 Antetulitq; suis Gallia luminibus.
 Tantus in ore lepos ut cedat fama Cethegi
 Flexanimæq; Deæ mella minora putem.
 Quicquid Aristoteles & cetera turba Sophorum
 Scripsit, erat multo notius ungue tibi,
 Quid de diuinis? poteras tu solus in Hostes
 Ire, & pro uera religione loqui.
 Iudicioq; tuo statuebant fidere Gentes
 Quæ flumen Rheni Danubijsq; bibunt,
 Hinc PIVS ille Pater summus, qui claudere cælum
 Clauibus æthereis & reserare potest,
 Per te Ventorum rabiem temnebat, & Vndis
 Turbatis tanto Remige tutus erat.
 Si quando Aonidum cupiebas culta uireta
 Visere, castalio mergere & ora lacu,
 Cantabas numeros quales per prata Caystri
 Cantat

Cantat olor, quales pulcher Apollo canit.
 Si te tangebatur Sermonis cura soluti
 Scribebas lepto non Cicerone minor.
 Quoquo fletebas animum, tibi Copia rerum
 Copia Verborum diues & ampla fuit.
 Dotibus e caelo ut uidit Te Iupiter auctum
 Fortunæ innumeris, corporis atque animi,
 Sic secum. ut uero possit cognomine dici
 Felix, hunc certum est iungere caelitibus.
 Tutus es in magni Regno Faustine Tonantis
 Cum Superis dulci pascaris Ambrosia,
 Non metuis casus dubiæ ludibria Sortis,
 Non metuis morbos lethiferamq; luem,
 Contemnis pluuias, atque Austri murmur aquosum
 Et libyco æstus Threiciamque niuem.
 Et curas hominum rides, qui nubila captant
 Et qui sollicita mente caduca petunt,
 Cælicolasq; inter superi Iouis ora tueris,
 Et frueris requie perpetuoque die.
 At nos, fata tuo spoliant quos dira fauore,
 Cum gemitu uitam ducimus & lacrymis.

AD PONTICVM.

Horrida Tempestas abiit Cælumq; nitescit
 Et Zephyri nubes dissipat aura cauas,
 Frondescunt Syluæ, liquefactis Terra pruinis
 Florescit, tepido Vere remittit hyems,

Per

10. CAESARI

Per nemus umbriferū fundit Philomela querelas
 Pan Calamos inflat, gestit & omne pecus,
 Fundit opes Natura suas, gremioq; soluto
 In medium profert quidquid habebat humus.
 Omnia iam rident, ponti pellacia Nautas
 Ad cursum inuitat, iam posuere Noti,
 Sed tua sollicitis tabescunt pectora curis
 Et fugienda libens pondera ferre soles,
 Indormis inhians nummis rebusq; paratis,
 Inq; dies tecto condere plura cupis.
 Siq; Arnum posses totum exhaurire fluentem
 Restinguenda tibi non sitis illa foret.
 Quid furis o demens? quæ te diuexat Erinny?
 Præceps consilio quo firibunde ruis?
 Quidquid habes auri tandem populabitur ætas
 Postera, sunt mortis qualiacunq; uides,
 Vulgus iners petit hæc, quæ perflant Vndiq; uenti
 Et manibus puncto temporis eripiunt.
 Vulgus iners nescit quo nos uocet aurea Virtus,
 Figit humo tantum lumina Vulgus iners.
 Tu quem Pierides docuerunt ire per altum
 Parnasum, & uanas temnere sortis opes,
 Linque caduca alijs, quære immortalia mente
 Erecta, & curas pectore pelle graues.
 Cuncta terit minuitq; dies, labuntur ut amnes
 Omnia, quæ superum contegit alta domus.
 Non opus est cæcis pectus comburere flammis,
 Et miseris mentem sollicitare modis.

Cecuba

Cecuba prome tuis cellis, nec gaudia differ,
Hunc hilarem mecum Pontice sume diem.
Vita fugit, tacitis properat Mors subdola plantis,
Quæ subita miseros nos rapit atra manu.
Alcides domuit claua qui monstra trinodi
Defessus uiridi sæpe quieuit humo,
Et post exhaustos ponto terraq; labores
Ad teneros suevit Coniugis ire sinus.
Atq; epulas inter uarias & pocula Bacchi
Nunc Iolen cecinit, nunc saturatus Hylan.
Transcendit Taurum Bacchus Semelia proles
Qui uires uicit decolor Inde Tuas.
Mox rediens uictor compsit sua tempora sertis
Nexilibus, patrios & remeauit agros.
Letus ubi choreas agitans, & pocula siccans
Ciuiibus ostentat parta Trophæa suis.
Iupiter ut Pindum disiecit fulmine & Osam.
Et strauit crebris ignibus Anguipedes.
Cum Iunone sua nitidis lætatur in astris
Atq; immortalis uestitur Ambrosia.
Tu tamen, aspiret flatu fortuna secundo
Quamuis, & nimias cæca ministret opes.
Nocte dieq; nouo demens consumeris igne
Addis & immensis pondera ponderibus.
Fidis præbe aurem dictis, animumq; relaxa
Nescis an tibi sit crastina certa dies.

10. CAESARI
IN MOMVM.

CVR in me tetrum uomis effera Bellua Virus
Qua minus immūdis putet Auernus aquis?
Quando Ego vipereo indignans te dēte momordi
Vt me taurinis Cornibus vna petas?
Quē celebrat Crathis, mirantur Tybridis undæ,
Insontemq; uocant Tempia, Theatra, Domus.
Bellua, quo diris cædam tua terga flagellis,
Sole oriente furens Sole cadente sequar,
Atq; faces uere iaciam uelut altera Erinnys,
Vt merito ultrices experiare manus.

AD MARIAM
Virginem.

NVNC libet Aonidum sitienti gutture Fontē
Haurire, atque antrum uisere Corycium.
Nunc Famæ cupio linguas, uocemq; sonoram
Quam Nilus, Ganges, audiat ac Tanais.
Non ut priscorum referam spolia ampla Quiritum
Non ut Græcorum bella cruenta Ducum.
Sed potius tua facta canam purissima Virgo
Vera Dei facta es quæ sine labe Parens.
At quia deficiunt Vires, nec carmine possum
Pierio laudes commemorare tuas;
Testetur debere tibi me parua Tabella
Et Vitam, & Vitæ commoda cuncta meæ.
Epit.

POEMAT A.
EPIT. LAVRETANI.

31

VT lauretanum nobis Mors abstulit atra,
Qui sua Castalio merserat ora lacu.
Et quem sic nitido Virtus uelavit amictu
Ut foret æthereo Sidere lucidior.
Tot maris Adriaci lacrymarum flumina Nymphæ
Fundunt & tristi pectore tot gemitus,
Ut freta turbatis Undis feruentia surgant
Et referant querulos concava Saxa sonos.
Hæc dum Neptunus muscoso spectat ab antro
Plorat, de supero conqueriturq; Ioue.

DE OBITU HERCVLIS
Gonsagæ Cardinalis.

Mincius exultans uario per littora flexu
Ludebat sertis comptus arundineis.
Nam Gonsaga suus præfulgens murice sacro
Altanti ac Tauro nomine notus erat.
Qui genere insigni & Sophiæ decoratus honore
Pro sacris ualida mente ferebat onus.
Non Athesis potuit tantæ præconia famæ
Præferriq; sibi parua fluentia pati.
Lethiferas auras rapido de flumine misit,
Quis auras subito polluit æthereas.
Et Gonsaga Pater Charitum ac Virtutis Alumnus
Correptus morbo (pro dolor) interiit.

Hinc

IO. CÆSARII

Hinc dolet Eridanus, Tiberis turbatur et unda,
Mæroris fontes dant quoque signa sui.

DE OBITU HIPPOLYTES
Gonsagæ.

Ascendit queribunda polum Tritonia Pallas
Nam se maiorem Viderat Hippolyten.
Et petijt Patris regnum Cytherea Tonantis
Namq; erat in terris pulchrior Hippolytæ.
Quæ simul est inter cælestia signa locata
Nunc magis atque magis torquet utrâq; Deâ.

Interrogat Poeta Mortem quare Hippoly-
ten Gonsagam rapuerit, & illa
respondet.

Mors tibi cur libuit scelus hoc patrare nefandû
Hippolytæ iniçeres vt violenta manus?
Non potui melius vires effundere, parua
Sisolum raperem, laus mihi nulla foret.
O Vtinam possem cælestia numina, quæ me
Despiciunt, regno supposuisse meo.
Non erat Hippolytæ numen? quæ vera negare
Possum? pars capta est sola caduca mihi,
Pars tamē illa Deæ formâ referebat; et aucta est
Fama mihi, licuit cui rapuisse Deam.

DE

DE CAESARE CAROLO. V.

VT, cum nigranti rerum spectacula velo
Et quicqd pulchri est Nox tenebrosa tegit,
Turbatur Natura videns sua munera luce
Privari, & solis lumina clara cupit.
Sic, vbi sublatu fatis est Caesar iniquis
Carolus, Hostiles quem tremuere manus,
Quo regnante loqui non ausa est turba licenter
Impia, nec fines transiluisse suos,
Expetit illius victoria mæsta triumphos
Relligioq; comas dilacerata gemit.
Vtraque Caesar ades clamat, de vertice Olympi
Descende, & valida tot mala pelle manu.

DE EODEM.

NON sibi Praxitelē petijt nec Caesar Apellē
Cum statuis tabulas nā vorat ipsa dies,
Fort a facta, quibus tot monstra immania vici,
Exemplar, dixit, posteritatis erunt.

DE EODEM.

ARmis dum vixit Caesar perterruit Hostes,
Post obitum solo nomine terror erit.

De

IO. CAESARI
DE PATRIAE DESIDERIO.

Persarum Fortuna licet mihi congerat aurum
Et niteat digitis indica Gemma meis,
Atque mihi sulcent domiti lata arua iuuenti
Et sint setigeri, lanigeriq; greges.
Nunquam mordaces discedent pectore Curae.
Numquam me laetum Sol Pater aspiciet.
At si quis Genius patrio me reddet Agello,
Perspicuus uitreas fons ubi fundit aquas,
Atque ubi pampineae texunt umbracula uites,
Et uiridem frondens Laurus opicat humum.
Tunc ego qui uarios Terrae uariosq; profundi
Lustraui tractus, talia uerba canam.
Este procul curae saeuum genus, este labores,
Iam mihi certa domus, iam mihi certa Quies.

DE PVERO DORMIENTE

Lusus poeticus.

Sopierat puerum frondente sub Ilice somnus,
Candida cui facies sparsa rubore nitet.
Credebam Veneris natum, post spicula iacta
Fessum gramineo procubuisse toro.
Ast ubi reclusit, frondes motantibus Euris,
Lumina sidereis æmula luminibus
Non amor hic sed Lydus erat, mox reddita uox est,
Hunc enim credit saepe Erycina suum.

AD

AD SIRLETVM. CARD.

Ampliss.

Tunc labi poteris meo diserte
 Sirlete ex animo, cadet nitenti
 Cum cælo rutilans Pater diurnæ
 Lucis, & Tiberis redibit, unde
 Flauus defluit; immemor celebris
 Esse unquam potero benignitatis
 Et sinceri animi, fidelis atque
 Erecti ad supera & pios Sacrorum
 Ritus? Quid referam tuos lepores
 Dicendi, Quibus atticam Mineruam
 Romanamq; refers, quibus recenses
 Gentis historias Deum canentis?
 Virtus aurea non peribit unquam,
 Illa sed potius uigebit inter
 Mortales radio micans perenni,
 Et te siderea locabit arce.

AD ALDVM MANVTIVM

Pauli. F.

Lumine non opus est alieno pellere noctem,
 Palladium sollers dum cupis ire uiam,
 Alde Domi splendet Patris tibi fulgida lampas,
 Extremis lumen quæ dat Hyperboreis,
 Hæc rectum monstrabit iter, tenebrasq; resoluet,

E Hæc

IO. CAESARII

*Hæc te sublimi uertice constituet .
Adde quod ingenio polles , studioq; flagrant
Ardua virtutis per loca curris iter .
Nec te blandicijs capit immoderata Voluptas ,
Vna potest iuuenes quæ dare præcípites .*

PETRONII CAESARII FRATRIS
Epigramma de Rosa Puella .

Vincit Ebur niueum , niueum candore ligustrū
Lac niueum , & niueā Lactea Rosa rosam ,
Vincit puniceum , quem fert Aurora , ruborem
Vincit purpuream murice Rosa rosam ,
Serpillum , violam , panaceam vincit odore ,
Vincit Thura , Crocū , Cinnama , Rosa rosam .
At uaria virtute , Pium qua Pectus abundat ,
Vincit Castoreum , balsama , Rosa rosam .
Nec Mortale sonat , sed cum rosea ora loquuntur ,
Tunc ridet tellus , tunc cadit ira maris .

DE MOMIS AD CAPILVPVM
*Episcopum fanensem & Poetam
lepidissimum .*

In me bella licet moueant crudelia Momī
Quos agit Eumenidum Nycteliq; furor ,
Quidquid agent , celeres rapiunt per inania Venti ,
Frangere nam fragili marmora dente uolent
Tutus

Tutus ego ante focum depellam frigora brumæ,
 Atque dabo molli membra fouenda thoro :
Nec metus ullus erit . pro me Capilupus in hostes
 Iactabit ualida fortia tela manu ,
Tela quibus cedunt Chalybum fabricata caminis ,
 Nec maiora ferunt arma fuisse Iouis .
O Capilupe mei capitis Tutela decusq;
 Te mihi cælesti misit ab arce Deus ,
Te , qui tot mētis referes spolia ampla manipulis ,
 Par est ætherijs iungere numinibus ,
Ipse tibi statuam templum prope Palladis ædem ,
 Et memor officij Thurea dona seram .

A D A N T O N I V M .

Carina quæ conditis Phæbi cōdentur in æde,
 Et poterit numquā longa abolere dies,
Antoni virides Parnassi perge recessus
 Lustrare , ac sacro mergere fonte caput .
 Sic tua Fama uagans percurreret Gargara, Taurū,
 Et septemgemini Fluminis arua petet .

I N M. A N T O N I V M

Ciceronis Inimicum.

Antoni Silicem rigido sub Corde ferebas
 Ac magis hyrcana Tigride sæuus eras ,
 Et tibi non mulier dedit vbera , cincta Colubris
 E 2 Lactauis

10. CAESARII

Lactauit gremio saeva Megæra suo.
Milite corrupto potuisti tollere ciuem
Qui patriæ fuerat Vita salusq; tuæ?
Nil tamen egisti. qua Sol se tollit ab Vndis
Et qua se condit, Vox Ciceronis erit.

De quodam qui canoram vocem
exprobrabat.

Q Vis merito poterit vitio mihi vertere Mo-
Orati quod uox tã mihi magna sonet? (mus
Nonne fuisse ferunt clamosum Rhetora Graij
Rhetora, qui ciues rexerat ore suos?
Terruit Alcides monstrosum vocibus Aprum
Vocibus & Paridem terruit Aeacides,
Tu, cui languescunt effæta in corpore uires
Exilem tenui fundis ab ore sonum.
Hinc te non hominem sed fas est dicere murem,
Si non vis murem, Tu leuis umbra mihi es.

IN M. ANTONIVM

Ciceronis Inimicum.

Q Vi necat Antoni furiata mente Parentem
Culeus hunc merito plectit & vnda maris.
Quam ferus ille dabit pœnam, pia iura perosus
Est ausus Patriæ qui iugulare Patrem?
In tua, dum viues, tædis ardentibus ora
Tisiphone ueniens ex Acheronte ruet.
Post obitum te flamma uorax fornacibus uret
Aetnæ, dum pascet sidera clara Polus,

At

At prope Mercurium Ciceronis stella nitescet,
 Augebitq; choros lumine sidereos,
 Cuius, dum tusco se condet in æquore Tybris,
 Certatim nomen martia Roma canet.

AD IANVM PELVSIVM.

Non adeo mergor securo flumine lethes
 Ut sit lapsa meis Patria visceribus,
 Herculeas sed qui suscepi mente labores,
 Ut possim uili me quoq; tollere humo,
 Ad Cratbin redeam sic nudus? Sorbeat ima
 Me potius tellus, & Pblegethontis aqua.
 Ibo audax contra Fortunæ tela minacis,
 Terrebitq; animum nulla procella meum,
 Coniurent in me quamuis Boreasq; Notusq;,
 Torqueat & magni fulmina Dextra iouis.
 Interea solare tuis me Iane Camænis,
 Quæ lepidò uincunt Carmine Pieridas.

AD IANVM PELVSIVM.

Vt tua Musa meos penetravit Iane penates
 Quæplacido dixit vultu mihi blāda salutē,
 Atque tuum dulci detexit Carmine pectus,
 Fraus ubi nulla latet, Sed permanet aurea Virtus,
 Sic Ego delector, sic Mens mea fessa labore
 Surgit, & exultans Curarum oblita quiescit,
 Ut tua, posthabitis Graijs Latijsq; Camænis,

10. CAESARII

Musa meos releuet sensus, & suscitetur artus.
 Hinc, ut nonnullis aboleat Gratia Sacris
 Officij meritiq; tui, Te lane tabellis
 Te pingam, sed non viridi niueoq; colore,
 Qui tandem pereat, quem longa oblitteret Aetas,
 Pingam Te Minio, Delphis mihi quod dedit olim
 Aedituus Phœbi, pluuias quod spernit et Euros
 Ac rapidas temnit populates omnia flammæ.
 Illam spectabit picturam Tybridis undas
 Quibibit, Hesperijq; Tagi qui colligit aurum,
 Quique colit ripas sinuosi fluminis Istri.

DE SOPHIANI MORTE.

Florebat Sophia & flauis ornata capillis
 Ausonios felix Diua colebat agros,
 Nunc lacerata comam & nigro velamine amicta
 Aut latet, aut gelidos visit Hyperboreos.
 Quid causæ est? auidus Sophianum sustulit Orcus,
 Qui Sophiæ ardenti lampade clarius erat.

LIBRARIJ ERRORES

In prima Oratione.

Folio. 5. pag. 1. versu 1. præcipitat resurgendi.
præcipitat vt resurgendi.

Fol. 6. pag. 2. per sale. pro sale

Cita perituros. Cito perituras.

In Galatea.

Verecundæ. pudibundæ.

005553934



